

মাসুদ রানা

দুঃসাহসিক

মৃত্যুর সাথে পাঞ্জা

কাজী আনোয়ার হোসেন



মাসুদ রানা

ভলিউম-২

কাজী আনোয়ার হোসেন

বাংলাদেশ কাউন্টার ইন্টেলিজেন্সের

এক দুর্দান্ত দুঃসাহসী স্পাই

গোপন মিশন নিয়ে ঘুরে বেড়ায় দেশ-দেশান্তরে।

বিচিত্র তার জীবন। অদ্ভুত রহস্যময় তার গতিবিধি।

কোমলে-কঠোরে মেশানো নিষ্ঠুর-সুন্দর এক অন্তর।

একা।

টানে সবাইকে, কিন্তু বাঁধনে জড়ায় না।

কোথাও অন্যায় অবিচার অত্যাচার দেখলে

রুখে দাঁড়ায়।

পদে পদে তার বিপদ শিহরণ ভয়

আর মৃত্যুর হাতছানি।

আসুন, এই দুর্ধর্ষ চির-নবীন যুবকটির সঙ্গে পরিচিত হই।

সীমিত গণ্ডিবদ্ধ জীবনের একঘেয়েমি থেকে

একটানে তুলে নিয়ে যাবে ও আমাদের

স্বপ্নের এক আশ্চর্য মায়াবী জগতে।

আপনি আমন্ত্রিত। ধন্যবাদ।



সেবা বই

প্রিয় বই

অবসরের সঙ্গী

সেবা প্রকাশনী

২৪/৪ কাজী মোতাহার হোসেন সড়ক, সেগুনবাগিচা, ঢাকা-১০০০

সেবা শো-রুম: ৩৬/১০ বাংলাবাজার, ঢাকা-১১০০

প্রজাপতি শো-রুম: ৩৮/২ক বাংলাবাজার, ঢাকা-১১০০

মাসুদ রানা ভলিউম-২
দুঃসাহসিক
মৃত্যুর সাথে পাঞ্জা
দুর্গম দুর্গ
কাজী আনোয়ার হোসেন



সেবা প্রকাশনী
২৪/৪ কাজী মোতাহার হোসেন সড়ক
সেগুনবাগিচা, ঢাকা-১০০০.
ISBN 984-16-7004-6

দুঃসাহসিক

প্রথম প্রকাশ: ১৯৬৭

এক

সুপারসোনিক জেট পনেরো মিনিটের জন্যে নামল ক্যান্টনে। রি-ফুয়েলিং দরকার। রানার রিস্টওয়াচে তখন বাজে বাংলাদেশ সময় দুপুর আড়াইটা। সাংহাই পৌছতে পৌছতে বেজে যাবে সোয়া চারটে। ওখানকার সময় অবশ্য সোয়া ছয়। সাংহাই নগরীতে সন্ধ্যা নামবে তখন। রানা ভাবল, একটা সোনালী বিকেল বাদ পড়ল ওর জীবন থেকে, দু'ঘণ্টা আয়ু কমে গেল ওর—আবার পূরণ হবে কিনা সে জানে।

আজই সকালে বেইজিং থেকে কন্ট্যাক্ট করা হয়েছে পি.সি.আই. চীফকে। ছবি এসেছে রেডিও মারফত। ছবি দেখে চমকে উঠেছেন রাহাত খান। রোববার ছুটির দিনেও অফিসে ডেকে পাঠিয়েছেন মাসুদ রানা'কে সিনক্রাফোনের সাহায্যে। ক্যান্টন থেকে সুপারসোনিক জেট অবশ্য এসে পৌঁছবে আরও পরে—বেলা সাড়ে এগারোটায়।

ছবি দেখে রানাও কম অবাক হয়নি। খুঁটিয়ে খুঁটিয়ে দেখল সে ছবিটা। ঘন কালো চুল, ক্রিন শেভ করা বাঙালী চেহারা। দেখতে ভালই। চোখ দুটো ভাসা ভাসা। চাহনিতে একটা নিষ্পাপ সার্বভৌম কেবল এইখানেই একটু তফাৎ, তাছাড়া অবিকল রানারই প্রতিচ্ছবি।

ছবি থেকে চোখ তুলেই রানা দেখল পুরু কাঁচ ঢাকা সেক্রেটারিয়েট টেবিলের ওপাশ থেকে ছুরির ফলার মত সাদা একজোড়া চোখ নীরবে লক্ষ করছে ওর মুখ। মুখ খুললেন পাকিস্তান কাউন্টার ইন্টেলিজেন্সের সুযোগ্য কর্ণধার মেজর জেনারেল রাহাত খান।

‘ছবিটা এসেছে বেইজিং থেকে। সেই সাথে এসেছে চাইনিজ সিক্রেট সার্ভিসের হেড অ্যাডমিরাল হো ইন-এর কাছ থেকে সাহায্যের অনুরোধ। মোটামুটি এই রকম দেখতে আমাদের ইন্টেলিজেন্সের একজন দুঃসাহসী বাঙালী লোক চাই ওদের গুরুত্বপূর্ণ ও বিপজ্জনক কোনও কাজের জন্যে। ছবিটা তোমার চেহারার সাথে অনেকটা মিলে যাচ্ছে।’

‘তাই তো দেখছি, স্যার,’ বলল রানা। একটু থেমে জিজ্ঞেস করল, ‘তাকাজটা কি? কি ধরনের সাহায্য চাইছে, স্যার?’

‘সে-কথা জানায়নি। কিন্তু ওদের ব্যস্ততা দেখে মনে হচ্ছে, অত্যন্ত গুরুত্বপূর্ণ কোনও ব্যাপার হবে। আশ্চর্য্য আবেগেই ক্যান্টন থেকে ঢাকার উদ্দেশে রওনা হয়ে গেছে ওদের একখানা সুপারসোনিক জেট। আমাদের উত্তর পৌছতে যেটুকু দেরি

হবে সেটুকু সময়ও ওরা নষ্ট করতে চায় না। যদি এই চেহারার লোক পাওয়া না যায় তাহলে ফিরে যাবে জেট — কিন্তু যদি পাওয়া যায়, তাহলে যে সময়টুকু বাঁচল, বোঝা যাচ্ছে, সেটুকুর দাম ওদের কাছে অনেক। শুধু শুধু এত তাড়াহড়ো করবার লোক নন অ্যাডমিরাল হো ইন্। খুবই গুরুত্বপূর্ণ কোনও ব্যাপার আছে এর পেছনে।’

রানার মাথার ওপর দিয়ে পেছন দিকে দেয়াল ঘড়িটার ওপর একবার চোখ বুলিয়ে নিয়ে আবার আরম্ভ করলেন রাহাত খান।

‘চীন আমাদের বন্ধু রাষ্ট্র। অসময়ের বন্ধু। শুধু মুখেই নয়, কাজেও। বছবার আমাদের বিপদে পাশে এসে দাঁড়িয়েছে ওদের সিক্রেট সার্ভিস—বাড়িয়ে দিয়েছে সাহায্যের হাত। আমরাও যথাসাধ্য সাহায্য করেছি ওদের। কয়েকবার উদ্ধার করে দিয়েছি ওদের এজেন্টদের শত্রু রাষ্ট্রে ধরা পড়বার মুখে। কিন্তু এই প্রথম ওরা সরাসরি সাহায্য চাইল আমাদের কাছে। নিশ্চয়ই মন্ত ঠেকা ঠেকেছে কোথাও। এই অবস্থায় লোক থাকতেও যদি আমরা ফিরিয়ে দিই ওদের, তাহলে আমাদের মুখ থাকে না। আর যদি এগিয়ে গিয়ে সাহায্য করি তাহলে দুই দেশের বন্ধুত্ব আরও দৃঢ় হয়। আমাদের দ্বারা চীন যদি উপকৃত হয় তাহলে আমরাও অসঙ্কোচে একটা জিনিস চাইতে পারব ওদের কাছে। ওরা দেবেও।’

‘কি জিনিস?’

‘ওদের তৈরি হাইলি ডেভেলপড ক্রিপটোগ্রাফির মেশিন। চীনারা এ ব্যাপারে গ্র্যাণ্ডমাস্টার হয়ে গেছে। আইবিএম-এর চাই-ই-ই হাজার গুণে ভাল এই মেশিন তৈরি করে বছরখানেক ধরে পৃথিবীর সমস্ত ওয়্যারলেস ট্রাফিক ক্র্যাক করে ডিকোড করেছে ওরা। সমস্ত চ্যানেল—ন্যাভাল, ওয়ার ফোর্স, ডিপ্লোমেটিক, সবকিছুর আঁটি ভেঙে শাস খাচ্ছে ওরা। মাঝে মাঝে ইন্টেলফোটা প্রসাদ আমরা পাই অবশ্য, কিন্তু তাতে চলে না। ওই মেশিনটা আমাদের চাই-ই চাই। কিন্তু সবই এখন নির্ভর করছে তোমার রাজি হওয়া না হওয়ার ওপর। ভাল করে ভেবে-চিন্তে উত্তর দাও। যাবে?’

রাহাত খানের তীক্ষ্ণ দৃষ্টি রানার মুখের ওপর এসে স্থির হলো। কান দুটোতে একটু উত্তাপ অনুভব করল রানা। অস্বস্তি বোধ করল কেমন যেন।

‘আপনি কি বলেন, স্যার?’ পাল্টা প্রশ্ন করল সে।

‘আমি কিছুই বলব না। তুমি জানো, কোনও বন্ধু-ভাবাপন্ন দেশ সাহায্য চাইলে সাহায্য করাটাই ভদ্রতা। তার ওপর ওদের কাছে আমরা অনেক ব্যাপারে ঋণীও আছি। যদিও আগামী একমাসের মধ্যে তোমার জন্যে কোনও অ্যাসাইনমেন্ট নেই, তবু নিছক ভদ্রতা করতে গিয়ে আমি তোমাকে বিপদের মুখে ঠেলে দিতে পারি না। চাইও না। তাছাড়া অন্য একটা দেশকে সাহায্য করতে তুমি বাধ্য নও। তোমার ব্যক্তিগত ইচ্ছের ওপর নির্ভর করে সেটা। ইচ্ছে করলে এড়িয়েও যেতে পারো।’

‘তাতে আমাদের দুই দেশের সম্পর্কে ফাটল ধরবে না?’

‘না। সাহায্যের অনুরোধ ভদ্রভাবে পাশ কাটিয়ে যাওয়ার অনেক কৌশল আছে। তাছাড়া কোনও রকম অবলিগেশনের মধ্যেও আমরা নেই যে সাহায্য

করতেই হবে। এটা সম্পূর্ণ গুড-উইলের ব্যাপার। তবে...’ মাথাটা একটু কাত করে তর্জনী দিয়ে চোখের নিচটা একটু চুলকে নিলেন রাহাত খান। ‘এটাও ঠিক, মেশিনটা পেলে আমাদের বড় উপকার হয়।’

রানা বুঝল মনে মনে রাহাত খান চাইছেন যেন রানা রাজি হয়ে যায়—কিন্তু কি কাজ, কতখানি বিপদ, ইত্যাদি ভাল মত না জেনে অনুরোধ করতে ভরসা পাচ্ছেন না। পাছে কি হতে কি হয়ে যায়—চিরকাল পস্তাতে হতে পারে। কিন্তু টিটাগড়ের অপারেশন গুড-উইলে চাইনিজ সিক্রেট সার্ভিসের কাছে রানা ব্যক্তিগতভাবে ঋণী হয়ে আছে। ওরা ঠিক সময় মত সাহায্য না করলে জয়দ্রথ মৈত্রের হাত থেকে বাঁচবার কোনও উপায়ই ছিল না ওর। তাই মন স্থির করে নিল সে। দেশে যখন কাজ নেই কোনও, বিদেশও ঘুরে আসা যাবে এই সুযোগে।

‘আমি রাজি আছি, স্যার। ওদের জেট পৌঁছবে ক’টায়ে?’

একটা কালো মেঘ যেন সরে গেল রাহাত খানের মুখের ওপর থেকে। উজ্জ্বল হয়ে উঠল চোখ দুটো। ঠোঁটের কোণে মৃদু হাসি।

‘সাড়ে এগারোটা। তুমি তাহলে এক্ষুণি রেডি হয়ে নাও, রানা। আমি পিকিংকে জানিয়ে দিচ্ছি। যাও, কুইক।’

সাংহাই এয়ারপোর্টের প্রোটেক্টেড এরিয়াতে রানা ওদের ওপর দাঁড়িয়ে রয়েছে একখানা কালো ক্যাডিলাক। রানা সিঁড়ি বেয়ে নামতেই সহাস্যে এগিয়ে এল মধ্যবয়সী একজন চীনা ভদ্রলোক। পরনে দামী সার্জের সুট, মাথায় ফেল্ট হ্যাট, কালো অক্সফোর্ড-শু পায়ে। হাত বাড়িয়ে দিয়ে পরিষ্কার ইংরেজিতে বলল, ‘আমি অ্যাডমিরাল হো ইন্। প্রিজন্স টু মিট ইন্সটিটার মাসুদ রানা।’

তাজ্জব বনে গেল রানা। ‘ইন্সটিটার অ্যাডমিরাল হো ইন্! চাইনিজ সিক্রেট সার্ভিসের চীফ! প্রত্যাভিবাদন করতেও ভুলে গেল সে। বলে ফেলল, ‘আপনি না বেইজিং ছিলেন আজ সকায়ে?’

‘হ্যাঁ।’ মৃদু হাসলেন অ্যাডমিরাল। ‘কেবল আপনার প্রতি সম্মান প্রদর্শন করবার জন্যেই আমি বার্তা পাওয়া-মাত্রই এই আটশো মাইল চলে এসেছি। আপনি এসেছেন এক মহান দেশ থেকে। আপনি আমাদের সম্মানিত রাষ্ট্রীয় অতিথি। কিন্তু আজকের ব্যাপারটা অত্যন্ত গোপনীয় বলে আপনাকে উপযুক্ত অভ্যর্থনা জানাতে পারছি না আমরা। সেজন্যে আমি নিজে এসেছি এই অনিচ্ছাকৃত ত্রুটির জন্যে ক্ষমা প্রার্থনা করতে।’

রানার জানা আছে, জাপানী আর চীনারা বিনয়ের অবতার। সত্যি সত্যিই কি কেবল তার সম্মানের জন্যেই এতবড় একজন লোকের পক্ষে আটশো মাইল ছুটে আসা সম্ভব? মনে হয় না, আবার হতেও পারে। পাকিস্তান সম্পর্কে যে উঁচু ধারণা পোষণ করে ওরা, তাতে এই ঘটনা একেবারে অসম্ভব না-ও হতে পারে। যাই হোক, অ্যাডমিরাল যে ওই ছবির ব্যাপারেই এতদূর এসেছেন, তাতে কোনও সন্দেহ নেই। বুঝল রানা, অত্যন্ত গুরুত্বপূর্ণ কোন ঘটনার সাথে জড়িয়েছে সে নিজেকে। মহারথীদের নিয়ে কারবার। সামনে কি অপেক্ষা করছে কে জানে!

‘চলুন, মিস্টার মাসুদ রানা। আপনার জন্যে সাংহাইয়ের সেরা হোটেলের

সুইট রিজার্ভ করা হয়েছে। সেখানেই আপনার জন্যে অপেক্ষা করছেন আমাদের সার্ভিসের সাংহাই-চীফ কর্নেল লু সান। আমাদের হাতে সময় বেশি নেই। গাড়িতেই যতখানি সম্ভব অবস্থাটা আপনাকে বুঝিয়ে বলতে চেষ্টা করব, বাকিটা হোটেলে পৌঁছে জানতে পারবেন।

গোধূলির শেষ রঙ মুছে যাচ্ছে সাংহাইয়ের আকাশ থেকে। একটা দুটো করে জ্বলে উঠছে তারার প্রদীপ। বিস্তীর্ণ অ্যারোড্রোমের সিমেন্ট করা রানওয়েটা আবহা হয়ে আসছে। উজ্জ্বল বাতি জ্বলছে দূরে এয়ারপোর্ট বিল্ডিংটায়। একটা প্যাসেঞ্জার প্লেন নামছে দূরে ছবির মতন।

ক্যাডিলাকের পেছনের সীটে উঠে বসল রানা এবং অ্যাডমিরাল। রানার এয়ার ব্যাগ এবং অ্যাটাচি কেসটা ড্রাইভারের পাশে সীটে রাখা হলো। ছুটে চলল ওরা শহরের দিকে দুটো চেক পোস্টে আধ মিনিট করে দাঁড়িয়ে।

‘আমরা বিজ্ঞানের ক্ষেত্রে অতি অল্প সময়ের মধ্যে বেশ অনেকদূর অগ্রসর হয়ে গেছি, জানেন বোধহয়। পারমাণবিক অস্ত্র তৈরি করেছি, এখন মহাশূন্যে রকেট পাঠাবার ব্যবস্থা করছি। আমাদের এই দ্রুত অগ্রগতি অনেকের কাছে চক্ষুশূলের মত ঠেকে। আমাদের সমূলে ধ্বংস করতে সদা সচেষ্ট হয়ে আছে বহির্বিশ্বের কয়েকটি বৃহৎ শক্তি; তাই এটাকেই আরও জোরে আঁকড়ে ধরেছি আমরা। এছাড়া আমাদের টিকে থাকাই অসম্ভব হয়ে পড়ত। যাক, এই নিউক্লিয়ার গবেষণায় একটা ধাতু অপরিহার্য। জানেন সেটা কি?’

‘ইউরেনিয়াম।’

‘ঠিক। বাইরে থেকে আমরা এই ইউরেনিয়াম জোগাড় করতে পারিনি। কেউ দেয়নি আমাদের ইউরেনিয়াম। তাই বর্তমান খোঁজাখুঁজির পর অক্লান্ত পরিশ্রম করে অ্যানকিং-এ খনি আবিষ্কার করেছি আমরা। কিন্তু আশ্চর্যের ব্যাপার কি জানেন? চার ভাগের তিনভাগ ইউরেনিয়ামই চুরি হয়ে যাচ্ছে অদ্ভুত কোনও কৌশলে। বহু চেষ্টা করেও আমরা এই চুরি বন্ধ করতে পারিনি। বহু রকম ব্যবস্থা গ্রহণ করা হয়েছে, এমন কি দুই-দুইবার পুরো স্টাফ বদলে দেয়া হয়েছে। কিন্তু কাগজে কলমে যে হিসেব দেখা যায়, মাল পাওয়া যায় তার চারভাগের একভাগ। কি উপায়ে যে এই চুরিটা চলছে তা আমাদের ধারণার বাইরে।’

একমিনিট চুপ করে থেকে মনে মনে গুছিয়ে নিলেন অ্যাডমিরাল কথাগুলো। রানা মাত্র ভাবতে শুরু করেছে, চুরি হচ্ছে তো সে কি করবে, এই ব্যাপারেই কি ওকে ডেকে আনা হয়েছে বাংলাদেশ থেকে—এমন সময় আবার আরম্ভ করলেন অ্যাডমিরাল হো ইন।

‘আপনাকে এই চোর ধরবার জন্যে আমরা নিমন্ত্রণ করিনি, মি. মাসুদ রানা। অন্য কাজে এনেছি। আগে ভূমিকাটুকু সেরে নিই। যা বলছিলাম, এই ইউরেনিয়াম। একটা ব্যাপার আমরা কিছুদিন হলো পরিস্কার বুঝতে পেরেছি—ইউরেনিয়াম আসলে পাচার হয়ে যাচ্ছে বাইরে। অ্যানকিং থেকে সাংহাই, সেখান থেকে ক্যান্টন, তারপর বুঝতেই পারছেন—হংকং। অত্যন্ত ক্ষমতামালী কোনও গ্যাং পরিচালনা করছে এই চুরি এবং স্মাগলিং। এবং শুনলে আশ্চর্য হবেন, রাজনৈতিক কারণে এই দলকে অপরিমিত অর্থ দিয়ে সাহায্য করছে এবং দশগুণ বেশি দাম দিয়ে এ

‘ইউরেনিয়াম কিনে নিচ্ছে কোনও এক বা একাধিক ক্ষমতাশালী রাষ্ট্র। নাম না বললেও নিশ্চয়ই বুঝতে অসুবিধে হচ্ছে না আপনার। যারা আমাদের পারমাণবিক শক্তি অর্জনকে সুনজরে দেখছে না, এটাকে ওদের কর্তৃত্ব এবং নিরাপত্তার ওপর স্পষ্ট হুমকি বলে মনে করছে, তারা আমাদের এই অগ্রগতি প্রতিরোধ করতে সর্বস্ব দিতেও প্রস্তুত। কেবল অর্থ নয়—বুদ্ধি দিয়ে, শক্তি দিয়ে, সর্বপ্রকারে তারা সাহায্য করছে ওই গ্যাঙটিকে। আমরা কিছুতেই সুবিধে করে উঠতে পারছি না। আমাদের বৈজ্ঞানিক অগ্রগতি বাধাপ্রাপ্ত হচ্ছে।’

শহরে প্রবেশ করবার কয়েক মিনিট আগে পকেট থেকে একটা চশমা বের করে দিলেন অ্যাডমিরাল রানাকে। চশমার সাথেই একটা নকল নাক এবং নাকের নিচে পুরু একজোড়া গোঁফ লাগানো। সেটা পরে নিয়ে রিয়ার-ভিউ মিররে নিজের চেহারাটা দেখে হেসে ফেলল রানা। ভাবল, গোঁফ রাখলে নেহায়েত মন্দ দেখাত না ওকে। প্রশস্ত পীচঢালা আলোকিত রাজপথ ধরে মসৃণ গতিতে এগিয়ে চলল কালো ক্যাডিলাক।

‘তা, আমি আপনাদের কি সাহায্যে লাগতে পারি?’ হঠাৎ জিজ্ঞেস করে বসল রানা। ওর কাজটাই এখনও শোনা হয়নি।

‘সেই কথাটাই বলতে যাচ্ছিলাম। সাংহাইয়ে এই মুহূর্তে কয়েক আউস ইউরেনিয়াম তৈরি আছে। হংকং যাবে সেগুলো আমাদের সাংহাই-চীফ জানতে পেরেছেন কে এগুলো বয়ে নিয়ে যাচ্ছে একটা লোকটির ওপর নজর রাখবার জন্যেই বা কে যাচ্ছে তার সঙ্গে।’

‘তাদের নিশ্চয়ই অ্যারেস্ট করা হয়েছে?’

‘একজনকে করা হয়েছে। অন্য জনকেও গ্রেপ্তার করা যেত, কিন্তু সেটা করলে আমাদের আসল উদ্দেশ্যটাই নষ্ট হয়ে যাবে। এদের ধরে যে কথা আদায় করা যাবে না তা ভাল করে জানা আছে আমাদের। তাই আমাদের নিজেদের একজন লোককে পাঠাতে চাই সেই অ্যারেস্টেড লোকটার বদলে।’

‘তারপর?’

‘তারপর সেই মাল শ্বাগল করে নিয়ে যাবে আমাদের লোকটি হংকং-এ।’

দুই

‘কাজটা অত্যন্ত বিপজ্জনক সন্দেহ নেই। সবকিছু জানিয়ে আপনাকে আমন্ত্রণ করবার সময় ছিল না। কিন্তু এখনও আপনি ভেবে দেখতে পারেন,’ বলল সাংহাই-চীফ কর্নেল লু সান।

হোটেলে পৌঁছে লু সানের হাতে রানাকে সমর্পণ করে বিদায় নিয়েছেন অ্যাডমিরাল হো ইন। স্নানের পর একটা সোফায় এসে বসেছে রানা। পাশের টিপয়ের ওপর ধূমায়িত কফির কাপ তৈরি। সামনাসামনি আরেকটা সোফায় বসে আছে লু সান রানার দিকে উৎসুক নয়নে চেয়ে।

‘কেন মিছেমিছি এইসব কথা তুলে সময় নষ্ট করছেন, মি. লু সান? আমি যে-কোনও অবস্থার জন্যে প্রস্তুত হয়ে এসেছি। আপনাদের কোনও কাজে লাগতে পারলে আমি নিজেকে ধন্য মনে করব। তাছাড়া আপনাদের ক্যালকাটা-চীফ লিউ ফু-চুং আমার বিশেষ বন্ধু—তার কাছে ঋণীও আছি আমি।’

আঙুলের ফাঁকে ধরা মোটা চুরুটটা এক ইঞ্চি পরিমাণ অবশিষ্ট ছিল—সেটাতে শেষ একটা টান দিয়ে অনিচ্ছাসত্ত্বেও ফেলে দিল লু সান অ্যাশট্রেতে। ছাঁৎ করে নিভে গেল আগুনটা। তারপর পকেট থেকে গোটাকয়েক ফটোগ্রাফ বের করে রাখল সামনের টেবিলের ওপর। ঠেলে দিল রানার দিকে।

বিভিন্ন অ্যাপ্সেলে তোলা আজই সকালে দেখা সেই লোকটির ছবি।

‘এই সেই লোক। বাঙালী হিন্দু। যে ওকে চেনে না, কেবল চেহারার বর্ণনা শুনেছে, তার কাছে ওর বদলে আপনাকে অনায়াসে চালিয়ে দেয়া যাবে। নাম অরুণ দত্ত। দুই পুরুষ থেকে সাংহাইয়ে আছে। ভাল বংশের শিক্ষিত পরিবারের ছেলে। কলেজে উঠেই নষ্ট হয়ে গিয়েছিল এবং নষ্টই রয়ে গেছে। গুণ্ডা বদমাইশের কুসংসর্গে পড়েছিল অল্পবয়সে। সাংস্কৃতিক বিপ্লবও ওর কোনও পরিবর্তন আনতে পারেনি। সৎপথে উপার্জনের শত রাস্তা থাকলেও সে নিত্য-নতুন ঠকবাজি করে বেড়াচ্ছে এখনও—সুযোগ পেলেই চুরি করছে, ট্রেনে ডাকাতি করছে, পকেট মারছে। দুই একবার ধরা পড়েছিল পুলিশ এবং ইউরেনিয়াম জেন্স ব্রাঙ্কের কাছে, কিন্তু প্রমাণের অভাবে ছেড়ে দিয়ে হয়েছে। গোটা দুই মাস মেয়েকে কৌশলে লাগানো হয়েছিল ওর পেছনে। একজনের সঙ্গে খাজিব বৈশ ঘন হয়ে উঠেছে ওর ইদানীং। গতকাল হঠাৎ এই ইউরেনিয়াম স্মাগলিং-এর কথা বলে ফেলেছে সে মেয়েটির কাছে। তেমন কোনও গুরুত্ব দেয়নি সে এই কাজের ওপর। আসলে এটা ওর লাইনই নয়।’

‘হ্যাঁ। এক লাইনের কুশলী অন্য লাইনের কাজকে যথাযোগ্য মর্যাদা দিতে পারে না। ওর চুরির কথা হচ্ছে কিছুতেই হয়তো বলত না সে কারও কাছে।’

‘মরে গেলেও না। যাক, মেয়েটি খবরটা পাওয়া মাত্রই রীলে করেছে পুলিশের কাছে। কয়েকটা গোপন হাত ঘুরে আমাদের হাতে এসে পৌঁচেছে খবরটা আজই ভোর ছ’টায়।’

এদের কর্মদক্ষতা দেখে আশ্চর্য না হয়ে পারল না রানা। আজকের মধ্যেই প্ল্যান তৈরি করে দুনিয়াময় তোলপাড় করে ফেলেছে! সেজন্যেই বলে: হুজ্জতে বাঙ্গাল, হেকমতে চীন।

‘ব্যাপারটা দাঁড়িয়েছে এই রকম,’ আবার আরম্ভ করল লু সান, ‘কোনও এক বন্ধুর বন্ধু ওকে দিয়ে একটা স্মাগলিং-এর কাজ করাতে চায়। সে রাজি হয়ে গেছে। হংকং-এ মাল পৌঁছে দিলেই দশ হাজার হংকং ডলার পাবে সে। তারপর ফিরে এসে খুব মজা করতে পারবে। মেয়েটি জিজ্ঞেস করল আফিম কিনা। উত্তর এল, না। তাহলে কি সোনা? হেসে বলল, না গো না, গরম জিনিস, ইউরেনিয়াম। মাল হাতে এসে গেছে কিনা জিজ্ঞেস করায় বলল, না। আগামীকাল আটটায় (অর্থাৎ, আজ রাত আটটায়) হোটেল স্যাভয়ে মায়া ওয়াং নামে একটা মেয়ের সাথে দেখা করবার কথা আছে। সেই মেয়েটিই বলে দেবে কি করতে হবে ওকে।’

রানা চট করে ঘড়িটা দেখে নিল একবার। সাংহাইয়ে নেমেই এখানকার সময়ের সাথে মিলিয়ে নিয়েছিল ঘড়িটা। সোয়া সাতটা বাজে। অর্থাৎ আর পঁয়তাল্লিশ মিনিট পরেই ওকে দেখা করতে হবে সেই মেয়েটির সাথে অরুণ দত্তের ছদ্মবেশে। পাকিস্তানীর মধ্যে এক ধরনের বিজাতীয় সুড়সুড়ি অনুভব করল সে। সেই শ্বাগলিং, মালবাহক, তার ওপর নজর রাখবার জন্যে আরেকজন, সেই কাস্টমস্। কয়েক বছর আগে পি.সি.আই-এর হয়ে ওকে কিছুদিন এ ধরনের কাজ করতে হয়েছে। সেই হাতের তালু ঘেমে ওঠা। সব মনে পড়ল রানার ছবির মতন।

নতুন আরেকটা চুরুট ধরিয়ে ঘরময় পায়চারি করে বেড়াচ্ছে লু সান।

‘বুঝলাম,’ বলল রানা। পায়চারি থামিয়ে রানার দিকে ফিরল লু সান। ‘তা আমার কাজটা কি হবে?’

‘প্রথম কাজ, আমাদের বর্ডার ক্রস করবার পর অতি সতর্কতার সাথে আত্মরক্ষা করা। কারণ, আমরা জানি না, মাল হাতে পেয়ে ওরা কি করবে। কথামত সত্যি সত্যিই টাকা দেবে, না স্বেচ্ছা হাঁকিয়ে দেবে, না মুখ বন্ধ করবার জন্যে সরিয়ে দেবে চিরতরে। কিছুই জানা নেই। তাই আত্মরক্ষার জন্যে সদাসর্বদা প্রস্তুত থাকতে হবে আপনাকে। যদি টাকা দেয় তাহলে আপনাকে দেখতে হবে কে দিচ্ছে টাকাটা। আবার আপনাকে এই কাজে বা অন্য কাজে ব্যবহার করতে ওরা রাজি কিনা। যদি আপনাকে ওদের পছন্দ হয় তাহলে ওদের দলের পা থেকে মাথা পর্যন্ত চিনে নিতে আপনার অসুবিধে হবে না। আমাদের জানতে হবে কারা এই কাজটা চালাচ্ছে, কে লীডার, ইত্যাদি সব পরিকল্পনার তথ্য। অল্পদিনেই ওদের হেডের সঙ্গে দেখা হবে আপনার। কারণ, ওরা বড় গ্যাঙে নতুন লোক ভর্তি হলে নেতৃত্বানীয়ারা প্রথমেই যাচাই করে নিতে চাইবে ভাল মত।’

‘তী নাহয় হলো। কিন্তু ইউরোপে গিয়ে যাচ্ছি, ইন্সপেক্টো স্কোপে ধরা পড়ে বেইজিং হব না তো আবার?’

‘না। সেদিকে আমরা লক্ষ রাখব।’

‘যাক। বোঝা যাচ্ছে আজকের পরীক্ষায় পাস করলে হংকং-এ প্রথম যার সংস্পর্শে আসব তাকে খুশি করতে পারাটাই আসলে কঠিন হবে। তারপর বাকি কাজ অপেক্ষাকৃত সহজ। কিন্তু এখন আগের কথা আগে। প্রথমেই মেয়েটার কাছে ধরা পড়ে যাব না তো?’

‘মশে হয় না।’

‘অরুণ দত্ত সম্পর্কে কিছুই জানে না মেয়েটা?’

‘জানে। নাম আর চেহারার বর্ণনা। আমাদের অনুমান, এর বেশি সে কিছুই জানে না। এমন কি যে লোকটা অরুণ দত্তকে কন্ট্রাস্ট করেছে তাকেও সে চেনে কিনা সন্দেহ। ওদের কাজের ধারাই এই। প্রত্যেকের জন্যে ছোট নির্দিষ্ট কাজ, তার বেশি সে আর কিছুই জানে না। কাজেই, যদি কোনও একজন ধরা পড়ে তাহলে একটা সামান্য লিঙ্ক কাটা পড়ে মাত্র—পুরো চ্যানেল বন্ধ হয় না। কত্যা ব্যক্তিদেরও অসতর্ক মুহূর্তে হাতকড়ার আশঙ্কা থাকে না।’

‘মেয়েটির সম্পর্কে কোনও তথ্য বলতে পারবেন?’ হাত ঘড়ির দিকে চেয়ে বলল রানা।

‘তেমন কিছু নয়। পাসপোর্টে যা পাওয়া গেছে তার বেশি নয়। হংকং-এর ন্যাচারাল সিটিজেন। বয়স পঁচিশ। কালো চুল, কালো চোখ। লম্বা: পাঁচ ফুট তিন ইঞ্চি। প্রফেশন: অবিবাহিতা। গত দু’বছরে বার দশেক এসেছে সাংহাইয়ে। অন্য নামে আরও এসে থাকতে পারে। প্রতিবারই হোটেল স্যাভয়ে উঠেছে। হোটেল ডিটেকটিভের কাছে জানা গেছে বিশেষ বাইরে বেরোয় না মহিলা। কদাচিত এক আধজন দর্শনপ্রার্থী আসে ওর ঘরে। আধঘণ্টা থেকেই চলে যায়। সপ্তাহ খানেকের বেশি কোনও বারই থাকে না সে সাংহাইয়ে। হোটেলের শৃঙ্খলা এবং নিয়ম-কানুন কখনও ভঙ্গ করে না—কোনও উৎপাত নেই। ব্যাস। আর কিছুই জানা যায়নি। কিন্তু এটা ঠিক যে অত্যন্ত ধুরন্ধর মেয়ে হবে সেটা। ভাল মত বাজিয়ে নেবে আপনাকে। আপনি কেন একাজ করছেন সে-সম্পর্কে বিশ্বাসযোগ্য গল্প বানিয়ে বলতে হবে আপনার।’

‘সে দেখা যাবেখন।’

‘আর কিছু জিজ্ঞাসা আছে আপনার?’ বিনয়ের সঙ্গে জানতে চাইল লু সান।

‘না।’

তৈরি হয়ে নিল রানা। ইচ্ছে করেই ওর ওয়ালথারটা নিল না সাথে। হাত ঘড়িতে বাজে পৌনে আটটা। নেমে এল সে নিচে লিফটে করে। অসংখ্য গাড়িঘোড়া চলছে জনাকীর্ণ প্রশস্ত রাস্তায়। হোটেল থেকে বেরিয়ে ডান দিকে হাঁটতে আরম্ভ করল সে দৃঢ় পায়ে।

তিন

লিফট থেকে বেরিয়ে লম্বা কলিডর ধরে যেতে যেতে রানা স্পষ্ট অনুভব করল লিফটম্যান লক্ষ করেছে ওকে। নিচেও গেটের কাছে দাঁড়ানো সাদা পোশাক পরা দু’জন লোক তীক্ষ্ণ দৃষ্টিতে লক্ষ করেছিল রানাকে। আশ্চর্য না হলেও অত্যন্ত অস্বস্তি বোধ করল। কারা এরা? কোন্ দলের? বুঝবার উপায় যখন নেই, তখন বোকা সেজে থাকাই ভাল। সোজা এসে দাঁড়াল সে একশো সাত নম্বর কামরার সামনে।

দরজার ওপাশ থেকে সুরেলা কণ্ঠের গুনগুন আওয়াজ পাওয়া গেল। কোনও পপুলার গানের কলি ভাঁজছে মেয়েটি। চুপচাপ দাঁড়িয়ে থেকে কান পেতে শুনল রানা কিছুক্ষণ। তারপর টোকা দিল দরজায়।

থেমে গেল মৃদু গুঞ্জন।

‘ভেতরে আসুন,’ দরজার ওপাশ থেকে ভেসে এল আদেশের সুর। নিচ থেকে রিসেপশনিস্টের টেলিফোন পেয়ে অপেক্ষা করছিল সে রানার জন্যে।

ঘরে ঢুকে দরজাটা বন্ধ করে দিল রানা। ছোট্ট একটা সাজানো পোছানো লিভিং রুম।

‘তালা লাগিয়ে দিন দরজায়,’ আবার কণ্ঠস্বর ভেসে এল পাশের বেডরুম থেকে।

চাবিটা ঘুরিয়ে দিয়ে ঘরের মাঝবরাবর আসতেই বেডরুমের খোলা দরজা দিয়ে দেখতে পেল সে মেয়েটিকে। দাঁড়িয়ে পড়ল সে দরজার সামনে।

ওয়ে রয়েছে মেয়েটা ইজিচেয়ারে। ডান পা-টা তুলে দিয়েছে ইজিচেয়ারের হাতলের ওপর। হাইহিল জুতো পরা সে-পায়ে। পা-টা নাচাচ্ছে সে অল্প-অল্প। দুই বাহু মাথার পেছনে বালিশের কাজ করছে। দেহের প্রতিটি রেখায়, বসবার ভঙ্গিতে, চোখের চাউনিতে একটা উদ্ধত দুর্বিনীত ভাব। অথচ অদ্ভুত সন্দুরী।

কোন কথা না বলে এক মিনিট রানাকে পরীক্ষা করল মেয়েটি পা থেকে মাথা পর্যন্ত। ওর চোখে চোখে চেয়ে মৃদু হাসল রানা। কিন্তু কাজ হলো না। গম্ভীর মুখে পর্যবেক্ষণ শেষ করে মেয়েটি বলল, 'আপনিই বোধহয় আমাদের নতুন হেলপার? আপনার নামই অরুণ দত্ত?'

মাথা ঝাঁকাল রানা।

'বেশ। তা বসুন, দাঁড়িয়ে রইলেন কেন কলাগাছের মত? না, না, এই ঘরে নয়—আরেকল থাকা উচিত, এটা অবিবাহিতা ভদ্রমহিলার শোবার ঘর। ওই ঘরেই বসুন।'

পাশের ঘরে সোফায় বসে পড়ল রানা। এমন জায়গায় বসল যেখান থেকে মেয়েটিকে দেখতে পাওয়া যায়। বসেই চোখ তুলে দেখল তার দিকে চেয়ে আছে মেয়েটি। মুখে দুর্বোধ্য এক টুকরো হাসি। রানাকে চাইতে দেখেই মিলিয়ে গেল হাসিটা।

সাবলীল ভঙ্গিতে ডান পা-টা নামিয়ে মিল মেয়েটি ইজি চেয়ারের হাতল থেকে। একবার আড়মোড়া ভেঙে হাই হিল। তারপর উঠে দাঁড়াল চেয়ার ছেড়ে। অবাক চোখে চেয়ে রইল রানা মেয়েটির দিকে। অপূর্ব সুন্দরী।

'এক মিনিট। আসছি এক্ষুণি।' বলেই ঘুরে দাঁড়াল মায়া ওয়াং। হাইহিলের খুট খুট শব্দ তুলে দৃষ্টির আড়ালে ঢুকল সে। আবার সুরেলা কণ্ঠের গুনগুন গান ভেসে এল পাশের ঘর থেকে। চীনা সুর। বাঙালী শ্রোতার কানে কেমন বিজাতীয় ঠেকে।

এ-ধরনের একটা মেয়ে যে ছায়ার মত অনুসরণ করবে ওকে হংকং না পৌছানো পর্যন্ত ভাবতেও পারেনি রানা। অন্য রকম স্ত্রীলোক আশা করেছিল সে। দুর্দান্ত প্রকৃতির হওয়াটাই স্বাভাবিক— কিন্তু এই ঔদ্ধত্য, এই বন্য সৌন্দর্য যেন এ ধরনের কাজের সাথে ঠিক খাপ খায় না। বিপজ্জনক কাজে এরা বিপদ বৃদ্ধিই করে শুধু, কাজে আসে না। ড্যান্সার হলেই যেন ওকে মানাত বেশি।

বেশিক্ষণ অপেক্ষা করতে হলো না। একটা লাল মখমলের চিওংসাম পরে বেডরুমের দরজায় এসে দাঁড়াল মায়া। বাঁ হাতে একটা ছোট্ট সোনার রিস্টওয়াচ কালো বেল্ট দিয়ে বাঁধা। অনামিকায় জুলুজুল করছে হীরের আঙটি। কানে সোনার ঝুমকো। ঠোঁটে ভারমিলিয়ন রেড লিপস্টিক। চুলগুলো পনি টেল করা। প্রশস্ত কপাল, হালকা ভুরু আর ইঞ্চ টানা চোখ ছাড়া চীনা মহিলা বলে চিনবার উপায় নেই। নিষ্পলক নেত্রে চেয়ে রয়েছে মেয়েটি রানার দিকে। রানাও বিস্মিত হয়ে দেখল ওর অতুলনীয় সৌন্দর্যের আরেক দিক।

'আপনিই তাহলে অরুণ দত্ত?' ঠাণ্ডা গলায় আবার জিজ্ঞেস করল মায়া।

‘হ্যাঁ। আমার নিজের অন্তত সে-ব্যাপারে কোন সন্দেহ নেই।’

বাঁকা উত্তর শুনে রানার চোখের দিকে কয়েক সেকেন্ড চেয়ে থেকে বিরক্তি বর্ষণ করল মায়া ওয়াং। তারপর রানার মুখোমুখি বসল এসে সোফার ওপর যথেষ্ট গাভীরের সাথে। সেদিকে ক্রমশঃ না করে ডান পা-টা বাম হাঁটুর ওপর তুলে গোড়ালি থেকে সামনেটুকু প্রবল বেগে নাচাতে থাকল রানা।

‘কাজের কথায় আসা যাক,’ কর্তৃত্বের সুর মেয়েটির কণ্ঠে। ‘নিজের লাইন ছেড়ে এই কাজটা নিতে চাইছেন কেন?’

‘খুন।’

একটু চমকে উঠে চট করে চাইল মায়া রানার চোখের দিকে।

‘ও। আমি শুনেছিলাম আপনি চুরি-চামারি লাইনের লোক।’

‘শুধু চুরি। চামারি নয়,’ আপত্তি জানাল রানা।

‘যাই হোক, খুনটা কি রাগের মাথায়, না ঠাণ্ডা মস্তিষ্কে?’

‘রাগের মাথায়। মারামারি।’

‘কাজেই এখন ভাগবার মতলবে আছেন?’

‘তা বলতে পারেন। তাছাড়া টাকাও পাওয়া যাচ্ছে অনেক।’

‘কাঠের পা কিংবা বাঁধানো দাঁত আছে?’

‘না। দুঃখিত। সবকিছু সাক্ষা।’

বিরক্তি প্রকাশ পেল মেয়েটির ঠোঁটের দুই কোণে।

‘প্রতিবার বলছি ওদের একজন পা ভাঙলে লোক জোগাড় করতে—কিছুতেই পারে না। যাকগে, খেলাধুলায় শখটখ আছে? কিসে করে জিনিসটা নিয়ে যাবেন? ভেবেছেন কিছু? কোন বাদ্যযন্ত্র বাজাতে পারেন না?’

‘না। গ্রামোফোন আর রেডিও-জুস্তা অন্য কোন বাদ্যযন্ত্র জীবনে ছুঁইনি। তবে তাস খেলতে পারি। তাছাড়া কাস্টমসেও হাত আছে। কিন্তু আমার ধারণা, এসব জিনিস সুটকেসের হ্যাণ্ডেলের ভেতর বেশ চমৎকার ভরে নিয়ে যাওয়া যায়।’

‘কাস্টমসেরও তাই ধারণা।’

এক কথায় রানাকে চুপ করিয়ে দিয়ে কিছুক্ষণ কি যেন ভাবল মায়া ওয়াং ভুরু কুঁচকে। তারপর বলল, ‘ঠিক আছে? পাসপোর্ট আছে আপনার?’

‘আছে! কিন্তু ছদ্মনামে।’

‘ছদ্মনাম কি রকম?’ সন্দিদ্ধ হয়ে উঠল মায়া ওয়াং।

‘খুলে বললেই বুঝতে পারবেন। আসলে আমার একটা সাইড বিজনেস আছে, জাল নোট তৈরি। কয়েক জায়গায় প্রায় ধরা পড়তে পড়তে বেঁচে গেছি। তাই সময় থাকতে কেটে পড়তে চাই যন্ত্রপাতিসহ। স্বনামে চেষ্টা করলে এদেশ থেকে বেরোতে দেবে না আমাকে। কাজেই পাসপোর্ট জাল করতে হলো। আর পাসপোর্ট যদি জাল করতে হয় তবে বাংলাদেশী পাসপোর্ট তৈরি করাই সবচেয়ে নিরাপদ। আমার ধারণা, বাংলাদেশী হিসেবে রীতিমত খাতির যত্ন পাব কাস্টমস অফিসারের কাছে। তাই নাম নিয়েছি নাসুদ রানা।’

তীক্ষ্ণদৃষ্টিতে রানাকে লক্ষ্য করছিল এতক্ষণ মায়া ওয়াং। রানার এ গল্পটা কেন জানি বিশ্বাসযোগ্য বলে মনে করল সে। কিছুক্ষণ চুপ করে থেকে বলল, ‘সেই

পাসপোর্ট তৈরি আছে তো?’

‘সঙ্গেই আছে। দেখাব?’

‘না। তার দরকার নেই। দু’দিনের মধ্যে রওনা হতে পারবেন?’

‘না পারার তো কোন কারণ দেখি না। বিয়ে-শাদী করিনি যে পিছু টান থাকবে। বলেন তো আজই ভেসে পড়তে পারি আপনার সঙ্গে।’

শেষের বাক্যটা বোধহয় শুনতে পায়নি মায়া ওয়াং। দ্বিতীয়টা নিয়েই চিন্তা করছিল। স্থির শান্ত গলায় বলল, ‘বেশ। এখন মন দিয়ে শুনুন। কেউ যদি জিজ্ঞেস করে তাহলে বলবেন হংকং-এ মিস্টার সি.ওআই.লিউঙের কাছে যাচ্ছেন আপনি। বহুদিনের পুরানো বন্ধু সে আপনার। যুদ্ধের সময় থেকে ঘনিষ্ঠতা।’ গলার স্বর একটু বদলে নিয়ে যোগ করল, ‘আসলে এই নামে সত্যিই আছে একজন। প্রয়োজন হলে সে আপনার এই বানানো গল্প সমর্থন করবে।’

উঠে একটা টেবিলের সামনে গিয়ে দাঁড়াল মায়া ওয়াং। ড্রয়ার খুলে এক তাড়া নোট বের করল। রাবার ব্যাণ্ড খুলে আন্দাজের ওপর অর্ধেক করল নোটগুলো। অর্ধেক রেখে দিল ড্রয়ারে। তারপর বাকি অর্ধেকে আবার রাবার ব্যাণ্ডটা পরিয়ে ছুঁড়ে দিল রানার দিকে। নিচু হয়ে মেঝের কাছে ক্যাচ ধরল সেটা রানা।

‘এই টাকা দিয়ে লঙ কী হোটেলে আজই একটা কামরা বুক করবেন। ইমিগ্রেশনে এই ঠিকানাই দেবেন। একখানা পুরানো সুটকেস জোগাড় করে তার মধ্যে গোটাকয়েক পুরানো এবং গোটাকয়েক নতুন টেনিস বল রাখবেন ওপর দিকেই—আর টেনিস ব্যাকেটের জন্যে জায়গা খালি রাখবেন। আমার ধারে-কাছেও আর ঘেঁষবেন না। পরশু সকাল সাড়ে দশটার ফ্লাইটে হংকং যাচ্ছেন আপনি—কালই টিকেট করে ফেলবেন। অর্থাৎ মঙ্গলবার সকাল সাড়ে নয়টায় আমাদের গাড়ি তুলে নেবে আপনাকে লঙ কী থেকে। একটা টেনিস ব্যাকেট দেবে ড্রাইভার আপনাকে। বাক্সে রাখবেন সেটা এবং—’ তীক্ষ্ণ দৃষ্টিতে রানার চোখের দিকে চাইল মায়া ওয়াং, ‘মাল নিয়ে কেটে পড়বার বৃথা চেষ্টা করবেন না। নির্ঘাত মারা পড়বেন তাহলে। আপনার লাগেজ প্লেনে ওঠার আগে পর্যন্ত আপনার আশেপাশেই থাকবে ড্রাইভার। আমি থাকব সাংহাই এয়ারপোর্টে। আরও লোক থাকতে পারে। কাজেই কোন রকম চালাকি খাটবে না। বুঝতে পেরেছেন?’

বাঁ হাতের তালু ঘুরিয়ে অবাক হওয়ার ভান করল রানা। ‘ও জিনিস দিয়ে আমি কি করব? ও আমার আওতার বাইরে। যাক, হংকং পৌছে কি হচ্ছে?’

‘আরেকজন ড্রাইভার অপেক্ষা করবে সেখানে আপনার জন্যে। সে-ই বলবে কি করতে হবে আপনাকে। আর যদি কাস্টমসে ধরা পড়ে যান, আপনি বলবেন আপনি কিছুই জানেন না। বুঝেছেন? কি করে ওই ব্যাকেট আপনার সুটকেসে এল আপনি জানেনই না। বোবা বনে যাবেন। তাজ্জব হয়ে যাবেন। দেখবেন, সবকিছু আবার ফাঁস করে দেবেন না। আমি আপনার সমস্ত কার্যকলাপ দেখব—খুব সম্ভব আরও এক-আধজন দেখবে। আমি তাদের চিনি না। তারা আমার এবং আপনার দু’জনের ওপরই নজর রাখবে। যাই হোক, আমরা কেউই কোন সাহায্য করতে পারব না আপনাকে। কাজটায় রিস্ক আছে, সেজন্যেই এত টাকা দেয়া হচ্ছে আপনার মত একজন অপদার্থকে। পরিষ্কার হয়েছে কথাটা? যদি ধরা পড়েন,

আমরা ছায়ার মত মিলিয়ে যাব।’

‘রাজি। মিলিয়ে না গেলেও ভয়ের কিছু নেই। আপনি ছাড়া ফাঁসাবার মত কাউকে পাচ্ছি না আমি হাতের কাছে। আর, বিশ্বাস করুন, প্রাণ থাকতে আপনাকে কোন রকম বিপদে ফেলব না আমি।’

‘হয়েছে, হয়েছে,’ বিদ্রূপের হাসি হাসল মায়া ওয়াং। ‘আমার বিরুদ্ধে কোনও প্রমাণ নেই। কাজেই আমার জন্যে আপনার ক্ষুদ্র মস্তিষ্ক না ঘামালেও চলবে।’ রানার সামনে এসে দাঁড়াল সে। ‘আর দয়া করে কচি খুকিও ঠাওরাবেন না আমাকে। কাজে নেমেছি যখন, তখন আত্মরক্ষা করবার ক্ষমতাও আমার আছে। কার্যক্ষেত্রে আমার ক্ষমতার পরিচয় পেলে আশ্চর্য হয়ে যাবেন আপনি।’

উঠে দাঁড়াল রানাও। অসহিষ্ণু মায়া ওয়াং-এর জুলন্ত চোখের দিকে স্থির দৃষ্টিতে চেয়ে মৃদু হাসল। বলল, ‘যে-কোনও কাজ আপনার চেয়ে ভাল পারব আমি। ভাববেন না। আমাকে পেয়ে লাভই হবে আপনার। কিন্তু এক মিনিটের জন্যে আপনার মিলিটারি মেজাজ আর মাতঙ্গুরির ভাবটা ছাড়ুন তো। আপনার বন্ধুত্ব চাই আমি। সব যদি ভালয় ভালয় চুকে যায় তাহলে হংকং পৌছে আবার আপনার সাথে দেখা হতে পারে না?’

কপটতার আশ্রয় গ্রহণ করে ভেতর ভেতর একটু খারাপ লাগল রানার। ‘মেয়েটিকে ভাল লেগেছে ওর। বন্ধুত্ব যদি হয় ভালই। কিন্তু রানার আসল উদ্দেশ্য এই বন্ধুত্বের সুযোগে ওদের দলে ঢোকা। বন্ধুত্বের খাতিরে ব্যবহার করতে চিরদিনই ঘণা বোধ করে সে। কিন্তু করতেই হচ্ছে। কর্তব্য ইজ কর্তব্য।’

রানার চোখের দিকে চেয়ে ধীরে ধীরে ক্রিমল হয়ে এল মায়ার জুলন্ত দৃষ্টিটা। অসহিষ্ণু কর্তৃত্বের ভাবটা চলে গেল চেহারা থেকে। এই প্রথম সে স্পষ্ট অনুভব করল কতখানি শক্তিশালী একটা ব্যক্তিত্বের সামনে দাঁড়িয়ে আছে সে। রানার মধ্যকার প্রবল পৌরুষ এবং প্রচণ্ড ক্ষমতার বিচ্ছুরণ অভিভূত করে ফেলল ওকে। মেয়েমানুষের এ ব্যাপারে ভুল হয় না। দেরিতে হলেও উপলব্ধি করল মায়া ওয়াং, সত্যিই তার সামনে দাঁড়ানো লোকটির তুলনায় কোনও দিক থেকে সে কিছুই নয়। লোভনীয় ঠোট দুটো ফাঁক হলো একটু। আড়ষ্ট হয়ে এল কথাগুলো।

‘আমি, আমি...মানে,’ থেমে গিয়ে ঢোক গিলল মায়া। তারপর নিচু গলায় বলল, ‘বুধবার কোনও কাজ নেই আমার। সন্ধ্যায় ডিনার খেতে পারি আমরা একসাথে। আটটায়। কাউকে কিছু বলতে পারবেন না এ ব্যাপারে। রিপাল্‌স্‌ বে হোটেল। ভিক্টোরিয়া থেকে আধঘণ্টার পথ। আপনার অসুবিধে আছে?’ রানার চোখের দিকে না চেয়ে ঠোটের দিকে চেয়ে রইল মায়া ওয়াং।

‘চমৎকার হবে। অসুবিধে কি? হংকং পৌছে আর কাজ নেই আমার। বুধবারের অপেক্ষায় আজ থেকেই আমার দিন কাটতে চাইবে না আর।’ রানা ভাবল আর বেশি ঘাঁটানো ঠিক হবে না। কোনও কিছু ভুল করে বসবার আগেই কেটে পড়তে হবে এখান থেকে। ‘যাক, আর কিছু বলবার আছে?’ আবার কাজের কথায় ফিরে গেল সে।

ঘোরটা কেটে গেল মায়ার। ‘না।’ বলে কি যেন মনে পড়ল ওর। চট করে জিজ্ঞেস করল, ‘কয়টা বাজে এখন?’

একটু আগেই ঘড়ির দিকে চেয়েছিল রানা। তাই নিজের ঘড়ির দিকে না তাকিয়ে মায়ার সোনার রিস্ট-ওয়াচের দিকে চেয়ে বলল, 'পৌনে নয়।'

'ভুলেই গেছিলাম, কাজ আছে আমার।' ঘুরে দাঁড়িয়ে দরজার দিকে হাঁটতে আরম্ভ করল মায়া। রানা চলল পেছন পেছন। তালাটা খুলে দরজা খুলবার আগে ঘুরে দাঁড়াল মায়া ওয়াং। চোখের দৃষ্টিতে রানার ওপর বিশ্বাস আর বন্ধুত্বের ভাব। বলল, 'আপনি পারবেন। শুধু প্লেনে আমার কাছ থেকে দূরে সরে থাকবেন। আর যদি কিছু গোলমাল হয় তাহলে ভয় পাবেন না। এবার যদি ঠিকমত কাজ করতে পারেন, এ ধরনের কাজ আপনাকে আরও জোগাড় করে দেবার চেষ্টা করব। আর,' একটু হাসল মায়া, 'আর আমাদের যে আবার দেখা হবে সে-কথাটা গোপন রাখবেন। কোনওভাবে যদি প্রকাশ পায়, তাহলে আর কোনদিনই দেখা হবে না।'

'কথাটা মনে রাখব। আমার মনের অবস্থা জানলে এতবার করে সাবধান করতেন না।'

কাঁধটা একটু ঝাঁকিয়ে দরজা খুলে হাঁ করে দিল মায়া ওয়াং। রানা বেরিয়ে গিয়ে দাঁড়াল করিডরে। ঘুরে দাঁড়িয়ে কিছু বলতে যাচ্ছিল, অবাধ হয়ে দেখল ঠোঁটের ওপর একটা আঙুল রেখে কথা বলতে নিষেধ করছে মায়া ওকে। মৃদু হাসল রানা। এ হাসিরও কোন প্রত্যুত্তর এল না মায়ার কাছ থেকে। স্থির দৃষ্টিতে রানার চোখে চোখ রেখে ধীরে এবং দৃঢ় হাতে বন্ধ করে দিল সে দরজাটা রানার মুখের ওপর।

লম্বা করিডর ধরে চলে গেল রানা লিফটের দিকে। চুপচাপ দরজার ওপাশে দাঁড়িয়ে থেকে কান পেতে রইল মেয়েটি। রুমের জুতোর শব্দ মিলিয়ে গেল দূরে। ফিরে এল সে শোবার ঘরে। আয়নার সামনে গিয়ে দাঁড়াল। গুনগুন করে গান ধরল একটা। মাঝে মাঝে নিজের গলাভেই গান থামিয়ে ভাবতে লাগল ওই নিষ্ঠুর চেহারার বলিষ্ঠ, বুদ্ধিমান লোকটার কথা। একটা বিচিত্র হাসি ফুটে উঠল ওর ঠোঁটে।

ঠিক যখন নটা বাজতে পাঁচ মিনিট বাকি, বেরিয়ে এল মেয়েটি হোটেল থেকে বাইরে। রাস্তা পার হয়ে হাঁটতে থাকল দক্ষিণে। নয়টার সময় পৌঁছল সে একটা পাবলিক টেলিফোন বুদে। তিনবার রিং হতেই ওপাশের রিসিভার উঠানোর ক্লিক শব্দ পাওয়া গেল। চুপচাপ গুনতে থাকল সে টেপ রেকর্ডারের খশখশ শব্দ।

পুরো এক মিনিট পর ওপাশ থেকে একটা শব্দ কানে এল।

'বলো।'

হাতের রুমালটা মুখের ওপর রেখে বলল মেয়েটি, 'মায়া বলছি। নতুন হেলপার ঠিক আছে। টেনিস খেলে। ব্যাকেট নেবে সাথে। আই রিপিট। ব্যাকেট নেবে সাথে। বাকি ব্যবস্থা সব ঠিক। দশটা পাঁচে রিং করব আবার।'

রিসিভার নামিয়ে রেখে হোটেলে ফিরে এল মায়া ওয়াং। বারবার ওই লোকটার কথা মনে আসছে কেন? বারবার ওর মুখের চেহারাটা ভেসে উঠছে কেন চোখের সামনে?

চার

মঙ্গলবার সকাল নয়টার মধ্যেই মালপত্র গোছগাছ করে তৈরি হয়ে নিল মাসুদ রানা। এককালে যার দাম এবং চাকচিক্য ছিল প্রচুর, এমনি একটা পুরানো দুমড়ানো সুটকেস জোগাড় করে ফেলেছে সে। একজন টেনিস খেলোয়াড়ের সুটকেসের মতই দেখতে হয়েছে সেটা। একজোড়া দামী স্যুটের সাথে খেলার পোশাক-পরিচ্ছদ, এমন কি একজোড়া দুর্গন্ধযুক্ত কেড্‌স্ পর্যন্ত আছে তার মধ্যে। কয়েকটা ডানলপ বল আছে নতুন পুরানো মেশানো। গোটাকতক সাদা শার্ট, একজোড়া নাইলনের মোজা, চারটে আঙুরওয়্যার, তার মধ্যে দুটো স্পোর্টস মডেল, ইত্যাদিতে প্রায় ভরে এসেছে সুটকেসটা।

এবারে একটা ছোট অ্যাটাচি কেসে সাবান, টাওয়েল, ইলেকট্রিক শেভ, 'হাউ টু প্লে পোকারে'র একটা অর্ধেক মলাট ছেঁড়া বই, পাসপোর্ট আর টিকেট রাখল সে সাজিয়ে। এর একটা গোপন কুঠুরিতে ওর ওয়ালথারের জন্যে একটা সাইলেন্সার এবং চারটে এক্সট্রা মাগাজিন ভর্তি বত্রিশ রাউণ্ড থ্রী-টু ক্যালিবারের গুলি রাখা আছে সম্বন্ধে।

টেলিফোন বেজে উঠল। রানা ভাবল গাড়ি এসে গিয়েছে বুঝি—কিন্তু অবাক হয়ে শুনল রিসেপশনিস্ট বলছে: ইন্টারন্যাশনাল ফ্লাইং করপোরেশন থেকে একজন লোক দেখা করতে চায়। চমকে উঠল রানা। আই.টি.সি! অর্থাৎ পাকিস্তান কাউন্টার ইন্টেলিজেন্স! রানা জানে সংস্থাটিয়ে ওদের ব্রাঞ্চ আছে—কিন্তু তাদের সাথে নিষ্প্রয়োজন বোধে যোগাযোগ করেনি সে ইচ্ছে করেই। তাছাড়া সময়ও কম। কিন্তু এই শেষ মুহূর্তে কি সংস্থা নিয়ে এল পি.সি.আই.? এরাও তাহলে চোখ কান খোলা রেখেছিল?

'সোজা ওপরে পাঠিয়ে দিল,' বলল রানা।

কয়েক মিনিট পর ঘরে ঢুকল একজন শান্তশিষ্ট চেহারার বাঙালী ভদ্রলোক। পাতলা, লম্বা একহারা চেহারা—অতিরিক্ত এক ছটাক মাংস নেই গায়ে। ছিমছাম পোশাক পরিচ্ছদ। স্টিফ কলার সাদা শার্ট, লাল বো টাই। মুখে মৃদু হাসি। চোখ দুটোতে শিশুসুলভ সারল্য। পুরু গোঁফটা মুখের সাথে বেমানান।

'আমার নাম র‍্যায়াউল করিম।' মাথা নুইয়ে চীনা কায়দায় অভিবাদন করল সে। বুক পকেট থেকে একটা খাম বের করে দিল। তারপর বলল, 'বুড়া মিঞা পাঠাইছে এইটা আপনার জইন্য। ঘাবড়াইয়া গেছে গিয়া এক্কেরে। লন, পইরা ফালান।'

বহুদিন পর বাংলা বলবার চান্স পেয়ে একেবারে অরিজিনাল ল্যাংগোয়েজ ছেড়ে দিল উপবাসী র‍্যায়াউল করিম। ওকে বসিয়ে খাম খুলে ভেতরের কাগজটা বের করল রানা। ওয়ান এইটথ্ ডাবল্ ক্রাউন কাগজে ইংরেজিতে টাইপ করা। নিচে বা ওপরে কোনও নাম নেই। বাংলা করলে দাঁড়ায়:

‘আমরা অনেক খোঁজ খবরের পর অনুমান করেছি যে তোমার এই অ্যাসাইনমেন্টের সঙ্গে বিশ্বকুখ্যাত রেড লাইটনিং টং-এর সাক্ষাৎভাবে জড়িত থাকার সম্ভাবনা আছে। এটা কোন ধর্মীয় দল নয়—পুরোপুরি ক্রিমিনাল। হংকং-এ এরাই সর্বশক্তিমান হলেও আসলে এদের হেড কোয়ার্টার হচ্ছে ম্যাকাও। নারকোটিকস্, গোল্ড স্মাগলিং, অরগানাইজড প্রসটিটিউশন, বিরাট স্কেলে জুয়া, ইত্যাদি থেকে নিয়ে হেন কাজ নেই যা এরা করে না। এদের বিরুদ্ধে হংকং-এ আইনত কিছুই করা যাবে না। শক্তি দিয়ে দমন করা তো চিন্তারও বাইরে। সরকারী উচ্চ মহলে এদের নিজস্ব লোক আছে। দলপতির নাম চ্যাঙ।

‘কাজেই, লাইটনিং টং-এর সাথে যদি সংঘর্ষের উপক্রম হয় বা কোনও রকম খারাপ অবস্থার সৃষ্টি হয়, তাহলে তৎক্ষণাৎ হেড অফিসে রিপোর্ট করে কাজ থেকে নিবৃত্ত হবে। উদ্ভতার খাতিরে প্রাণ দেয়ার প্রয়োজন নাই।

‘এটাকে আমার অফিশিয়াল অর্ডার বলে জানবে।’

রানার চোখের সামনে পরিষ্কার ভেসে উঠল মেজর জেনারেল (অব) রাহাত খানের চেহারাটা। স্থির, গভীর, তীক্ষ্ণ, ঋজু একটা ব্যক্তিত্ব। হৃদয়ের সমস্ত ভালবাসা আর ভক্তি যার হাতে সমর্পণ করে রানা নিশ্চিন্ত।

আগাগোড়া দু’বার পড়ে আনমনে ভাঁজ করে পকেটে রাখতে যাচ্ছিল রানা কাগজটা—হাত বাড়াল রেয়াউল করিম। মুখে মৃদু হাসি।

‘দ্যান দেখি। আমার কাছে দ্যান। পোলাপোলা মানুষ, হারাইয়া ফালাইবেন দলিলটা।’

‘দলিল?’ অবাক হলো রানা।

‘হ। দলিলই তো। এই দলিল হুজু নিয়ে কেস করুম না আমি বুড়া মিঞার নামে আপনার জানাজাটা সাইরা নিয়াই!’

‘কেন? বুড়া মিঞার দোষ?’ জিজ্ঞাসা করল রানা।

‘দোষ? এইটারে দোষ কিসে আপনে? এইটা ওনা। আরে, ঘাবড়াইয়া যখন গেলি, তো অখনই ইস্টপ্ কইরা দে না। জাইনা ছইনা পোলাটারে পাঠাস্ ক্যান ঠাঠার মুখে?’

‘ঠাঠা কি?’

‘ঠাঠা বুঝেন না। অঁই? ঢাকাইয়া পোলা ঠাঠা বুঝলেন না? আরে বাজ, বাজ, বাজ। লাইটনিং টং-এর কথা কই। একবার বলসাইয়া উঠলে আর চারা নাই, মুহূর্তে শ্যাষ। তা যাইবেন যখন, গরীবের একটা কথা ফালায়া দিয়েন না—তেরিবেরি দেখলেই কাইটা পইরেন। নাইলে চিবির মোদে পইরা যাইবেন কোলাম। যা-তা মনে কইরেন না টং-রে।’

বক্তব্য শেষ করে রানার হাত ধরে কয়েকটা ঝাঁকুনি দিল রেয়াউল করিম। রানা বুঝল হালকা-পাতলা দেহে শক্তি আছে।

‘আচ্ছা, এই মেসেজের কথা চাইনিজ সিক্রেট সার্ভিস জানে না?’

‘খুব জানে। ক্রিপটোগ্রাফিতে একেঁরে হাফেজ হইয়া গেছে না ওরা! এতক্ষণে খবরটা হজম কইরা ফালাইছে লু সান। দুনিয়ার কুনো খবর আর আ-জানা নাই।’

‘ওরা জানে এই রেড লাইটনিং-এর কথা?’

‘তা কইতে পারি না। বুড়ামিঞা কৈথেইকা এই খবর বাইর করল তা-ও জানি না। সবই তো অনুমান। কিন্তু একটা কথা কইয়া দেই, চীনারা এক্কেরে বেদিশা হইয়া গেছে গিয়া। বোম্ সিরিয়াস। জ্ঞানের পরোয়া নাই। যে-কোনও বিপদের মুখে ঠেইলা দিব আপনেরে। কাজেই নিজে হুঁশিয়ার থাইকেন। একটা মাসুদ রানা গেলে পি.সি.আই. কানা হইয়া যাইব না—আর এরাও ত্রিপটোগ্রাফির একখানা ম্যাজিক ফরটিফোর মেশিন ধরাইয়া দিয়া খুশি কইরা দিব বুড়া মিঞারে। আমরাও সিনা টান কইরা চলুম—আইতে-যাইতে দশবার কইরা সেলামালকি দিব লু সান হালায়। কিন্তু ক্ষতিটা হইল কার? ঠাণ্ডা মাথায় একটু চিন্তা কইরা দেইখেন—আর হুঁশিয়ার থাইকেন। আইচ্ছা ভাই, সালামালেকুম। আপনার আবার টাইম হইয়া যাইতেছে।’

‘ওয়ালাইকুম সালাম। এবং সদুপদেশের জন্যে আন্তরিক ধন্যবাদ।’

বেরিয়ে গেল রেখাউল করিম। হৈ-হৈ করে বেশ জমিয়ে রেখেছিল এতক্ষণ। ঘড়ি দেখল রানা—নয়টা পঁচিশ। হঠাৎ ফাঁকা লাগল ওর চারটা পাশ। জানালার পাশে গিয়ে দাঁড়াল সে। অসংখ্য গাড়ি, বাস, ট্রাক, মোটর সাইকেল, বাই-সাইকেল, রিকশা আর পথচারী ব্যস্তসমস্ত করে রেখেছে রাস্তাটাকে। সবাই ছুটছে। সবারই কাজ আছে। সে-ই কেবল একাকী দাঁড়িয়ে আছে জানালার ধারে। এপ্রিলের হলুদ রোদ বিছিয়ে পড়েছে প্রকাণ্ড পার্কের সবুজ ঘাসে। একটা ফোয়ারা অনর্থক জল ছিটাচ্ছে আকাশের দিকে। একজোড়া জংলী কবুতর বিভোর হয়ে আদর করছে পরস্পরকে সাংহাই মিউজিয়ামের কানিসে বসে।

প্রতীক্ষা করছে রানা। প্রতীক্ষা করছে ওর কোন দিনই ভাল লাগে না। বিছানায় এসে বসে শোল্ডার হোলস্টারে থেকে পিস্তলটা বের করে শেষ বারের মত পরীক্ষা করে নিল রানা। সবগুলো গুলি বের করে নিয়ে ট্রিগারের টেনশনটা অনুভব করল সে বার কয়েক ফাঁকা স্ল্যাম্বার করে। স্লাইড টেনে দেখে নিল ব্যারেলের ভেতর ময়লা আছে কিনা। তারপর সন্তুষ্ট চিন্তে রেখে দিল যথাস্থানে।

‘আপনার জন্যে গাড়ি এসে গেছে, স্যার,’ মিনিট দশেক পর টেলিফোনে সংবাদ এল।

জানালার ধারে গিয়ে দাঁড়াল আবার রানা। যাত্রা তবে শুরু হলো। পাকস্থলীতে সেই শূন্যতার অনুভূতিটা হলো আবার। ভয় ঠিক নয়—অজানার রোমাঞ্চ। অজানার পথে পা বাড়াতে গেলে এই অনুভূতিটা হয় ওর। প্রায়ই হয়।

করাঘাতের শব্দে এগিয়ে গিয়ে দরজা খুলল সে। একটা বয় সুটকেসটা তুলে নিল এক হাতে। অ্যাটাচি কেসটা নিজেই নিয়ে বয়ের পেছন পেছন নেমে এল রানা নিচে। মাথা থেকে দূর করে দিল সব চিন্তা। সামনের দিকে ফেরাল সে তার সন্ধানী দৃষ্টি। হোটেল লগু কী-র সুইং ডোরের ওপাশে যা ঘটতে চলেছে সেইটুকুই এখন ওর কাছে সত্য। আর কিছুই ভাবার দরকার নেই।

কালো একটা মার্সিডিস্ টু-টোয়েন্টি দাঁড়িয়ে ছিল বাইরে। গাড়ির পেছনের সীটে তোলা হলো রানার সুটকেসটা।

‘আপনি সামনে বসুন।’ অনুরোধ নয়, আদেশের সুর ড্রাইভারের কণ্ঠে।

সামনের সীটে গিয়ে বসল রানা। হ-হ করে ছুটে চলল গাড়ি প্রশস্ত রাস্তা দিয়ে।

কিছুদূর গিয়েই ডানদিকে মোড় নিল। এক্সপার্ট ড্রাইভার। চোখে গগলস্, হাতে গ্লাভস্। মেরুদণ্ড সোজা করে বসে স্থির দৃষ্টিতে চেয়ে আছে রাস্তার দিকে। মুখের ভাবে কাঠিন্য। রানা ভাবল আলাপ জমাবার চেষ্টা করবে। যেন সেই কথা বুঝতে পেরেই ড্রাইভারটা বলে উঠল, 'আরাম করে বসে যাত্রাটা উপভোগ করুন, মিস্টার। কথা বললে নার্ভাস ফীল করি আমি।'

হাসল রানা। ভাবল, এত স্পীডে চলতে চলতে যদি নার্ভাস হয়ে যায় তাহলেই সেরেছে। ছাতু হয়ে যাবে গাড়ি। কি দরকার বাবা বাজে আলাপে?

কয়েকটা মোড় ঘুরেই একটা নির্জন রাস্তায় প্রবেশ করল গাড়িটা। আবাসিক এলাকা। স্পীড কমে এল, তারপর হঠাৎ ব্রেক করে থেমে দাঁড়াল গাড়ি। বিনা বাক্যব্যয়ে এঞ্জিন চালু রেখেই নেমে গেল ড্রাইভার গাড়ি থেকে। বুট খুলে বের করল কিছু, তারপর পেছনের দরজা খুলে উঠে বসল গাড়ির পেছনের সীটে। রানা ঘাড় ফিরিয়ে দেখল পুরানো ধরনের একটা টেনিস র‍্যাকেট রাখছে ড্রাইভার সুটকেস খুলে কয়েকটা কাপড়ের তলায়। কয়েক সেকেন্ডের মধ্যেই আবার ড্রাইভিং সীটে এসে বসল লোকটা। আবার চলতে আরম্ভ করল মার্সিডিস বেঞ্জ।

রানা ভাবছে, এই দল যারাই হোক, মন্ত কোনও মাথা আছে এর পেছনে। অদ্ভুত এদের নেটওওর্ক। কিন্তু মেয়েটার সাথে এদের কি সম্পর্ক? মায়া ওয়াং কি এদের চাকরি করে? কে সে? হংকং-এ আবার কী কথা করবার প্রস্তাবে অমন ফ্যাকাসে হয়ে গেল কেন সে? এত গোপনীয়তা কেন? বিপদের সময় কোনও রকম সাহায্য আশা করা যায় মেয়েটির কাছে?

সাংহাই এয়ারপোর্টেই গোলমাল হয়েছিল প্রায়। কাস্টমস্ পর্যন্ত সাথে সাথেই থাকল ড্রাইভার। সবার মানই পরীক্ষা করা হচ্ছে। সাথে সাথে চলছে প্রশ্নবান। আগের দুই ভদ্রলোকের চেকিং শেষ হতেই এল রানার পালা।

সুটকেস খুলতে খুলতে জিজ্ঞাস করল কাস্টমস্ অফিসার গত-বাঁধা প্রশ্ন।

'নিজস্ব জিনিস ছাড়া আর কিছু আছে?'

'না।'

'মূল্যবান কোনও অলঙ্কার বা আর কিছু?'

'না।'

'কত টাকা সাথে আছে আপনার?'

'পঞ্চাশ ডলার।'

প্রথমেই সুটকেসের এক কোণায় হাত ঢুকিয়ে একটা টেনিস বল বের করল অফিসার।

'এটা কিসের জন্যে? র‍্যাকেটও আছে দেখছি?'

'ওটা টেনিস র‍্যাকেট।'

'তাতে আমার কোনই সন্দেহ নেই। কিন্তু বল কেন?'

'বাড়িতে প্র্যাকটিস করি।'

'আচ্ছা! তা, এত ভারি কেন র‍্যাকেটটা?'

ঘাড় ফেরাতেই চোখ পড়ল রানার মায়া ওয়াং-এর রক্ত-শূন্য মুখের ওপর।

‘কত বড় জোয়ানটা তা দেখতে পাচ্ছেন না?’ ঠাট্টা করবার চেষ্টা করল রানা। কিন্তু ওর হাসিটা দেখাল কান্নার মত। ব্যাপার কি? লু সান ইনফরম করেনি এদের?

‘তা ঠিক। টেনিস খেলোয়াড়ের ফিগারই বটে। কিন্তু একটা কথা ভাবছি, টেনিসে মানুষ যত দুর্বল হয় তত ভারি ব্যাকস্ট ব্যাবহার করে—যত শক্তিশালী হয় তত হালকা ব্যাকস্ট। আপনার বেলায় উল্টো কেন?’

এবারে কাগজের মত সাদা হয়ে গেল রানার মুখ। উত্তর খুঁজে পেল না কোনও। এক পা পিছাতেই ধাক্কা লাগল মায়ার সাথে। রানা বলল, ‘সরি।’

কাস্টমস অফিসার অন্যদিকে চেয়েছিল। রানার মুখ দেখতে পেল না। আনমনে উত্তরটা সে-ই দিয়ে দিল।

‘অবশ্য যার যেমন প্রাক্টিস। কি বলেন? কিছু মনে করবেন না এত কথা জিজ্ঞেস করায়। টেনিসে আমিও ইন্টারেস্টেড। আমি সিম্রাটি সিম্বের সাংহাই চ্যাম্পিয়ান। উইশ ইয়ু হ্যাপি হলিডে, মি. মাসুদ রানা।’

‘থ্যাঙ্কস।’

সুটকেস বন্ধ করে ওপরে সই করে দিল অফিসার। টুলিতে চড়ে চলে গেল সেটা লোডিং-এর দিকে। হাফ ছেড়ে বাঁচল রানা। বুটটা কি অ্যাকটিং করল? সব জেনেও যদি এত কথা বলে থাকে তাহলে ওকে কাস্টমস থেকে ছাড়িয়ে সিনেমায় নামিয়ে দেয়া উচিত, ভাবল রানা। এগিয়ে চলল সে। পাসপোর্ট দেখাতেই প্যাসেঞ্জারস্ লিস্টে একটা টিক দিয়ে দিল সুপারভাইজার এক ছোকরা। ডিপারচার লাউঞ্জ গিয়ে বসে পড়ল রানা ঠাণ্ডা নরম গদিতে হেলান দিয়ে।

প্লেনে রানা বসল গিয়ে উইং-এর কাছে ইমার্জেন্সী একজিটের পাশে। অ্যাকসিডেন্ট হলে ওই পথে বাঁচবার আশায় নয়—টিকেটে নম্বর দেয়া আছে। ওটাই ওর জন্যে নির্দিষ্ট করে দিয়েছে কর্মকর্তারা। নাকি লু সান? কে জানে!

রানা লক্ষ করেছে, ডিপারচার লাউঞ্জ থেকেই মায়া ওয়াং ছাড়া আরও একজন লোক নজর রাখছে ওর ওপর। চোখে চোখ পড়লেই সরিয়ে নিচ্ছে চোখ, কিন্তু বারবার ঘুরে ফিরে ওর দৃষ্টিটা স্থির হচ্ছে এসে রানার মুখের ওপর। রানাও ভাল করে চিনে রাখল চেহারাটা। কিন্তু কে লোকটা? সি.এস.এস. না আর. এল. টি? চীনাওয়ান, সন্দেহ নেই। হাফ হাতা সিন্কে হাওয়াই শার্ট ট্রেন্ট প্যান্টের মধ্যে গোজা। লোমহীন মসৃণ দুই বাহুতে থোকা থোকা বলিষ্ঠ পেশী। প্রশস্ত উন্নত বুকের গড়ন শার্টের ওপর থেকে স্পষ্ট বোঝা যাচ্ছে। পায়ে একটা নীল হকি কেড্‌স্। বক্সিং বা কুস্তি চ্যাম্পিয়ান হতে পারে। রানা বুঝে নিয়েছে আইনের পক্ষে হোক বা বিপক্ষে, লোকটা খুনী। রানার সম্পর্কেও ঠিক এই কথাটাই ভাবছে কিনা ওই লোকটা কে জানে। মুচকে হাসল রানা।

রানার ঠিক পেছনের সীটে এসে বসল লোকটা।

প্রকাণ্ড বোয়িং ছাড়বার আগে টেস্ট করে নিল ক্যান্টেন সবকিছু। উইং-ফ্র্যাপ টেস্টিং ছাড়া আর কিছুই দেখতে পেল না রানা। বেক ছেড়ে দিয়ে ধীরে সুস্থে এগোল প্লেনটা টেক-অফ রানওয়ের দিকে। থেমে দাঁড়াল কিছুক্ষণ। তারপর সিগন্যাল পেয়েই তীব্রবেগে ছুটল সামনের দিকে। দুই মিনিটে উঠে গেল কয়েক

হাজার ফুট ওপরে। জানালা দিয়ে সাংহাই নগরীর অট্টালিকাগুলোকে মাটিতে ছড়ানো চিনির দানা মনে হলো। একটা গাড়ির চক্চকে পিঠ বিক করে উঠল রোদ পড়ে। পনেরো সেকেন্ডের মধ্যে হারিয়ে গেল সাংহাই। নিচে ফসল ভরা মাঠ সবুজ কার্পেটের মত লাগছে। চোদ্দ হাজার ফুট উঠে গেছে ওরা। ‘হাউ টু প্লে পোকারে’ মনোনিবেশ করল রানা। স্যাক্স আর কফি এল, গেল।

দু’ঘণ্টা পর জ্বলে উঠল লাল লেখা: নো স্মোকিং।

তার নিচে লেখা: ফাসেন ইওর সীট বেল্টস্।

পরমুহূর্তেই প্রথমে চীনা এবং পরে ইংরেজি ভাষায় ক্যান্টেনের বিরক্তিকর ঘ্যানর ঘ্যানর আরম্ভ হলো—শেষ হলো থ্যান্ড ইউ দিয়ে।

এসে গেছে হংকং।

পাঁচ

আবার সেই কাস্টমস্। কিন্তু এবার অপেক্ষাকৃত ঢিলা। স্ট্যাম্প ছিঁড়ে সাঁটিয়ে দিল অফিসার রানার সুটকেস এবং অ্যাটাচি কেবল দু’একটা গতবাধা প্রশ্নের পরই। খুলেও দেখল না সেগুলো। গেটের কাছে দাঁড়ানো ইন্সপেক্টর স্ট্যাম্প দেখেই টিক্ মার্ক দিয়ে দিল ব্যাক্সের ওপর সাদা টিক দিয়ে।

‘মি. মাসুদ রানা?’

খশখশে মোটা কর্কশ গলা শুনতে পেল রানা গেট থেকে বেরিয়েই।

‘আজ্ঞে হ্যাঁ।’

বলেই চোখ তুলে দেখল রানা প্রকাণ্ড চেহারার অসম্ভব মোটা একজন লোক পাহাড়ের মত দাঁড়িয়ে আছে সামনে। মেদবহুল মোটা গলায় আর চিবুকের ঝুলে পড়া মাংসে ভাঁজ পড়েছে কয়েকটা। প্রকাণ্ড পেটটা অসংকোচে হাত খানেক বেরিয়ে এসেছে সামনের দিকে। পা দুটো যেন কোনও রকমে খাড়া রেখেছে পাহাড়-প্রমাণ ধড়টিকে। যেন কাঁধে একটা চাপড় দিলেই বসে পড়বে মাটিতে। দাঁড়িয়ে দাঁড়িয়ে নিশ্চিন্তে ঘামছিল লোকটা। নীল শার্টের বগলের কাছে বিশী হলুদ দাগ পড়েছে ঘামের।

‘আপনার জন্যে গাড়ি তৈরি।’

কথাটা কোন মতে উচ্চারণ করে সুটকেসটা প্রায় ছিনিয়ে নিল লোকটা রানার হাত থেকে। তারপর ঘুরেই চলতে আরম্ভ করল। যেন আসল জিনিস পেয়ে গেছে সে, রানাকে ওর আর প্রয়োজন নেই কোনও—রানার দরকার থাকলে আসতে পারে পেছন পেছন, ইচ্ছে করলে না-ও আসতে পারে। হাতে-পায়ে ধরে প্রফেশনাল কণ্ঠ-শিল্পীকে সঙ্গীতানুষ্ঠানে ডেকে নিয়ে গিয়ে অনুষ্ঠান শেষে কর্মকর্তারা যে ব্যবহার করে, অনেকটা তেরকম।

চারদিকে চেয়ে মায়া ওয়াং-এর ছায়াও দেখতে পেল না রানা। সেই জুজুংসু চ্যাম্পিয়ানও গায়েব। অগত্যা মটু সিং-এর পেছন পেছন একখানা বৃহৎ গাড়ির

সামনে এসে দাঁড়াল সে। লেফট হ্যাণ্ড ড্রাইভ। গাড়ির পেছনের সীটে সুটকেস ছুঁড়ে দিয়ে ড্রাইভিং সীটে চেপে বসল মোটা লোকটা। সাথে সাথেই গাড়ি কাত হয়ে গেল একদিকে। চোখের ইশারায় পাশের সীটে রানাকে বসার ইঙ্গিত করে ইঞ্জিন চালু করে দিল সে।

উঠে বসল রানা সামনের সীটে। সাংহাই থেকে এত দক্ষিণে এসে রীতিমত গরম বোধ করছে রানা। তাছাড়া লোকটার ব্যবহারে বিরক্তও বোধ করছে যার-পর-নাই। কিছুক্ষণ চুপচাপ থেকে জিজ্ঞেস করল, 'কোথায় চলেছি আমরা?'

'যেখানে নিয়ে যাওয়া হচ্ছে সেখানেই,' মাতব্বরির চালে বলল মোটা।

চটাস করে একটা চড় মারতে হচ্ছে করল রানার লোকটার ফোলা গালে। সামলে নিল। গুরুতাই এদের কুনজরে পড়া ঠিক হবে না। এই লোকটাই সি. ওয়াই. লিউঙ কিনা কে জানে। চুপ করে থাকল সে। যতক্ষণ না কাজ উদ্ধার হচ্ছে ছোট হয়ে থাকতে হবে এদের কাছে।

বিপজ্জনক কয়েকটা টার্ন নিয়ে গাড়ি চলল সোজা ভিক্টোরিয়ার দিকে। গিয়ার চেঞ্জের বালাই নেই—অটোমেটিক গিয়ার। মসৃণ রাস্তার ওপর দিয়ে পঙ্খীরাজের মত উড়ে চলল লেটেস্ট মডেলের দামী আমেরিকান গাড়ি। রাস্তার দু'পাশে চীনা ভাষায় লেখা অসংখ্য সাইনবোর্ড। তার এক বর্ণও বুঝল না রানা। মাঝে মাঝে আবার ইংরেজি সাইনবোর্ডও আছে। কোকাকোলার বিজ্ঞাপনও দেখল কয়েক জায়গায়। ছোট্ট জায়গার জনসংখ্যা তিরিশ বার লাখ—কাজেই সেই পরিমাণই ভিড় রাস্তায়। একবার ট্রাফিক কন্ট্রোল সিগন্যাল রৈড হলে শ তিনেক গাড়ির লাইন লেগে যায়।

একটা প্রকাণ্ড তিরিশতলা স্কাইস্ক্রাপারের সামনে দাঁড়িয়ে পড়ল গাড়িটা জোরে ব্রেক কষে। একজন লোক ছুটে এল গাড়ির পাশে।

'সব ঠিক আছে, লোবো?'

'সব ঠিক,' বলল মোটা। 'কি আছে অফিসে?'

'আছে। তোমাদের জন্মে অপেক্ষা করছে।' দৌড়ে ফিরে গেল সে আবার বাড়ির ভেতর। বোধহয় বস্কে আগে থেকে সংবাদ দিতে।

'এসে গেছি,' রানার দিকে চেয়ে বলল লোবো। 'দয়া করে গাত্রোখান করুন।'

সুটকেসটা তুলে নিয়ে দড়াম করে গাড়ির দরজা বন্ধ করল লোবো। ওর পেছন পেছন গিয়ে দরজা দিয়ে ঢুকল রানা হলঘরে। সিড়ির পাশেই এলিভেটরের দরজা। টোয়েন্টি সেকেন্ড ফ্লোরের বাটন টিপে দিল লোবো রানা পাশে গিয়ে দাঁড়াতেই।

একটা প্রশস্ত করিডরে বেরিয়ে এল ওরা লিফট থেকে। কার্পেট বিছানো করিডর। কয়েক পা এগিয়ে হাতের ডানধারে একটা বন্ধ ঘর। বেল টিপতেই খুলে গেল দরজা। ওরা ঢুকতে বন্ধ হয়ে গেল আবার। ক্লিক করে তীক্ষ্ণ একটা ধাতব শব্দ হতেই চমকে ফিরে চাইল রানা দরজার দিকে। হাতল নেই কোনও।

একটা প্রকাণ্ড ডেস্কের ওপাশে বসে পাইপ টানছে এক মাঝবয়সী লোক। ধবধবে সাদা মাথার চুল। বয়স আন্দাজে বেশি পেকে গেছে। সারা মাথাময় এলোমেলো পাখির বাসা হয়ে আছে চুলগুলো। মুখটা ডিমের মত। নিটোল।

অসম্ভব পুরু ঠোট দুটোর নিচেরটা ঝুলে গেছে অতিরিক্ত মদ্যপানের ফলে। কোটটা খুলে চেয়ারের পেছনে ঝোলানো। ঢুলঢুল চোখে রানার দিকে চাইল সে, তারপর উঠে দাঁড়াল চেয়ার ছেড়ে।

ডেস্কটা ঘুরে রানার দিকে এগিয়ে এল লোকটা। লম্বা বেশি হবে না। পাঁচ ফুট তিন কি চার। বাচ্চাদের নেকারবোকোরের মত ফুল প্যান্টের কোমর থেকে দুটো ফিতে বেরিয়ে বুকোর কাছে গুণচিহ্ন একে কাঁধের ওপর দিয়ে চলে গেছে পেছনে। সাদা শার্টের কলারের নিচে লাল টাইয়ের কিছুটা বেরিয়ে আছে।

গম্ভীর মুখে চারপাশে এক পাক ঘুরে নিবিষ্ট চিত্তে পরীক্ষা করল সে রানাকে পা থেকে মাথা পর্যন্ত। তারপর ডেস্কের গায়ে হেলান দিয়ে দাঁড়াল রানার মুখোমুখি।

‘নতুন লোকদের ভাল মত পরীক্ষা করে দেখতে পছন্দ করি আমি, মি. অরুণ দত্ত।’

‘অরুণ দত্ত নয়, এখন থেকে আমি মাসুদ রানা। অরুণ দত্ত মারা গেছে।’

‘আচ্ছা বেশ, মাসুদ রানা। যা বলছিলাম, পরীক্ষা করে দেখি আমি। বিশেষ করে সে যদি আপনার মত এমন চমৎকার ফিগারের অধিকারী হয়। প্রথম দর্শনেই যদি কাউকে দেখেই মনে হয় যে আমাদের কাজের জন্যেই তার জন্ম হয়েছে, তাহলে সন্দেহ হওয়াই স্বাভাবিক। এবং পরীক্ষা করা প্রয়োজন। নয় কি?’ পাতলা গলা; চড়া পর্দায় কথা বলে লোকটা। ফলে চেহারার দৈর্ঘ্য দেখলে নারীকণ্ঠ বলে ভুল করবে লোকে।

বিনয়ের হাসি হাসল রানা।

‘সঙ্গে পিস্তল আছে দেখা যাচ্ছে। কি পিস্তল, কত ক্যালিবার?’

চকিতে চাইল রানা লিউঙের ধড়পট্টাখের দিকে। বলল, ‘ওয়ালথার পি. পি. কে, থারটি-টু।’

‘সাংহাই বলছে আপনি একটা খুন করেছেন। আমি বিশ্বাস করি সে কথা। সে ক্ষমতা যে আপনার আছে তা পরিষ্কার দেখতে পাচ্ছি। আমাদের কাছে নতুন কাজ নেবার ইচ্ছে আছে?’

রানা ভাবল, প্রস্তাবটা বড় বেশি তাড়াতাড়ি এসে গেল না? সাবধান হতে হবে। বিশেষ আঘাত না দেখিয়ে বলল, ‘কি কাজ তার ওপর নির্ভর করবে ইচ্ছেটা—আর কত পাচ্ছি সেটাও দেখতে হবে। আসলে কোনও দলে যোগ দেয়ার আঘাত নেই আমার। নিজে উপার্জন করবার ক্ষমতা আছে আমার কোনও দলের সাহায্য ছাড়াই।’

খিক্ খিক্ করে হেসে উঠল লোকটা মেয়েলী চণ্ডে। তারপর বলল, ‘ইচ্ছের বিরুদ্ধেও অনেক কাজ করতে হয়, মি. মাসুদ রানা। সে কথা যাক, পরের কথা পরে।’ হঠাৎ ঘুরল সে লোবোর দিকে। ‘তুমি হাঁ করে কি গুনছ, লোবো? টেনিস র‍্যাকেটটা ভেঙে মাল বের করে ফেলো।’ ডানহাতটা দ্রুত একবার ঝাঁকি দিল লিউঙ। পরমুহূর্তে একটা দুইধারে শান দেয়া ছুরি দেখা গেল ওর হাতে। ষ্টোয়িং নাইফ। চ্যাপ্টা বাঁটে স্কচ টেপ জড়ানো। বাহুর সাথে কায়দা করে আটকানো ছিল।

‘এক্ষুণি করছি, বস।’

সুটকেস থেকে র‍্যাকেটটা বের করে নিয়ে এল লোবো ডেস্কের কাছে। দুইহাতে হাতল ধরে জোরে একটা চাপ দিতেই মট করে ভেঙে গেল শেষের অংশটুকু। লিউঙের হাত থেকে ছুরিটা নিয়ে খুঁচিয়ে খুঁচিয়ে মোম বের করল বেশ খানিকটা। তারপর ঝাঁকাতেই সড়াং করে বেরিয়ে এল নস্যির কৌটার মত দেখতে গোল একটা অ্যালুমিনিয়ামের কৌটো। টেবিলের ওপর রাখল সে কৌটোটো।

ততক্ষণে আবার নিজের আসনে ফিরে গেছে সি.ওয়াই. লিউঙ। কৌটোটো খুলে ভেতরের জিনিস দেখল একবার। সন্তুষ্টির হাসি ফুটে উঠল ওর কুৎসিত পুরু ঠোটে। কৌটোটো বন্ধ করে বলল, 'লোবো, র‍্যাকেট আর সুটকেস সব দূর করো এখন আমার চোখের সামনে থেকে। র‍্যাকেটটা পুড়িয়ে ফেলো, আর সুটকেসটা পাঠিয়ে দাও বিল্টমোর হোটেলে— ওখানে ওর জন্যে রুম বুক করা হয়েছে। বলে দিয়ে যাও যেন ওর ঘরে পাঠিয়ে দেয়া হয় সুটকেস। যাও, কুইক।'

'যাচ্ছি, স্যার।'

সুটকেসটা বন্ধ করে এক হাতে এবং ভাঙা র‍্যাকেটের টুকরো দুটো অন্যহাতে নিয়ে দরজার দিকে চলল লোবো। রানা লক্ষ করল টেবিলের সাথে ফিট করা একটা বোতাম টিপতেই খুলে গেল দরজা। মোটা লোকটা বেরিয়ে যেতেই ছেড়ে দিল লিউঙ বোতামটা। ক্লিক করে আবার লেগে গেল হাতল-বিহীন দরজা।

একটা চেয়ার পায়ে বাধিয়ে টেনে এনে সি.ওয়াই. লিউঙের মুখোমুখি বসল রানা। লিউঙের মেয়েলি মুখের দিকে চোখ তুলে হাসল। 'এখন আমার পাওনাটা চুকিয়ে দিলেই নিশ্চিত মনে বিশ্বাস করতে যেতে পারি।'

এতক্ষণ পলকহীন চোখে লক্ষ করছিল লিউঙ রানার প্রতিটি কার্যকলাপ। এবার চোখটা নামিয়ে কৌটার দিকে চাইল সে। ওটাকে রেজিন মোড়া টেবিলের ওপর গুইয়ে রাস্তা সমান করবার স্টীম-ব্লোয়ারের মত সামনে-পেছনে করল কিছুক্ষণ ডান হাতের তালু দিয়ে। তারপর আবার চাইল সোজাসুজি রানার দিকে।

'তার আগে দু'একটা কথা ইসরে নিই। আপনি নোট জাল করতে পারেন?'

'পারি।'

'নমুনা দেখাতে পারবেন?'

হাসল রানা। বলল, 'এদিকেও ইন্টারেস্ট আছে নাকি? বেশ, দেখুন।'

কৌটোর ভেতরের পকেট থেকে একটা খাম বের করে সমস্তে খুলল সে, তারপর তিনটে পঁচ ডলারের নোট বের করে রাখল টেবিলের ওপর। ঠেলে দিল লিউঙের দিকে। সাগ্রহে হাত বাড়িয়ে তুলে নিল লিউঙ নোটগুলো। গভীর মনোযোগের সঙ্গে পরীক্ষা করল এক এক করে। চূপচাপ তাকিয়ে রয়েছে নিরাসক্ত রানা।

'বেশ ভালই নকল হয়েছে। ভাল করে লক্ষ না করলে আমার চোখেও ফাঁকি দিতে পারত।' সপ্রশংস দৃষ্টিতে চাইল লিউঙ রানার দিকে। 'কিন্তু দোষ আছে একটা।'

'কি দোষ? আমাকে বুঝিয়ে দিতে পারলে শুধরে নেব।'

'দোষ, মানে, অন্য কোন দোষ নেই। নোটগুলো বেশ ময়লা দেখাচ্ছে।'

'ওটাকে দোষ বলছেন কেন, মশাই? ওটা তো গুণ। ময়লা নোট কেউ সন্দেহ

করে না। নতুন দেখলেই ভাল করে লক্ষ করে।' হাসল রানা।

'তা, কথাটা অবশ্য যুক্তিযুক্তি,' স্বীকার করল লিউঙ। আর মনে মনে এটাও স্বীকার না করে পারল না যে তার সামনে বসা লোকটা একেবারে পাকা জালিয়াত। স্থির করল সে, একে হাতছাড়া করা যাবে না। গভীর চিন্তায় মগ্ন হয়ে গেল সে।

কিছুক্ষণ উসখুস করে রানা বলল, 'আমার পাওনাটা...'

আপনি নিজেই তো টাকার গাছ, পাওনার জন্যে এত তাগাদা দিচ্ছেন কেন?'

'গাছে খানিক পানি ঢালতে হবে যে। ঠিক পানি নয়, কেমিকেলস্। নইলে ফল ধরবে না। আমার সব কেমিকেলস্ সাংহাইয়ে নষ্ট করে দিয়ে এসেছি—এখানে আবার কিনতে হবে।'

'পাওয়া যাবে তো সব?' চট করে প্রশ্ন করল লিউঙ। রানা সম্মতিসূচক মাথা নাড়তেই আশঙ্কিত হয়ে বলল, 'তা দৈনিক এরকম নোট কত প্রোডাকশন দিতে পারেন আপনি?'

'উপযুক্ত সহকারী পেলে আনলিমিটেড। একা বড় জোর হাজারটা। ওতেই আমার চলে যায়।'

একটা টেলিফোন এল। রিভলভিং চেয়ারটা ডানধারে ঘুরিয়ে নিয়ে কিছুক্ষণ চীনা ভাষায় কথা বলল লিউঙ। রিসিভার নামিয়ে রেখে ফিরল আবার রানার দিকে।

'আপনাকে আমরা পুরো টাকাই দেব, মি. ~~অসুস্থ~~ দত্ত, সরি, মাসুদ রানা। এমন কি বেশিও পেতে পারেন। কিন্তু আমাদের দুই পক্ষেরই নিরাপত্তার জন্যে টাকা দেয়ার একটা কৌশল বের করতে হবে। ~~সেই~~ সুজি কোনও পেমেন্ট আমরা করব না। কারণটা নিশ্চয়ই বুঝতে পারছেন? ~~সুভ্যন্ত~~ সহজ ব্যাপার। হঠাৎ অনেক টাকা হাতে পড়লে মানুষ দিশা হারিয়ে ফেলে—জাহির করতে চায়। এখানে ওখানে দিলদরিয়ার মত খরচ আরম্ভ করে। এবং যখনই পুলিশ ক্যাক করে গর্দান চেপে ধরে জিজ্ঞেস করে টাকা কোথায় গেল—উত্তর দিতে পারে না কোনও। বুঝতে পেরেছেন?'

'হ্যাঁ। বুঝলাম।'

'কাজেই,' সেই একই পর্দায় একই সুরে বলে চলল লিউঙ, 'আমি এবং আমার উপরওয়ালা পেমেন্টের ব্যাপারে খুবই হুশিয়ার। কদাচিত পেমেন্ট করি। আর করলেও অল্প টাকা দিই। কিন্তু আমরা এমন ব্যবস্থা করে দিই যাতে সেই লোক নিজে উপার্জন করে নিতে পারে বাকিটা। আপনার নিজের কথাই ধরুন না। আপনার পকেটে এখন কত আছে?'

'পঞ্চাশ ডলার,' বলল বিস্মিত রানা।

'বেশ। আজ আপনার বহুদিনের পুরানো দোস্ত সি. ওয়াই. লিউঙের সাথে দেখা হয়ে গেল।' একটা আঙুল নিজের বুকে ঠেকাল লিউঙ। 'সীতিমত ভদ্রলোক একজন। হংকং-এর বিশিষ্ট সম্মানিত নাগরিক। সাংহাইয়ে পরিচয় হয়েছিল আমাদের সেই যুদ্ধের সময় ১৯৪৭ সালে। মনে নেই?'

'খুব মনে আছে।'

'সেই সময় একদিন ব্রিজ খেলায় হেরে গিয়ে আমি আপনার কাছে এক হাজার

ডলার দেনা ছিলাম। মনে আছে?’

মাথা ঝাঁকাল রানা।

‘আচ্ছা। আজ যখন দেখা হলো, আমি প্রস্তাব দিলাম টস করে দেখা যাক। হয় ডবল, নয় কুইটস্। এবং আপনি জিতলেন। বুঝেছেন? কাজেই আপনি দু’হাজার ডলার পেয়ে গেলেন আমার কাছ থেকে। এবং আমি একজন বিশিষ্ট নাগরিক আপনার এই গল্প সত্যি বলে স্বীকার করব। এই নিন আপনার দু’হাজার ডলার।’

মোট একখানা মানিব্যাগ বের করল লিউঙ হিপ পকেট থেকে। বিশটা একশো ডলারের নোট গুণে এগিয়ে দিল রানার দিকে। টেবিলের ওপর থেকে তুলে নিয়ে বুক পকেটে রাখল রানা ওগুলো নিতান্ত অবহেলার সঙ্গে। বলল, ‘বাকিটা?’

‘বলছি,’ মৃদু হাসল লিউঙ, ‘টাকা পেয়ে আপনি আমাকে বললেন রেস খেলতে চান। আমি বললাম, চলুন না, আগামী শুক্রবার হংকং রেস কোর্সে, আমিও যেতে পারি। আপনি রাজি হয়ে গেলেন। তাই না?’

‘নিশ্চয়। এক কথায় রাজি!’ বলল রানা মৃদু হেসে।

‘এবং আপনি ঝোঁকের মাথায় সব টাকা ধরে বসলেন একটা ঘোড়ার ওপর। ভাগ্যক্রমে জিতে গিয়ে অন্ততপক্ষে পাঁচগুণ টাকা পেয়ে গেলেন। ব্যস, আপনার দশ হাজার পূর্ণ হয়ে গেল। কেউ যদি জিজ্ঞেস করে, এত টাকা কোথেকে পেয়েছেন, আপনি বলবেন, আইন সঙ্গত উপায়ে রোজগার করেছি। এবং তার প্রমাণও আছে আপনার কাছে।’

‘খুব তো সহজ পথ বাতলে দিলেন। কিন্তু সে ঘোড়া যদি হারে, তা হলে?’

‘হারবে না।’

চমকে উঠল রানা। আশ্চর্য! এককোন রাজত্বে এসে পৌঁছল সে? নরকের দরজার সামনে এসে দাঁড়িয়েছে সে? সে এখন। পাপের আবর্তের ঠিক মাঝখানে এসে পড়েছে।

‘হারবে না?’ বোকার মত জিজ্ঞেস করল সে।

‘না। হারবে না।’

ততক্ষণে সামলে নিয়েছে রানা। বলল, ‘চমৎকার! আপনারা দেখছি এক মাইল এগিয়ে আছেন আমাদের চেয়ে।’

প্রশংসায় কিছুমাত্র বিচলিত হবার ভাব প্রকাশ পেল না লিউঙের চেহারায়ে। ঢুলুঢুলু চোখ মেলে চেয়ে থাকল সে রানার দিকে। তারপর যেন একঘেয়েমিতে ভুগছে এমনি কণ্ঠে বলল, ‘এক হাজার মাইল।’

‘আপনাদের সাথে কাজ করবার সুযোগ পেলে আমি নিজেকে ধন্য মনে করব। আছে আর কিছু কাজ?’

অনেকক্ষণ চুপ করে থাকল লিউঙ চিন্তান্বিত মুখে। হাতের তালু দিয়ে স্টিমরোলার চালানল ময় চিঙে। তারপর আবার চোখ তুলল রানার মুখের দিকে।

‘থাকতে পারে। এখন পর্যন্ত কোনও ভুল হয়নি আপনার। কাস্টিমসের সামনেও বেশ নার্ভের পরিচয় দিয়েছেন। হয়তো কোনও কাজ দিতে পারব। যা বললাম তাই করুন গিয়ে। আগামী মঙ্গল-বুধবার নাগাদ ফোন করবেন আমাকে। কাজ থাকলে বলব তখন। কিন্তু যা বললাম তার যদি বরখোলাফ করেন, তবে আপনার পেমেটের

ব্যাপারে আর কোনও দায়িত্বই থাকবে না আমাদের। বুঝেছেন? এবার আমার টেলিফোন নম্বরটা টুকে নিন: ৯০৩৩২১-২৩। ঠিক আছে? এবার আসল কথাটা লিখে নিন। গোপন রাখবেন—নইলে আপনার মুখ চিরতরে বন্ধ হয়ে যাবে।' মাথা নেড়ে নিজের কথাটাকেই যেন সমর্থন করল লিউঙ। 'লিখুন, শুক্রবার; সপ্তম দৌড়; সাড়ে তিন বছরের ঘোড়াদের জন্যে দু'মাইলের পাল্লা। জানালা বন্ধ হবার ঠিক আগের মুহূর্তে জমা দেবেন টাকা। ও. কে?'

'ও. কে।'

'মস্তবড় সাদা ঘোড়া। ঘাড়ের কেশর আর চারটে খুরের কাছে কালো। জিততে হলে ওই ঘোড়ায় খেলবেন। নাম: হোয়াইট অ্যাঞ্জেল।'

ছয়

পৌনে দুটোর সময় বেরিয়ে এল রানা রাস্তায়। খিদেয় চোঁ-চোঁ করছে পেট। বাইরে ঝাঁ-ঝাঁ রোদ্দুর। লিউঙের এয়ার-কন্ডিশনড ঘর থেকে বেরিয়ে অসম্ভব গরম লাগল ওর। হাঁটতে থাকল সে ফুটপাথ ধরে বাড়িগুলো বক্রায়ায় ছায়ায়। ট্যাক্সি পেলেই উঠে পড়বে। কিন্তু পাশ দিয়ে কয়েকটা খালি ট্যাক্সি চলে গেল, তবু উঠল না সে। চিন্তান্তিত ভঙ্গিতে হাঁটতেই থাকল। বেশ খানিকদূর হাঁটার পর যখন সে পরিষ্কার বুঝতে পারল কেউ অনুসরণ করছে না ওকে, তখন একটাকে ডেকে বলল, 'বিল্টমোর হোটেল।'

পিছনের সীটে বসে দোকান-খুঁটি দেখতে দেখতে চলেছে রানা, হঠাৎ চোখ পড়ল রিয়ার ভিউ মিররের ওপর। দেখল ওই আয়না দিয়ে ওকে এতক্ষণ লক্ষ্য করছিল ড্রাইভার, চাইতেই ফিরিয়ে নিল। এক সেকেণ্ড মাত্র দেখল রানা ড্রাইভারের চোখ। কিন্তু এক সেকেণ্ডই যথেষ্ট। চিনে ফেলল রানা ওকে। এখন জামা কাপড় বদলে এসেছে, কিন্তু এই লোকটাই এসেছে আজ সাংহাই থেকে হংকং ওর সাথে একই প্লেনে। সেই জুজুংসু চ্যাম্পিয়ান।

তাহলে ওদের সম্পূর্ণ আওতার মধ্যেই রয়েছে সে এখনও। ওর প্রতিটি কার্যকলাপের ওপর লক্ষ রাখছে ওরা। সন্দেহমুক্ত করতে পারেনি সে নিজেকে।

আর একটি বারও আয়নাটার দিকে চাইল না রানা। যেন কিছুই বোঝেনি, কিছুই টের পায়নি এমনি ভাব নিয়ে বাইরের দিকে চেয়ে রইল নির্বিকার মুখে। হোটেল পৌছতেই নেমে গাড়ির দরজা খুলে দাঁড়াল ড্রাইভার। ভাড়ার সাথে বকশিসও দিল রানা, মাথা নুইয়ে সালাম করে গাড়িতে উঠে বসল ড্রাইভার। কিন্তু রানা হোটেল না ঢোকা পর্যন্ত দাঁড়িয়েই থাকল গেটের সামনে। রানা চোখের আড়াল হতেই পঁচিশ-ত্রিশ গজ দূরে গিয়ে একটা বাড়ির ছায়ায় দাঁড়িয়ে থাকল মিনিট বিশেক। তারপর গাড়ি থেকে নেমে একটা ওষুধের দোকানে ঢুকে তুলে নিল টেলিফোনের রিসিভার।

প্রকাণ্ড হোটেল। পরিচয় দিতেই কী-বোর্ডের হুক থেকে খুলে ওর কামরার

চাবি এগিয়ে দিল সুশী এক যুবতী। চাবির সাথে একটা কালো চাকতিতে সাদা কালি দিয়ে লেখা:

৩য় ফ্লোর

রুম ৩১০

আধ ঘণ্টার মধ্যে খাবার পাঠাবার আদেশ দিয়ে উঠে এল রানা চার তলায়। চাবি ঘোরাতেই খুলে গেল দরজা।

চমৎকার কার্পেট বিছানো প্রশস্ত ঘর। সাথে অ্যাটাচড বাথ। ডাবলবেড খাটের মাথার কাছে ছোট একটা টেবিলের ওপর টেলিফোন, দামী একখানা অল-ওয়েভ ট্রানজিস্টার সেট আর একটা ফুলদানিতে প্লাস্টিকের ফুল সুন্দর করে সাজিয়ে রাখা। বিছানায় গুয়েই হাত বাড়িয়ে ধরা যায়। ড্রেসিং টেবিলের আয়না সাদা নাইলন নেটে ঢাকা। আলনার পাশে একটা তাকের ওপর তোবড়ানো সুটকেসটা সযত্নে রাখা। ঘরের এক কোণে একটা রাইটিং টেবিল—তার ওপর একটা সুদৃশ্য টেবিল ল্যাম্প। একটা চেয়ার রাখা সে টেবিলের সামনে। এক কোণে একটা আরাম কেরারা। সব কিছুই টিপ-টপ, রুচি সম্মত। রানা আন্দাজ করল এই কামরার দৈনিক ভাড়া কমপক্ষে পঁচাত্তর হংকং-ডলার হবে।

এয়ার কুলারের ‘হাই কুল’ লেখা বোতামটা টিপে দিল রানা। তারপর টাওয়েল আর সাবানটা বের করে নিয়ে ছুটল বাথরুমের দিকে।

মিনিট দশেক শাওয়ারের ঠাণ্ডা পানিতে সর্বাঙ্গে ভিজিয়ে স্বর্গীয় সুখ অনুভব করল সে—তারপর বাথরুম থেকে বেরিয়ে এসে খাবারের জন্যে বেল বাজিয়ে দিল। ঘরটা বেশ ঠাণ্ডা হয়ে এসেছে। ইজি চেয়ারে গুয়ে আজকের সমস্ত ঘটনাগুলো মনে মনে খুঁটিয়ে দেখল রানা। না, ভুল হয়নি কোথাও।

এঁটো বাসন পেয়ালা এবং মেরুদণ্ড ঝিকশিস নিয়ে খুশি মনে চলে গেল বেয়ারা। দরজা বন্ধ করে বিছানায় উঠতে যাচ্ছিল রানা, এমন সময় খুঁট করে শব্দ হলো একটা। সটান ঘুরে দাঁড়িয়ে সম্মুখ বিশ্বয়ে দেখল রানা দেয়ালের গায়ে দরজা খুলে গেছে একটা। পাশাপাশি দুই ঘরের মাঝের দরজা। খোলা দরজার মাঝখানে দাঁড়িয়ে আছে লিউ ফু-চুং। চায়নিজ সিক্রেট সার্ভিসের ক্যালকাটা-চীফ।

বিশ্বয়ের ধাকা সামলে নিয়ে কিছু বলতে যাচ্ছিল রানা। ঠোঁটের ওপর তর্জনী রেখে চুপ করবার ইঙ্গিত করল ফু-চুং। পা টিপে এগিয়ে এসে ট্রানজিস্টারটা খুলল সে। কিছুক্ষণ নাড়াচাড়া করতেই ভেসে এল চীনা সঙ্গীত। ভলিউম বাড়িয়ে দিল ওটার। তারপর ইঙ্গিতে খাটের পায়ের দিকে দেখিয়ে টেনে নিয়ে গেল রানাকে বাথরুমের মধ্যে।

‘মাইক্রোফোন আছে, গর্দভ!’ চাপা গলায় বলল ফু-চুং। ইঙ্গিতেই বুঝে নিয়েছিল রানা। কিন্তু হোটেলের মধ্যে মাইক্রোফোন কেন? তবে কি...? উত্তরটা এল ফু-চুং-এর কাছ থেকেই, ‘লিউঙের হোটেল। প্রত্যেক ঘরেই মাইক্রোফোন আছে—রেকর্ড হয়ে যাচ্ছে ঘরের মধ্যকার প্রতিটি শব্দ, প্রতিটা কথাবার্তা।’

‘কিন্তু তুই হঠাৎ কোথেকে, দোস্ত?’

‘ঢাকা থেকে তুই আসছিস জানতে পেরেই হংকং-এর উদ্দেশে ফ্লাই করবার জন্যে আর্জেন্ট সিগন্যাল এসেছিল আমার কাছে। এখানে পৌঁছে সমস্ত ঘটনা

শুনলাম। ওদের ধারণা তিনটে অ্যাসাইনমেন্টে আমরা যখন এক সাথে কাজ করে বিজয়ী হয়েছি, তখন এটোতেও হব। কাজেই যেখানে মাসুদ রানা, যাও সেখানে নিউ ফু-চুং। কাল এখানে পৌছেই সারাদিনে যতটা পেরেছি খবরাখবর জোগাড় করে ফেলেছি। আজ এখানে তোর জন্যে কত নম্বর রুম রিজার্ভ করা হয়েছে জানতে পেরে পাশের ঘরটা ভাড়া নিয়েছি। এখন তোর খবর বল।’

‘শোন। আমাকে দু’হাজার ডলার দিয়েছে নিউঙ। বাকিটা পাব রেস খেলে।’

‘রেস খেলে?’

‘হ্যাঁ। আগামী শুক্রবার, সপ্তম দৌড়—সাড়ে তিন বছরের ঘোড়াদের জন্যে দুই মাইলের পাল্লা। ঘোড়ার নাম হোয়াইট অ্যাঞ্জেল। কথাটা কাউকে বললে জিভ কেটে নেবে বলেছে।’

‘ফ্যান্টাস্টিক!’

‘একদম রিয়েলিস্টিক বাছা, বাস্তব সত্য। এরা কাজ নিয়ে ইয়ার্কি মারে না, কথাও বরখেলাপ করে না। বিশেষ করে আমার মত একজন প্রসপেকটিভ জালিয়াতকে এই ক’টা টাকার জন্যে ঠকিয়ে হাতছাড়া করবে না।’

‘জালিয়াত?’ সপ্রশ্ন দৃষ্টিতে চাইল ফু-চুং রানার দিকে।

নোট জালের কথা ভেঙে বলতেই হেসে ফেলল ফু-চুং। বলল, ‘কিন্তু জাল নোট পেলি কোথায়, শালা?’

‘দুস্তোর জাল নোট। আসল নোট দেখিয়ে বলেছি জাল করেছি। ব্যাটা একেবারে তাজ্জব বনে গেছে। ভাবছে কেউ পতি হয়ে যাবে আমাকে হাতে রাখলে। যাই হোক, আমার মাথায় একটা প্ল্যান এসেছে। হোয়াইট অ্যাঞ্জেলের নিশ্চিত জয়টা ভুল করে দিতে পারবি?’

‘কি করে?’

‘নিশ্চয়ই হোয়াইট অ্যাঞ্জেলের ফোনও গোলমাল আছে। নইলে এত কনফিডেন্স পেল কোথায় ওরা? তুই চেষ্টা করে দেখ এর গুমরটা ফাঁক করতে পারিস কিনা। তারপর জুকিকে ভয় দেখিয়ে বা ঘুসের লোভ দেখিয়ে কাজ হাসিল করতে পারবি হয়তো। আমি নিজেই করতাম, কিন্তু শালারা ছায়ার মত অনুসরণ করছে আমাকে।’

‘বুঝলাম। কিন্তু হোয়াইট অ্যাঞ্জেলের জয় ঠেকালে তোর কি সুবিধে?’

‘বলছি। অনেক কথা, সংক্ষেপে বলছি। আমাকে নতুন কাজ দিতে রাজি হয়েছে নিউঙ। কিন্তু ভাল মত যাচাই না করে দলে নেবে না। রেসখেলার ব্যাপারটা নিয়ে ক’দিন খুব ব্যস্ত আছে ওরা—রেসের তিন-চার দিন পর আমাকে ফোন করতে বলেছে। তার মানে এর মধ্যে ভাল করে খোঁজ নেবে আমার সম্পর্কে। মাইক্রোফোনেই যদি ধরা পড়ে যাই তো চুকে গেল, প্রয়োজন হলে অরুণ দত্তের বাড়িতেও লোক পাঠাবে। সাক্ষা যখন নই, ধরা পড়বই। আমাকে বিশ্বাস করেনি ওরা। বোধহয় কাউকেই করে না। এখন আমি চাইছি আমাদের কাজ উদ্ধার না হওয়া পর্যন্ত ওদের ব্যস্ত রাখতে। হোয়াইট অ্যাঞ্জেল না জিতলে কয়েক লাখ ডলার ক্ষতি হয়ে যাবে ওদের, তখন আমার খোঁজ-খবর স্বগিত রেখে এর কারণ অনুসন্ধানেই জোর দেবে। আমিও সেই সুযোগে চাপ দেব টাকার

জন্যে—নতুন কাজের জন্যে। চারপাশের পানিটা ঘোলা করে ফেলতে না পারলে পরিষ্কার দেখে ফেলবে ওরা আমাকে। ঘোলা অবস্থায় যতদূর পারা যায় ডুব সাঁতার দিয়ে ঢুকবার চেষ্টা করব ওদের এলাকার মধ্যে।

‘শয়তানী বুদ্ধি তো বেশ ভাল খেলে তোর মাথায় রে! যাই হোক আমি চেষ্টা করব জকিকে কাঁবু করতে। যা হয় জানাব তোকে কাল।’

‘ঘরের মধ্যে বয়-বেয়ারা থাকতেই আবার মড়মড় করে সৈঁদিয়ে পড়িস না।’

আঙুল দিয়ে দরজার গায়ে একটা ছিদ্র দেখাল ফু-চুং। বলল, ‘অনেক খেটে বানিয়েছি ওটা। বয়-বেয়ারা থাকতে ঢুকে পড়বার ভয় নেই।’

চোখ টিপল লিউ ফু-চুং দুষ্টামির হাসি হেসে, তারপর পা টিপে চলে গেল পাশের ঘরে। দরজা বন্ধ হয়ে যেতেই বিছানায় গিয়ে শুয়ে পড়ল রানা। রেডিও বন্ধ করে দিল। কিছুক্ষণ এপাশ-ওপাশ ফিরে ঘুমিয়ে পড়ল সে নরম বিছানায়।

বিকেলে ঘুম থেকে উঠে সারা হংকং-ময় লক্ষ্যহীন ভাবে ঘুরে বেড়াল রানা ট্যাক্সি করে। কাউলুন থেকে মাইল চারেক দূরে কার্লটন হোটেলে বসে কাউলুনের বিখ্যাত বাতি আর হংকং জেটির চমৎকার দৃশ্য আর সেই সাথে পিকিং-ডাকের অপূর্ব দৃশ্য ও স্নাদ উপভোগ করতে করতে ডিনার সেরে নিল। হোটেলে যখন ফিরে এল তখন ঘড়িতে বাজে রাত এগারোটা।

আঠার মত পিছু নেগে ছিল জুজুংসু চ্যাম্পিয়ান, এতক্ষণে ছুটি পেয়ে বাড়ির দিকে রওনা হলো সে মনে মনে রানার বাপ-মা মনে গালি দিতে দিতে।

সাত

‘আমার মা-ই আমার সর্বনাশ করল, রানা। আর আমি করলাম তোমার। কিন্তু এছাড়া আমার আর কৈশিও উপায় ছিল না, বিশ্বাস করো।’

সাগরের দিকে মুখ করে পাশাপাশি দুটো চেয়ারে বসে আছে ওরা ডিনার শেষ করে। চমৎকার করে ছাঁটা ঝাউগাছ আড়াল করেছে ওদেরকে রিপালস্ বে হোটেলের আলোকোজ্জ্বল আঙিনার মত্ত কোলাহল থেকে। দূরে জেলেদের কয়েকটা সাম্পান থেকে আলো পড়েছে সাগরের জলে। ভূতুড়ে লাগছে দেখতে।

গতকালই হোটেলটা একপাক ঘুরে দেখে গেছে মাসুদ রানা। বিল্টমোর হোটেল থেকে দ্বীপের অপর দিকে এই রিপালস্ বে হোটেল ঝাড়া আধঘন্টার পথ। হোটেলের সামনে চমৎকার একটা বাগান, ঝোপঝাড়ের আড়ালে সুন্দর বসবার ব্যবস্থা; সরু পীচঢালা রাস্তা চলে গেছে সাগরের তীর পর্যন্ত, পথের শেষে চলনসই একটা বীচ—সবই দেখেছে সে ঘুরে ফিরে। প্ল্যান ঠিক করে ফেলেছে মনে মনে। আজ তাই ঘন্টাখানেক আগে মায়া, ওয়াং পৌছুতেই তাকে নিয়ে সোজা চলে এসেছে হোটেলের শেষ প্রান্তের নিচু প্রাচীর ঘেঁষা নির্জন টেবিলটায়। গেটের কাছে কোকাকোলার বোতল হাতে দাঁড়ানো একজন চীনা লোকের সাথে রানার চোখে চোখে কি ইঙ্গিত বিনিময় হলো জানতেও পারেনি মায়া ওয়াং। বেল বাজাতেই বয়

এসেছে, মায়ার পছন্দ মত ডিনার দিয়ে গেছে, খাওয়া দাওয়ার পর সরিয়ে নিয়ে গেছে এটো বাসনপত্র। সে-ও প্রায় আধঘণ্টার কথা।

এতক্ষণ বিশ্রামে হতবাক রানা শুনেছে মায়ার অবিশ্বাস্য কাহিনী।

আবার গ্লাস দুটো ভর্তি করে দিল রানা। ছিপি বন্ধ করে নামিয়ে রাখল কোকের বোতলটা ঘাসের ওপর। তারপর বলল, 'আমার কি ক্ষতি করেছে জানি না। সেটা পরে শুনব। কিন্তু তোমার মা যখন আর নেই তখন চ্যাঙের সাথে সম্পর্কও নেই তোমার। তুমি কোন্ অপরাধে শুধু শুধু ইচ্ছের বিরুদ্ধে ওদের হয়ে কাজ করবে?

'চ্যাঙ-এর গুপ্তধনের সন্ধান জানার অপরাধে।'

'তুমি কি করে জেনেছিলে?'

'আমার মা-র কাছে। ঘরে যে মাইক্রোফোন ছিল সে কথা মা-র জানা ছিল না। মা-তো আত্মহত্যা করেই খালাস—আমি বাঁধা পড়লাম চ্যাঙ-এর হাতে চিরকালের জন্যে।'

'তোমার মা কি জেনেওনেই বিয়ে করেছিলেন দস্যু চ্যাঙকে?'

'না। আমাদের আর্থিক অবস্থা তখন খুব খারাপ যাচ্ছিল। বাবা মারা যাবার পর জানা গেল প্রচুর টাকা ঋণ রেখে গেছেন তিনি। বন্ধকীর মেয়াদ পূর্ণ হয়ে যেতেই উচ্ছেদ করে দেয়া হলো আমাদের বাড়ি থেকে ঋণের নোটিশে। থাকা খাওয়ার ঠিক ছিল না। এমন সময় চ্যাঙ মাকে বিব্রিত প্রস্তাব দিল। হংকং-এর সেরা সুন্দরী ছিলেন তিনি। চ্যাঙের টাকা পয়সার মোহে পড়ে রাজি হয়ে গেলেন আমার মা। আমরা চলে গেলাম ম্যাকাও। পরে মাকে ধীরে জানা গেল কতবড় ভুল হয়ে গেছে। পৃথিবীর হীনতম দস্যুদল রেড লিটলিং টং-এর দলপতির স্ত্রী তখন তিনি।'

কিছুক্ষণ চুপ করে থাকল রানা। তার পরে-সুস্থে গ্লাসে চুমুক দিচ্ছে এক-একটা। মায়া ওয়াং-এর কথাগুলো আবার মনে মনে উল্টে পালেট দেখল সে। কেমন হয়ন অদ্ভুত ঠেকছে তার কাছে সবকিছু। হঠাৎ কথা নেই বার্তা নেই মেয়েটি তাকে এসব কথা বলছে কেন? নিজের পরিচয়, দলের পরিচয় এবং সবচেয়ে আশ্চর্য ব্যাপার—গুপ্তধনের সন্ধান দিল কেন মেয়েটি এমন অসঙ্কোচে একজন প্রায়-অপরিচিত লোকের কাছে? কি প্ল্যান ঘুরছে ওর মাথায়? কোনও ট্র্যাপ? কিছুই বুঝতে পারে না সে।

'চ্যাঙ-এর ছেলেমেয়ে নেই?'

'না। আমিই ওর সমস্ত সম্পদের একমাত্র উত্তরাধিকারিণী। কিন্তু ঈশ্বর জানেন, ওর এতো সম্পত্তির মালিক হওয়ার চেয়ে মুক্ত স্বাধীন পথের ভিখারি হলেও আমি নিজেকে সৌভাগ্যবতী বলে মনে করতাম।'

'বুঝলাম। কিন্তু তুমি পুলিশের সাহায্য নাওনি কেন, মায়া?'

'পুলিস?' হাসল মায়া ওয়াং। 'পুলিস কি করবে? চ্যাঙের বিরুদ্ধে একটা আঙুল উঁচু করতেও সাহস পাবে না পুলিশ।'

'তুমি সাংহাইয়ে গিয়ে আর না ফিরলেই পারো?'

'তোমাকে তো বলেছি, সাংহাইয়ে প্রতিটা মুহূর্ত আমার ওপর নজর রাখা হয়। সাইলেন্সার ফিট করা একটা পিস্তল চব্বিশ ঘণ্টা নির্নিমেমে চেয়ে থাকে আমার

হুৎপিণ্ডের দিকে। একটু এদিক-ওদিক হলে বিনাধিকায় খুন করা হবে আমাকে। নিতান্ত দয়াপরবশ হয়ে প্রাণধারণের অনুমতি দিয়েছে আমাকে চ্যাঙ। কিন্তু তার হুকুম ছাড়া কারও সঙ্গে মেলামেশা তো দূরের কথা, কথা বলাও বারণ। চারদিক দিয়ে আটপেঠে বেঁধে রেখেছে আমাকে। মৃত্যু ছাড়া মুক্তি নেই। কতদিন মায়ের মত আত্মহত্যা করতে চেষ্টা করেছি, কিন্তু পারিনি। আমি বড় ভীতু, মি. রানা। তুমি বুঝতে পারবে না কত কাঙালের মত মুক্তি চাই আমি।’

টপটপ করে কয়েক ফোঁটা জল ঝরে পড়ল মায়ার কোলের ওপর। সবুজ একটা চিয়োং সাম পরেছে মায়া। চিক চিক করছে গালের ওপর অশ্রুর ধারা। রানার কাছে অতুলনীয় মনে হলো ওকে। ওর একটা হাত তুলে নিল সে নিজের হাতে।

কিছুক্ষণ চুপচাপ বসে রইল দু’জন। একটা রুমাল বের করে আলগোছে মুছে নিল মায়া গাল দুটো। রানা বলল, ‘একটা কথা সত্যি করে বলবে?’

‘কি কথা? বলব।’

‘আমাকে এসব কথা কেন বললে?’

‘এ ছাড়া আমার আর কোনও উপায় ছিল না বলে। কাউকে না কাউকে আমার বলতে হতই। এত লোক থাকতে তোমার ওপরই নির্ভর করতে চাইলাম কেন তা বলতে পারব না। হয়তো তোমার মধ্যে কিছু দেখতে পেয়েছি আমি, কিংবা হয়তো তোমার অমন বলিষ্ঠ ঋজু স্বাস্থ্য আমার বুদ্ধিদীপ্ত চেহারাই এর কারণ হতে পারে। কিন্তু আসল কথা, আমি মরিয়া হয়ে উঠেছি। আমি নিজের স্বার্থে অন্ধ হয়ে গিয়ে এই কাজটা করেছি।’

মদু হাসল রানা।

‘কিন্তু আমার উদ্দেশ্যটা জানলে তুমি শুকিয়ে যাবে তোমার মুখ। তবু স্পষ্টই বলব সব কথা। আমি জানি একদম সব কথা বলতে পারলে আর বিশ্বাসঘাতকতা করতে পারবে না তুমি। পৃথিবীতে মাত্র দু’জন মানুষ জানত এই গুপ্তধনের কথা—চ্যাঙ আর আমি। এখন তুমিও জেনেছ। আমার কথামত আমাকে যদি এই দলের ঋণের থেকে বের করে না আন, তাহলে আমার সাথে সাথে তোমাকেও বরণ করে নিতে হবে নিশ্চিত মৃত্যু। আমাকে সাহায্য করতেই হবে তোমার।’

মুচকে হাসল রানা। ‘র‍্যাকমেইল করতে চাইছ আমাকে?’

‘তা যদি মনে করো, তাহলে তাই। কিন্তু একটা কথা ভেবে দেখো, পৃথিবীতে এত লোক থাকতে তোমাকেই বেছে নিলাম কেন? আর তো কাউকে বলতে সাহস পাইনি। তোমার ওপরই কেবল নির্ভর করা যায় মনে করলাম কেন?’

‘কেন?’

‘তোমাকে আমার ভাল লেগেছে, রানা।’

এমনি সময় কাছেই একটা ধস্তাধস্তির আওয়াজ পাওয়া গেল। লাফিয়ে উঠে দাঁড়াল মাসুদ রানা। এক লাফে দেয়ালের পাশে চলে এল সে। দেখল পেছন থেকে সাপটে ধরেছে ফু-চুং সেই জুজুংসু চ্যাম্পিয়নকে। হাত ছাড়াবার জন্যে ধস্তাধস্তি করছে লোকটা। হঠাৎ যেন যাদুমন্ত্রের বলে ছিটকে পড়ল ফু-চুং কয়েক হাত দূরে। তড়াক করে উঠে দাঁড়াল আবার, কিন্তু দেহের ভারসাম্য হারিয়ে ফেলেছে সে।

বেড়ালের মত নিঃশব্দ অথচ দ্রুত পায়ে এগিয়ে গেল জুজুৎসু ব্ল্যাক-বেল্ট হোস্টার। দাঁড় চালানোর মত করে বিদ্যুৎগতিতে ডান হাতটা চালান একবার ফু-চুং-এর বাঁ কাঁধের ওপর। ঝুলে পড়ল ফু-চুং-এর বাম হাত। এবার আবার মারল সে আঙুলগুলো সটান সোজা রেখে সেই মার ফু-চুং-এর পেটের ওপর। অবর্ণনীয় ব্যথায় কঁকড়ে গেল ওর দেহ...বোঁকে গেল সামনের দিকে। হাঁটু দিয়ে খুঁতনিতে একটা আপার কাট মারতেই চিত হয়ে পড়ে গেল ফু-চুং মাটিতে। কোমর থেকে টান দিয়ে একটা ছোরা বের করে ঝাঁপিয়ে পড়ল লোকটা ওর বুকের ওপর।

সমস্ত ঘটনাটা ঘটে গেল তিন চার সেকেন্ডের মধ্যে। এক লাফে দেয়াল টপকে বেরিয়ে এল রানা বাইরে। ছুটে গিয়ে দড়াম করে লাথি মারল লোকটার শিরদাঁড়ার ওপর। রানা বুঝে নিয়েছে এ-লোক জুজুৎসুর ব্ল্যাক-বেল্ট নয়, পৃথিবীর ভয়ঙ্করতম নিরস্ত্র-যুদ্ধ 'কারাতে'র ওস্তাদ। একে কোনও রকম সুযোগ দেয়া চলবে না। স্টীলের পাত বসানো জুতোর প্রচণ্ড লাথি শিরদাঁড়ায় পড়তেই বাঁকা হয়ে গেল লোকটার দেহ পিছন দিকে, ছুরিটা পড়ে গিয়েছে হাত থেকে খসে। নির্মম ভাবে আবার লাথি চালান রানা ওর পাজর লক্ষ্য করে। তীক্ষ্ণ একটা আর্তনাদ বেরিয়ে এল ওর মুখ থেকে। ফু-চুং-এর বুকের ওপর থেকে গড়িয়ে পড়ল সে মাটিতে। কিন্তু আশ্চর্য! এই আঘাতের পরেও বাঁ পায়ে সে একটা প্রচণ্ড লাথি মারল রানার উরুর ওপর, আর সেই সাথে ডান পা দিয়ে রানার হাঁটুর নিচে ব্যক্তিগত টান দিল সামনের দিকে। মুহূর্তে ধরাশায়ী হলো রানাও। টলতে টলতে উঠে দাঁড়াল লোকটা। রানাও উঠে দাঁড়িয়েছে ততক্ষণে। ঝাঁপিয়ে পড়ল দু'জন দু'জনের ওপর। রানা জানে ওর অল্পবিস্তর জুজুৎসু জ্ঞান টিকবে না লোকটার কাছে। ফু-চুং পড়ে আছে অজ্ঞান হয়ে। কাজেই এখন একমাত্র ভরসা ওর কুস্তি ওয়েট বক্সিং—কুস্তির কায়দায় পারবে না এর সাথে। কাছে আসতেই পোড় দুই বিরাশি সিক্কা চালিয়ে দিল সে নাক বরাবর। কুস্তিগীর বোধহয় এমন আচমকা এই বিলেতী জিনিস আশা করেনি। দুই হাতে মুখ ঢাকল সে। সাথে সাথেই তলপেট বরাবর পড়ল রানার ফাইনাল লাথি। বিচিত্র এক টুকরো শব্দ বেয়েলি ওর মুখ থেকে তারপর লুটিয়ে পড়ল মাটিতে মুখ খুবড়ে।

ফু-চুং ততক্ষণে উঠে বসেছে। ওর পকেট থেকে নাইলনের কর্ড বের করে হাত-পা বেঁধে ফেলল রানা লোকটার। নিজের রুমালটা ঢুকিয়ে দিল ওর মুখের ভেতর, ফু-চুং-এর রুমাল দিয়ে বেঁধে ফেলল মুখটা বাইরে থেকে। তারপর ফিরে এল ফু-চুং-এর কাছে।

‘কেমন বোধ করছিস এখন?’

জবাব দিল না ফু-চুং কোনও। ঘুরে বসে গলগল করে বমি করে ফেলল। রানা ধরে থাকল ওকে। বেশ খানিকটা বমি হয়ে যাওয়ার পর উঠে দাঁড়াল ফু-চুং। মাটি থেকে ছুরিটা তুলে পকেটে রাখল।

‘এখন ঠিক হয়ে গেছে। ব্যাটা আড়ি পেতে তোদের সব কথা শুনছিল। তুই যা, আমি এখন লাশটা নিয়ে কেটে পড়ি।’

‘মরেনি। জানটা আছে। শুধু পিটিয়ে লাশ করেছি। নিয়ে যেতে অসুবিধে হবে না। কিন্তু দোস্ত, সাবধান, একা নিতে চেষ্টা করিস না আবার। তোর লোকজন

কোথায়?’

‘আছে, এক্ষুণি এসে পড়বে। তুই যা এখন, আমি সব ব্যবস্থা করে নেব।’ বাম কাঁধটা ডলতে থাকল ফু-চুং।

হোটেলের দিকে ফিরে রানা দেখতে পেল দেয়ালের ওপর দিয়ে একজোড়া ভয়াবহ বিস্ফারিত চোখ চেয়ে আছে ওর দিকে। মায়া ওয়াং। রানার পিছু পিছু সে-ও এসে দাঁড়িয়েছিল দেয়ালের ধারে।

দেয়াল টপকে এদিকে চলে এল রানা। বলল, ‘এই হারামজাদা আমার পেছনে লেগেছিল ক’দিন ধরে আঠার মত। ছাড়াতে পারছিলাম না কিছুতেই। তাই এ ব্যবস্থা করেছিলাম।’

‘বমি করল, ওই লোকটা কে?’ তীব্র উৎকর্ষা মায়ার কণ্ঠে।

‘ও আমার এক বন্ধু।’

‘ল্যাং ফু-কে নিয়ে এখন কি করবে?’

‘ল্যাং ফু? ওর নাম ল্যাং ফু নাকি? তা যে ফু-ই হোক, বাছাধনকে ক’দিন বিছানায় শুয়ে বিশ্রাম নিতে হবে।’

‘এই ঘটনাটা টং-এর কেউ জানতে পারলে তোমার কি অবস্থা হবে জানো?’

‘জানি। চিবিয়ে খেয়ে ফেলবে লিউঙ। তোমাকেও তাই করবে।’

‘এখন উপায়? জানাজানি তো হবেই।’

‘হবে না। লোকটাকে বেমালুম গায়েব করে দিচ্ছি। আমি করলাম, না অন্য কেউ করল কে জানে। ওসব নিয়ে তুমি ভেব না। আমার ওপর নির্ভর করতে চেয়েছ, নিশ্চিন্তে নির্ভর করো। মরলে দু’জন এক সাথে মরব।’

‘তুমি লিউঙকে চেনো না, তাই এতটুকু হালকাভাবে কথাগুলো বলতে পারলে। কিছুতেই তুমি ওর কাছে শাক দিয়ে ঘি ঢাকতে পারবে না। ধরা পড়বেই।’

‘কি করবে লিউঙ? সাধারণ লোকটা...’

‘সাধারণ? তোমার দেখছি অনেক কিছু জানতে বাকি আছে। চ্যাঙ-এর ডানহাত। টং-এর সমস্ত জুয়ার ভার ওর ওপর। সাম্প্রতিক মানুষ! ওর সাথে হ্যাণ্ডশেক করলে লোকে হাতের আঙুল গুণে দেখে সব ঠিক আছে, না এক-আধটা খোঁয়া গেছে। আর তুমি বলছ সাধারণ। হংকং-এ সবাই ওকে যমের মত...’

‘আর ভয় দেখিয়ে না, মায়া। এমনতেই তোমার ব্ল্যাকমেইলিং-এর কথা শুনে ভয়ে আধমরা হয়ে আছি—এখন আবার লিউঙের কথা দেখালে ঠিক হার্টফেল করব। তারচেয়ে বলো কি ধরনের সাহায্য আশা করছ তুমি আমার কাছ থেকে। একটা বিরাট দস্যুদলের বিরুদ্ধে কি করতে পারি আমি?’

‘তার আমি কি জানি? সে ভার তোমার ওপর। ল্যাং ফু-কে আজ বন্দী না করলে আমাদের কি অবস্থা হত তাই ভাবছি। ভাগ্যিস তুমি বুদ্ধি করে...যাক, যে করে হোক আমরা দু’জন পালিয়ে যাব এখান থেকে। পালিয়ে গিয়ে আমরা...’

বেধে গেল মায়ার মুখের কথা। লজ্জা পেয়ে চোখ নামাল নিচে।

‘বলো, বলো,’ রানা বলল, ‘পালিয়ে গিয়ে আমরা? কি করব বলো?’

‘যাহ, তুমি ভারি পাজি। তোমার যা খুশি করবে, আবার কি?’

‘যদি কোথাও ফেলে পালাই? তাহলে?’ দুষ্টামির হাসি হাসল রানা।

‘তা তোমরা পারো। পুরুষ মানুষকে দিয়ে বিশ্বাস কি? কিন্তু ভুলে যেয়ো না; আমি আর দশটা মেয়ের মত নই।’

‘বেশ, বেশ। কিন্তু যদি সত্যিই কখনও তোমার হাত ধরে বলি, চলো, যাবে?’

‘বলেই দেখো না যাই কিনা। বিশ্বাস করো, রানা, তোমার ভরসাতেই সাহস পেয়েছি আজ চ্যাণ্ডের বিরুদ্ধে দাঁড়াবার। তুমি নেবে আমাকে সাথে? সত্যিই?’

মুদু চাপ দিল রানা মায়ার হাতে। চোখে চোখে চেয়ে রইল দু’জন। মুদু হাসি ফুটে উঠল মায়ার অধরে। তারপর ঘড়ির দিকে চেয়েই চমকে উঠল। ‘এক্ষুণি যেতে হবে আমাকে, রানা। দুই ঘণ্টা পার হয়ে গেছে টেরই পাইনি।’

বলতে বলতে উঠে দাঁড়াল মায়া। রানাও উঠল চেয়ার ছেড়ে। হঠাৎ দুই হাতে গলা সাপটে ধরল মায়া রানার। ওর বুকে কপাল ঘষল। হেসে ফেলল রানা।

‘হাসছ কেন?’ জিজ্ঞেস করল সে রানাকে ছেড়ে দিয়ে।

‘তুমি একেবারে ছেলেমানুষ। তাই।’

উত্তপ্ত রক্তিম হয়ে উঠল মায়ার গাল।

‘ছেলেমানুষ না কচু। আমার বয়স কত জানো?’

‘না তো!’

‘পঁচিশ!’ চোখ পাকিয়ে বলল মায়া—যেন অনেক বয়স। তারপর হঠাৎ ঘুরে দাঁড়িয়ে জোর করে যেন বিচ্ছিন্ন করল মায়া নিজেকে রানার মোহজাল থেকে, হাঁটতে থাকল গেটের দিকে।

রানাকে পিছু পিছু আসতে দেখে বলল, ‘তুমি থাকো। গোপনে এসেছি, গোপনেই যেতে হবে আমাকে। আধ ঘণ্টা পের এসো তুমি। ভাল কথা, বিল্টমোরে তোমার পাশের ঘরেই কিন্তু আছি আমি।’

চলে গেল মায়া ওয়াং।

আট

আধ ঘণ্টা আগেই গিয়ে পৌঁছল মাসুদ রানা।

চারদিকে তুমুল হৈ-চৈ হটগোল। পৃথিবীর সর্বত্র যেমন হয়, এখানেও তেমনি। মাথার ওপর কড়া রোদ্দুর, ঘামের দুর্গন্ধ, নেশার ঝোঁকে সর্বস্ব খোয়ানো পরাজিত মুখ। বেশির ভাগ খেলোয়াড়ের হাতেই একটা করে পুস্তিকা। দৌড় আরম্ভ হতে যাচ্ছে—এইমাত্র মাইকে অ্যানাউন্সমেন্ট শেষ হলো।

আশা-নিরাশা, লোভ আর ক্ষোভের আলোছায়া দেখল রানা জুয়াড়ীদের চোখেমুখে, আর আবার একবার মনপ্রাণ দিয়ে ঘৃণা করল সে জুয়া খেলাকে; এবং সাধারণ মানুষের লোভকে নিজ স্বার্থসিদ্ধির উপায় হিসেবে যারা ব্যবহার করে তাদেরকে।

হংকং রেসকোর্স হচ্ছে পৃথিবীর সেরা রেসকোর্সগুলোর মধ্যে অন্যতম। প্রতিটা দৌড়ে বিশ-পঁচিশ লক্ষ ডলার খেলা হচ্ছে। ক্লোজড-সার্কিট টেলিভিশনে

প্রতিটা ঘোড়ার গতিবিধি দেখা হচ্ছে—প্রয়োজনমত ছবি তুলে নেয়া হচ্ছে মুভি ক্যামেরায়। অত্যাধুনিক চলমান সিঁড়ির ব্যবস্থা আছে চারতলা দর্শকের গ্যালারিতে ওঠানামার জন্যে।

দোতলা-তিনতলায় বসবার সুযোগ পায়নি রানা। চারতলার খোলা ছাতে জায়গা নিতে হয়েছে ওকে। সোজা চাঁদির ওপর উত্তাপ বর্ষণ করছেন সূর্যদেব নির্বিকার চিত্তে। বিশ মিনিটেই কোকাকোলার জন্যে প্রাণটা আকুলি-বিকুলি করে উঠল রানার। বাচ্চা ফেরিওয়ালাকে ডেকে ঠাণ্ডা এক বোতল কোক খেলো সে, তারপর আবার মন দিল রেস খেলায়। হাতের পুস্তিকা উল্টেপাল্টে দেখল সপ্তম দৌড়ের ফোরকাস্ট। ৩ নম্বর আর ৫ নম্বরের মধ্যেই হবে আসল প্রতিযোগিতা। ৩ নম্বর হচ্ছে থাণ্ডার স্পীড, ৫ নম্বর ব্ল্যাক টর্পেডো। হোয়াইট অ্যাঞ্জেলের সম্ভাবনা লিখেছে পনেরো ভাগের এক ভাগ—অর্থাৎ লাস্ট। ওর নম্বর হচ্ছে ১১—জকি, টিয়েন হং।

রানা ভাবছে, ফু-চুং কি সত্যি সত্যিই পারল হোয়াইট অ্যাঞ্জেলের জকিকে রাজি করাতে? গতকাল সন্ধ্যায় শেষ দেখা হয়েছে ওর সাথে। হোয়াইট অ্যাঞ্জেলের পুরো ইতিহাস জোগাড় করে ফেলেছে সে। যে ঘোড়া আজ দৌড়াচ্ছে আসলে সেটা হোয়াইট অ্যাঞ্জেলই নয়। আসল হোয়াইট অ্যাঞ্জেল এ-বছর বেশ অনেকগুলো বাজিতে দৌড়েছে। একটোতেও পাজির মধ্য থাকতে পারেনি। ওটাকে গুলি করে মেরে ফেলা হয়েছে ক’দিন আগে।

‘তা কি করে হয়? জোচ্ছুরি এড়াবার জন্যে ঘোড়াগুলোর ঠোটে টাটু করা থাকে না?’ রানা জিজ্ঞেস করেছিল।

‘আরে দূর, ওসব এখন পুরানো হয়ে গেছে। নতুন চামড়া লাগিয়ে তার ওপর হোয়াইট অ্যাঞ্জেলের মার্ক দেয়া হয় গেছে ছ’মাস আগে। একে পিকা পেপার বলে। খুরগুলো এবং আরও দু’একটা জায়গা অদল বদল করা হয়েছে দক্ষ হাতে। বিরাট পরিকল্পনা নিয়েছে বাচ্চারা। এক বছর ধরে তৈরি হয়েছে ওরা আগামী কালকের এই সপ্তম ঘোড়দৌড়ের জন্যে। সব টাকা ঝোঁটিয়ে নিয়ে যাবে এই এক দৌড়েই। আমার মনে হয় কমপক্ষে পনেরো গুণ তো হবেই।’

‘এত খবর পেলি কোথেকে?’

‘ঘুম।’

‘তারপর? এখন কি করবি? জকির সাথে দেখা করেছিস?’

‘সব সেরে তবেই এসেছি। আবার যাচ্ছি এখন। কিন্তু দোস্ত দু’হাজার ডলার অগ্রিম দেব কথা দিয়েছি—টাকা যে নেই আমার কাছে।’

‘কুছ পরোয়া নেই। আমি দিচ্ছি,’ রানা বলল। ‘কিন্তু টাকা নিয়ে ও আবার বিট্টে করবে না তো?’

‘আরে না। সোজা আমার আইডেন্টিটি কার্ড দেখিয়েছি। বলেছি, হোয়াইট অ্যাঞ্জেল যদি জেতে তাহলে আর রক্ষা নেই। স্টুয়ার্ডদের কাছে গিয়ে সব খুলে বলব। ফলে ওর জকিগিরি ঘুচে যাবে জন্মের মত। একটা মাত্র পথ খোলা আছে ওর। আমার কথামত কাজ করলে এই জোচ্ছুরির কথা তো বেমালুম চেপে যাবই, তার ওপর নাদ পাঁচ হাজার ডলার দেব। বুদ্ধিমান লোক। বিনা বাক্যব্যয়ে এক

কথায় রাজি হয়ে গেছে টিয়েন হং। আজ দু'হাজার দেব বলেছি, বাকিটা পাবে ঘোড়দৌড়ের পর।

‘কিভাবে হারাবে হোয়াইট অ্যাঞ্জেলাকে?’ জিজ্ঞেস করেছিল রানা।

‘ওদের মাথায় একশো এক বুদ্ধি। ও-ই বাতলে দিল। হোয়াইট অ্যাঞ্জেলা জিতবে ঠিকই, নইলে ওর গর্দান নিয়ে নেবে লিউঙ, কিন্তু শেষ মুহূর্তে ফাউল করে ডিস্কোয়ালিফাইড হয়ে যাবে। এমন কায়দা করে করবে সেটা যে কেউ বুঝবে না ও এটা হচ্ছে করে করেছে—সবাই এটাকে ব্যাড লাক মনে করবে। দুই কুলই রক্ষা পাচ্ছে টিয়েন হং-এর।

কিন্তু সত্যিই কি কথামত কাজ করবে টিয়েন হং?

প্রতি সিকি মাইল অন্তর অন্তর উঁচু পোস্টের ওপর অটোমেটিক ক্যামেরা ফিট করা আছে। সেগুলোর দিকে চাইল রানা। কোন ক্যামেরাটা হোয়াইট অ্যাঞ্জেলা ফাউল দেখতে পাবে আন্দাজ করবার চেষ্টা করল সে। উত্তেজনা অনুভব করল ভেতর ভেতর। সপ্তম দৌড়ের অ্যানাউন্সমেন্ট হচ্ছে। রানার অল্প দূরেই স্টার্টিং পয়েন্ট। পুরো এক চক্রর দিয়ে এক ফারলং গেলেই উইনিং পোস্ট। পরিষ্কার দেখতে পাবে রানা সবকিছু।

একে একে স্টার্টিং গेटের কাছে জমা হতে থাকল ঘোড়াগুলো। ৩ নম্বর আর ৫ নম্বর এসে দাঁড়াতেই হর্ষধ্বনি উঠল দর্শকের মধ্যে থেকে। ১১ নম্বর দর্শকদের কোনও রকম সহানুভূতি পেল না। আবার অ্যানাউন্সমেন্ট হলো লাউড স্পীকারে।

ডিং করে বেল বেজে উঠতেই হেঁ-হেঁ করে উঠল দর্শকবৃন্দ। চোখের সামনে দিয়ে বেরিয়ে গেল ঘোড়াগুলো বিদ্যুৎগতিতে। নম্বর দেখতে পেল না রানা, গগলস পরা জকিদের মধ্যে চিনতেও পারল না টিয়েন হং-কে। ক্ষিপ্ৰবেগ আর ধূলির ঝড় গোলমাল করে দিল সবকিছু।

একটু দূরে যেতেই ধূলি মিলে যাওয়ায় পরিষ্কার দেখা গেল, আগে ভাগেই রয়েছে ১১ নম্বর। প্রথম বাক সিন্ধে ঘোড়াগুলো। ৮ নম্বর ঘোড়াটা দৌড়াচ্ছে সবচেয়ে আগে। নতুন ঘোড়া বাইরে থেকে এসেছে। ব্যাপার কি? এটাই কি শেষ পর্যন্ত বাজিমাত করবে নাকি? না। ৩ নম্বর ধরে ফেলল ওকে, তারপর এগিয়ে গেল ওকে ছাড়িয়ে। ৫ নম্বরও এবার ছাড়িয়ে যাচ্ছে ৮ কে। এইবার হোয়াইট অ্যাঞ্জেলাও ধরে ফেলল। এই চারটে ঘোড়াই সবচেয়ে আগে আছে—বাকিগুলো বেশ খানিকটা পিছিয়ে পড়েছে। দ্বিতীয় বাক ঘুরতেই দেখা গেল সবচেয়ে আগে আছে থাণ্ডার স্পীড, তারপর ব্ল্যাক টর্পেডো, তারপর সমান সমান দৌড়াচ্ছে ৮ নম্বর আর হোয়াইট অ্যাঞ্জেলা। তৃতীয় বাক ঘুরতেই দেখা গেল এগিয়ে যাচ্ছে ব্ল্যাক টর্পেডো ক্রমেই থাণ্ডার স্পীডের কাছাকাছি, আর ব্ল্যাক টর্পেডোর ঠিক পেছন পেছন চলেছে হোয়াইট অ্যাঞ্জেলা ৮ নম্বরকে ছাড়িয়ে এসে। আবার ঘুরতেই দেখল রানা আগে আগে ছুটছে ব্ল্যাক টর্পেডো, দ্বিতীয় হোয়াইট অ্যাঞ্জেলা। থাণ্ডার পিছিয়ে পড়েছে এক লেংথ। হেঁ-হেঁ করেছে মাঠের সমস্ত লোক। হোয়াইট অ্যাঞ্জেলা এগিয়ে আসছে এইবার। এই সমান সমান হয়ে গেল। শেষ বাকটা ঘুরছে এখন। শ্বাস রুদ্ধ করে বসে রইল রানা। এইবার, এইবার! হোয়াইট অ্যাঞ্জেলা এগিয়ে গিয়েছিল, কিন্তু রেলিং-এর দিকে ছিল ব্ল্যাক টর্পেডো, তাই সোজা হতেই দেখা গেল আবার সমান

হয়ে গেছে ওরা। অগণিত লোক চিৎকার করে র‍্যাক টর্পেডোকে উৎসাহ দেবার চেষ্টা করেছে, কিন্তু ধীরে ধীরে এগিয়ে যাচ্ছে হোয়াইট অ্যাঞ্জেল। এবার রানা পরিষ্কার উপলব্ধি করল হোয়াইট অ্যাঞ্জেল এখন এক ইঞ্চি, দুই ইঞ্চি করে সরে আসছে র‍্যাক টর্পেডোর দিকে। মাথাটা নিচু করে রেখেছে টিয়েন হং ঘোড়ার গলার ওপাশে, যেন না দেখে ঘটছে ঘটনাটা। ধীরে ধীরে প্রায় গায়ে গায়ে লেগে গেল দুটো ঘোড়া। হোয়াইট অ্যাঞ্জেলের মাথা দিয়ে আড়াল হয়ে গেল র‍্যাক টর্পেডোর মাথা। তারপর হাত দুয়েক এগিয়ে গেল হোয়াইট অ্যাঞ্জেলের মাথা। ক্ষমতা থাকলেও আর আগে বাড়তে পারবে না র‍্যাক টর্পেডো।

রানার সমস্ত মাংসপেশী টান হয়ে গেল উত্তেজনায়। বুকের ভেতর হাতুড়ি পিটছে যেন কেউ। হঠাৎ সোজা হয়ে বসল র‍্যাক টর্পেডোর জকি। মাঠের সবাই বুঝল এটা ফাউলের বিরুদ্ধে প্রতিবাদ। পরমুহর্তেই হোয়াইট অ্যাঞ্জেল র‍্যাক টর্পেডোকে ছাড়িয়ে এগিয়ে গেল সামনে। তীব্র কণ্ঠে আপত্তির ঝড় উঠল দর্শকবৃন্দের মধ্যে। হলস্থল কাণ্ড আরম্ভ হয়ে গেল দর্শক গ্যালারিতে।

ফাঁস করে একটা দীর্ঘশ্বাস ফেলে সচেতন হয়ে পেশীগুলো ঢিল করল রানা। ওর সামনে দিয়ে উইনিং পোস্ট ছাড়িয়ে চলে গেল হোয়াইট অ্যাঞ্জেল। দশগজ পেছনে র‍্যাক টর্পেডো এবং প্রায় সাথে সাথেই থাণ্ডার স্পীড।

ভালই অভিনয় করেছে টিয়েন হং। ঘোড়াগুলো সব ফিরে এল। বুক ফুলিয়ে আগে ভাগে আসছে সে। দর্শকের গালাগালি মেনে ও মনে করছে প্রশংসা। মাথার টুপি খুলে আকর্ষণ হাসি হেসে প্রত্যাভিবাদন করছে সে দর্শকদের।

মস্ত বোর্ডে রেজাল্ট উঠেছিল। হঠাৎ দর্শকদের হর্ষধ্বনিতে চেয়ে দেখল রানা হোয়াইট অ্যাঞ্জেলের পাশে বড় বড় অক্ষরে লেখা 'অবজেকশন্', লাউড স্পীকারে একটা তীক্ষ্ণ কণ্ঠস্বর শোনা গেল।

'আপনাদের টিকেট নষ্ট করব না। এই প্রতিযোগিতায় হোয়াইট অ্যাঞ্জেলের নামে আপত্তি তোলা হয়েছে র‍্যাক টর্পেডোর পক্ষ থেকে। আবার বলছি—আপনারা আপনাদের টিকেট নষ্ট করে ফেলবেন না।'

রুমাল বের করে ঘর্ষাক্ত মুখটা মুছে নিয়ে সোজা হয়ে বসল রানা।

অল্পক্ষণ পরেই মাইকে ঘোষণা করা হলো:

'একটি ঘোষণা। এই প্রতিযোগিতায় হোয়াইট অ্যাঞ্জেলকে ডিসকোয়া-লিফায়েড বলে রায় দেয়া হলো। র‍্যাক টর্পেডোকেই বিজয়ী বলে ঘোষণা করা হচ্ছে। আবার বলছি—'

ঘড়ির দিকে চেয়ে দেখল রানা একটা বাজে।

ফিরে এল সে হোটেলে।

অপারেটর জানাল সি.ওয়াই. লিউঙের লাইন এনগেজড। রানা বুঝল, এতদিন ধরে অক্লান্ত পরিশ্রম করবার পর সোনার ফসল ঘরে তুলতে না পেরে অত্যন্ত ব্যস্ত হয়ে পড়েছে লিউঙ। হওয়াটাই স্বাভাবিক। বহু টাকা ঢেলেছিল ওরা এই দৌড়ের পেছনে।

অপারেটরকে বারবার চেষ্টা করবার অনুরোধ করে বাথরুমের দরজা খোলা

রেখেই স্নান সেরে নিল রানা। ক্লদসিক্ত দেহ থেকে সূর্যের উত্তাপ আর রেসকোর্সের ধুলো দূর করে আরাম করে বসল সে ইজি চেয়ারে। ঢিল করে দিল সমস্ত শরীর।

গভীর মনোযোগের সঙ্গে আগাগোড়া সবটা ব্যাপার চিন্তা করে দেখল কোথাও ভুল-ভ্রান্তি বা খুঁত রয়েছে কিনা। মনে পড়ল গতকাল ম্যাকাও যাবার আগে মায়া ওয়াং-এর আকুল মিনতি—সাবধানে থেকো রানা। তোমাকে হারাতে চাই না আমি। তোমার জন্যে যে কতখানি উদ্বিগ্ন হয়ে আছি তা তুমি বুঝবে না। এরা গোস্কুরের চেয়েও ভয়ঙ্কর। সাবধানে থেকো, প্লীজ।’

ফোন বেজে উঠল।

‘মি. মাসুদ রানা?’

‘হ্যাঁ।’

‘লাইনে থাকুন। এক্ষুণি ৯০৩২১-২৩ দিচ্ছি।’

‘ধন্যবাদ।’

দুই সেকেন্ড পরেই লিউঙের মেয়েলী কণ্ঠস্বর ভেসে এল।

‘ইয়েস। কে বলছেন?’

‘মাসুদ রানা।’

‘বলুন?’

‘হোয়াইট অ্যাঞ্জেল ধরে হেরেছি।’

‘জানি। জকি হারামীপনা করেছে। তা, এখন কি বলছেন?’

‘টাকা,’ নরম গলায় বলল রানা।

কয়েক সেকেন্ড চুপ হয়ে গেল লিউঙ। তারপর বলল, ‘ঠিক আছে। আবার প্রথম থেকে শুরু করা যাক। পাঁচটার মধ্যে দু’হাজার ডলার পাঠিয়ে দিচ্ছি আমি। সেই যে টস করে জিতেছিলেন আপনি আমার কাছে—মনে আছে?’

‘আছে।’

‘দুপুরে ঘরে থাকুন আজ। পাঁচটার মধ্যে লোক যাবে আপনার কাছে টাকা আর লিখিত ইনসট্রাকশন নিয়ে।’

ফোন ছেড়ে দিল লিউঙ। রানা নামিয়ে রাখল রিসিভারটা।

কিছুক্ষণ পায়চারি করে বেড়াল সে। তাহলে এবার কি আরেক রকম জুয়ার ব্যবস্থা হচ্ছে? আইন থেকে আত্মরক্ষার জন্যে প্রতিটা কাজে, প্রতিটা পদক্ষেপে এরা যে যত্ন আর সাবধানতা অবলম্বন করছে, তাতে রানা বিস্মিত না হয়ে পারল না। ঠিকই তো। খালি হাতে হংকং এসে জুয়া ছাড়া আর কোন্ উপায়ে দশ হাজার ডলার উপার্জন করতে পারত সে? এবারে কেমন জুয়া খেলতে হবে কে জানে!

খাওয়া দাওয়া সেরে শুয়ে বিশ্রাম নিল রানা ঘণ্টা দুয়েক। ঘুম এল না চোখে। মনের মধ্যে ভিড় করে এল রাজ্যের যত আবোল-তাবোল চিন্তা। ফু চুং-এর কাছে কয়েকটা কথা গোপন করে কি সে ঠিক করল? ওরা চায়, রানা এই স্মাগলিং দলটাকে শুধু চিনিয়ে দিক—বাকি কাজ ওরা করবে। রেড লাইটনিং টং-এর কথা, চ্যাঙের কথা, লিউঙের আসল পরিচয় ইত্যাদি ওদের জানালেই রানার ছুটি। কিন্তু ওরা যে পুরো দলটার সঙ্গে নির্দোষ মায়া ওয়াং-কেও ধ্বংস করে দেবে বিনা

দ্বিধায়। তাছাড়া এমন সুন্দর খেলা জমিয়ে তুলে হঠাৎ কেটে পড়তেও সায় দিচ্ছে না ওর মন। সবটাই যদি না দেখতে পেল, প্রাণের ভয়ে যদি পিছিয়েই পড়ল সে, তাহলে মজাটা আর থাকল কোথায়? চাইনিজ সিক্রেট সার্ভিস চায় না ওর কোনও বিপদ হোক। মায়ার কাছ থেকে শোনা তথ্যগুলো ওদের জানালেই ওরা তৎক্ষণাৎ ওকে সরিয়ে ফেলবে হংকং থেকে। তাই কোনও কথা বলেনি ওদের। তাড়াহড়োর কি আছে, ধীরে সুস্থে বললেই হবে পরে।

কিন্তু আশ্চর্য! জলজ্যান্ত একজন লোক দু'দিন ধরে গায়েব হয়ে গেল বেমানুম, অথচ এদের ভাবে-ভঙ্গিতে কোনও পরিবর্তন এল না কেন? অন্তত লিউঙ তো জানত, রানার পেছনেই লাগানো হয়েছিল ল্যাং-ফু-কে। ওর অন্তর্ধানের ব্যাপারে রানার হাত আছে এটা ধরে নেয়াই তো স্বাভাবিক। অথচ কারও কাছে কোনও আভাস পেল না সে এই দু'দিন। যেন ল্যাঙ ফু বলে কেউ ছিলই না কোনদিন। ব্যাপারটা একটু গোলমালে ঠেকল রানার কাছে। তাছাড়া ওর পরিচয়ের সত্যতা যাচাইয়ে ওরা কতদূর এগোল সে জানে না। আর ক'দিন সে এভাবে টিকতে পারবে?

মাথা ঝাড়া দিয়ে এসব চিন্তা দূর করে দিল রানা। প্রতীক্ষা করতে ওর বড় খারাপ লাগে। সময় কাটতে চায় না কিছুতেই। জামা-কাপড় পরে নিয়ে কিছুক্ষণ পায়চারি করল সে ঘরের মধ্যে। ভাবল, যে করে হোক আগে ম্যাকাও পৌঁছতে হবে। ছুটিয়ে আনতে হবে মায়াকে চ্যাঙ-এর কবল থেকে, তারপর এই দস্যুদলের যা হয় হোক। কফির অর্ডার দিল সে, তা-ও কারও দেখা নেই।

শেষ চুমুক দিয়ে কফির কপটা টিপে ওপর নামিয়ে রাখতেই ঠকঠক করে শব্দ হলো দরজায়।

‘ভেতরে আসুন।’

দরজা ঠেলে ভেতরে প্রবেশ করল লোবো। ঘামে ভিজে সপসপ করছে গায়ের শার্ট। একটা নোংরা তোয়ালে দিয়ে রুমাল বের করে মোটা ঘাড়ে ও মুখে বুলাল সে। ঠাণ্ডা ঘরে ইজি চেয়ারে মূল্যবান পোশাক পরিচ্ছদ পরে পরিষ্কার পরিচ্ছন্ন রানাকে বসে থাকতে দেখে বোধহয় পিণ্ডি জ্বলে গেল ওর। রানা বসতে বলল, কিন্তু বসল না। প্রথম দিন থেকেই অসম্ভব বিরক্ত হয়ে আছে রানা লোকটার ওপর। বিরক্তি চেপে ভদ্রতা করে বলল, ‘বসুন না। কফি দিতে বলি এক কাপ?’

‘পরের পয়সায় খুব আতিথেয়তা হচ্ছে, না?’ গর্জে উঠল লোবো।

মেজাজটা খারাপ হয়ে গেল রানার। বলল, ‘তা কফি না হয় না-ই খেলেন। বসতে আপত্তি কি? মোটা মানুষ—ঘেমে তো একেবারে—’

‘শাট আপ!’ চিৎকার করে উঠল লোবো। তারপর সাঁ করে এক তোড়া নোট ছুঁড়ে মারল রানার দিকে। খপ করে ধরে না ফেললে সোজা এসে লাগত রানার নাকে-মুখে।

আর সহ্য করতে পারল না রানা। দ্বিগুণ জোরে ছুঁড়ে মারল সেটা মোটার মুখের ওপর। চটাস করে চপেটাঘাতের মত শব্দ তুলে লাগল গিয়ে নোটগুলো লোবোর গালে।

এটা যে সম্ভব, কল্পনাও করতে পারেনি লোবো। অবাক বিশ্বয়ে কিছুক্ষণ চেয়ে

রইল সে রানার দিকে।

তারপর লাফিয়ে এগিয়ে এল বাঘের মত। রানা উঠে দাঁড়িয়েছে ততক্ষণে। কিন্তু প্রস্তুত হয়ে নেবার আগেই বাঘের থাবা এসে পড়ল চুলের ওপর। বাম হাতে মুঠি করে ধরল লোবো রানার চুল, ডান হাতে তুলল তিনমণী কিল।

দুইহাতে মাথার ওপর মুঠিটা ধরল রানা শুরু করে, তারপর ঝপ করে বসে পড়ল। এটা জুজুৎসু ক্লাসে প্রথম দিনেই শেখানো হয়েছিল ওদের। অতি সাধারণ অথচ কার্যকরী একটা কৌশল।

হাতটা বেকায়দা মতন মচকে যেতেই ‘আউ’ করে একটা শব্দ বেরোল মোটার মুখ থেকে। ওর পকেট থেকে আলগোছে রিভলভারটা বের করে ফেলে দিল রানা ঘরের এক কোণে। তাজ্জ্বব বনে গেল লোবো। ‘এত বড় স্পর্ধা! উঠে দাঁড়িয়ে হাসছে আবার!

এবার ভীমের গদার মত ডান হাতটা চালান সে। তার আগেই গোটা দুই ঘুসি চালিয়ে দিয়েছে রানা ওর নাক বরাবর। দরদর করে রক্ত বেরিয়ে এল নাক থেকে। কিন্তু তাতে ক্রক্ষেপ করল না সে। দড়াম করে কাঁধের ওপর ডান হাতটা এসে পড়তেই পড়ে গেল রানা মাটিতে। হাঁটুটা ভাঁজ করে রানার বুকের ওপর লাফিয়ে পড়তে যাচ্ছিল লোবো—ঝটাং করে মোক্ষম মার মারল রানা। নইলে ওঁড়ো হয়ে যেত ওর বুকের পাজর। জায়গা মত লাখিটা লম্বিয়ে দিয়েই কার্পেট বিছানো মেঝের ওপর এক গড়ান দিয়ে সরে গেল রানা।

অসহ্য বেদনায় নীল হয়ে গেল লোবোর মুখটা। দুই হাত দুই উরুর মাঝখানে চেপে ধরে হুমড়ি খেয়ে পড়ে গেল সে মেঝেতে। মুখ হাঁ করে শ্বাস নেবার আশ্রয় চেষ্টা করেছে সে। বিন্দু বিন্দু ঘাম জমে উঠেছে কপালে।

‘যেমন আছ তেমনি পড়ে থাকো’ নইলে এক লাখি দিয়ে নাকটা সমান করে দেব,’ বলল রানা।

ইচ্ছে করলে প্রাণ ভরে ফেলিয়ে হাতের সুখ মিটিয়ে নিতে পারত রানা ওর ওপর। কিন্তু তা না করে মাটি থেকে রাবারব্যাগে জড়ানো নোটের তোড়াটা তুলে নিল সে। একটা শাদা কাগজ দেখা যাচ্ছে নোটের সাথে। টেনে বার করল ওটা। খাম একটা।

‘খবরদার!’

চমকে চাইল রানা দরজার দিকে। নিঃশব্দে দু’জন পিস্তলধারী লোক এসে কখন ঢুকেছে ঘরের মধ্যে টের পায়নি সে। দুটো পিস্তলই ওর দিকে ধরা।

‘একুণি লিউঙকে ফোন করা দরকার। যদি বাধা দাও তাহলে বিপদে পড়বে, বাছা,’ যেন কিছুই হয়নি এমনি ভাবে বলল রানা।

একবার রানার হাতে ধরা নোটের বাঙিল আর খামটার দিকে, আর একবার আহত লোবোর দিকে চেয়ে পিস্তলের ইশারায় ফোন করতে বলল একজন।

রিসিভার তুলে নিয়ে লিউঙের নম্বর দিল রানা অপারেটরকে। এতক্ষণে বোধহয় লাইনটা হালকা হয়েছে—দুই সেকেন্ড পরই কানেকশন পাওয়া গেল লিউঙের।

‘ইয়েস। কে বলছেন?’

‘মাসুদ রানা।’

‘আবার কি?’

‘আপনি যে মোটা গর্দভটাকে পাঠিয়েছেন, তাকে কি টাকাটা আমার মুখের ওপর ছুঁড়ে মারবার আদেশ দিয়ে পাঠিয়েছিলেন?’

‘না। কেন, কি হয়েছে?’

‘কি আবার হবে? ওর প্রকাণ্ড ধড়টা এখন মেঝেয় পড়ে হাঁসফাঁস করছে।’

‘আপনি মেরেছেন ওকে? হোটেল কর্তৃপক্ষ কি নাকে তেল দিয়ে ঘুমাচ্ছে?’
উত্তেজিত শোনা গেল লিউঙের কণ্ঠস্বর। শেষের কথাটা প্রায় আপন মনেই উচ্চারণ করল সে।

‘হ্যাঁ, মেরেছি।’ দৃঢ় কণ্ঠে বলল রানা। ‘আর আপনার হোটেল কর্তৃপক্ষও জেগেই আছে। দু’জন গুঁণ্ডা চেহারার লোক ঘরে ঢুকে পিস্তল ধরে আছে আমার দিকে। অতিথিদের আপ্যায়নের এই কি রীতি নাকি আপনাদের?’

পনেরো সেকেণ্ড চুপ করে থাকল লিউঙ। তারপর ভয়ঙ্কর ঠাণ্ডা গলায় বলল, ‘আপনার কপাল মন্দ। লোবো আর ল্যাংফু বাল্যবন্ধু। এদের কারও সঙ্গে লাগা মানেই মৃত্যু। অযাচিত এই বীরত্ব প্রদর্শন আপনার পক্ষে অমঙ্গলের কারণ হয়ে দাঁড়াতে পারে। সব কথা না শুনে কিছু বলা যাচ্ছে না। টেলিফোনটা দিন লোবোকে।’

ইশারা করতেই উঠে দাঁড়িয়ে খুঁড়িয়ে খুঁড়িয়ে ফোনের কাছে এগিয়ে এল লোবো। অনর্গল চীনা ভাষায় কিছুক্ষণ কথাবার্তা হলো। এদিকে পিস্তলধারীদের একজন ঘরের কোণ থেকে তুলে নিল লোবোর রিডলভারটা। তারপরই ওর চোখ পড়ল পাশের ঘরের দরজায় ফুটোর বন্ধক। দ্রুতপায়ে গিয়ে দাঁড়াল সে দরজার সামনে। বন্টু খুলে ধাক্কা দিল। বন্ধক খুলে গেল। ভাল করে পরীক্ষা করল ছিদ্রটা। তারপর লোবোর কানে কানে কিছু যেন বলল। কথা থামিয়ে মোটা ঘাড় ফিরিয়ে ছিদ্রটা দেখল একবার লোবো। একবার চাইল রানার দিকে, তারপর সংবাদটা দিল লিউঙ-কে।

কিছুক্ষণ রিসিভার ধরে চুপচাপ গুলল লোবো লিউঙের মেয়েলী কণ্ঠস্বর। তারপরই রিসিভারটা দিল রানার কাছে।

‘ছিদ্রটা কে করেছে?’ খনখনে লিউঙের গলা।

‘জানি না। প্রথম দিন থেকেই দেখছি ওটা।’

‘সাবধান থাকবেন, আমরা খুব শিগগিরই বিপদ আশঙ্কা করছি। খুব সাবধান!’

ছেড়ে দিল লিউঙ টেলিফোন। রানা ঘুরে দেখল পিস্তলধারী দুজন অদৃশ্য হয়ে গেছে ঘর থেকে লোবোর নীরব ইঙ্গিতে। চিঠিটা পড়ে ফেরত দিল রানা মোটার হাতে। দরজার কাছে গিয়ে ঘুরে দাঁড়াল লোবো। চিবিয়ে চিবিয়ে বলল, ‘দিন ঘনিয়ে এসেছে তোমার। প্রস্তুত থেকো। শীঘ্রি শোধ নেব আমি।’

কোনও জবাব দিল না রানা। কাল্পনিক সিগারেটে একটা টান দিয়ে ফুঁ দিয়ে ধোঁয়াটা ছাড়ল মোটার দিকে তাম্বিল্যের ভঙ্গিতে। দড়াম করে দরজা বন্ধ করে দিয়ে বেরিয়ে গেল লোবো।

রানার মাথার মধ্যে চলছে দ্রুত চিন্তা। এখনও সময় আছে। কেটে পড়বে?

নিজেকে এভাবে বিপদের মধ্যে জড়াচ্ছে কেন সে? পরিষ্কার বোঝা গেল ল্যাংফুর রহস্যজনক অন্তর্ধানের ব্যাপারে যে ওর হাত আছে তাতে ওদের সন্দেহমাত্র নেই। তার ওপর আজ বেরোল দরজার ছিদ্র। ফু-চুং-ও জড়িয়ে পড়ল ওদের সন্দেহ-জালে। সতর্ক হয়ে যাবে ওরা, এখন যে-কোনও মুহূর্তে আঘাত হানবার জন্যে প্রস্তুত হয়েই থাকবে। সবকিছু গোলমাল হয়ে গেল না তো?

দুইবার পড়ে মুখস্থ করে ফেলা চিঠিটার কিছু কিছু অংশ মনে মনে আওড়াল রানা: হোটেল সিসিল-ম্যাকাও। রাত আটটায় স্টীমার। আগামীকাল রাত সাড়ে আটটায় হোটেল সিসিলের সপ্তম তলায় বারের সঙ্গে লাগা 'ব্ল্যাকজ্যাক' টেবিলে পরপর চারবার খেলতে হবে। প্রতিবার দু'হাজার করে।

সবশেষে লাল কালিতে লেখা ছিল: পত্রবাহকের হাতেই চিঠিটা ফেরত দেবেন। নিজ স্বার্থেই গোপনীয়তা রক্ষা করবেন—কারণ, ভুল আমরা পছন্দ করি না।

রানার মনের মধ্যে একটা অ্যালার্ম বেল বেজে উঠল। ম্যাকাও কেন? টাকা পেমেন্টের জন্যে কি হংকং-এ কোনও কায়দা পেল না ওরা? ওদের ঘাঁটিতে টেনে নিয়ে যাচ্ছে কি উদ্দেশ্যে? মায়াকে পাঠিয়ে দিয়েছে গতকালই। মায়া কি ওদের টোপ হিসেবে কাজ করছে? ওরা কি সবকিছু টের পেয়ে গেল এরই মধ্যে?

এসব প্রশ্নের উত্তর জানবার কোনও উপায় নেই। দুটো মাত্র পথ খোলা আছে রানার সামনে। মায়াকে রক্ষার জন্যে এগিয়ে যাওয়া অথবা মায়াকে সন্দেহ করে পিছিয়ে আসা।

এগিয়ে যাবে সে—স্থির করল রানা।

নয়

ফটো ইলেকট্রিক সেল পরিচালিত কাঁচের দরজা আপনা-আপনি খুলে গেল রানা এগোতেই! ধীর পায়ে ঢুকল রানা হোটেল সিসিলে। ধীরে ধীরে বন্ধ হয়ে গেল দরজাটা পেছনে। ওর মনে হলো সিংহের খাঁচায় ঢুকে পড়েছে যেন ও।

হংকং-কে দুর্বৃত্তের স্বর্গ বলা হলেও তাও খানিকটা খোলামেলা। ম্যাকাও পৌছে রানা অনুভব করল চারদিকটা যেন বন্ধ। পঙ্কিল পাপের দুর্গন্ধ উঠে দূষিত হয়ে গেছে যেন এখানকার আকাশ বাতাস। বুক ভরে শ্বাস নেয়া যায় না। কেমন যেন অসহায় বোধ করল ও। বুঝল, এখানকার একমাত্র আইন হচ্ছে ওয়েবলি অ্যাণ্ড স্কট। পারবে সে টিকে থাকতে?

থ্রী ডেকার এস. এস. টাকশিং স্টীমারে উঠেই রানা একটা পরিচিত মুখ দেখতে পেয়েছিল এক সেকেন্ডের জন্যে। লোবো। সে-ও চলেছে ম্যাকাও রানার সাথে সাথে। পুরো তিনঘণ্টা লাগল এই চল্লিশ মাইল পথ অতিক্রম করতে—এর মধ্যে লোবোর ছায়াও দেখতে পাওয়া যায়নি আর।

প্রকাণ্ড নয়তলা হোটেল সিসিলের হোটেল হচ্ছে কেবল অষ্টম ও নবম তলাটা।

বাকি সমস্ত তলায় বিভিন্ন রকমের দেশী-বিদেশী জুয়ার ব্যবস্থা।

প্রত্যেকটা তলা ঘুরে দেখতে দেখতে ওপরে উঠতে থাকল রানা সিঁড়ি বেয়ে। লিফট অবশ্য আছে একটা। কিন্তু প্রায়ই অকেজো হয়ে থাকে। সপ্তম তলায় খেলা হয় সব চাইতে উঁচু স্টেকে। ধাপে ধাপে বাড়তে থাকে স্টেক একতলা, দোতলা, তেতলা করে।

হঠাৎ চমকে উঠল রানা। মায়া না? কোণের একটা টেবিলে একজন বৃদ্ধ লোকের সঙ্গে বসে আছে মায়া ওয়াং। রানার দিকে একবার চেয়ে যেন চিনতেই পারেনি এমনি ভাবে মুখ ঘুরিয়ে নিল মায়া। কিন্তু বৃদ্ধ চীনা স্থির দৃষ্টিতে লক্ষ করছে তাকে। নিশ্চয়ই চ্যাঙ। এ লোক চ্যাঙ ছাড়া আর কেউ নয়। লাফিয়ে উঠল রানার বৃকের ভেতর এক বলক রক্ত।

যেন সম্মোহন করছে এমনি তীক্ষ্ণ চ্যাঙের দৃষ্টি স্থির হয়ে আছে রানার চোখে। রানাও পাঁচটা লক্ষ করল ওকে আপাদমস্তক। মাথা ভর্তি টাক, শক্ত সমর্থ চেহারা, চিবুকে অল্প খানিকটা কাঁচা পাকা দাড়ি, শানটুং সিল্কের শার্ট আর গ্যাবারডিনের ঢোলা সুট পরনে, কান দুটো অস্বাভাবিক বড়। মনের মধ্যে গৈঁথে নিল রানা ছবিটা, তারপর ঘুরে হাঁটতে থাকল সিঁড়ির দিকে। পুরো ঘরটা পেরিয়ে তারপর অষ্টম তলার সিঁড়ি। কারণটা সহজেই বুঝতে পারল রানা। হোটেলের গেস্টকে ঢুকতে বা বেরোতে হলে প্রত্যেকটা জুয়ার টেবিলের পাশ দিয়ে আসতে-যেতে হবে। ফলে তার পক্ষে লোভ সংবরণ করা শক্ত হবে।

সিঁড়ির কাছে গিয়ে একবার ফিরে চাইল রানা। দেখল, এখনও তেমনি ভাবে তার দিকে চেয়ে আছে দস্যু চ্যাঙ।

অষ্টম তলায় দুই কামরার একখানা কামরার সুইট রিজার্ভ করা আছে রানার জন্যে। সব ব্যবস্থা প্রথম শ্রেণীর। একটি বেডরুম, একটা লিভিংরুম—পুরু কার্পেটে মোড়া। বেডরুমের সঙ্গে সম্মুখ দিকে মুখ করা ব্যালকনি আছে একটা। রানা ভাবল, একটু অতিরিক্ত খাতির দিয়ে যাচ্ছে না? তবে কি ওরা কিছুই সন্দেহ করেনি? নাকি খাচায় ঢুকিয়ে নিয়ে খেলা দেখতে চাইছে?

স্টীমারেই খাওয়া-দাওয়া সেরে নিয়েছিল রানা। ঘড়িতে বাজছে রাত বারোটা। শহরটা ঘুরে ফিরে সব গলি ঘুঁচি চিনে নেয়ার প্রবল ইচ্ছেটাকে চাঁচি মেরে দাবিয়ে দিল সে। আর কোনও কাজ নয়, বিশ্রাম নিতে হবে আজ।

ঠিক রাত দুটোর সময় কিসের শব্দে ঘুম ভেঙে গেল রানার। মনে হলো কেউ যেন টোকা দিল দরজায়। স্লীপিং গাউন পরা ছিল। পিস্তলটা কোমরে গুঁজে নিয়ে খালি পায়ে দরজার পাশে এসে দাঁড়াল রানা। কান পাতল দরজার গায়ে। একটা মৃদু পদশব্দ মিলিয়ে যাচ্ছে দূরে। নিঃশব্দে হাতল ঘুরিয়ে দরজা খুলল রানা—মাথাটা বের করল বাইরে। দেখল করিডর ধরে হেঁটে চলে যাচ্ছে একটি মেয়ে, খালি পায়ে। চিনতে পারল সে—মায়া ওয়াং। হাঁটুর নিচ পর্যন্ত ঝুলছে একটা ঢোলা নাইট গাউন।

নিঃশব্দে বেরিয়ে এল রানা ঘর থেকে। দরজাটা আঁপুটে করে বন্ধ করে দিল। তারপর চলল মায়ার পিছুপিছু। একবার পিছু ফিরে চৌচৌর ওপর আঙুল রাখল মায়া। তারপর ডানধারে মোড় নিল। দ্রুতপায়ে এগিয়ে গেল রানা জনশূন্য করিডর

ধরে। এবার নবম তলার সিঁড়ি ধরে উঠছে মায়া। রানাও উঠে এল পেছন পেছন। নবম তলার একটা বন্ধ দরজার সামনে গিয়ে দাঁড়াল মায়া ওয়াং, ওর পিঠের কাছে রানা।

আর একবার পেছন ফিরে ঠোঁটের ওপর আঙুল রাখল মায়া। রানা মাথা ঝাঁকাল। ঠেলা দিতেই দরজা খুলে গেল। ঘরে ঢুকে দরজায় তালা দিয়ে দিল মায়া। হাত ধরে টেনে নিয়ে এল রানাকে ঘরের মাঝখানে।

রানা বলল, 'কি ব্যাপার, মায়া? হঠাৎ এত রাতে?'

'চুপ! আশুে কথা বলো!' চাপা গলায় বলল মায়া। 'পাশের ঘরেই চ্যাঙ। তোমার পাশের ঘরে লোবো। তুমি তো নিশ্চিন্তে ঘুমাচ্ছ, এদিকে আমি ছটফট করে মরছি। না জানি কি বিপদ ঝুলছে তোমার মাথার ওপর। ওরা তোমাকে সন্দেহ করেছে, রানা।'

'তুমি কি করে জানলে?'

'আগে বসো, তারপর বলছি।'

রানাকে ইতস্তত করতে দেখে বলল, 'নিশ্চিন্তে বসো। এই ঘরে মাইক্রোফোন নেই, আশুে কথা বললে টের পাবে না কেউ।'

একটা সোফায় বসে পড়ল রানা, তার পাশে বসল মায়া ওয়াং। গায়ে সুগন্ধি সাবানের সুবাস। পাশের শোবার ঘর থেকে হালকা আলো এসে পড়েছে এ ঘরে। সুন্দর লাগছে রানার মায়াকে।

'তুমি জানলে কি করে?' আবার জিজ্ঞেস করল রানা।

'আজ সন্দের পর থেকেই খুব বিচলিত দেখছিলাম চ্যাঙকে। তুমি যখন এলে তখন ভালমত তোমাকে লক্ষ করে আশুে বলল—এ লোক কিছুতেই চোর হতে পারে না। হাজার হাজার চোর-ডাকাত-খুনী দেখেছি আমি, এ নিশ্চয়ই পুলিশের লোক। আইনের বিরুদ্ধে গেলে চোঁহায়ায় যে ছাপ পড়ে—এর চেহায়ায় সে ছাপ নেই। তুমি খাল কেটে কুমির এনেছ, মায়া। আমি বললাম—খতম করে দিন না, তাহলেই তো চুকে যায়। চ্যাঙ বলল—দাঁড়াও, দেখা যাক ঝুড়িতে করে কি সাপ এনেছে এই নতুন সাপুড়ে। আমার মুঠি থেকে আর বেরোতে হবে না। লিউঙ ওর আসল পরিচয় বের করে ফেলবে তিনদিনের মধ্যেই। তারপর অবস্থা বুঝে ব্যবস্থা। ব্যাটা বিশেষ কোনও উদ্দেশ্য নিয়ে এসেছে। জাল করেছে বলে লিউঙকে যে নোট দিয়েছিল, আমাদের এক্সপার্ট পরীক্ষা করে রায় দিয়েছে ওগুলো সেন্ট পারসেন্ট খাঁটি। আমি জিজ্ঞেস করলাম—কিন্তু ওর আসল মতলব কি? চ্যাঙ বলল—সেটা বের করতে অসুবিধে হবে না। আমাদের সাবধান থাকতে হবে।'

এই পর্যন্ত বলে থামল মায়া। রানার দিকে অদ্ভুত এক দৃষ্টিতে চাইল। তারপর বলল, 'এখনও সময় আছে, পালিয়ে যাও তুমি, রানা। আজ কেবল তোমার জন্যেই বাড়ি যায়নি চ্যাঙ—আমাকেও রেখে দিয়েছে এই হোটেলে। তোমাকে চিবিয়ে খেয়ে ফেলবে ও। এক বছর পর এই প্রথম হোটেলে রাত কাটাচ্ছে। তুমি কল্পনাও করতে পারবে না কতখানি বিচলিত হয়ে পড়েছে ও।'

'অথচ বিচলিত হওয়ার কিছুই নেই। আমার বিরুদ্ধে কিছুই খুঁজে পাবে না লিউঙ। কোনও ভাবে...'

খিলখিল করে হেসে উঠল মায়া। ‘মনে হচ্ছে চ্যাণ্ডের সামনে দাঁড়িয়ে কৈফিয়ত দিচ্ছ। তোমাকে কে জিজ্ঞেস করেছে তোমার আসল পরিচয়? আমি তোমার সম্পর্কে কিছু জানতে চাই না। তুমি চোর হলেই বা আমার কি, আর পুলিশ হলেই বা কি? কিছুই যায় আসে না। কথা ছিল আমাকে উদ্ধার করবে এদের কবল থেকে—তার আগেই যাতে খতম না হয়ে যাও তাই সাবধান করে দিলাম। আমিও তোমার সাথে জড়িয়ে আছি কি না।’

‘পালিয়ে যেতে বলছ, তাই যেতাম। ওদের ভাবগতিক আমারও ভাল লাগছে না। তোমাকে কথা না দিলে, আর তোমার ব্ল্যাকমেইলিং-এর ভয়ে আধমরা হয়ে না থাকলে আমি অনেক আগেই কেটে পড়তাম। আসতেই হলো, পাছে তুমি আবার চ্যাণ্ডকে বলে দাও যে গুপ্তধনের সন্ধান আমি জানি, তাই।’

এবার আবার হেসে উঠল মায়া। পাগলের মত খিলখিল করে হাসল কিছুক্ষণ, তারপর দম নিয়ে বলল, ‘তুমি একটা বুদ্ধ।’

‘কেন?’ অবাক হয়ে চাইল রানা মায়ার মুখের দিকে।

‘চলো, পাশের ঘরে চলো। বলছি।’

উঠে দাঁড়িয়ে দুই হাত ধরে টেনে তুলল সে রানাকে সোফা থেকে, তারপর যেন বল-ডাস করেছে এমনি ভাবে তালে তালে স্টেপিং করে নিয়ে গেল ওকে শোবার ঘরে। মুখে দুষ্টামির চাপা হাসি।

‘আমি তোমার সব কথা জানি, রানা,’ বলল আয়া খাটের কিনারায় বসে।

‘কি জানো?’

‘তুমি দুঃসাহসী এক বাঙালী স্পাই—মাসুদ রানা। এসেছ চ্যাণ্ডকে ধ্বংস করতে।’

চমকে উঠল রানা। মায়া জানে কি করে? ব্যাপার কি? তবে কি সব প্রকাশ পেয়ে গেছে এদের কাছে?

‘বলব, কি করে জানলো?’

‘জলদি বলো,’ তাগিদ দিল রানা।

‘গতকাল স্টীমারে তোমার পরিচিত একজন লোক বলল সব কথা। কোনও বিপদ দেখলে যেন আগে থেকে সাবধান করি তোমাকে, সে-ব্যাপারে অনেক অনুরোধ-উপরোধ করল। তুমি নাকি তাদের রাষ্ট্রীয় অতিথি।’

কে হতে পারে? অবাক হয়ে যায় রানা। সে জানল কি করে যে মায়ার সাহায্য পাওয়া যাবেই?

‘কি নাম তার?’ জিজ্ঞেস করল রানা। অধৈর্য হয়ে উঠেছে সে। কে বলল মায়াকে এসব কথা? নামটা জানবার জন্যে অস্থির হয়ে উঠল ওর মন।

চুপচাপ কিছুক্ষণ রানার অস্থিরতা উপভোগ করে মৃদু হাসল মায়া। বলল, ‘লিউ ফু-চুং। তোমার সেই বন্ধু। ও নাকি সেদিন রিপালস বে হোটেলে আমাদের সমস্ত কথাবার্তা টেপ করে নিয়েছিল তোমার অজান্তে।’

‘আচ্ছা! আশ্চর্য তো? আমাকে বলেনি কিছু।’

‘তুমিও তো বলোনি ওকে কিছু। তুমিও তো সব ব্যাপার চেপে গেছ ওর কাছে।’

‘বলিনি সে কেবল তোমার জন্যে, মায়া। বললেই আমাকে দেশে ফেরত পাঠিয়ে দিত, সেই ভয়ে বলিনি। তাহলে তোমাকে রক্ষার আর কোনও পথ থাকত না...’

‘আমি তা জানি। ফু-চুং-ও জানে। মনে মনে সবজান্ডার হাসি হাসছে সে, আর এই একটা ব্যাপারে তোমাকে ঠকাতে পেরে খুব পুলকিত হচ্ছে। কিন্তু আমার জন্যে এই ভয়ঙ্কর বিপদের মুখে জেনে শুনে কেন ঝাপ দিলে তুমি, রানা? কি হতো একটা মেয়েকে উদ্ধার করতে এগিয়ে না এলে? একটা দস্যুকন্যার জীবনের কি দাম আছে? তোমার কাজ তো হাসিল হয়েই গিয়েছিল। এতবড় একটা বিপদের মুখে তুমি এগিয়ে এসেছ কেবল আমারই জন্যে ভাবতে আশ্চর্য লাগছে আমার। অদ্ভুত লাগছে। ধন্য মনে হচ্ছে নিজেকে। সেই সাথে আবার ভয় হচ্ছে। স্বার্থপরের মত তোমাকে এসব ব্যাপারে না জাড়ালেই বোধহয় ভাল করতাম। ভয় হচ্ছে...’

পাশের ঘরে টেলিফোনের ক্রিং ক্রিং শব্দে একসাথে চমকে উঠল ওরা দু’জন। কি মনে করে ছাতের দিকে চেয়েই এক লাফে ঘরের এক কোণে সরে গেল রানা।

‘মায়া!’ রানার কণ্ঠে উত্তেজিত জরুরী ভাব। ‘এই ঘরের ছাতে লেন্স কিসের? নিশ্চয়ই ক্লোজ-সার্কিট টেলিভিশনের ক্যামেরা! আমরা ধরা পড়ে গেছি, মায়া। কেউ আমাদের দেখে ফেলেছে। এখন সংবাদ দিচ্ছে চ্যাঙকে।’

ভয়ে পাংশু হয়ে গেল মায়ার মুখ। অশ্রুট কণ্ঠে বলল, ‘এখন উপায়?’

‘উপায় আছে। অত ভয় পেয়ো না। তুমি কিছুক্ষণ জানার ভান করবে। একেবারে ন্যাকা বনে যাবে। আমি ব্যালকনি দিয়ে পাইপ বেয়ে নেমে যাচ্ছি। কার্নিশ ধরে চলে যাব আমার ঘরে।’

‘এত উঁচু থেকে যদি পড়ে যাও?’ রানার একটা হাত ধরল মায়া।

‘ওসব ভাববার সময় নেই এখন। কেউও ভয় নেই, বুঝতে পেরেছ?’ হাসল রানা অভয় দিয়ে। দেয়াল ঘেষে ঘেষে এগিয়ে ব্যালকনির অন্ধকারে অদৃশ্য হয়ে গেল। ওয়ালথারটা দাঁতে চেপে সজ্জা করে নেমে গেল সে পাইপ বেয়ে।

ওর ঘরের ঠিক আগের ঘরানয় দেখা গেল বাতি জ্বলছে। উকি দিয়ে দেখল রানা দরজা দুপাট খোলা।

দশমিনিট পর ঘুমিয়ে পড়ল রানা নিজের বিছানায়। বিশ্রাম দরকার।

দশ

পরদিন ঠিকু রাত আটটায় কাপড় পরে নেমে এল রানা সপ্তম তলায়।

সকালে স্যার উইনস্টন চার্চিলের চাচা লর্ড জন স্পেন্সার চার্চিলের কবর আর সেন্ট পল্‌স্‌ ক্যাথিড্রাল দেখার ছুতোয় বেরিয়ে পুরো শহরটা ভালমত দেখে এসেছে রানা। সাথে অবশ্য ছায়ার মত অনুসরণ করেছে চ্যাঙের লোক, কেয়ার করেনি সে। দুপুরে খাওয়া-দাওয়া সেরে নিশ্চিন্তে ঘুমিয়েছে ঝাড়া তিনঘণ্টা। বিকেলে ব্যালকনিতে বসে বসে দেখেছে সারি সারি সাম্পানের পেছনে অপূর্ব এক

রক্তিম সূর্যাস্ত। সী-গালগুলো চলে গেছে ওদের আস্তানায়। কালো হয়ে এসেছে বিকেলের প্রসন্ন মুখ। কেন জানি অকারণেই মনটা খারাপ হয়ে গেছে রানার। বিরাট বিশ্বজগতের তুলনায় সে যে কত ক্ষুদ্র, উপলব্ধি করেছে সে বিমর্ষ চিত্তে।

নিচে নেমেই ডিনার অর্ডার দিল রানা। গিল্ড ম্যাকাও পিজিয়ন আর নারকেল তেলে ভাজা অফ্রিকান চিকেনের ঝাল পতুগীজ ডিশ। ঘাড় ফিরিয়ে চেয়ে দেখল বারের পাশে ব্ল্যাকজ্যাক টেবিলটা খালি। সারাটা ফ্লোরেই একটা খালি খালি ভাব। জমে উঠবে সাড়ে আটটার পর। প্রকাণ্ড হোটেল সিসিল সরগরম হয়ে উঠবে তখন নানান জাতের মানুষের নানান রকম উন্মত্ততায়।

রানা লক্ষ্য করেছে হোটেল চুকবার বা বেরোবার একমাত্র পথ হচ্ছে জুয়া খেলার হলঘরের মধ্যে দিয়ে। এই একমাত্র পথে ওপর নিচে ওঠানামা করতে হলে অতিবড় সংযমী পুরুষের পক্ষেও জুয়া খেলার লোভ থেকে আত্মসংবরণ করা শক্ত হয়ে পড়বে। খেলা মানেই হারা।

আর আছে সশস্ত্র রক্ষী। শক্ত সমর্থ চেহারার চৌকস লোক—কোমরে রিভলভার আর গুলিভর্তি বেল্ট। নির্বিকার ভঙ্গিতে যত্রতত্র ঘুরে বেড়াচ্ছে ওরা। চারদিকে তীক্ষ্ণ নজর। ক্রান্তি আর একঘেয়েমির ছাপ প্রত্যেকটি জুয়াড়ীর চোখে মুখে, বসবার ভঙ্গিতে। বেশির ভাগই স্ত্রীলোক।

চমৎকার ডিনার শেষে চমৎকার পুডিং, তারপর জল কফি। ডিনারের ফাঁকে ফাঁকে প্রশ্ন করে জেঁদে নিল রানা চ্যাও নেই হোটেল। ডিনার শেষ করে ঘড়ির দিকে চাইল সে—আটটা বেজে বিশ। একটা বেস্ট হাতে নিয়ে আরাম করে বসল সে পা ছড়িয়ে।

রানা ভাবছে, এখন পর্যন্ত আক্রমণের কোনও লক্ষণ যখন নেই, তখন বোধহয় টের পায়নি ওরা কিছু। কিন্তু ব্ল্যাকজ্যাক খেলার শেষে কি হবে? কিভাবে শুরু হবে আসল ঘটনাটা? ফু-চুং-কে কিছু জিজ্ঞাসিয়ে আসতে পারেনি সে—ও কি ধরা পড়ল? ওকে যে ম্যাকাও পাঠানো হয়েছে সে খবর কি পেল চাইনিজ সিক্রেট সার্ভিস? ঠিক সময় মত যদি সাহায্য না আসে তাহলে?

দেখা যাক, যা হবার হবে। গা ঝাড়া দিয়ে উঠে পড়ল রানা। দেখল, ব্ল্যাকজ্যাক টেবিলে এসে দাঁড়িয়েছে একটি মেয়ে। দৃঢ় পদক্ষেপে এগিয়ে গেল রানা সেই টেবিলের দিকে। সামনাসামনি হতেই মুচকি হাসল মেয়েটি।

সারাদিন আজ রানা অপেক্ষা করেছে এই মুহূর্তটির জন্যে। এ পর্যন্ত ওর জানা আছে কি কি ঘটবে, এরপর থেকেই সব কিছু আবছা। কোনও ধারণাই নেই তার কি ঘটতে চলেছে এই খেলার পর। তাই ভেতর ভেতর একটু উত্তেজিত হয়ে উঠল সে।

কিন্তু আশ্চর্য সাদামাঠা ভাবে শেষ হয়ে গেল খেলা। তিন মিনিটের মধ্যেই আটহাজার ম্যাকাও পতাকা জিতে ফেলল রানা। যুবতীর তাস শাফল্ করবার অস্বাভাবিক নৈপুণ্য রানাকে বিস্মিত করতে পারল না, কারণ রানা আরও কিছু বিশ্বাসের অপেক্ষা করছিল। কিন্তু কিছুই ঘটল না। সাদামাঠা ভাবে খেলা শেষ হয়ে যেতেই যন্ত্রচালিতের মত উঠে চলে গেল মেয়েটা টেবিল থেকে। বোকার মত বসে রইল রানা।

এখন? এখন কি করবে সে?

লাল প্লেক ক'টা ভাঙিয়ে নিল রানা কাউন্টার থেকে, তারপর নেমে এল নিচতলায়। ভাবল, রাস্তায় কিছুক্ষণ পায়চারি করে দেহের আলস্যাটা কাটিয়ে নেবে।

ফুটপাথ ধরে গজ বিশেক যেতেই পাশে এসে থামল একটা ট্যাক্সি। হাত নেড়ে নিষেধ করল রানা, লাগবে না। কিন্তু নাছোড়বান্দা ড্রাইভার স্লো-স্পীডে চলতে থাকল পাশাপাশি। বিরক্ত হয়ে চাইল রানা একবার গাড়িটার দিকে। আর ঠিক সেই মুহূর্তে গাড়ির ভেতরের কার্টিসি লাইটটা একবার জ্বলেই নিভে গেল। ড্রাইভিং সীটে বসে আছে লিউ ফু-চুং।

বিনা বাক্যব্যয়ে দরজা খুলে পাশের সীটে উঠে বসল রানা। দ্রুত এগিয়ে চলল গাড়ি বড় রাস্তা ধরে।

‘তুই খবর পেলি কি করে?’ জিজ্ঞেস করল রানা।

‘তোর ওপর নজর রাখবার জন্যে লোক ছিল। আমাকে একটা ফোন করে দিয়েই ও তোর সাথে একই স্টীমারে মাকাও চলে এসেছে। এখান থেকেও আব্বার কন্ট্যাক্ট করেছে আমাদের সঙ্গে ওয়্যারলেসে। আমি আগে ভাগেই চলে এসেছি—রাত সাড়ে এগারোটায় এসে পৌছবে আমাদের সাবমেরিন। কাজ সেরে আজই ফিরে যাব আমরা।’

‘তুই আর হোটেল বিল্টমোরে যাস্নি?’

‘নাহ্। পাগল নাকি? টিয়েন হং-এর অবস্থা দেখেই সাবধান হয়ে গেছি আমি।’

‘টিয়েন হং মানে সেই হোয়াইট অ্যান্ড ব্লু’র জকি তো? ওর আবার কি হলো?’

‘কাল সন্দের সময় খুন হয়েছে ও নিউজর ঘরে। সমস্ত ঘর লুণ্ঠণ। বুকের ওপর ছুরি দিয়ে গৈঁথে রেখে গেছে নোটবুকে লিউঙের কাজ।’

কিছুক্ষণ চুপ করে রইল দু'জন। তারপর রানা জিজ্ঞেস করল, ‘এখানে সাবমেরিন আসছে কি করতে?’

‘স্মাগলিং চ্যানেলটা ক্লজ করে দেব চিরতরে। বেইজিং থেকে হুকুম এসেছে—ধ্বংস করে দাও।’

‘পর্তুগীজ এলাকায় এ-ধরনের কাজ করলে তুমুল আন্দোলন হবে না?’

‘হতে পারে। হয়তো দুনিয়া ফাটিয়ে চিংকার করবে। কিন্তু আমাদের কাজ আমাদেরকে করতেই হবে। আমি তো বুঝি না, তামাম দুনিয়া দখল করে সীমান্ত থেকে মাত্র পঞ্চাশ গজ দূরের এই ছোট্ট জায়গাটা কেন বাদ রাখল গণচীন সরকার। যত রাজ্যের অ-কাজ কু-কাজ সব এখানে। আফিম আর স্বর্ণের ঘাঁটি। এখানে না আছে ইনকাম-ট্যাক্স, না আছে একচেঞ্জ কন্ট্রোল। ফরেন কারেন্সি আর সোনা আমদানী-রপ্তানীর ওপর কোনই বাধা-নিষেধ বা নিয়ন্ত্রণ নেই। দিনের পর দিন অসহ্য হয়ে উঠছে। এদের সঙ্গে আবার হাত মিলিয়েছে হংকং-এর যত গুণ্ডা-পাণ্ডা।’

‘কিভাবে ধ্বংস করবি, কোনও প্ল্যান নিয়েছিস?’

‘সাবমেরিনে আসছে তিরিশজন এক্সপার্ট। টিএনটি আর বাজুকা থাকবে, দরকার হলে ট্যাঙ্ক নামিয়ে দেব। কিন্তু তোর প্ল্যানটা আগে বল। তুই তো, শালা,

মেয়েটার সঙ্গে জড়িয়ে পড়েছি। ওকে বের করে আনবি কি করে? কি ঠিক করেছি? আমার ওপর তো অর্ডার দেয়া হয়েছে এইসব হাঙ্গামার আগেই তোকে নিরাপদ দূরত্বে যেন সরিয়ে ফেলি। তোর প্ল্যানটা কি শুনি?’

‘টাইম-বম্ব ঠিক ক’টার সময় ফাটারি?’

‘জিরো আওয়ারে। ঠিক রাত বারোটায়।’

‘আমি একটা প্ল্যান ঠিক করেছি। মন দিয়ে শোন্...’

মন দিয়ে শুনবার আর সুযোগ হলো না। হঠাৎ গলার স্বর বদলে ফু-চুং বলল, ‘খুব সম্ভব আমাদের পেছনে লেজ লেগেছে, রানা। সামনেও আছে, পেছনেও। দুটো গাড়ি। পেছনে তাকাস না। ওই যে সামনের ওপেলটা দেখা যাচ্ছে, দু’জন লোক বসা। দুটো রিয়ার-ভিউ মিরর লাগানো আছে ওতে। আমাদের লক্ষ্য করছে অনেকক্ষণ ধরে। পেছনের সাদা একটা স্পোর্টস্ মডেল জাওয়ারে আছে আরও দু’জন। এতক্ষণ ছিল না, এই মিনিট পাঁচেক হলো দেখছি। কিছু একটা গোলমাল হয়ে গেছে। তুই রেডি থাকিস আর লক্ষ রাখিস, আমি পরীক্ষা করে দেখি সত্যিই ওরা চ্যাণ্ডের লোক কিনা।’

জোরে অ্যাক্সিলারেটর চেপে ইগনিশন সুইচ অফ করে দিল ফু-চুং। ‘ঠাস’ করে পিস্তলের মত একটা শব্দ বেরোল একজন্ট পাইপ দিয়ে এঞ্জিন ব্যাক ফায়ার করতেই। সাথে সাথেই পেছনের দুজন লোকের হাত পকেটে ঢুকল।

‘ঠিক ধরেছি। আওয়াজ হতেই পকেটে হাত ঢুকেছে ওদের অভ্যাসবশে। তুই এক কাজ কর ফু-চুং, আমাকে নামিয়ে দিও এখানে। তোকে কিছুই বলবে না ওরা। আমার সাথে সাথে তুই ধরা পড়বে। তত হয়ে যাবে অনেক।’

‘শাট আপ!’ একবার কড়া কন্ঠেইল ফু-চুং রানার দিকে। ‘মায়ার কাছে গিয়ে বীরত্ব দেখাস, এখানে নয়। সেক্ষেত্রে এখন নামিয়ে দিলে আমার চাকরি থাকবে মনে করেছিস? তাহাড়া আমায় ভীতুই বা মনে করলি কেন? তুই তোর ওই খেলনাটা বের করে তৈরি থাকিস হাতের টিপটা আগের মতই আছে তো? তাহলে আর চিন্তা নেই, বসে বসে দেখ কেমন ঘোল খাইয়ে দিই শালাদের। মনে আছে, সেবার সাইগনে দু’জন কি বিপদে পড়েছিলাম? সেই রকম পিস্তলের খেল্ একটু দেখাতে হবে, দোস্ত।’

আলগোছে পিস্তলটা শোল্ডার হোলস্টার থেকে বের করে হাতের মুঠোয় নিল রানা। ওর মনের মত কাজ পেয়েছে এইবার।

লম্বা সোজা রাস্তাটায় লোকজন বিশেষ নেই। চল্লিশ মাইল স্পীডে চলছে ওরা। ধীরে ধীরে এগিয়ে আসছে জাওয়ার, আর হাত পাঁচেক আছে, ঠিক এমনি সময় ঘ্যাচ করে হঠাৎ ফুল ব্রেক করল ফু-চুং। সাবধান না থাকলে রানার নাক ছেঁচে যেত ড্যাশবোর্ডে। বিগী শব্দ তুলে অল্প খানিকটা স্কিড করে থেমে পড়ল গাড়িটা। সাথে সাথেই পেছন থেকে জোরে এক ধাক্কা মারল এসে জাওয়ারটা। প্রচণ্ড একটা ধাতব শব্দ হলো। জাওয়ারের সামনের উইণ্ডস্ক্রীন ভেঙে পড়ে গেল চুর হয়ে। ধাক্কার চোটে কয়েক ফুট এগিয়ে গেল রানাদের ট্যাক্সিটা। এবার ফাস্ট গিয়ারে দিয়ে পেছনের বাম্পারটা জাওয়ারের সাথেই ভেঙে রেখে এগিয়ে চলল ফু-চুং।

‘কি দেখলি?’ জিজ্ঞেস করল ফু-চুং গর্বের হাসি হেসে।

‘র‍্যাডিয়েটর গ্লিল বাস্ট করেছে ব্যাটারদের, নাকটা চ্যাপ্টা হয়ে গেছে, উইণ্ডস্ক্রীন গায়েব,’ পেছনে ফিরে বসল রানা। ততক্ষণে অনেকদূর চলে এসেছে ওদের ট্যাক্সি। থেতলে চাকার সঙ্গে আটকে যাওয়া উইং দুটো তুলবার চেষ্টা করছে লোক দু’জন গাড়ি থেকে নেমে। অল্পক্ষণেই আবার চালু করতে পারবে, সন্দেহ নেই।

‘এতেই যুদ্ধ ঘোষণা করা হয়ে গেছে। ওই দ্যাখ, ওপেলটা রাস্তার এক পাশে থেমে দাঁড়াচ্ছে। মাথা নিচু করে ফ্যাল। গুলি চালাতে পারে ওরা। সাবধান! ছুটলাম।’

পিঠের কাছে অনুভব করতে পারল রানা, খার্ডগিয়ারে ফুল অ্যাক্সিলারেটর দিয়েছে ফু-চুং। রানা বসে পড়েছে নিচে সীট ছেড়ে। সীটের ওপর আধ-শোয়া অবস্থায় চোখ দুটো ড্যাশবোর্ডের চেয়ে একটু উঁচু রেখে এক হাতে চালাচ্ছে ফু-চুং।

সাঁ করে ওপেলের পাশ দিয়ে বেরিয়ে গেল ট্যাক্সিটা। সাথে সাথেই রিভলভারের তীক্ষ্ণ আওয়াজ এল কানে। একটা গুলি বডিতে এসে লাগল ঠং করে—বোধ হয় চাকা সহই করেছিল। আর দ্বিতীয় গুলিটা উইণ্ডস্ক্রীন ফুটো করে একরাশ কাঁচের টুকরো ছড়াল গাড়িময়। তৃতীয় গুলিটা কি হলো বোঝা গেল না। একটা অশ্লীল চীনা গালি বেরিয়ে এল ফু-চুং-এর মুখ থেকে।

পেছনের সীটে চলে গেল রানা। পিস্তলের বাট দিয়ে ঠুকে পেছনের কাঁচটা ভেঙে ফেলল। ওপেলটা এবার তেড়ে আসছে ওদের দিকে। যেন রাগে অগ্নিশর্মা, জ্বলছে ওর দুই চোখ। হেড লাইট সহী করতে যাচ্ছিল রানা। ফু-চুং বলল, ‘এখন গুলি করিস না। সামনেই একটা শাপ হুস নিচ্ছি। ঘুরেই দাঁড়িয়ে পড়ব। তখন গুলি করিস।’

ফু-চুং-এর কণ্ঠস্বর কেমন জেন অদ্ভুত শোনাল।

চট করে একটা হাতল ধরে ফেলল রানা গাড়িটা ডানদিকে মোড় নিতেই। তিন সেকেন্ডে দুই চাকার ওপর চলে আবার সোজা হয়ে থেমে গেল ট্যাক্সি প্রথম বাড়িটার আড়ালে। ঝট করে দরজা খুলে বেরিয়ে গেল রানা গাড়ি থেকে। ওপেলটা তখন মোড় নিচ্ছে ভীষণ বেগে। টায়ারের ঘষায় বিধী একটা শব্দ উঠছে রাস্তা থেকে। হেড লাইটটা ক্রমেই সরে আসছে ডানদিকে। হেলে গিয়েছে গাড়িটা ডানধারে। রানা বুঝল, এখনই সময়, সোজা হবার আগেই শেষ করতে হবে।

তিনটে অব্যর্থ গুলি লক্ষ্যভেদ করল।

আর সোজা হলো না ওপেলটা। রাস্তার মাঝের আইল্যাণ্ডে উঠে কোণাকুণি ধাক্কা খেলো একটা গাছের সঙ্গে। আবার রাস্তায় নেমে সোজাসুজি গুঁতো মারল একটা ল্যাম্প পোস্টকে। তারপর কয়েক হাত পিছিয়ে এসে কাত হয়ে উল্টে পড়ে গেল। প্রচণ্ড ধাতব শব্দ ধ্বনি-প্রতিধ্বনি তুলল বাড়িগুলোর গায়ে।

হঠাৎ লক্ষ্য করল রানা আশুন দেখা যাচ্ছে গাড়ির মুখ থেকে। গাড়ি থেকে বেরোবার চেষ্টা করছে একজন লোক। রানা বুঝল, এখন যে-কোনও মুহূর্তে ভ্যাকিউম পাম্প বেয়ে এগিয়ে আগুনটা ফুয়েল ট্যাঙ্কে পৌঁছে যাবে। তাহলে আর

বেরোতে হবে না ভেতরের কাউকে।

দ্রুত এগিয়ে যাচ্ছিল রানা সেদিকে, এমন সময় একটা গোঙানির শব্দে চমকে ঘুরে দাঁড়াল সে। দেখল, মাথাটা বুলে পড়েছে ফু-চুং-এর—গাড়িয়ে পড়ল সে সীট থেকে গাড়ির মেঝেতে। জ্বলন্ত ওপেলের কথা ভুলে ছুটে এসে দাঁড়াল রানা ট্যান্ডারের পাশে। এক ঝটকায় দরজা খুলেই দেখল চারদিকে রক্ত লেগে আছে। ফু-চুং-এর বাম হাতের আঙ্গিন পর্যন্ত চূপচূপে ভেজা তাজা রক্তে। আবার সীটের ওপর টেনে তুলল রানা ফু-চুংকে। চোখ মেনে চাইল ফু-চুং।

‘রানা! জলদি পালা। এক্ষুণি ওই জাওয়ারটা এসে পড়বে। ডাক্তারের কাছে নিয়ে চল আমাদের।’

‘ঠিক আছে। তুই একটু সরে বস। কিছু ভাবিস না।’ সাঁ করে বেরিয়ে গেল গাড়িটা জ্বলন্ত ওপেলকে পেছনে ফেলে। রাস্তায় ইতিমধ্যেই কিছু লোক জড়ো হয়ে তামাশা দেখতে লেগেছে।

‘সোজা চল। খানিকদূর গিয়েই ডানদিকের রাস্তায় উঠে পড়বি। কিছু দেখা যাচ্ছে আয়নায়?’ জানতে চাইল ফু-চুং।

একটা হেডলাইট দেখা যাচ্ছে। ওটা পুলিশের মোটর সাইকেল না জাওয়ারের অবশিষ্ট এক চোখ বোঝা যাচ্ছে না। একশো গজ দূরে আছে। দ্রুত এগিয়ে আসছে এই দিকে।

‘ছুটে চল। লুকাতে হবে আমাদের কোথাও। সিনেমা হল আছে একটা সামনে। ডানদিকে ঘোরা। ওই যে বাঁয়ে দেখা যাচ্ছে আলোওলো, ওটাই সিনেমা হল। এসে গেছি। স্পীড কমা। জলদি বাঁয়ে কাট। হ্যাঁ। সোজা ঢুকে পড় ওই গাড়িগুলোর পাশে। লাইট অফ। বাস।’

বিশ পঁচিশটা গাড়ি দাঁড় করানো আছে। দুটো গাড়ির মাঝখানে ফাঁক পেয়ে সেখানে ঢুকে পড়ল রানা। চূপচূপে একটু গেল তিন মিনিট। পাশ ফিরে পেছন দিকে চাইল। নাই, একটা মরিস মাসিনার আর অস্টিন এ-ফরটি এসে ঢুকল গেট দিয়ে, ভদ্রলোকের মত নেমে চলে গেল যাত্রীরা টিকেট কাউন্টারের দিকে। একটা ছোকরা পান-বিড়ি-সিগারেট হেঁকে চলে গেল।

দরজার গায়ে হেলান দিয়ে দাঁতে দাঁত চেপে বসে আছে ফু-চুং। দুর্বল কণ্ঠে বলল, ‘আর তিন মিনিট দেখব, তারপর আমাদের কোনও ডাক্তারের কাছে নিয়ে যেতে হবে।’

‘একটু সহ্য করে থাক, ভাই। বেশিক্ষণ লাগবে না। তোর বুদ্ধিটা বোধহয় কাজে লেগে গেল। এ-যাত্রা বেঁচেই গেলাম বোধহয়।’

তীক্ষ্ণ দৃষ্টি বুলাল রানা পেছনের অন্ধকারে। কারও দেখা নেই। আশপাশের গাড়িতেও কোন রকম সন্দেহজনক কিছু পেল না সে। ভাবছে এক্ষুণি ডাক্তারের উদ্দেশ্যে রওনা হবে, না আরও দু’এক মিনিট অপেক্ষা করবে—এমন সময় নাকে এল আফটার শেভ লোশনের গন্ধ। পরমুহূর্তেই একটা কালো মূর্তি উঠে এল মাটি ফুঁড়ে ঠিক জানালার পাশে। হাতের সাইলেন্সার লাগানো পিস্তল সোজা রানার কপালের দিকে ধরা। ফু-চুং-এর ধারের জানালা দিয়ে একটা মৃদু গভীর কণ্ঠস্বর শোনা গেল, ‘চিংকার করবার চেষ্টা কোরো না। ধীরস্থির ভাবে পরাজয় মেনে নাও। নইলে

অসুবিধায় পড়বে।’

রানা ওর পাশের লোকটার ঘর্মাক্ত মুখের দিকে চাইল ভাল করে। চোখ দুটো হাসছে ওর টিটকারির হাসি। ফিসফিস করে বলল, ‘লক্ষ্মী ছেলের মত বেরিয়ে এসো বাইরে। আমাদের শুধু তোমাকে দরকার। নইলে দু’জনেরই লাশ নিয়ে যেতে হবে আমাদের।’

রানা ঘাড় ফিরিয়ে চাইল ফু-চুং-এর দিকে। ব্যথায় কঁচকে গেছে ওর গাল দুটো। যে-কোনও মুহূর্তে জ্ঞান হারাতে পারে। এক্ষুণি চিকিৎসা দরকার। প্রচুর রক্তক্ষরণে ফ্যাকাসে দেখাচ্ছে ওকে। সাইলেন্সার লাগানো পিস্তল ধরা আছে ওর গলার ওপর ঠেসে। আশপাশের কারও কাছ থেকে সাহায্য পাওয়ার আশা নেই। সিনেমা হলের পার্কিং কর্পরটা অন্ধকার মত। কাছেই কয়েকটা স্টেশনারী দোকান আছে, তাদের কাছ থেকে কোনও সাহায্য পাওয়া যাবে না? দেখা যাক।

‘আমি নেমেই যাই, ড্রাইভার। দু’জন একসাথে মারা পড়ার চাইতে আমার নেমে যাওয়াই ভাল। সম্ভব হলে ফিরে এসে তোমাকে ডাক্তারের কাছে নিয়ে যাব। নিজের দিকে লক্ষ্য রেখ।’

রানার কথাটা শেষ হতেই ওর পাশের দরজাটা খুলে গেল। তখনও পিস্তলটা ধরা আছে রানার দিকে স্থির ভাবে। ওপাশের লোকটা বলল, ‘তোমাকেও ছাড়া হবে না, বাবাজী। তোমার অপরাধের শাস্তিও সমান পড়তে পারে। এখন আপাতত তুমি আহত, হাঁটিয়ে নিতে পারব না, তাই রেখে রাখছি। কিন্তু ম্যাকাও ছেড়ে যাবে কোথায়? ড্রাইভারগিরি ভুলিয়ে দেয়া হবে তোমাকে।’

‘আমি দুঃখিত, বন্ধু,’ করুণ ক্রান্ত শব্দে ফু-চুং-এর কণ্ঠস্বর। ‘তোমাকে বদমাইশগুলোর হাত থেকে রক্ষা করতে পারলাম না। আমি...’ এটুকু বলার পরই ঠক করে বেশ জোরে একটা শব্দ হলো ওপাশের লোকটার পিস্তলের বাটটা ফু-চুং-এর কানের পেছনে আঘাত করবে। নীরবে কাত হয়ে চলে পড়ল ফু-চুং-এর ক্রান্ত দেহ।

দাঁতে দাঁত ঘষল রানা, পেশীগুলো দৃঢ় হয়ে উঠল ওর দেহের। দুটো পিস্তলের দিকে চাইল সে একবার নিষ্ফল আক্রোশে। ওর ওয়ালথারটা হোলস্টার থেকে বের করবার সময় পাওয়া যাবে না। চারটে চোখ লোভাতুর দৃষ্টি মেলে অপেক্ষা করছে ওর জন্যে। ছুতো খুঁজছে যেন খুন করবার। ও কিছু একটা করবার চেষ্টা করুক, তাই চাইছে ওরা আন্তরিক ভাবে। নিজেকে সামনে নিল রানা। নেমে এল সে গাড়ি থেকে। হত্যার চিন্তা ছাড়া আর কোনও চিন্তাই করতে পারল না সে এই মুহূর্তে।

‘সোজা গেট দিয়ে বেরিয়ে যাও। স্বাভাবিক থাকো। আমাদের পিস্তল তৈরি থাকল, কোনও চালাকির চেষ্টা করলে...’ কথাটা আর শেষ করল না আফটার-শেভ লোশন মাখা লোকটা। ওর ডান হাতটা এখন কোটের পকেটে চলে গেছে। রানা ফিরে দেখল দ্বিতীয়জনেরও একই অবস্থা—হাত চলে গেছে কোটের পকেটে, অদৃশ্য হয়েছে পিস্তলটা।

স্টেশনারী দোকানগুলোর পাশ দিয়ে বেরিয়ে এল তিনজন রাস্তার ওপর দ্রুতপায়ে। আকাশে চাঁদ উঠেছে আধখানা।

এগারো

সাদা জামুয়ারটা রয়েছে গেটের বাইরে ডানধারের দেয়াল ঘেঁষে। রানার পিস্তলটা বের করে নিল একজন—রানা বাধা দিল না। নীরবে ড্রাইভারের পাশের সীটে উঠে বসল সে।

‘পিস্তলটা তৈরি থাকল। কোনও রকম কৌশল করতে চেষ্টা করলেই মারা পড়বে, রানা।’ পেছনের সীটে উঠে বসে বলল একজন।

‘চললাম কোথায় জানতে পারি?’ রানা জিজ্ঞেস করল।

‘সেটা দেখতেই পাবে।’

চলতে আরম্ভ করল গাড়ি। স্ট্রীট অফ হ্যাপিনেসের উজ্জ্বল বাতি ছাড়িয়ে হোটেল সিসিলিকে বাম ধারে রেখে ছুটল ওরা সামনে। রানা বুঝল চ্যাণ্ডের আসল আড্ডায় নিয়ে যাওয়া হচ্ছে ওকে। কয়েকটা ড্রাইভারশানে স্পীড একটু কমল, বাকি সময় সত্তরের নিচে নামছে না কাঁটা। গাড়িটা কি অ্যাক্সিডেন্ট করবার চেষ্টা করবে সে? এত স্পীডে অ্যাক্সিডেন্ট হলে মৃত্যুর সবচেয়ে বেশি সম্ভাবনা ওর নিজেরই। সেই জন্যেই বোধহয় ওকে ড্রাইভারের পাশের সীটে, অর্থাৎ ‘ডেথ-সীটে’ বসানো হয়েছে। সামনের সোজা রাস্তাটার বাম দিক সারি সারি ল্যাম্প পোস্ট মেট্রোনোমের টোকার মত টিক টিক করে পাস হয়ে যাচ্ছে। হ-হ করে বাতাস, ধুলোবালি আর পোকামাকড় আসছে ভাঙা উইণ্ডশীল্ড দিয়ে। মাথাটা নিচু করে চ্যাণ্ডের কাল্পনিক প্রশ্নের উত্তর তৈরি করতে করতে চলল রানা। আধঘণ্টা চলবার পর ডানদিকে মোড় নিল গাড়িটা।

কোথায় চলেছে রানার জানাই আছে। গাড়িটা থেমে দাঁড়ানোর আগে মাথা তুলল না সে ওপরে। একটা প্রকাণ্ড গেটের সামনে দাঁড়িয়েছে গাড়ি। গেটের দুপাশে দুটো সেন্ট্রি ঘর। সমস্ত এলেক্সিটা উঁচু দেয়ালে ঘেরা। বোতাম টিপতেই মোটা একটা কর্কশ কণ্ঠ শোনা গেল অ্যামপ্লিফায়ারের মাধ্যমে।

‘বলুন?’

‘মাসুদ রানা।’ ড্রাইভার জবাব দিল উঁচু গলায়।

‘ঠিক আছে। ঢুকে পড়ো।’

ঘড় ঘড় করে খুলে গেল গেট। ভেতরে ঢুকেই রানা দেখল গাছপালার আড়াল থেকে একটা সুন্দর দৌতলা বাড়ির কিছু অংশ দেখা যাচ্ছে। পেছন ফিরে দেখল ধীরে বন্ধ হয়ে গেল গেট। একটা উঁচু টিবি ঘুরতেই বাড়িটার সামনে এসে উপস্থিত হলো ওরা।

‘বেরোও,’ আদেশ করল ড্রাইভার। মরা পোকা আর মাছির রক্তে লাল হয়ে আছে ওর মুখটা।

নেমে এলো রানা গাড়ি থেকে। সামনে-পেছনে চলল দু’জন পিস্তল হাতে।

হেয়ার ড্রেসিং সেনুনে যেমন দুই পাল্লা সুইং-ডোর থাকে তেমনি একটা দরজা

দিয়ে ঘরে প্রবেশ করল ড্রাইভার। রানা বুঝল এই সুযোগ। পেছন থেকে পিস্তলের গুতো খেয়ে এগিয়ে গেল সে। ঘরের ভেতর কয়েকটা সোফা পাতা, লোকজন নেই।

পেছন থেকে দুই বাহু চেপে ধরে শূন্য তুলে ফেলল সে ড্রাইভারকে, তারপর ঘুরে দাঁড়িয়ে প্রবল বেগে ছুড়ে দিল ওকে সুইং-ডোরের ওপর। পেছনের লোকটা মাত্র অর্ধেকটা শরীর বের করেছিল দরজা দিয়ে, এই প্রচণ্ড সংঘর্ষে পড়ে গেল চিৎ হয়ে।

ড্রাইভারটা ঘুরে দাঁড়াল রানার দিকে। ধাঁই করে একটা ঘুসি পড়ল ওর নাক বরাবর, আর সাথে সাথেই রানার আরেকটা হাত তীব্র আঘাত করল ওর কজির ওপর, ছিটকে সশব্দে মাটিতে পড়ল পিস্তলটা।

পেছনের লোকটা সামলে নিয়েছে ততক্ষণে। দরজার ফাঁক দিয়ে ওর পিস্তলটা বেরিয়ে খুঁজছে রানাকে। ডাইভ দিয়ে ওয়ে পড়ল রানা মাটিতে। ড্রাইভারের পিস্তলটা তুলে নিয়ে দ্রুত দুটো গুলি করল সে পেছনের লোকটার কজি লক্ষ্য করে। চিৎকার করে পড়ে গেল সে দরজার ওপাশে। এদিকে জুতোসুদ্ধ এক পা দিয়ে চেপে ধরল ড্রাইভার রানার ডান হাত। এক লাথিতে রানার হাত থেকে খসে পড়ল পিস্তলটা। এবার ঝাঁপিয়ে পড়ল সে রানার ওপর। দুই হাতে চুলের মুঠি চেপে ধরে ঠুকতে আরম্ভ করল মুখটা মেঝের ওপর। নাক বাঁচানোর জন্যে একপাশে ফিরিয়ে রাখল রানা মুখ। পিস্তলটা নাগালের মধ্যেই রয়েছে। যে আগে তুলতে পারবে তারই জয়।

কিছুক্ষণ নীরবে বন্য জন্তুর মত যুদ্ধ করল দু'জন। অনেক চেষ্টা করে হাঁটু ভাঁজ করল রানা, তারপর এক ঝটকায় নড়াচড়া দিল লোকটাকে গলায় পা বাধিয়ে। রানার উঠে দাঁড়াবার আগেই বিদ্রোহীভাবে উঠে দাঁড়াল ড্রাইভার এবং হাঁটু দিয়ে প্রচণ্ড জোরে মারল রানার থুতুখিঁড়ি। মাথার মগজ পর্যন্ত নড়ে উঠল এই আঘাতে। টাল সামলাতে না পেরে পড়ে গেল ও মাটিতে। আর সঙ্গে সঙ্গে মাথা নিচু করে ডাইভ দিয়ে পড়ল ওর ওপর লোকটা। পেটটা বাঁচানোর জন্যে সরে যাবার চেষ্টা করল রানা। মাথাটা এসে পড়ল ওর পাজরের ওপর। অসহ্য ব্যথায় একটা অদ্ভুত বিকৃত গোঙানী বেরিয়ে এল রানার মুখ দিয়ে। কিন্তু সামলে নিল সে। বাঁচতেই হবে তাকে। একপাশ ফিরে লোকটার দুটো হাতই পিঠ দিয়ে চেপে ধরল রানা, তারপর বাম হাতে দুটো ওজনদার লেফট হুক চালিয়ে দিল। মাথাটা একটু উঁচু করতেই ডান হাতটা চালান দাও দিয়ে কোপ মারার মত লোকটার কাঁধের পেশীর ওপর।

টলতে টলতে উঠে দাঁড়াল লোকটা। চিতাবাঘের মত ঝাঁপিয়ে পড়ল রানা ওর ওপর। পোকামাকড়ের রক্তের সঙ্গে মিশল ওর নাক দিয়ে বেরোনো টাটকা তাজা রক্ত। ঝেঁতলে গেল ওর নাকটা রানার প্রচণ্ড ঘুসিতে। দুটো দাঁত খসে পড়ল মোজাইক করা মেঝের ওপর। এবার ওর একটা হাত ধরে ফেলল রানা। অন্যহাতে কেঁটটা শক্ত করে ধরে শূন্য তুলে ফেলল ওকে। একপাক ঘুরে সর্বশক্তি দিয়ে ছুড়ে মারল সে দেহটা দেয়ালের গায়ে। দেয়ালে ধাক্কা খেয়ে মাটিতে পড়ল দেহটা, আর উঠল না।

হাঁপাচ্ছে রানা। ফুলে ফুলে উঠছে ওর প্রশস্ত বুক। ধীরে ধীরে সোজা হয়ে

দাঁড়াল সে। ঘামে ভেজা চুলের মধ্যে বাম হাতের আঙুলগুলো চালিয়ে দিল। ফু-চুং-এর প্রতিশোধ নিতে পেরে একটা আত্মতৃপ্তি বোধ করল সে।

‘কাট্।’

চমকে ঘুরে দাঁড়াল রানা। দেখল দুই হাত কোমরে রেখে পা ফাঁক করে দাঁড়িয়ে আছে চ্যাঙ। দুইপাশে দু’জন সহকারী। ডান পাশে রিভলভার হাতে দাঁড়িয়ে আছে লোবো। পাশের লোকটাকে চিনতে পারল না সে, মনে হলো দেখেছে কোথাও। যেন সিনেমার শটিং হচ্ছে, মারপিটের সীন শেষ হতেই ডিরেক্টর চিৎকার করে বলল, ‘কাট্।’ কতক্ষণ ধরে ওরা চুপচাপ দাঁড়িয়ে এই মারামারি দেখছিল কে জানে।

শার্টের আস্তিন দিয়ে চোখ-মুখের ঘাম মুছে নিল রানা যেন কিছুই হয়নি এমনি ভাবে। দেখল জুলন্ত দৃষ্টিতে চেয়ে আছে ওর দিকে চ্যাঙের তীব্র দুটো চোখ। চীনা ভাষায় কিছু বলল চ্যাঙ ওর সহকারীদের, তারপর ঘুরে একটা দরজা দিয়ে চলে গেল বাড়ির ভেতর।

এগিয়ে এল লোবো আর তার সাথে লোকটা। সাথে লোকটাকে আহতদের তদারকির নির্দেশ দিয়ে নিজে রানার ভার গ্রহণ করল লোবো। পেছন থেকে মেরুদণ্ডের ওপর রিভলভারের নলের গুঁতোয় রানা বুঝল সামনে এগোতে হবে ওকে। দরজা দিয়ে ঢুকে একটা ডাইনিংরুম। বড় একটা টেবিলের দুইপাশে বারোটা করে চেয়ার—টেবিলের মাথায় একটা কৃত্রিম কার্খচিত চেয়ার দেখে বোঝা গেল ওটা চ্যাঙের আসন। ডাইনিংরুম থেকে ঘুরিয়ে একটা বারান্দা—কিছুদূর গিয়ে আবার দুটো ঘর পেরিয়ে ভারি পর্দা তুলতেই অবাক হয়ে গেল রানা।

একটা মোটা খুঁটির সাথে আঁকড়িয়ে বাঁধা রয়েছে মায়া ওয়াং। শরীরে কয়েকটা আঘাতের দাগ লাল হয়ে আছে। রানাকে দেখে ওর দুই চোখে আশার আলো জ্বলে উঠেই দপ করে মিলিয়ে গেল পেছনে লোবোর ওপর চোখ পড়তে। মাথাটা নিচু করল সে। অল্পদূরে একটা টেবিলের ওপাশে বসে আছে চ্যাঙ। কালো আলখেল্লা, মাথায় টাক, খুঁতনিতে দু’চারটে দাড়ি, আর অসম্ভব বড় বড় কান—মনে হচ্ছে যেন চীনা জাদুকর। শিড়দাঁড়ায় আরেকটা গুঁতো খেয়ে ঘরে ঢুকে পড়ল রানা।

এগিয়ে গিয়ে একটা চেয়ারে বসতে যাচ্ছিল রানা, একটা হান্টারের বাড়ি পড়ল পিঠের ওপর। ইলেকট্রিক হুইপ। বিদ্যুৎস্পৃষ্টের মত থমকে দাঁড়িয়ে গেল রানা। দেয়াল ঘেষে দাঁড়িয়ে আছে একজন। হাতে তিন ফুট লম্বা হান্টার। এটা দিয়েই মারা হয়েছে মায়াকে। মাথার মধ্যে দাউ দাউ করে আগুন জ্বলে উঠল রানার। কিন্তু এখন সংযম হারালে অনিবার্য মৃত্যু। দাঁতে দাঁত চেপে সহ্য করল সে। চ্যাঙের মুখে কৌতূকের হাসি ফুটে উঠেই মিলিয়ে গেল।

‘দাঁড়িয়ে থাকো। বসতে কে বলেছে তোমাকে?’ বলল চ্যাঙ।

‘ব্যাপার কি? এভাবে আমাকে ধরে এনে মারধোর করা হচ্ছে কেন?’

এ কথার উত্তর না দিয়ে আবছা একটা ইঙ্গিত করল চ্যাঙ লোবোকে। রিভলভারটা হোলস্টারে ঢুকিয়ে রেখে আরেকটা খুঁটির সাথে বেঁধে ফেলল সে রানাকে। ঘরের চারদিকে চোখ বুলিয়ে দমে গেল রানা। বুঝল এটা চ্যাঙের টরচার

চেম্বার। বাঁধা শেষ হতেই মুখ খুলল চ্যাণ্ড।

‘কেন মারধোর করা হচ্ছে জিজ্ঞেস করছিলে...তুমিই বলো দেখি, কেন?’

‘আমি তো বুঝতে পারছি না কি অপরাধ করেছি আমি তোমাদের কাছে। তোমাদের কাজ করেছি, টাকাও পেয়ে গেছি। ব্যস, চুকে গেছে। আমার পেছনে একপাল কুকুর লেলিয়ে দেবার মানে কি? যেমন কুকুর তেম্নন মুণ্ডর দিয়ে দিয়েছি—আমার তো মনে হয় না তাতে আমার কোনও দোষ হয়েছে।’

‘ব্যাপারটা বোঝানি এখনও। একটু আপ-টু-ডেট করে দিচ্ছি তোমাকে। অল্পক্ষণ আগে হংকং-এর সাথে টেলিফোনে আলাপ হয়েছে। তারা তোমার সম্পর্কে অদ্ভুত সব কথাবার্তা বলছে। এবার নিশ্চয়ই আন্দাজ করতে পেরেছ তোমাকে এখানে ধরে আনবার কারণটা?’

‘না, পারিনি।’ মাথার মধ্যে দ্রুত চিন্তা চলছে রানার।

‘তবে শোনো। বিশ্বস্তসূত্রে জানা গেছে যে তুমি অরুণ দত্ত নও—সত্যিকার অরুণ দত্ত এখন সাংহাই-হাজতে। অরুণ দত্তের বাবা-মা তোমার ফটো দেখে চিনতেই পারেনি।’

‘ঠিক। আসলে আমি অরুণ দত্ত নই,’ অম্মান বদনে বলল রানা। ‘কাজটা আমি অরুণ দত্তের কাছ থেকে নিয়েছিলাম। ও ভয় পাচ্ছিল এই কাজটা নিতে। আমার টাকার দরকার ছিল তাই ওর নাম ভাঁড়িয়ে চলে এসেছি।’ গাড়িতেই উত্তরটা তৈরি করেছে রানা।

‘চমৎকার! কিন্তু আমার কথা এখনও শেষ হয়নি। শেষ হলে উত্তর দিয়ে। যে নোট জাল বলে দিয়েছিলে লিউঙের কাছে এবং নিজেকে মস্ত বড় জালিয়াত বলে প্রমাণ করতে চেষ্টা করেছিলে তা আমার এক্সপার্ট পরীক্ষা করে রায় দিয়েছে একবিন্দু নকল নয়—একেবারে খাঁটি হারপার হারিয়ে গেল ল্যাংফু। তোমার ওপর নজর রাখবার জন্যে নিয়োগ করা হয়েছিল ওকে। তারপর তোমার ঘরের দরজায় ফুটো পাওয়া গেল, এবং পাশের ঘরের চাইনিজ সিক্রেট সার্ভিসের স্পাইটা আর এলো না হোটেলে ফিরে। তোমার অ্যাটাচি কেসের একটা গোপন কুঠুরিতে পিস্তলের একখানা সাইলেন্সার পাইপ পাওয়া গেল। তারপর জকি টিয়েন হংকে ঘুম দেয়া হয়েছে সন্দেহ করে তার ঘর সার্চ করতেই বেরিয়ে পড়ল ওর বাপ্প থেকে দু’হাজার ডলার। (এই পর্যন্ত আসতেই চমকে উঠল রানা ভয়ানক ভাবে। বুঝল, ভুল যা হবার হয়ে গেছে) এবং নম্বর মিলিয়ে দেখা গেল সেগুলো তোমার টাকা। লিউঙ দিয়েছিল টাকাগুলো তোমাকে রেস খেলবার জন্যে। আর গত রাতে তোমাকে দেখতে পাওয়া গেল ওই হারামজাদির ঘরে। এই সব ঘটনা কি তোমাকে এখানে ধরে আনবার কারণ হিসেবে যথেষ্ট নয়?’ একটু থামল চ্যাণ্ড। ‘এবার বলে ফেলো তুমি কে এবং কি উদ্দেশ্যে এসেছ।’

যেন সম্মোহন করছে এমনি ভাবে একঘেয়ে কণ্ঠে কথাগুলো একটানা বলে থামল চ্যাণ্ড। তীক্ষ্ণ চোখজোড়া রানার মুখের প্রতিটা ভাব পরিবর্তন লক্ষ্য করল অপলক নেত্রে। তারপর ধীরে চোখ ফেরাল মায়ার দিকে।

চুপ করে থাকল রানা। কি বলবে সে? সব ধরা পড়ে গেছে, এখন মিথ্যে গল্প বানিয়ে পার পাওয়া যাবে না।

‘কি? চুপ করে রইলে কেন? বলো? সবকথা বলতে হবে তোমাকে। চাইনিজ সিক্রেট সার্ভিস আমার বিরুদ্ধে কি প্ল্যান নিয়েছে বলতে হবে তোমার। মায়ার কাছ থেকে আমাদের সম্পর্কে কতটা জানতে পেরেছ তা-ও আমার জানা চাই।’

কোনও কথা বলল না রানা। বোবার মত চেয়ে রইল শুধু। ভাবল, এ ব্যাপারে চাইনিজ সিক্রেট সার্ভিসের যে হাত আছে তা চ্যাঙের অনুমান। এখনও কিছুই জানে না সে। নইলে সাবমেরিনের কথাও বলে ফেলত। শুধু এই একটা ব্যাপারই গোপন আছে এখনও চ্যাঙের কাছে, বাকি সবই তার জানা। এদের নির্যাতনের পদ্ধতি কি? কতক্ষণ সহ্য করতে পারবে সে? ঘড়ি দেখল—সাতো দশটা। যতক্ষণ ব্যাপারটা এর কাছ থেকে চেপে রাখা যায় ততই লাভ। দেড়ঘণ্টা পর্যন্ত পারবে না সে টিকে থাকতে?

‘বোঝা যাচ্ছে সোজা আঙুলে ঘি উঠবে না। আঙুলটা বাঁকিয়ে নিচ্ছি তাহলে। কথা আদায় করবার ব্যাপারে লোবোর জুড়ি নেই। তাছাড়া ওর ব্যক্তিগত কিছু উৎসাহ আছে তোমার ব্যাপারে। কাজেই আর দুই মিনিটের মধ্যে সত্যি কথা স্বীকার না করলে ওর সাহায্য গ্রহণ করতে বাধ্য হব আমি।’

দুই মিনিট পর উঠে দাঁড়াল দস্যু চ্যাঙ।

‘তুমি এখনও উপলব্ধি করতে পারছ না, যুবক, কি ভয়ঙ্কর মৃত্যুদণ্ড তোমার জন্যে অপেক্ষা করছে। তোমরা দু’জনেই মৃত্যুদণ্ডে দণ্ডিত। কেউ ঠেকাতে পারবে না এই মৃত্যু। ভোর ছ’টার মধ্যেই পার্ল রিভার্সে ফেলে দেয়া হবে লাশ দুটো। কিন্তু সব কথা স্বীকার করলে এমন ধুঁকে ধুঁকে তিলে তিলে মরতে হত না। অনেক যন্ত্রণা থেকে মুক্তি পেতে। সহজ উপায়ে মৃত্যু করা হতো। দেখা যাক, তোমার মত পরিবর্তন হয় কি না। প্রথমে তুমি চোখের সামনে মায়াকে নির্যাতন করা হবে, তারপর ধরা হবে তোমাকে। মানুষের সহ্যেরও তো একটা সীমা আছে। আমি এখন বিশ্রাম করতে চললাম। এখনও ভেবে দেখো।’

পাঁচ সেকেন্ড রানার চোখে চোখে চেয়ে রইল দস্যু চ্যাঙ। একটা অশাব্য গালি বেরিয়ে এল রানার মুখ থেকে। কপালের জ্রকুটিতে রাগ প্রকাশ পেল চ্যাঙের। দেয়ালের কাছে দাঁড়ানো লোকটার হাত থেকে হান্টারটা নিল সে নিজ হাতে। কাছে এগিয়ে আসতেই একগাদা থুথু ছিটিয়ে দিল রানা ওর মুখের উপর। ভয়ঙ্কর রূপ ধারণ করল চ্যাঙের মুখ। ডান হাতের আঙ্গিন গুটিয়ে নিল সে।

ওদিকে ছোট ছোট লোহার কাঁটা বসানো এক জোড়া চামড়ার গ্লাভ হাতে পরে প্রস্তুত হয়ে নিয়েছে লোবো। যেন মুষ্টিযুদ্ধে নামতে যাচ্ছে কারও বিরুদ্ধে।

পাঁচ মিনিটের মধ্যেই প্রথমবারের মত জ্ঞান হারাল রানা। দশ মিনিট পর আবার। তার বিশ মিনিট পর আবার

বারো

অন্ধকার।

মনে হচ্ছে কিভাবে যেন সমুদ্রের অতল গভীরে তলিয়ে গেছে রানা। হাসরেরা ছিড়ে ছিড়ে খাচ্ছে ওর দেহ। নোনা পানি লেগে জ্বালা করছে অসম্ভব রকম। শেষ চেষ্টাও কি একবার করে দেখবে না সে? কতখানি নিচে নেমে গেছে সে সমুদ্রের মধ্যে? এখান থেকে আবার ওপরে ওঠা যাবে তো?

ধীরে ধীরে জ্ঞান ফিরে আসছে ওর। মস্ত দুটো হাসর কামড়ে ধরল ওর দুই হাত। দুর্বলভাবে চেষ্টা করল সে হাত দুটো ছাড়াবার। কানের কাছে ফিস ফিস করে কেউ বলল, ‘রানা! রানা!’

অনেক চেষ্টায় চোখ খুলল রানা। অন্ধকার কোথায়? একাগ্র দৃষ্টিতে ওর মুখের দিকে চেয়ে আছে মায়া ওয়াং। দুই হাত ধরে ঝাঁকিয়ে ওর জ্ঞান ফিরিয়ে আনবার চেষ্টা করছে সে। রানাকে চোখ মেলে চাইতে দেখে টেনে উঠিয়ে বসাবার চেষ্টা করল সে, কিন্তু পারল না। আবার ঝিমিয়ে আসছে দেখে আতঙ্কিত হয়ে উঠল মায়া। আবার ডাকল, ‘রানা!’

এবার যেন বুঝতে পারল রানা। হামাগুড়ি দিয়ে উঠে বসবার চেষ্টা করল। আহত জন্তুর মত মাথাটা ঝুলে পড়েছে নিচের দিকে। হাত দুটো কাঁপছে থর থর করে। কোনমতে চার হাত পায়ের সাহায্যে পালাবার চেষ্টা করছে সে কারও কাছ থেকে। তিন হাত গিয়েই পড়ে গেল সে মেঝের ওপর।

‘রানা! পালাতে হবে আমাদের, এক্ষুণি। হাঁটুতে ধরবে না?’

‘দাঁড়াও,’ নিজের মোটা কর্কশ গলা শুনে নিজেই একটু অবাক হলো রানা। মায়া শুনতে পায়নি মনে করে আবার বলল, ‘দাঁড়াও, দেখছি।’

সারা অঙ্গে অসহ্য ব্যথা। সর্বশরীর দিয়ে চুইয়ে চুইয়ে রক্ত ঝরছে। মাথার মধ্যে হাতুড়ি পিটছে যেন কেউ। হাসর নড়ে চেড়ে দেখল, ভাঙেনি কিছু। দেখতেও পাচ্ছে, শুনতেও পাচ্ছে, কিন্তু নড়তে ইচ্ছে করছে না ওর। ঘুমিয়ে পড়তে ইচ্ছে করছে। ব্যথাটা মুচুড়ে উঠছে ভেতর থেকে। মৃত্যু হলে যদি এই ব্যথা থেকে রেহাই পাওয়া যেত তাহলে সে-ও বরং ভাল ছিল। দুটো স্পাইক বসানো বক্সিং গ্লাভস্ ভেসে উঠল চোখের সামনে—সেই সাথে একটা হান্টার উঠছে—নামছে।

চ্যাঙ আর লোবোর কথা মনে আসতেই বাঁচবার ইচ্ছেটা প্রবল হলো রানার। বলল, ‘ওরা কোথায়?’

মায়া হাঁটু গেড়ে বসেছে পাশে। রানা দেখল মায়ার গায়েও কয়েকটা স্পাইকের ক্ষতচিহ্ন। উঠে বসল সে।

‘ওরা এই দশ মিনিট আগে বেরিয়ে গেছে ঘর থেকে। একটা টেলিফোন এসেছিল একটু আগে। ব্যস্ত হয়ে চলে গেছে। যে-কোনও মুহূর্তে আবার এসে পড়তে পারে। জলদি, রানা, পালাতে হবে আমাদের!’

‘টেলিফোন এসেছিল কিসের?’

‘ঠিক বোঝা গেল না। সাবমেরিন, ডিনামাইট এসব বলছিল ওরা। খুব উত্তেজিত হয়ে উঠেছিল চ্যাঙ। লোবোকে ডেকে কানে কানে কি পরামর্শ করে তিনজনই বেরিয়ে গেছে ঘর থেকে। আমি অনেকক্ষণের চেষ্টায় হাতের বাঁধন আলগা করে এনেছিলাম, চটপট সেটা খুলে তোমার বাঁধন খুলে দিয়েছি।’

সাবমেরিন, ডিনামাইট শুনেই রানা চট করে ঘড়ির দিকে চাইল। বারোটো বাজতে পাঁচ মিনিট বাকি। অর্থাৎ ঠিক পাঁচ মিনিটের মধ্যে এই বাড়িটা ধ্বংস হয়ে যাবে। সেই সাথে শেষ হয়ে যাবে তারা দু'জনও। কোনও সূত্রে এই খবরটা জানতে পেরেই সরে পড়েছে চ্যাঙ তার দলবলসহ। মায়ার শেষের কথাগুলো আর শুনতে পেল না সে। দ্রুত চিন্তা করে কর্তব্য স্থির করে ফেলল।

‘এখান থেকে এক্ষুণি পালাতে হবে, মায়া। পাঁচ মিনিটের মধ্যে ধ্বংস হয়ে যাবে বাড়িটা। আমরাও মারা পড়ব। আমি তো হাঁটতে পারব না—তুমি এগোও, তোমার পেছন পেছন হামাগুড়ি দিয়ে আমিও চেষ্টা করব এগোতে। কোনদিকে যেতে হবে এখন? কোন্ পথে সব চাইতে দূরে সরে যাওয়া যাবে এ বাড়ি থেকে?’

কথাটার গুরুত্ব বুঝতে পারল মায়া। বলল, ‘আমার সব কিছু চেনা আছে। তুমি এসো আমার পেছন পেছন।’

কিছুদূর হামাগুড়ি দিয়ে এগোল রানা, হাঁটতে খুব লাগছে। পায়ের পাতায় তো ওরা জখম করতে পারেনি—উঠে দাঁড়াতে পারলে হোত। উঠে দাঁড়াবার চেষ্টা করছিল রানা, মায়া ফিরে এসে সাহায্য করল ওকে। কয়েক মুহূর্ত চোখে শর্ষে ফুল দেখল রানা। একটু পরে আবার পরিষ্কার দেখতে পেল সবকিছু। বারোটো বাজতে আর তিন মিনিট বাকি। রানার কোমর জড়িয়ে ধরল মায়া। রক্তে ভেজা চটচটে একটা বাহু রাখল রানা মায়ার কাঁধে। খোঁড়া খোঁড়াতে বেরিয়ে এল বাড়ি থেকে।

নাক-মুখ তোবড়ানো সাদা জাওয়ারটা দাঁড়িয়ে আছে দরজার সামনে। কোনমতে টেনে হিঁচড়ে তোলা গেল রানা। ডাইভারের পাশের সীটে, স্টীয়ারিং ধরে বসল মায়া। স্টার্ট দিয়েই বায়ে মোড় মিল গাড়িটা উল্কাবেগে।

‘গেটটা ওদিকে না?’ পেছন দিকে ইঙ্গিত করল রানা।

‘এদিকে আরেকটা গেট আছে। আর কয় মিনিট বাকি?’

এখনও ডিনামাইটের আওয়াজের মধ্যে রয়েছে ওরা। রানা ঘড়ি দেখল। কয়েক সেকেন্ড মাত্র বাকি আছে।

‘ওই টিবিটার আড়ালে চলে যাও, মায়া। আর সময় নেই। এক্ষুণি ফাটবে।’

টিবির আড়ালে গাড়ি থামিয়ে কানে আঙুল দিল দু'জন। পেছন ফিরে রানা দেখল তীব্র একটা নীল আলো ঝিলিক দিয়ে উঠল—তারপরেই প্রচণ্ড এক বিস্ফোরণের শব্দ। ভূমিকম্পের মত কেঁপে উঠল মাটি। মাথার ওপর দিয়ে কয়েকটা বড় পাথর গিয়ে পড়ল সামনের কোথাও। লাল হয়ে গিয়েছে পেছনের আকাশ।

‘ছুটে চলো, মায়া। এক্ষুণি এই এলাকা থেকে বেরিয়ে যেতে হবে।’

টিবির আড়াল থেকে রাস্তায় উঠতেই দেখা গেল চারপাশ থেকে বিশ পঁচিশ জন লোক ছুটে যাচ্ছে বাড়িটার দিকে। দাউ দাউ করে আগুন জ্বলছে ধ্বংসাবশেষের ওপর। কয়েকজন ফিরে চাইল এঞ্জিনের শব্দে। সাব-মেশিনগান তুলল। কিন্তু গুলি ছোঁড়ার আগেই টিবির আড়াল হয়ে গেল ওরা রাস্তাটা একটু বায়ে মোড় নেয়ায়।

পেছনের গেটটা খোলা পাওয়া গেল। সাঁ করে বেরিয়ে বড় রাস্তায় পড়ল গাড়ি। ঠিক এমনি সময় জ্বলে উঠল হেড লাইট। চমকে ফিরে দেখল রানা দেয়ালের গা ঘেঁষে এতক্ষণ ঘাপটি মেরে দাঁড়িয়েছিল একটা ট্রাক। ওদের বেক্রতে দেখেই

রওনা হলো পেছন পেছন।

একবার ঘাড় ফিরিয়ে ট্রাকটার দিকে চেয়েই ভয়ে বিবর্ণ হয়ে গেল মায়ার মুখ। বলল, 'চ্যাঙ! রানা, চ্যাঙ আছে ওর মধ্যে!'

পর পর তিনটে গুলির শব্দ শোনা গেল। ক্র্যাক, ক্র্যাক, ক্র্যাক। হ-হ করে বাতাস কেটে এগিয়ে চলল জাওয়ার। প্রচণ্ড হাওয়ার তেড়ে চুলগুলো নিশানের মত উড়ছে মায়ার। গগল্‌স নেই। ভাঙা উইণ্ডস্ক্রীন দিয়ে অসংখ্য পোকা মাকড় এসে পড়তে থাকল চোখে মুখে। কোনও দিকে ক্রস্কেপ না করে এগিয়ে চলল মায়া। কিন্তু পক্ষাশের বেশি স্পীড তুলতে পারছে না সে কিছুতেই। দৈত্যের মত ছুটে আসছে প্রকাণ্ড দশ চাকার বেডফোর্ড ট্রাক।

সামনের ড্যাশ বোর্ড হাতড়ে দেখল রানা। কোনও অস্ত্র-শস্ত্র পাওয়া গেল না। নিরুপায় অবস্থায় ছটফট করতে থাকল সে। এদিকে বাতাসের চাপে দম বন্ধ হবার জোগাড়। পোকাগুলো থেকে বাঁচবার জন্যে মাঝে মাঝে লাইট নিভিয়ে দিচ্ছে মায়া। কিন্তু পরক্ষণেই জ্বালতে হচ্ছে আবার। ল্যাম্প পোস্টগুলোর আলো নিভিয়ে দেয়া হয়েছে। মাথার ওপরে আধখানা চাঁদের আলোয় এত স্পীডে গাড়ি চালানো সম্ভব নয়।

'নিজেদের প্রাণের মায়া ত্যাগ করে আমাদের পেছনে লাগল কেন ওরা আবার?' রানা জিজ্ঞেস করল।

'গুপ্তধনের সন্ধান জানি যে আমরা। আমাদের শেষ না করে পালিয়েও স্বস্তি নেই চ্যাঙের। অনেকটা কাছে এগিয়ে এসেছে ওরা। অল্পক্ষণেই ধরে ফেলবে।'

বহুদূর চলে এসেছে ওরা চ্যাঙের আঁখিপা থেকে। ডাইভারশনগুলো এনেই মায়া একটু পিছিয়ে পড়ে। কাঁচা হাত ডাইভার্স ট্রাক সেখানে ফুল স্পীডে চলে। আবার পাকা রাস্তায় উঠে দ্রুত বাড়িয়ে নিচ্ছে মায়া।

হঠাৎ পেট্রল ইণ্ডিকেটরের দিকে চেয়েই আতকে উঠল মায়া।

'আর আধ গ্যালন পেট্রল আছে, রানা। ধরা পড়ে গেলাম! কিছু একটা বুদ্ধি বের করো, নইলে বাঁচবার আর কোনও পথ নেই।' কান্নার মত শোনাতে মায়ার গলাটা।

বেশ কিছুক্ষণ একটানা চলবার পর একটা 'গ' টার্ন নিয়ে উঁচুতে উঠছে গাড়িটা। তার মানে খুব সম্ভব আরেকটা ডাইভারশন। পাঁচ-ছয়শো গজ পেছনে পড়ে গেছে ট্রাকটা।

ঠিক। কিছুটা ওপরে উঠেই ডাইভারশন পাওয়া গেল। দুটো খুঁটির মাথায় মস্ত বড় সাইনবোর্ডে চীনা ও পর্তুগীজ ভাষায় সাবধান করা হয়েছে। তীর-চিহ্ন দিয়ে ডাইভারশন দেখানো আছে। শহরের মধ্যে অনেকগুলো ব্রিজে তুমুল কাজ চলছে বলে এই ডাইভারশন। প্রায় শেষের দিকে চলে এসেছে কাজ—বষার আগেই কাজ শেষ না করলে খালে পানি এসে যাবে, এ বছর আর শেষ করা যাবে না তাহলে ব্রিজগুলো। সৰু ডাইভারশন নেমে গেছে নিচে—প্রায় শুকিয়ে যাওয়া খালের ওপর খান কয়েক তক্তা ফেলে পার হবার ব্যবস্থা।

পেছনের উজ্জ্বল হেড লাইট অদৃশ্য হলো বাঁক ঘুরতেই। এমন সময় বার দুই নক্ করে গলা খাঁকারি দিল জাওয়ারের এঞ্জিন।

হঠাৎ চিৎকার করে উঠল রানা, 'খামো!'

গাড়ি থামাল মায়া ঠিক ডাইভারশনের মুখে। দরজা খুলে নেমে দাঁড়াল রানা রাস্তার ওপর। মায়াও নামতে যাচ্ছিল, রানা বলল, 'তুমি এসো না। নিচে নেমে গিয়ে লাইট নিভিয়ে আমার জন্য অপেক্ষা করো। শেষ চেষ্টা করে দেখি।'

একটিও কথা না বলে মায়া নেমে গেল ডাইভারশনের পথ ধরে নিচে। লাইট নিভিয়ে দিতেই কয়েক পা হেঁটে ফিরে এল রানা সাইনবোর্ডের কাছে। দুটো বাঁশ পুঁতে টাঙানো হয়েছে নোটিশ। বড় করে লাল কালিতে তীর চিহ্ন আঁকা। শরীরটা অসম্ভব দুর্বল লাগছে। সমস্ত মনের জোর একত্র করে রানা নোটিশ বোর্ডটা ধরে হেঁচকা টান দিল। দুটো দড়ি ছিঁড়ে খসে এল সেটা।

এমন সময় বাঁকটা পুরোপুরি ঘুরতেই আবার দেখা দিল হেডলাইট। নোটিশটা নিয়ে লুকিয়ে পড়ল রানা রাস্তার পাশে ঝোপের আড়ালে। একবার ভাবল, কাজ হবে এতে? পরমুহূর্তেই দূর করে দিল চিন্তাটা। যা হবার হবে।

প্রচণ্ড বেগে ছুটে আসছে ট্রাকটা। আর মাত্র পঁচিশ গজ আছে। দম বন্ধ করে অপেক্ষা করে রইল রানা। সাঁ করে চলে গেল ট্রাক পূর্ণ বেগে রানার সামনে দিয়ে। একরাশ ধুলোবালি পড়ল ওর চোখমুখে। সেদিকে জ্রক্ষিপ না করে চেয়ে রইল রানা বিলীয়মান ব্যাকলাইটের দিকে। উঠে গেল গাড়িটা ব্রিজের ওপর। তারপরেই কানে এল দশটা টায়ারের তীক্ষ্ণ আর্তনাদ। সামনে ফাঁকা রাস্তাতে পেয়ে ব্রেক করেছে ড্রাইভার প্রাণপণে। গাড়িটা প্রায় থেমে এসেছিল কিন্তু সামনের চাকা দুটো ততক্ষণে গিয়ে পড়েছে অন্ধকার গহবরে।

লাফিয়ে উঠল রানার বকের ভেতরটা। মিনিন্দের আতিশয্যে ভুলে গেল ওর নির্যাতিত দেহের কথা। ঝোপ থেকে বেরিয়েই ছুটল সে গাড়িটার দিকে।

সামনের টানে মাঝের দু'জোড়া চাকিও চলে গেল গহবরের মধ্যে। এবার ঠিক ডিগবাজি খাওয়ার মত করে দ্রুত ছুটতে গেল সবটা দেহ দৃষ্টির আড়ালে। প্রথম পড়ল গিয়ে পনেরো ফুট বাই পনেরো ফুট জায়গা জুড়ে যে নতুন পিলারটা তৈরি হচ্ছে তার ওপর। প্রচণ্ড ধাতব শব্দ আরও জোরে শোনাল মস্ত ব্রিজের ওপর থেকে। সেখান থেকে আবার কাত হয়ে পড়ল ট্রাকটা মাটিতে। আশ্চর্য, বাতি দুটো জ্বলছে এখনও।

প্রথম ধাক্কাতেই আগুন ধরে গিয়েছিল, এবার মস্ত পেট্রল ট্যাঙ্ক বাস্ট করল। দম্ব করে আগুন জ্বলে উঠে মিনিট দু'য়েক আড়াল করে রাখল পুরো ট্রাকটাকে। চারপাশে দাউ-দাউ করে উদ্বাহ নৃত্য করছে আগুনের লেলিহান শিখা। চোখে মুখে আগুনের হল্কা লাগতেই মাথাটা সরিয়ে আনল রানা। পোড়া মাংসের গন্ধ সোজা উঠে এল ওর নাকে। দম্ব বন্ধ করে আগুনের হল্কা বাঁচিয়ে দেখবার চেষ্টা করল রানা ট্রাকের যাত্রীদের বর্তমান অবস্থা। কিছুই দেখা গেল না।

এমনি সময়ে কাঁধের ওপর কার হাত পড়তেই চমকে ঘুরে দাঁড়াল রানা। মায়া এসে দাঁড়িয়েছে কখন টের পায়নি সে। পরনে ছেঁড়া জামা-কাপড়—গা দেখা যাচ্ছে। নিজের রক্ত ভেজা বুশ শার্টটা খুলে পরিয়ে দিল রানা ওর গায়ে। বলল, 'বেশ মানিয়েছে কিন্তু।'

'ও কি, রানা? পড়ে যাচ্ছ যে!' দু'হাতে ধরল মায়া রানার জর্জরিত দেহ। চলে

পড়ল রানা মেটাল রোডের ওপর।

এমনি সময় দেখা গেল আরেক জোড়া উজ্জ্বল হেড লাইট। এগিয়ে আসছে ওদের দিকে বাঁকটা ঘুরেই। পাথরের মূর্তির মত স্তব্ধ হয়ে রাস্তার ওপর বসে রইল মায়া রানার মাথাটা কোলে তুলে নিয়ে।

তেরো

এর পরের ঘটনাগুলো রুটিন ম্যাক। জীপ থেকে লাফিয়ে নামল চারজন সামরিক পোশাক পরিহিত চীনা অফিসার। রানার সম্পর্কে আলাপ করল মায়ার সাথে অত্যন্ত ভদ্রভাবে। পুলের উপর টর্চ জ্বলে দেখল ট্রাকটার ভস্মাবশেষ। একজন ডাইভারশনের নোটিশটা ঠিক জায়গা মত বেঁধে দিল আবার। সযত্নে তোলা হলো জীপে রানার জ্ঞানহীন দেহ। মায়া উঠে বসল পাশে। তারপর হাসপাতাল। সর্বাস্থে ডেটল, সার্জিক্যাল টেপ, ইনজেকশন। সেখান থেকে সোজা নিয়ে যাওয়া হলো ওদেরকে ম্যাকাও হেলি-পোর্টে। ফু-চুং-কে আগেই নিয়ে আসা হয়েছে সেখানে।

ওয়াললেসে হংকং, সাংহাই আর বেইজিং-এর সাথে যোগাযোগ করা হয়েছে। বিশেষ নির্দেশ এসেছে অ্যাডমিরাল হো ইয়ের কাছ থেকে। হংকং এ চাইনিজ সিক্রেট সার্ভিসের একটা গোপন আয়োজন নিয়ে আসা হয়েছে ওদের লুকিয়ে।

ধীরে ধীরে জ্ঞান ফিরে এল রানার।

ওকে নড়ে চড়ে উঠতে দেখেই বিজ্ঞানীর ওপর প্রায় হুমড়ি খেয়ে পড়ল মায়া। কয়েকজন অফিসার দাঁড়িয়ে রয়েছে বিজ্ঞানীর পাশে। চোখ খুলে ওদের দিকে চাইল রানা। স্যালিউট করল ওরা রানাকে। ওদের কাঁধের কাছে জামার উপরের সামরিক চিহ্নগুলো দেখল রানা। মৃদু হাসি ফুটে উঠল ওর মুখে। তারপর পাশ ফিরে ঘুমিয়ে পড়ল নিশ্চিন্তে। দুই দিন দুই রাত অক্লান্ত সেবা করল মায়া দুঃসাহসী স্পাইটিকে সারিয়ে তোলার জন্যে।

বাম হাতটা বুকের কাছে, গলায় ঝোলানো একটা গোল ফিতের ওপর আলগাভাবে রাখা—তাছাড়া হবে ভাবে আর কোনও পরিবর্তন নেই—আকর্ষণ হাসি, দুঃসাহসী ভরা দুই চোখ, আর ডান হাতে একটা চামড়ার ভারি ব্যাগ নিয়ে ঘরে ঢুকল শীমান ফু-চুং, কোন রকম সতর্ক হবার সুযোগ না দিয়েই।

আপন মনে রানার চুলের মধ্যে আঙুল চালাচ্ছিল মায়া ওয়াং—চট করে সরে দাঁড়াল।

‘কিরে, শালা? ব্যাগে কি?’ জিজ্ঞেস করল রানা সোফার ওপর নড়ে বসে।

‘তোমার বিয়ের যৌতুক।’ বলেই টেবিলের ওপর ব্যাগটা সযত্নে নামিয়ে রেখে একটা সোফা অধিকার করল সে। ‘এক কাপ কফি খাওয়াবে, মায়া দি?’

সুন্দর বিকেল। কাঁচের জানালা দিয়ে দূর সমুদ্রে ছবির মত দেখা যাচ্ছে একটা

নোঙর ফেলা জাহাজ। মাথায় ফেনা নিয়ে ভেঙে পড়ছে ঢেউগুলো তীরে এসে।
কয়েকটা সী-গাল উড়ছে ঘুরে ঘুরে। মায়া চলে গেল ঘর ছেড়ে। পকেট থেকে
একটা খাম বের করে দিল ফু-চুং।

ইংরেজিতে টাইপ করা একটা চিঠি। ওপরে গণ চীনের সরকারী সীলমোহর।
রানা পড়ল চিঠিটা:

জনাব মাসুদ রানা,

আপনার দ্বারা গণচীন সবিশেষ উপকৃত হয়েছে।

আপনার বুদ্ধিমত্তা এবং সাহসিকতা আমাদের মুক্ত,

বিশ্মিত ও চমৎকৃত করেছে।

অসংখ্য ধন্যবাদ।

আমাদের দু'দেশের বন্ধুত্ব চিরস্থায়ী হোক।

অ্যাডমিরাল হো ইন।

পুনশ্চ: আপনার জন্য একটি ক্ষুদ্র উপহার পাঠালাম।

জিনিসটির নাম ম্যাজিক ফরটিফোর।

বিশ্মিত দৃষ্টি মেলে একবার ব্যাগটার দিকে চাইল রানা। এরই মধ্যে আছে
রাহাত খানের এতদিনকার স্বপ্ন, সেই ম্যাজিক ফরটিফোর। এটা নিয়ে গিয়ে যখন
বুড়োর হাতে তুলে দেবে, তখন তাঁর চেহারাটা কেমন হবে কল্পনা করবার চেষ্টা
করল সে একবার।

ঘাড় ফিরিয়ে দেখল ফু-চুং-এর চোখে দুই মরিঝিলিক।

‘এক ঢিলে দুটো মূল্যবান পাখি মেরে নিয়ে যাচ্ছিস, দোস্তু, এই কিস্তিতে।
হিংসে হচ্ছে আমার।’

‘একটা তুই রেখে দে না,’ বলল রানা।

‘দিদি ডেকে ফেলেছি যে।’

হাসল রানা। ‘নাহে, তুই যা ভাবছিস, সে-সব কিছু না। ঢাকায় নিয়ে যাচ্ছি
আমি ওকে ওর মামার কাছে পৌঁছে দেব বলে। এখানে ওর কেউ নেই।’

‘তাই বুঝি? বেশ তো। এখন মায়া কফি নিয়ে আসবার আগেই কয়েকটা
জরুরী কথা সেরে নিতে হবে আমাদের। তোর ইচ্ছেমত আমরা তোদের দু'জনের
জন্যে দুটো কেবিন বুক করেছি জাহাজে। ঢাকায় তোদের চীফকেও জানানো
হয়েছে যে তুই জাহাজে ফিরছিস দেশে। তাঁরও কোনও আপত্তি নেই। কিন্তু আমি
তোর এই জাহাজে যাওয়াটা মোটেই সমর্থন করতে পারছি না, দোস্তু। জাহাজ
একদম নিরাপদ নয়। তোকে এত গোপনে এত সতর্কতার সঙ্গে চব্বিশ ঘণ্টা
পাহারার মধ্যে রাখা হয়েছে কেন জানিস?’

‘না তো!’

‘তোদেরকে হন্যে হয়ে খুঁজছে ওরা। ওদের পাঁচ হাজার মেম্বারের প্রত্যেকের
কাছে তোদের দু'জনের ফটো দেয়া হয়েছে। জীবিত বা মৃত ধরে দিতে পারলে
এক লক্ষ হংকং ডলার পুরস্কার। সহজে ছেড়ে দেবে না ওরা। প্রচণ্ড ক্ষমতা ওদের।
আশ্চর্য কৌশলে ল্যাংফু-কে মুক্ত করে নিয়ে গেছে ওরা হংকং পুলিশের হাত
থেকে। অথচ তিনটে খুনের জেল পালানো আসামী সে। ওদের ক্ষমতাটা বুঝতেই

পারহিস। আমরা সাধ্যমত গোপনীয়তার সঙ্গে জাহাজে তুলে দেব তোকে ঠিকই, কিন্তু তারপর যদি কোন বিপদ হয়, তখন?’

‘বাদ দে ওসব দৃষ্টিভঙ্গি। আমাদের কি অত চিন্তা করলে চলে? তোর-আমার কারবারই তো বিপদ নিয়ে।’

চুপচাপ কিছুক্ষণ ভাবল ফু-চুং। তারপর বলল, ‘ঠিক হয়। তাহলে আজই সন্ধ্যার পর জাহাজে উঠতে হবে তোদের। তৈরি থাকিস। আর জাহাজে কোনও রকম অসুবিধে দেখলে ওয়ারলেসে জানাবি আমাদের বিনা দ্বিধায়।’

কফির কাপ শেষ করে বিদায় নিল ফু-চুং। আজই সে ফিরে যাচ্ছে কলকাতায়। দরজা পর্যন্ত পৌছে দিল রানা। হঠাৎ এক হাতে জড়িয়ে ধরল ফু-চুং রানাকে। রানাও ধরল ওকে জড়িয়ে। দুই নির্ভীক বন্ধু একে অপরের প্রাণস্পন্দন অনুভব করল অন্তরঙ্গ ভাবে।

‘আবার দেখা হবে,’ বলে বেরিয়ে গেল ফু-চুং। রাস্তায় দাঁড়ানো গাড়িতে উঠে কয়েক সেকেন্ডেই অদৃশ্য হয়ে গেল সে যান-বাহনের ভিড়ে।

একটা দীর্ঘশ্বাস ফেলে ফিরে এল রানা ওর কামরায়।

সন্ধ্যার পর দু’জনকে যথেষ্ট গোপনীয়তার সঙ্গে গ্যাঙওয়ার সিঁড়ি দিয়ে তুলে দেয়া হলো জাহাজে। মায়াকে ওর কেবিনে পৌছে দিয়ে নিজের কেবিনে চলে গেল রানা। ‘এন’ ডেকে ওদের কেবিন।

কিন্তু কেউ লক্ষ করল না, গ্যাঙওয়ার মধ্যে রানা ও মায়াকে দেখে একজন খালাসী দ্রুত নেমে গিয়ে একটা পাবলিক টেলিফোন বুদে ঢুকল।

ঠিক তিন ঘণ্টা পর দু’জন চীনা ব্যবসায়ীকে নামিয়ে দেয়া হলো ডকইয়ার্ডে একখানা কালো গাড়ি থেকে। কাস্টমস এবং ইমিগ্রেশনের ঝামেলা চুকিয়ে ঠিক সময় মত উঠে পড়ল ওরা জাহাজে। একটু দেরি হলেই ছেড়ে দিত জাহাজ।

একজন ব্যবসায়ীর চেহারা জুজুংসু ব্ল্যাক-বেল্টের মত। উঁচু হয়ে ফুলে আছে বুকের পেশী। পায়ে হকি কেডসের ব্রিফ কেসের ওপর নাম লেখা: মিস্টার ল্যাংফু।

দ্বিতীয়জন অসম্ভব মোটা। প্রকাণ্ড পেট হাতখানেক বেরিয়ে আছে সামনের দিকে। দরদর অবিরল ধারায় ঘামছে সে, আর তোয়ালের মত একটা রুমাল দিয়ে ঘাড়, মুখ মুছছে। তার অ্যাটাচি কেসের ওপর লেখা: মিস্টার ডব্লিউসি লোবো।

চোদ্দ

রাত দশটায় ছাড়ল জাহাজ লম্বা করে সিটি বাজিয়ে।

রিপোর্ট লিখছিল রানা হেড অফিসের জন্যে। এটাকে কোডে পরিণত করে আজই রাতে পাঠিয়ে দেবে জাহাজের ওয়ারলেসে ঢাকায়। কলম উঁচু করে কান পেতে শুনল রানা জাহাজের বাঁশী। কেঁপে উঠল প্রকাণ্ড জাহাজটা কয়েকবার।

রিপোর্ট শেষ করে টেলিফোন তুলে নিল রানা।

‘কেমন লাগছে, মায়া?’

‘খুব খারাপ! চলার শুরুতেই বমি বমি লাগছে। আরও এগোলে যে কি হবে তা ভেবেই আমি ভয়ে অস্থির।’

‘প্রথম তিনদিন বমি করে কাটাতেই হবে। তারপর কেটে যাবে এই অবস্থা। এই ক’দিন কেবিনে বিছানা আঁকড়ে পড়ে থাকো, আর কিছুই করবার নেই। তাছাড়া বাইরে বেরোনো ঠিকও না। যতটা আড়ালে থাকা যায় ততই ভাল। আমাদের পেছনে টং-এর কোনও লোক লেগেছে কিনা কে জানে।’

‘তোমার অবস্থা কি বকম?’

‘তোমারই মত।’

‘তাহলে ঠিক আছে। বিছানায় পড়ে থেকেও সান্ত্বনা পাব—তুমি ফুর্তি করে বেড়াতে পারছ না জাহাজময় আমাকে ছাড়া। রোজ টেলিফোন করবে তো?’

‘নিশ্চয়ই।’

খেয়ে নিল রানা। বয় বেরিয়ে যেতেই দরজা লক্ করে দিল। ভাবল, সাড়ে তিন হাজার যাত্রী নিয়ে একটা ছোটখাট শহর ভেসে চলেছে পানির ওপর দিয়ে। স্বাভাবিক অস্বাভাবিক কত বিচিত্র ঘটনাই না ঘটবে এই কয়দিনের মধ্যে। চুরি হবে, মারামারি হবে, রাগ, হিংসা, মাতলামি, ঠগবাজি, সব হবে। এক আধটা নতুন জন্মও হতে পারে, আত্মহত্যা, এমন কি খুনও অসম্ভব নয়।

মুচকি হেসে ভাবল রানা এতগুলো জানোয়ার একসঙ্গে থাকলে কিন্তু এত গোলমাল হত না।

চারদিনের দিন অনেকটা সুস্থ বোধ করল মায়া। টেলিফোনে ঠিক হলো সন্দের সময় একসাথে লাউঞ্জে বসে ডিনার খাবেন্তরা।

কোণের একটা টেবিল বেছে নিল রানা। কথার খেঁ ফুটল মায়ার মুখে। অনেকক্ষণ বকর বকর করে হাফ জিজ্জেস করল মায়া, ‘আমাকে কোথায় নিয়ে চলেছ, রানা?’

‘আমি কি জানি? তুমিই তো নিয়ে চলেছ আমাকে। তোমার সাথে না গেলে চ্যাঙকে বলে দেবে—কেবল সেই ভয়েই না যাচ্ছি আমি!’

‘ঠাট্টা নয়। সত্যি করে বলো তো? এই কয়দিন দিনরাত ভেবেছি আমি। কোনও উত্তর পাইনি। কোথায় চলেছি আমি তোমার সাথে? যে মামা জীবনে দেখেনি আমাকে, কিভাবে গ্রহণ করবে সে আমাকে?’

রানা বুঝল খুব সিরিয়াস হয়ে গেছে মায়া। বলল, ‘আপাতত রেড লাইটনিং টং-এর খপ্পর থেকে বেরিয়ে দূরে সরে যাচ্ছ তুমি। তারপর তোমার একটা সুব্যবস্থা হয়েই যাবে। নিজের ভেতর থেকেই উত্তর পেয়ে যাবে, মায়া। কারও বলে দিতে হবে না কোথায় যাবে, কি করবে।’

কিছুক্ষণ চুপ করে থাকল মায়া। রানার একটা হাত তুলে নিল নিজের হাতে। অর্থহীন ভাবে নাড়াচাড়া করল কিছুক্ষণ। সাদা শানটুং সিল্কের শার্ট আর ছাই রঙের স্কার্টে অপূর্ব সুন্দর লাগছে মায়াকে।

‘চিরজীবনের জন্যে কৃতজ্ঞ হয়ে থাকলাম তোমার কাছে,’ হঠাৎ বলে ফেলল মায়া। ‘আমি জানতাম না, তোমার মতন মানুষ আছে এই দুনিয়ায়। আমি...’

‘ওরেম্বাপস!’ আঁতকে উঠল রানা। ‘বেশি বোলো না, মায়া, পেট ফেটে মরে যাব। আমার আবার প্রশংসা হজম হয় না।’

স্টুয়ার্ড এগিয়ে আসতেই হাতটা ছেড়ে দিল মায়া। ডিনারের কথা বলল রানা। একটা নোট বইয়ে অর্ডার লিখে নিয়ে মাথা ঝুঁকিয়ে অভিবাদন করে চলে গেল সে অন্য টেবিলে।

অল্পক্ষণেই জমে উঠল গল্প। নিজেদের জীবনের নানান টুকটাকি কথা। রানার কি একটা কথায় হেসে উঠেই হঠাৎ বিবর্ণ হয়ে গেল মায়া। যেন ভূত দেখেছে।

‘কি হলো?’ জিজ্ঞেস করল বিস্মিত রানা।

কয়েক সেকেণ্ড কোনও কথাই বলতে পারল না মায়া। তারপর রানার পিছনে দেয়ালের ও-পাশটা আঙুল দিয়ে দেখাল, ‘ওই, ওইখানে দাঁড়িয়ে ছিল লোবো! আমি চাইতেই সরে গেল!’

‘কি যা-তা বলছ?’ বলতে বলতে উঠে দাঁড়াল রানা। একহাত ধরে টেনে রাখল ওকে মায়া। একা বসে থাকবার কথা ভাবতেও পারে না সে।

‘ভয় লাগছে। আমাকে একা রেখে কোথায় যাচ্ছ?’

রানা বুঝল দেরি হয়ে গেছে। যদি ঘটনাটা সত্যিও হয়, ওখানে আর কাউকে পাওয়া যাবে না। বসে পড়ল সে আবার। বলল, ‘চোখের ভুল হয়েছে তোমার।’

‘অসম্ভব! কিছু একটা দেখেছি নিশ্চয়ই। লোবোর প্রেতাত্মা নয়তো?’

হেসে ফেলল রানা। ডিনার এসে গেছে। স্টুয়ার্ড খেয়ে নিল ওরা। রানা লক্ষ্য করল মন থেকে লোবোর প্রেতাত্মার ভয় তড়ুত পড়ছে না মায়া কিছুতেই। ভাল করে খেতেও পারল না সে। বেশির ভাগই পড়ে থাকল ডিশে, প্লেটে। কেমন যেন ঠাণ্ডা, নির্জীব হয়ে গেছে মায়া ভয়ে।

‘খুব ভয় পেয়েছ, মায়া?’ মায়াবলীধে হাত রাখল রানা।

কিছুক্ষণ কোন কথা বলল না মায়া। তারপর বলল, ‘আমাকে অন্য কোথাও নিয়ে চলো, রানা। এখানে ভয় লাগছে না।’

আর কথা না বাড়িয়ে উঠে দাঁড়াল রানা। বিল চুকিয়ে দিয়ে বেরিয়ে এল হলঘর থেকে। অবজারভেশন লাউঞ্জে দাঁড়িয়ে কফি খেলো ওরা। রেলিং-এর ধারে দাঁড়িয়ে কান পেতে শুনল সাগরের দীর্ঘনিঃশ্বাস। তারপর মায়ার কেবিনে ওকে পৌঁছে দিয়ে রাত দশটার মধ্যেই ফোন করবে কথা দিয়ে নিজের কেবিনে চলে এল রানা।

বিছানায় চিত হয়ে শুয়ে আকাশপাতাল ভাবছে রানা। সত্যিই তো, ঢাকার এক চাইনিজ রেস্টোরাঁর মালিক মায়ার মামা—যদি মায়াকে নিতে অস্বীকার করে? তাহলে? মেয়েটাকে ঢাকায় টেনে নিয়ে যাওয়া ভুল হচ্ছে না তো? নাই। দনু চ্যাণ্ডের গুপ্তধন এখন মায়ার। কোটি কোটি টাকা। ভালই কাটবে ওর জীবন।

বেজে উঠল টেলিফোন। হাত বাড়িয়ে রিসিভার তুলে নিল রানা। ‘কি ব্যাপার, মায়া?’ জিজ্ঞেস করল সে।

‘আমি ওয়্যারলেস অপারেটর বলছি, স্যার,’ মোটা পুরুষ কণ্ঠ।

‘বলুন, কি ব্যাপার?’ এক সেকেণ্ডে সামলে নিল রানা নিজেকে।

‘আপনার নামে একটা সাইফার সিগন্যাল এসেছে, স্যার। মোস্ট ইমিডিয়েট। পড়ে শোনাব না পাঠিয়ে দেব, স্যার?’

সাইফার সিগন্যাল আবার কোথেকে এল? একটু থেমে রানা বলল, 'পাঠিয়ে দিন। আমি ঘরেই আছি। ধন্যবাদ।'

জ্বালাতন! কিন্তু এই অসময়ে সাইফার সিগন্যাল কেন? কার কাছ থেকে? মনের ভেতর কেন জানি একটা অ্যালার্ম বেল বেজে উঠল রানার। মনে হলো নিশ্চয়ই দুঃসংবাদ।

দরজায় টোকা পড়তেই উঠে গিয়ে কেবলটা নিয়ে এসে বসল রাইটিং টেবিলের সামনে। চাইনিজ সিক্রেট সার্ভিসের মেসেজ। ক্যান্টন থেকে এসেছে। ডি-সাইফার করলে দাঁড়ায়:

আপনার জ্ঞাতার্থে জানানো যাচ্ছে যে মিস্টার লোবো এবং ল্যাংফু একই জাহাজে আপনাদের সহযাত্রী। তাদের কাছে আপনাদের দু'জনেরই লাইফ ইনশিওর করিয়ে নেবেন। তিন ঘণ্টার মধ্যে আমরা বাকি ব্যবস্থা করিছ। সি. এস. এস.

কয়েক মুহূর্ত পাথরের মত নিশ্চল হয়ে বসে রইল রানা। তাহলে সত্যি সত্যিই লোবোকে দেখেছিল মায়া। ল্যাংফু-ও আছে সাথে। তিন ঘণ্টার মধ্যে নিশ্চয়ই চাইনিজ হেলিকপ্টার আসছে। জোর করে ল্যাংফু করবে জাহাজের ওপর। দ্রুত রিসিভার তুলে নিল রানা। এক্ষুণি মায়াকে সাবধান করে দরকার।

'মিস মায়া ওয়াং-কে দিন,' টেলিফোন অপারেটরকে আদেশ দিল রানা।

রিংওনো শুনতে পাচ্ছে সে। একবার বাজল। দু'বার, তিনবার, চারবার।

খটাং করে রিসিভারটা নামিয়ে রেখে খুঁট বেরিয়ে গেল রানা কেবিন থেকে। বিশটা কামরার পরেই মায়ার কেবিন পৌঁছল। কেউ নেই ঘরে। খাঁ-খাঁ করছে শূন্য ঘর। বিছানার চাদরে ভাঁজ পড়েনি একটা পিঁপড়ি আলো জ্বলছে। একমাত্র ব্যতিক্রম চোখে পড়ল রানার—একটা চেয়ার উল্টানো। ঘরের মধ্যে কেউ লুকিয়ে ছিল আগে থেকেই। ধস্তাধস্তি হয়েছে।

পোর্টহোলের দিকে চেয়ে গেল রানার। বন্ধ। তারপর বাথরুমটাও ঘুরে এল। না, কেউ নেই।

মাথাটা ঠাণ্ডা রাখার চেষ্টা করল রানা। লোবো বা ল্যাংফু-র অবস্থায় রানা হলে কি করত? খুন করবার আগে কয়েকটা প্রশ্নের উত্তর বের করবার চেষ্টা করত। গুপ্তধনের সন্ধান জানবার জন্যে নির্যাতন করত। ওকে নিয়ে যেত নিজের কেবিনে, উত্তর বের করবার সময় যেন কোনও ব্যাঘাত না হয়।

নিশ্চয়ই মায়াকে ওরা নিজেদের ঘরে নিয়ে গেছে। পাঁখে কেউ দৈখে ফেললে চোখ টিপে মাথা নেড়ে বলেছে, 'মাত্রা একটু বেশি হয়ে গেছে শ্যাম্পেনের। না, না, ধন্যবাদ, আমি একাই পারব।' কিন্তু কার ঘরে নিয়ে গেছে। ল্যাংফু না লোবো? কতক্ষণ আগে?

দৌড়ে নিজের কামরায় ফিরে এল রানা। দশটা বাজে।

অ্যালার্ম বাজাবে নাকি সে? ক্যান্টনকে জানাবে? তাহলে একগাদা প্রশ্নের উত্তর দিতে হবে, দেরি হবে। জাহাজের সার্জেন্ট এই অসম্ভব কথা শুনে প্রথমেই ওকে মাতাল ঠাওরাবে, ঈর্ষাকাতর প্রেমিকও ভাবতে পারে। ওকে ঠাণ্ডা করবার

জন্যে বলরে, 'নিশ্চই, নিশ্চই। আপনি যা বলছেন তা যদিও খুবই অসম্ভব মনে হচ্ছে—আমাদের যতদূর সাধ্য আমরা নিশ্চই করব। আপনি নিজের কেবিনে গিয়ে বিশ্রাম করুন গিয়ে, আমরা দেখছি।'

কেবিনের দরজা বন্ধ করেই ছুটে গিয়ে ড়য়ার থেকে প্যাসেঞ্জারন্ লিস্ট বের করল রানা। এই তো। মিস্টার ল্যাংফু আর মিস্টার ডাব্লিউ. সি. লোবো! ছি ছি, আগে কেন দেখেনি সে লিস্টটা?

বি-৬৩—নিচের ডেকের ফাস্ট-ক্লাস কেবিন। একই কেবিনে দু'জন। লোবো আর ল্যাংফু! দুই বন্ধু।

যন্ত্রচালিতের মত সুটকেস খুলে চাইনিজ সিক্রেট সার্ভিসের দেয়া লুগার পিস্তলটা বের করল রানা। সাইনেসার পাইপটা লাগিয়ে নিল পেন্‌চিয়ে। টিকিটের সঙ্গে পাওয়া জাহাজের নক্সাটা মেলে ধরল টেবিলের ওপর। সেই সাথে তার মাথার মধ্যে একশো মাইল স্পীডে চলল চিন্তা। এই তো বি-৬৩! আশ্চর্য! ঠিক ওর নিচের ঘরটাই।

গুলি করে তানা ভাঙবে? তারপর দু'জনকে গুলি করবে? নাহ। তার আগেই শেষ হয়ে যাবে সে নিজে। তাছাড়া ওরা তানা লাগিয়েছেই বল্টুও নিশ্চই লাগিয়ে দিয়েছে দরজার।

কয়েকজন লোককে ডেকে জড়ো করবে নাকি রানা?

কিন্তু তাতেও লাভ হবে না কিছুই। দরজার ধাক্কা পড়লেই পোর্টহোল দিয়ে সাগরে ফেলে দেবে ওরা মায়াকে। তারপর বিরক্ত মুখে দরজা খুলে জিজ্ঞেস করবে, 'কি ব্যাপার? এত হইচই কিসের?'

কোমরে গুঁজে নিল রানা পিস্তলটা। তারপর খুলে ফেলল পোর্টহোলের ঢাকনা। কাঁধটা ঢুকিয়ে দেখল আরও দু'জনকে দুয়েক জায়গা খালি থাকে। নিচের দিকে চেয়ে দেখল। ফুট দশেক নিচে একটা আবছা আলোর বৃত্ত দেখা যাচ্ছে। বি-৬৩-র পোর্টহোল। ধরা পড়ে যাবে নাকি রানা বিজের 'ডেকা রাডার'-এ?

বিছানার পাশে ফিরে এসে একটানে চাদর তুলে নিল রানা। দুই টুকরো করে ছিঁড়ে ফেলল সেটা। দুই মাথা গিঁট দিয়ে নিল শক্ত করে। পেন্‌চিয়ে দড়ি পাকিয়ে নিল সেটাকে। যদি ঢুকতে পারে, বি-৬৩ থেকে একটা চাদর নিয়ে ফিরবে। আর যদি হেরে যায় তবে তো কোনও কথাই নেই। জুতো জোড়া খুলে ফেলল রানা পা থেকে।

সর্বশক্তি দিয়ে টেনে দেখল একবার চাদরটা। না, ছিঁড়বে না। পোর্টহোলের আঙটার সাথে চাদরের একমাথা বাঁধতে বাঁধতে ঘড়ির দিকে চাইল রানা।

দশটা পাঁচ। বেশি দেরি হয়ে গেল না তো? দড়িটা ঝুলিয়ে দিল সে পোর্টহোলের বাইরে। তারপর দাঁতে দাঁত চেপে মাথাটা ঢুকিয়ে দিল গর্তের মধ্যে। ধীরে ধীরে বাকি দেহটা এবং সবশেষে পা দুটো অদৃশ্য হয়ে গেল ওর গর্তের বাইরে।

নিচের দিকে চেয়ো না। চিন্তা কোরো না। আদেশ দিল রানা নিজের মনকে। কিন্তু মন কি তাই শোনে? বহু নিচে শোনা যাচ্ছে সমুদ্রের জলকল্লোল। ছলাত্ ছলাত্—হিস্‌স্‌, হিস্‌স্‌। মৃদুমন্দ বাতাসে দুলছে রানার দেহটা, ধাক্কা খাচ্ছে

জাহাজের গায়ে। ধীরে ধীরে নামছে সে সাবধানে।

রশিটা ওর ভার সহ্য করতে পারবে তো? সন্দেহ জাগে। ভেবো না, এসব কথা এখন ভাববার কি দরকার? ক্ষুধার্ত সমুদ্র অপেক্ষা করে আছে নিচে। থাক না। চোখা ক্ষুণ্ণলো দেহটা ছিঁড়ে কুটি কুটি করে দেবে হাত ফস্ফালে। হাত ফস্ফাবে কেন? তুমি একটা কিশোর। পেয়ারা গাছে উঠেছ। পড়ে গেলে আর কি হবে? পাঁচ হাত নিচেই আছে নরম মাটি আর ঘাস। কতবারই তো পড়েছ, কি হয়েছে? কিছুই না।

চিন্তাটা দূর করে দিল রানা। বাইসেপের পেশী দুটো থরথর করে কাঁপছে। আর বেশিক্ষণ এভাবে বুলে থাকা সম্ভব নয়।

বাম পা-টা ঠেকল কিসের সঙ্গে। হ্যাঁ। পোর্টহোলের বাইরের রিম। ধীরে ধীরে নেমে এল রানা আরও নিচে। পর্দা বুলছে পোর্টহোলের মুখে। রিমের ওপর ভর দিয়ে কিছুক্ষণ বিশ্রাম নিল রানা। নিচে গর্জন করছে চীন সাগর। প্রকাণ্ড জাহাজের গা পিপড়ের মত চিমটি কেটে ধরে বুলছে যেন সে। পর্দার ওপাশে মায়ার কি অবস্থা কে জানে।

পুরুষ কণ্ঠে কেউ কিছু বলল ঘরের মধ্যে। বোঝা গেল না।

‘কিছুতেই বলব না!’ তীক্ষ্ণ নারী কণ্ঠ।

এক মুহূর্ত নীরবতা। তারপরই চটাস করে দুপিটাঘাতের জোর আওয়াজ। ঠিক পিস্তলের আওয়াজের মত। সঙ্গে সঙ্গে লোকটি পড়ল রানা ভেতরে মাথা নিচের দিকে করে। কিসের ওপরে গিয়ে পড়ল কে জানে? বাম হাতে মাথাটা আড়াল করল সে আর ডান হাতে টেনে নেব ফিরল পিস্তলটা শূন্যে থাকতেই।

পোর্টহোলের নিচে রাখা একটা স্ট্রোকের ওপর পড়েই ডিগবাজি খেয়ে ঘরের মাঝ বরাবর উঠে দাঁড়াল রানা। ডান হাতের তর্জনীটা টিগারের ওপর চেপে থাকায় নখটা সাদা হয়ে গেছে। ঠাণ্ডা দুই চোখ দু’জনের দিকে চাইল একবার করে। পিস্তলটা দু’জনের ঠিক মাঝখানে তাক করে আছে। সোজা হয়ে দাঁড়াল সে। বুলল অবস্থাটা এখন ওর আয়ত্বাধীন, এবং এটাকে আয়ত্তেই রাখতে হবে।

‘খবরদার!’ সাবধান করল রানা ওদের।

‘তোমাকে কে ডেকেছে? তুমি তো এই সীনে ছিলে না!’ বিস্ময়ের প্রথম ধাক্কা কাটিয়ে উঠে স্বাভাবিক কণ্ঠে বলল ল্যাংফু। কোনও রকম আতঙ্কের আভাস পাওয়া গেল না ওর কণ্ঠে।

মাটিতে পা রেখে বিছানার ধারে বসে আছে লোবো। তার সামনে রানার দিকে পেছন ফিরে একটা টুলের ওপর বসে রয়েছে মায়া। তার এক হাঁটু চেপে ধরে আছে লোবো মোটা দুই উরুর মধ্যে। ঘাড় ফিরিয়ে চাইল মায়া রানার দিকে। দুই চোখে অবিশ্বাস। হ্যাঁ হয়ে গেছে মুখটা। রানা দেখল পাঁচ আঙুলের দাগ লাল হয়ে আছে মায়ার বাম গালে।

একটা বিছানায় কাত হয়ে শুয়ে বিশ্রাম করছিল ল্যাংফু। কনুইয়ের ওপর গাল রেখে উঁচু হলো সে, আরেকটা হাত আলগোছে চলে গিয়েছে শার্টের ভেতর শোন্ডার হোলস্টারে ভরা পিস্তলের বাঁটের কাছে। নিরুৎসুক দৃষ্টিতে রানার দিকে চাইল সে।

রানার পিস্তলটা দু'জনের ঠিক মাঝখানটায় ধরা। শান্ত নিচু গলায় রানা বলল, 'মায়া। বসে পড়ো মেঝের ওপর। হামাগুড়ি দিয়ে ঘরের মাঝখানটায় সরে এসো। মাথাটা নিচু করে রেখো।'

তার কথামত কাজ করছে কিনা ফিরে দেখল না সে একবারও। লোবো আর ল্যাংফুর ওপর ছুটোছুটি করতে থাকল ওর সতর্ক দৃষ্টি।

সরে গেছে মায়া।

'এসেছি, রানা!' বলল সে। ওর কণ্ঠে আশা আর উত্তেজনার আভাস।

'এবার সোজা চলে যাও বাথরুমের মধ্যে। দরজা বন্ধ করে শাওয়ার খুলে দাও। যাও, জলদি!'

ক্লিক করে বাথরুমের দরজা বন্ধ হতেই নিশ্চিত হনো রানা। বুলেট থেকে নিরাপদ তো থাকলই, দেখতেও হবে না ওকে এই আসন্ন লড়াই।

লোবো আর ল্যাংফু একে অপরের থেকে গজ দুয়েক দূরে আছে। যদি খুব দ্রুত একসাথে পিস্তল বের করতে পারে তাহলে যে-কোনও একজনের গুলিতে ওকে মৃত্যু বরণ করতে হবে। দু'জনকে একসাথে এত দ্রুত শেষ করতে পারবে না রানা। একজনের ওপর গুলি করলেই আরেকজনের গুলি খেতে হবে তাকে। কিন্তু যতক্ষণ তার হাতের পিস্তলটা নীরব থাকছে ততক্ষণ এর ক্ষমতা অসীম।

হঠাৎ চীনা ভাষায় কি যেন বলে উঠল লোবো। অনেক রিহার্সেল দেয়া কোনও সন্দেহ নেই। কথাটা বলেই মেঝের ওপর ঝাঁপিয়ে পড়ল সে। আর সেই সঙ্গে ডান হাতটা চলে গেল ওয়েস্ট-ব্যাণ্ডের কাছে।

বিছানার ওপর দ্রুত এক গড়ান দিয়ে গেল ল্যাংফু যাতে মাথাটা ছাড়া রানা আর কোনও টার্গেট না পায়। এক মুহূর্তের বেরিয়ে এল শাটের তলা থেকে ওর পিস্তল ধরা হাতটা।

'দুপ!'

রানার পিস্তল মৃত্যু বরণ করল। চাঁদিতে একটা ছোট্ট ফুটো তৈরি হলো ল্যাংফু-র।

'বুম' করে উত্তর দিল নিহত ল্যাংফু-র পিস্তল। বালিশের মধ্যে প্রবেশ করল তপ্ত সীসা।

ভয়ে চোঁচিয়ে উঠল লোবো। মৃত্যু ভয়ে বিকৃত হয়ে গেছে ওর গলা। ভীত দুই চোখ মেনে দেখছে ও রানার পিস্তলটা লোলুপ দৃষ্টিতে চেয়ে আছে ওর দিকে। ওর রিভলভারটা এখনও রানার হাঁটুর নিচে ধরা। ওপরে ওঠাবার আর সুযোগ হবে না।

'ফেলে দাও ওটা।'

পড়ে গেল রিভলভারটা কার্পেটের ওপর।

'উঠে দাঁড়াও।'

হাঁসফাঁস করে উঠে দাঁড়াল মোটা। আতঙ্কিত দৃষ্টিতে রানার চোখে চোখে চেয়ে রয়েছে সে, ঠিক যেমন যক্ষ্মা রোগী তাকায় তার রক্তাক্ত রুমালের দিকে।

'এদিকে সরে এসে উবু হয়ে বসো মেঝের ওপর।'

ভীত চোখ দুটোতে কি একটু স্বস্তির আভাস ফুটে উঠল? সতর্ক থাকল রানা। খুব সাবধান থাকতে হবে।

ধীরে ধীরে ঘুরে দাঁড়াল লোবো। রানা না বললেও মাথার ওপর হাত তুলে রাখল সে। দুই পা পিছিয়ে ফাঁকা জায়গায় এল সে। ঘুরে দাঁড়াল রানার দিকে। স্বাভাবিক ভাবেই হাত দুটো নামিয়ে আনল। স্বাভাবিক ভাবেই একটু দুলল হাত দুটো। বাম হাতের চাইতে ডান হাতটা একটু বেশি দুলল না? পর মুহূর্তেই ঝিক করে উঠল একটা থোয়িং নাইফ।

‘দুপ!’

চট করে একপাশে সরে গিয়েই গুলি করেছে রানা।

ডান চোখটা অদৃশ্য হয়ে গেল লোবোর। কানো বিকট একটা গর্জ সে জায়গায়। বাম চোখটা কপালে উঠল। প্রকাণ্ড ধড়টা আধপাক ঘুরে দড়াম করে পড়ল ড্রেসিং টেবিলের ওপর, সেটার বারোটা বাজিয়ে দিয়ে পড়ল মাটিতে।

সেদিকে চেয়ে দেখল রানা একবার। তারপর দাঁড়াল গিয়ে পোর্টহোলের সামনে। পর্দাটা সরিয়ে ঠাণ্ডা মুক্ত বাতাস গ্রহণ করল সে বুক ভরে। ওরা দু’জন আর কোনদিন এই বাতাসে শ্বাস নেবে না। তারা জুলা অপরূপ রাত্রিকে দেখল রানা দু’চোখ ভরে। ওরা কোনদিন দেখবে না। কান পেতে শুনল সে সমুদ্রের মিষ্টি কল্লোলধ্বনি। ওরা কোনদিন শুনবে না।

অথচ কত সুন্দর এই পৃথিবী!

ধীরে ধীরে দেহের উত্তেজিত স্নায়ুগুলো শান্ত স্বাভাবিক হয়ে এল রানার। সেফটি ক্যাচ তুলে দিয়ে কোমরে গুঁজল সে পিস্তলটি।

লোবোর বিছানার চাদটা তুলে নিল একটানে। তারপর এসে দাঁড়াল বাথরুমের সামনে। কয়েকবার ডাকতেও কোনও সাড়া দিল না মায়া। দরজাটা ঠেলা দিয়ে খুলে দেখল রানা শাওয়ার খুলে দিয়ে দুই হাতে কান ঢেকে তার নিচে দাঁড়িয়ে আছে মায়া ওয়াং চোখ বন্ধ করে।

শাওয়ার বন্ধ করে দিল রানা। কিন্তু তাও চোখ খুলল না মায়া। হয়তো মনে করল ট্যাঙ্কের পানি শেষ হয়ে গেছে। সমস্ত কাপড়চোপড় চুপচুপে ভেজা। কানে হাত দিয়ে তেমনি দাঁড়িয়ে আছে সে। হেসে ফেলল রানা। কাধ ধরে নিজের দিকে ফেরাল সে মায়াকে। ‘উহ্’ করে এক চিৎকার দিয়ে ভয়ার্ত দুই চোখ মেলে চাইল মায়া। প্রথমে চিনতেই পারল না রানাকে। তারপর চিনতে পারল, কিন্তু বিশ্বাস করতে পারল না। হাত দিয়ে ছুঁয়ে দেখল সে একবার। তারপর বাঁপিয়ে পড়ল ওর বুকের ওপর।

‘মায়া! এখানে দেরি করলে অসুবিধে হবে। এ যরুছেড়ে তাড়াতাড়ি পালাতে হবে আমাদের। কিন্তু সর্বাস্থ যেভাবে ভিজিয়েছ তাতে তো তোমাকে নিয়ে—আচ্ছা, দাঁড়াও আমি চট করে বাইরেটা দেখে আসছি।’

‘ওদের কি হলো? ওরা কোথায়?’

‘ওসব তোমাকে ভাবতে হবে না। সব চুকে গেছে। আর কোনও ভয় নেই।’

দরজাটা খুলে মাথা বের করে এপাশ-ওপাশ দেখল রানা। কেউ নেই করিডরে। ঘড়িতে বাজছে সোয়া দশটা। মায়াকে নিয়ে এখন বেরোলে লোকের চোখে পড়বার সম্ভাবনা বিচার করে দেখল সে মনে মনে। স্থির করল রিস্কটা নিতে হবে।

ফিরে এসে দেখল জামা কাপড় নিঙড়ে যতটা সম্ভব পানি ঝরিয়ে ফেলেছে মায়া। টেবিলের ওপর থেকে একটা ছইক্ষির বোতল তুলে নিয়ে বাথরুমে ঢুকল রানা। চাদরটা হালকা করে জড়িয়ে দিল মায়ার ভেজা কাপড়ের ওপর।

‘চোখ বন্ধ করে রাখো। বাইরে না বেরোনো পর্যন্ত চেয়ো না কোন দিকে।’

মায়াকে একহাতে জড়িয়ে ধরে বেরিয়ে এল রানা বাইরে। একহাতে খোলা মদের বোতল। দরজাটা টেনে বন্ধ করে দিল সে। ক্লিক করে ছেদ পড়ল অতীত আর ভবিষ্যতের মধ্যে।

মাতালের অভিনয় করবার কোনও প্রয়োজনই হলো না। জনপ্রাণীর চিহ্ন দেখা গেল না সারাটা পথে। মায়ার কেবিনের সামনে এসে ছেড়ে দিল ওকে রানা।

‘ভয় করছে!’ কেবিনে ঢুকতে দ্বিধা করছে মায়া।

‘স্বাভাবিক। তবে সত্যিই আর কোন ভয় নেই। এখানে একা তোমাকে থাকতেও হবে না। ভেজা কাপড় বদলে বেরিয়ে এসো, আমি দাঁড়াচ্ছি।’

কাপড় বদলে বেরিয়ে এল মায়া। ইতিমধ্যে ছইক্ষির বোতলটা ছুড়ে দিয়েছে রানা রেলিঙের ওপারের অন্ধকারে।

‘এবার?’

‘চলো, দু’কাপ কফি খাই আগে। তারপর সুটকেস গুছিয়ে নিতে হবে। দু’ঘণ্টার মধ্যে এ জাহাজ ছেড়ে চলে যাচ্ছি আমরা।’

‘কি ভাবে?’

‘কফি খেতে খেতে বলব, চলো।’

AMARBOI.COM

মৃত্যুর সাথে পাঞ্জা

প্রথম প্রকাশ: ১৯৬৭

এক

শীতের চাবুক হাতে নিয়ে হু-হু হাওয়া ধেয়ে আসছে নাজা পর্বত থেকে। পঁচিশে ডিসেম্বর। নিম্নরাত্রির ঠাণ্ডা উজ্জ্বল তারাগুলোর নিচে চারদিকে বিছিয়ে আছে কেবল তুষার আর তুষার। যতদূর দেখা যায় জনপ্রাণীর চিহ্ন নেই।

ঠক-ঠক করে কাপছে রানা। দাঁতে দাঁত বাড়ি খাচ্ছে—চেষ্টা করেও থামাতে পারছে না। হিম-শীতল বাতাসটা যেন হাড়ের মধ্যে এসে লাগছে। আজকের টেম্পারেচার পনেরো ডিগ্রী বিলো জিরো, রানা জানে। এতক্ষণ একটানা দৌড়ের পর হাঁ করে শ্বাস নিচ্ছে সে। কিন্তু তার মধ্যেও লক্ষ্য করল একটা ঘুম-ঘুম আনসা আসছে শরীরে। সচকিত হয়ে মাথা ঝাড়া দিল রানা। তারপর উঠে বসল গর্তের ভেতর। খুব ধীরে ধীরে মাথাটা উঁচু করল গর্ত থেকে—না, কেউ নেই। ওকে গর্তে পড়ে যেতে দেখে কি ওরা তাড়া করা ছেড়ে দিল? নাকি তাড়া করেইনি?

ঠাণ্ডায় অবশ হয়ে আসছে হাত-পা। পাল্টা হতে হবে। ধরা পড়বার আগেই পালাতে হবে এখান থেকে। ধরা পড়লে রক্ষা নেই।

আবার একবার খুঁটিয়ে খুঁটিয়ে দেখল রানা চারিটা পাশ। কিছুই নড়ছে না কোথাও। রাস্তাটা জনশূন্য। রাস্তার ওপর জমাট তুষারে ট্রাকের চাকার দাগ। শীতগর এখনও বাইশ মাইল। হেঁটে যেওয়া অসম্ভব। নিজের ওপরই ভয়ানক রাগ হলো ওর।

বেশ আসছিল উরি থেকে ট্রাকের পেছনে লুকিয়ে। হঠাৎ একটা পুলিশ ব্লকে গাড়ি থামিয়ে দু'জন সেকি গাড়ি সার্চ করতে চাইল। তড়াক করে লাফিয়ে উঠে অসতর্ক সেকি দুটোর নাক বরাবর দুটো প্রচণ্ড ঘুসি লাগিয়ে দিয়ে আধ মাইল দৌড়ে চলে এসেছে সে। মোড়ের কাছে পেছন ফিরে দেখেছে রানা, মাটি ছেড়ে উঠে দাঁড়িয়েছে সেপাই দু'জন। অনেকখানি সোজা দৌড়ে এসে রাস্তার বাম পাশে কয়েকটা গাছ দেখে তার আড়ালে কিছুক্ষণ বিশ্রাম নেবে মনে করে যেই একটু বাঁয়ে কেটেছে অমনি সড়াং করে পা পিছলে এই গর্তের মধ্যে পড়ে গেছে সে। কিন্তু সেপাইগুলো খেমে গেল কেন? এই রাস্তায় ওদের হাত থেকে পালাবার কোন উপায় নেই মনে করে? আর রাস্তা ছেড়ে ডাইনে-বাঁয়ে কোনদিকে গেলে তুষারের ওপর পায়ের চিহ্ন ধরে অনায়াসেই খুঁজে বের করা যাবে ওকে, সেজন্যে? যাই হোক, এখন কি করবে সে?

যা হবার হয়ে গেছে। এ নিয়ে চিন্তা করে আর সময় নষ্ট করল না মাসুদ রানা। প্লেনে শীতগর যাওয়া আরও বিপজ্জনক হত। আসন্ন ইন্টারন্যাশনাল সাইন্টিফিক কনফারেন্সের জন্যে জাল পাসপোর্ট নিয়ে এয়ারপোর্ট সিকিউরিটি ডিঙানো ওর পক্ষে

অসম্ভব ছিল। রেলও একই অবস্থা। কাজেই গোপনে সীমান্ত পেরিয়ে মাল বোঝাই কোনও ট্রাকের পেছনে উঠে শ্রীনগর পৌছানোই এখন একমাত্র রাস্তা। কিন্তু পথের মধ্যে এই বিপদের কথা কেউ ভাবেনি। যাক, যা হবার হয়ে গেছে। এখন এর মধ্যে থেকে কৌশলে উদ্ধার পেতে হবে।

অল্পক্ষণেই দম ফিরে পেল সে। ভেবে দেখল, জনা কয়েকের বেশি লোক নিশ্চয়ই থাকবে না এই পোস্টে। খুব সম্ভব এরা চোরাই মাল ধরার জন্যে সার্চ করছিল ট্রাকটা, ভাবতেও পারেনি পেছনে কোন মানুষ লুকিয়ে থাকতে পারে। কিন্তু ওরা নিশ্চয়ই আসবে। অন্তত যে দু'জনের নাক থেকে পোয়াটেক রক্ত ঝরিয়ে দিয়েছে ও, তারা তো ব্যক্তিগত উৎসাহেই আসবে। এখানে বসে থাকার আর কোনও মানে হয় না। রাস্তা ছেড়ে মাঠ-ঘাট আর বরফ জমা খাল-বিলের ওপর দিয়ে হেঁটে মাইল কয়েক পূবে সরে যাবে সে, তারপর চেষ্টা করে দেখবে আবার রাস্তায় উঠে চুরি করে কোনও ট্রাকে ওঠা যায় কিনা।

উঠে দাঁড়িয়ে জামা কাপড় থেকে তুষার ঝেড়ে ফেলল রানা। পরমুহূর্তেই বসে পড়ল আবার। ডান হাতটা দ্রুত চলে গেল কোটের নিচে শোলডার হোলস্টারের কাছে। আসছে ওরা।

এখন ও বুঝতে পারল কেন ওরা পিছু নিতে এত দেরি করছিল। ইচ্ছে করলে আরও দেরি করতে পারত ওরা। কিছুই এসে যেত না। ও ভেবেছিল কোনও শব্দ বা নড়াচড়া হলেই ধরা পড়ার ভয় আছে—ভুলেই গিয়েছিল গন্ধ বলে একটা জিনিস আছে। কুকুরের কথা ভাবতেও পারেনি সে। ভীষণ দৃষ্টি মেলে দেখল এখন, মাটির কাছে নাক নিয়ে গন্ধ গুঁকে গুঁকে এগিয়ে আসছে চারটে ভয়াল কুকুর। এক নজরেই চিনতে পারল রানা—ব্লাড হাউণ্ড। শেখল হাতে গল্প করতে করতে আসছে চারজন সেটি।

তিন লাফে গর্ত থেকে বেরিয়ে একটা প্রকাণ্ড চিনার গাছের আড়ালে গিয়ে দাঁড়াল রানা। হাতে ওয়াশার পি. পি. কে। পনেরো গজ দূর থেকে দশবারে দশবারই সে একটা কমলালেবু ফুটো করতে পারে এই যন্ত্রটা দিয়ে। কিন্তু আজকের কথা আলাদা। থরথর করে কাঁপছে ওর হাত। অবশ্য হয়ে যাওয়া তর্জনী দিয়ে ট্রিগার টিপতে পারবে কিনা সে-সম্পর্কেও ওর সন্দেহ আছে।

সেফটি ক্যাচ নামিয়ে চোখের সামনে তুলে ধরল সে পিস্তলটা। ভুরু কঁচকে গেল ওর। অস্পষ্ট তারার আলোতেও স্পষ্ট দেখতে পেল রানা ব্যারেলের মুখটা বন্ধ হয়ে গেছে বরফ জমে। তিরিশ গজের মধ্যে এসে গেছে সেপাইগুলো শেকল বাঁধা কুকুরের টানে। আর সময় নেই। বাম হাতে পকেট থেকে একটা বলপয়েন্ট পেন বের করে খুঁচিয়ে খুঁচিয়ে ব্যারেলের মুখ থেকে জমাট-বরফ বের করতে আরম্ভ করল সে। কিন্তু অসাড় আঙুলগুলো বিশ্বাসঘাতকতা করল ওর সাথে। ফসকে পড়ে গেল কলমটা হাত থেকে। চোখা মাথাটা নিচের দিক হয়ে পড়ে মুহূর্তে অদৃশ্য হয়ে গেল সেটা তুষারের মধ্যে। রানা বুঝল, ওটাকে খোঁজা এখন বৃথা—সময় নেই।

জুতোর শব্দ পরিষ্কার শুনতে পাচ্ছে রানা। ট্রিগার-গার্ডের মধ্যে দিয়ে একটা অসাড় আঙুল ঢুকিয়ে নিল সে, তারপর গাছের গায়ে ঠেকাল পিস্তলটা। কাঁপুনি

থামাবার জন্যে চেপে ধরল কজিটা গাছের গায়ে। বাম হাতে বেলেট বাঁধা খাপ থেকে ধোয়িং নাইফটাও বের করে রাখল—কাজে লাগতে পারে। রাইফেল হাতে সতর্ক পায়ে এগিয়ে আসছে সেন্টি চারজন। রানা ভাবল, নলটা বন্ধ হয়ে আছে, প্রথম গুলিটা কি বরফ সুদ্ধ বেরিয়ে গিয়ে পরিষ্কার করে ফেলবে নল, না, ব্যারেল ফাটিয়ে ওর হাতটা উড়িয়ে দেবে? বলা যায় না। তবু চেষ্টা করে দেখতে হবে।

হঠাৎ চোখ পড়ল রানার, আরও পেছনে আরও চারজন সেন্টি বাকটা ঘুরে মার্চ করে এগিয়ে আসছে এদিকে। হাতে সাব-মেশিনগান। জিভটা শুকিয়ে এল রানার। আটজন সেপাই আর চারটে কুকুরকে ঠেকাষে সে কি করে? মাথার মধ্যে দ্রুত চিন্তা চলছে। শুকনো জিভ দিয়ে একবার ঠোট দুটো ভিজাবার চেষ্টা করল। এখন গুলি করা আর আত্মহত্যা করা এক কথা। কাজটা বাকিই আছে এখনও। তিন মাস স্পেশাল ট্রেনিং দিয়ে পাঠানো হয়েছে ওকে। পাকিস্তানের তরফ থেকে এই শেষ চেষ্টা। বন্দী হলেও সুযোগ হয়তো আসতে পারে, কিন্তু অনর্থক খুন হয়ে গেলে ডক্টর সেলিমকে আর পাকিস্তানে ফিরে যেতে হবে না।

ক্যাপ খুলে ছুরিটা চাঁদির ওপর রাখল রানা, আবার পরে নিল টুপিটা, তারপর সেফটি ক্যাচ তুলে দিয়ে ছুঁড়ে ফেলল ওর ওয়ালথারটা সেন্টিদের পায়ে কাছ। গাছের আড়াল থেকে বেরিয়ে রাস্তায় উঠে এল সে দুই হাত মাথার ওপর তুলে।

পুলিস ব্লকের ছোট ঘরটা পর্যন্ত চুপচাপ এসে দাঁড়াল ওরা। মাঝে কোনও ঘটনা নেই। রানা ভেবেছিল রাইফেলের কুঁদেটা খাড়ি আর লোহার স্পাইক লাগানো জুতোর অকৃপণ লাথিতে শুয়ে পড়তে হবে ওকে পথের ওপর, নিদেনপক্ষে কিছু কিল, চড় আর কনুইয়ের গুঁতো তেঁকে ছুঁতে হবে প্রথমেই—কিন্তু তা হলো না। যেন রীতিমত ভদ্রতা করছে এমনভাবে চলল ওরা রানাকে পুলিস ব্লকে। যেন রানার ওপর কারও কোনও রাগ নাই—এমন কি রানার প্রচণ্ড ঘৃণার ফলে যে লোকটা রুমাল দিয়ে নাক চেপে ধরে আছে এখনও, তারও না। অন্য কোনও অস্ত্র আছে কিনা পরীক্ষা করে দেখেছে একজন। কেউ একটা প্রশ্নও করেনি। রানার কাগজপত্র দেখতে চায়নি। অসন্তোষ বোধ করতে আরম্ভ করল রানা ভয়ানকভাবে।

লুকিয়ে যে ট্রাকটার পেছনে উঠে এতদূর এসেছে রানা সেটা ঠায় দাঁড়িয়ে আছে এখনও। ড্রাইভারটা দুই হাত নেড়ে যুক্তিতর্কের সাহায্যে নিজেকে নিদোষ প্রমাণ করবার চেষ্টা করছে একজন সেন্টির কাছে। নিশ্চয়ই রানার উপস্থিতির ব্যাপারে ওর কোনও হাত আছে বলে ধরে নিয়েছে এরা। থেমে দাঁড়িয়ে ড্রাইভারকে বিপদমুক্ত করবার জন্য কিছু বলতে যাচ্ছিল রানা, সুযোগ হলো না। হেডকোয়ার্টার এসে গেছে—দু'জন সিপাই দু'পাশ থেকে ধরল ওর হাত, পেছনের ধাক্কায় ঢুকে পড়ল সে দরজা দিয়ে ঘরের ভেতর।

ঘরটা ছোট। চারকোণা। এক কোণে ঘরটা গরম রাখার জন্যে একটা কাঠের চুলো। আসবাবের বিশেষ বালাই নেই। একটা ছোট নড়বড়ে ডেস্কের এপাশে দুটো চেয়ার, ডেস্কের ওপর টেলিফোন, ডেস্কের ওপারে মাঝবয়সী এক বঁটেখাটো মোটা অফিসার-ইন-চার্জ বসে আছে। চেহারায় কোনও বৈশিষ্ট্য নেই। কাশ্মীরীই হবে। পেটি অফিসারের ক্ষমতার ডাঁট প্রকাশ পাচ্ছে হাব-ভাবে। রানা বুঝল অত্যন্ত দুর্বল চরিত্রের লোক এই অফিসার-ইন-চার্জ। নিজের দুর্বলতা ঢাকবার জন্যেই

কর্তৃত্বের খোলস পরে হস্তিতত্ত্ব করে। ওপরওয়ালার পা চাটতে কিছুমাত্র দ্বিধা করবে না এই লোক।

এক ঝটকায় হাত ছাড়িয়ে নিল রানা সেপাইদের কাছ থেকে, লম্বা দুই-তিন পা ফেলে পৌঁছল ডেস্কের কাছে, ধাঁই করে এক কিল বসাল ডেস্কের ওপর। নড়বড়ে টেবিলের ওপর লাফিয়ে উঠল টেলিফোনটা। টিং করে শব্দ হলো একটা।

‘অফিসার-ইন-চার্জ কে? আপনি?’ জিজ্ঞেস করল রানা কর্কশ কণ্ঠে।

মোটো লোকটা চমকে উঠেছিল ভয় পেয়ে। চট করে পেছনে সরে একটা হাত তুলতে যাচ্ছিল আত্মরক্ষার জন্যে—সামনে নিল। কিন্তু ওর লোকজন যে ওর এই আংকে ওঠা দেখে ফেলেছে সেটা বুঝতে পেরে কান দুটো লাল হয়ে উঠল ওর।

‘নিশ্চয়ই। আপনার কি মনে হয়?’ উত্তর দিল সে।

‘এইসব গুণ্ডামির কি অর্থ আমি জানতে চাই।’ চট করে পকেট থেকে মানি ব্যাগ বের করে পাস এবং আইডেন্টিফিকেশন পেপার বের করল রানা। তারপর ছুঁড়ে দিল টেবিলের ওপর।

‘এগুলো পরীক্ষা করে দেখুন। ফটো আর টিপসই মিলিয়ে দেখুন। নিন, জলদি করুন, এমনিতেই দেরি হয়ে গেছে, সারারাত আপনার সাথে গ্যাজর গ্যাজর করলে আমার চলবে না। কই, নিন, তাড়াতাড়ি করুন।’

রানার এই আত্মবিশ্বাস আর তেজ ইদুরে একটু যেন দমে গেল মোটা অফিসার-ইন-চার্জ। ধীরে ধীরে কাগজগুলো তুলে নিল টেবিলের ওপর থেকে।

‘সুখলাল রাও, বর্ন কালকাটা, জেনারেলিস্ট, স্পেশাল করেস্পন্ডেন্ট অফ দ্য স্টেটসম্যান।’ জোরে জোরে পড়ল অফিসার-ইন-চার্জ।

‘এবং এখন ফিরছি রাওয়ালপিন্ডি থেকে। শ্রীলঙ্কার ইন্টারন্যাশনাল সাইন্টিফিক কনফারেন্স কাভার করে ব্যাক হচ্ছি কালকাটা।’ এবার একটা চিঠি ফেলল সে টেবিলের ওপর। পাকিস্তান ও ভারতের পররাষ্ট্র-মন্ত্রীদ্বয়ের এক বিশেষ বৈঠকে ভারতের পক্ষ থেকে বিপ্লবী সাংবাদিক সুখলাল রাওকে যোগদানের জন্যে লেখা অনুরোধ পত্র। মিনিস্ট্র অফিশিয়াল সীলমোহর।

পা বাধিয়ে ডেস্কের কাছে টেনে আনল রানা একটা চেয়ার। তাতে আরাম করে বসে প্রায় আপন মনে বলল, ‘আজকের এই ঘটনা, আপনার সুপিরিয়র অফিসারের ওপর কি রকম প্রতিক্রিয়া করবে নিশ্চয়ই আন্দাজ করতে পারছেন। আপনার প্রমোশনটা বোধহয় এবার আর হলো না।’

চট করে চাইল সে একবার রানার দিকে। খামের মধ্যে ভরে রাখল চিঠিটা। রানা লক্ষ করল, মুখের চেহারাটা স্বাভাবিক দেখালেও অল্প অল্প কাঁপছে হাত দুটো। নিজের হাতের দিকে চেয়ে থাকল লোকটা অল্পক্ষণ, তারপর তীক্ষ্ণ দৃষ্টিতে চাইল রানার দিকে। ‘পালিয়ে গিয়েছিলেন কেন?’

‘হায়, ভগবান!’ রানা এ প্রশ্নের উত্তর তৈরি করে ফেলেছে আগেই। ‘রাতের অন্ধকারে সশস্ত্র ডাকাত পড়ল গাড়িতে, এই অবস্থায় আপনি হলে কি করতেন? বসে বসে খুন হতেন ওদের হাতে?’

‘ওরা পুলিশের লোক ছিল। আপনি...’

‘নিশ্চয়ই ওরা পুলিশের লোক,’ বাধা দিয়ে বলল রানা তিক্ত কণ্ঠে। ‘সেটা

এখন দেখতে পাচ্ছি। কিন্তু অন্ধকারে আমি সেটা দেখতে পাইনি। পাওয়ার কথাও নয়।

সামনের দিকে পা ছড়িয়ে দিয়ে শান্ত স্বাভাবিক ভঙ্গিতে বসে আছে রানা। মাথার ভেতর চলছে দ্রুত চিন্তা। তাড়াতাড়ি এইসব কথোপকথন শেষ করতে হবে। মোটা লোকটা হাজার হোক পুলিশ অফিসার। যতটা বেকুব দেখাচ্ছে, নিশ্চয়ই ততখানি বেকুব ও নয়। যে-কোন মুহূর্তে কোনও বেয়াড়া প্রশ্ন করে ফাঁসিয়ে দিতে পারে। রানা ভাবল, এখন আক্রমণ না করে দয়া-কৃপা-ক্ষমা ইত্যাদি বর্ষণ করলে কাজ হতে পারে। গলা থেকে তিক্ত ভাবটা চলে গেল ওর। তার জায়গায় এল বন্ধুত্বের আভাস।

‘দেখুন, যাঁ হবার হয়ে গেছে। ভুলে যান। আমার মনে হয় না দোষটা আপনার। আপনারা আপনাদের ডিউটি করেছেন মাত্র। আসুন, এক কাজ করা যাক, আপনি আমাকে শ্রীনগর পর্যন্ত পৌঁছবার ব্যবস্থা করে দিন, আমি তার বদলে আজকের ঘটনাটা বেমানাম ভুলে যাব। এসব কথা আমার পেপারেও যাবে না, মিনিস্ট্রিতেও যাবে না, আপনার ওপর-ওয়ালাদের ওপরেও চাপ আসবে না। কি, রাজি?’

‘অনেক ধন্যবাদ। খুবই দয়ালু লোক আপনি,’ রানা যে উৎসাহ আশা করেছিল তার বিন্দুমাত্রও প্রকাশ পেল না অফিসারের কণ্ঠে। বরং যেন তীক্ষ্ণ একটা টিটকারির আভাস পাওয়া গেল। ওর ক্ষুদ্র দুই চোখের দিকে চেয়েই রানা নিজের ভুল বুঝতে পারল। এ লোক সহজ পাত্র নয়। ‘কিন্তু একটা কথা বলুন দেখি মিস্টার রাও, ট্রাকের মধ্যে আপনি কেন? আপনার মত একজন স্বনামধন্য সাংবাদিকের পক্ষে ড্রাইভারকে না জানিয়ে চুপি চুপি ট্রাকের পেছনে উঠে এই শীতের রাতে শ্রীনগর যাওয়া কি একটু অস্বাভাবিক নয়?’

‘ওকে বললে ও আমাকে নাড়াচাড়া করতে পারত। প্যাসেঞ্জার নেয়া ওদের নিষেধ আছে। কিন্তু আজই আমার পৌঁছতে হবে শ্রীনগরে।’ রানা বুল্ল ফাঁদে পা দিচ্ছে সে। খুব সাবধান থাকতে হবে। একটা কথা এদিক-ওদিক হলেই সব খতম হয়ে যাবে।

‘কিন্তু কেন...’

‘ট্রাকে কেন?’ কথাটা শেষ করতে দিল না রানা, ‘রাস্তাটার অবস্থা তো জানেনই। বরফের ওপর স্কিড করে পড়েছিলাম নিচু গর্তে, আমার অ্যামব্যাসাডরের ফ্রন্ট অ্যাক্সেল দুটুকরো হয়ে গেছে। ছ’মাইল পশ্চিমে পড়ে আছে ওটা এখনও ডিচের মধ্যে।’

‘রাওয়ালপিণ্ডি থেকে আপনি গাড়ি করে আসছিলেন?’

‘কেন, দিল্লী থেকে রাওয়ালপিণ্ডি গাড়ি করে যেতে পারলাম, ওখান থেকে শ্রীনগর আসতে পারব না?’ রাগের ভান করল রানা। অসহিষ্ণু কণ্ঠে বলল, ‘কিন্তু, এসব প্রশ্ন অপমানকর। আমার কাগজপত্র আপনি দেখেছেন। বার বার বলছি আমার তাড়া আছে। অথবা দেরি না করিয়ে আমার যাবার ব্যবস্থাটা করে দিন দয়া করে।’

‘আর মাত্র দুটো প্রশ্ন। তারপরই আপনার শ্রীনগর পৌঁছানোর ব্যবস্থা করছি।’ চেয়ারের পিঠে হেলান দিয়ে বসল অফিসার-ইন-চার্জ। দৃষ্টিভ্রম ভরে গেল রানার।

মন। 'রাওয়ালপিণ্ডি থেকে সোজা আসছেন আপনি?'

'সোজা কাকে বলছেন আপনি? পালান্দরী, পুঞ্চ, উরি, রামপুর, বারামুলা হয়ে আসছি।'

'কখন রওনা হয়েছেন, সকালে?'

'না। দুপুরে খাওয়া-দাওয়ার পর।'

'কয়টা? দশ, এগারো?'

'না। চারটের দিকে।'

'তাহলে বর্ডার ক্রস করেছেন সাড়ে পাঁচটায়?'

মাথা নাড়ল রানা।

'তারপর পথে কোথাও না থেমে সোজা চলে এসেছেন?'

'হ্যাঁ, হ্যাঁ। সোজা এসেছি।'

'আগাগোড়া রাস্তা ঠিক ছিল?'

এইবার রানা একটু ঘাবড়ে গেল। আসলে সে ওই রাস্তায় আসেইনি। ও এসেছে মুজাফফরাবাদ হয়ে। কিন্তু এখন আর কথা উল্টানো যায় না।

'নিশ্চয়ই। নইলে এলাম কি করে?'

'আপনি শপথ করে বলতে পারেন?'

'হ্যাঁ, নিশ্চয়ই। দরকার হলে শপথ করতে পারি।' কি।'

মাথাটা সামনের দিকে একটু ঝুঁকল অফিসারের, চোখ দুটো দ্রুত এদিক ওদিক নড়ল। রানা বিস্মিত হলো। কিন্তু একটু নড়াচড়া করবার আগেই দু'জোড়া হাত খপ করে ধরে ফেলল রানার দুই হাত। তাকে দাঁড় করিয়ে হাত দুটো জোড়া করে একটা স্টীলের হ্যাণ্ডকাফ পরিয়ে দেয়া হলো ওর হাতে।

'এসবের কি অর্থ?' তির্যক কণ্ঠে জিজ্ঞাসা করল রানা।

'অর্থ হচ্ছে একমাত্র মিস্টার সিদ্দী এই শিওর হয়ে কথা বলতে পারে।' স্বাভাবিকভাবে কথা বলবার চেষ্টা করল অফিসার, কিন্তু আত্মপ্রসাদ আর গর্বের ভাব প্রকাশ পেয়ে গেল কণ্ঠে। 'তোমার জন্যে একটা সংবাদ আছে, সুখলাল রাও, অবশ্য তোমার নাম যদি তাই হয়—গতকাল উরি-পুঞ্চের রাস্তার ব্রিজ ভেঙে পড়ায় সমস্ত যানবাহন চলাচল বন্ধ হয়ে আছে। অথচ আজ তুমি সেই রাস্তায় সোজা চলে এসেছ, তাই না?' একহাতে টেলিফোনের রিসিভার তুলে নিল অফিসার। মুখে সুবিস্তৃত হাসি। ডায়াল করার আগে রানার দিকে ফিরে বলল, 'শ্রীনগরে পৌছবার ব্যবস্থা করে দিচ্ছি, বাছাধন। পুলিশ ভ্যানে চড়ে সোজা শ্রীনগরের শীঘরে চলে যাবে। বেশ কিছুদিন পাকিস্তানী স্পাই ধরা পড়েনি। খবর পেলেই মহানন্দে ধেয়ে আসবে ওরা শ্রীনগর থেকে।'

রিসিভারটা কানে লাগিয়েই ভুরু কুঁচকে গেল অফিসারের। নামিয়ে রেখে আবার তুলল। কয়েকবার টোকা দিল ক্রেডলের ওপর। তারপর বিরক্ত হয়ে রেখে দিল ওটা যথাস্থানে।

'আবার গেছে নষ্ট হয়ে। যখন-তখন আউট অফ অর্ডার!' নিজের মুখে খবরটা ঘোষণা করার আনন্দ থেকে বঞ্চিত হয়ে একটু হতাশ দেখাল ওকে। ইশারায় একজন সিপাইকে কাছে ডাকল সে।

‘কাছাকাছি কোথায় টেলিফোন আছে?’

‘পোস্ট অফিসে। এখান থেকে দুই মাইল।’

‘যত তাড়াতাড়ি পারো চলে যাও সেখানে।’ একটা কাগজে কিছু লিখল সে খসখস করে। ‘এই যে নম্বর। আর এই মেসেজ।’ আবার লিখল। ‘খবরটা যে আমি পাঠাচ্ছি সেটা পরিষ্কার করে আগে বলবে, তারপর মেসেজ দেবে। যাও, জনদি!’

‘কাগজটা ভাঁজ করে পকেটে ফেলল সেপাই। গলা পর্যন্ত ওভারকোটের বোতাম লাগিয়ে নিয়ে বেরিয়ে গেল ঘর থেকে। দরজাটা বন্ধ হয়ে যাবার আগেই খোলা দরজা দিয়ে এক নজর চেয়ে রানা দেখল এইটুকু সময়ের মধ্যেই মেঘে ছেয়ে গেছে আকাশ—তুষার পড়তে আরম্ভ করেছে বাইরে। ফিরে চাইল সে অফিসারের দিকে।

‘আপনি বুঝতে পারছেন না কী ভুল করছেন। আপনার কপাল মন্দ, আমার আর কিছুই বলবার নেই,’ বলল রানা।

‘এখনও ভগামি হচ্ছে! তুমি ভেবেছ তোমার একটি কথাও আমি বিশ্বাস করেছি?’ ঘড়ির দিকে চাইল সে। ‘ঘণ্টা দেড়েক-দু’য়েক লাগবে তোমার জন্যে গাড়ি পৌছতে। এই সময়টুকু আমরা সংকাজে ব্যয় করতে পারি। নাও, আরম্ভ করো। তোমার নাম?’

‘আমার নাম আমি বলেছি। আমার কাগজপত্রও আপনি দেখেছেন। এর প্রতিটা অক্ষর সত্য। আপনাদের খুশি করবার জন্যে দেখাচ্ছি এখন মিছে কথা বলতে হবে!’

কারও অনুমতি ছাড়াই আবার চেয়ারের ওপর বসে পড়ল রানা। হ্যাণ্ডকাফের ওপর একবার চোখ বুলাল—না, অত্যন্ত শক্ত। এদিকে কোনও সুবিধে হবে না। হাত বাঁধা অবস্থাতেও সে মোটুকু খুন করে ফেলতে পারে এক মিনিটের মধ্যে। মাথার ওপর ছুরি রয়েছে ওর। কিন্তু পেছনে তিনজন সেপাই? নাহ, সে-চেপ্টা করে লাভ নেই।

‘মিছে কথা বলতে কে বলছে তোমাকে? স্মরণশক্তিটা একটু ধার দিয়ে নাও, তাহলেই হবে। তার জন্যে খানিকটা ওষুধ লাগবে, তাই না?’

উঠে দাঁড়াল অফিসার। ডেস্কটা ঘুরে রানার সামনে এসে দাঁড়াল সে।

‘কই? তোমার নাম?’

‘আমি তো বলেইছি,’ চমকে উঠে থেমে গেল রানা। খুব দ্রুত দুটো থাবড়া লাগাল অফিসার রানার গালে। একবার সোজা, একবার উল্টো। হাতের আংটি দিয়ে কেটে গেল রানার ঠোঁটের কোণা। হ্যাণ্ডকাপ লাগানো হাত দুটো তুলে হাতের পেছন দিয়ে খানিকটা রক্ত মুছে ফেলল সে। মুখের ভাবে কোনও পরিবর্তন হলো না ওর।

‘আবার একবার ভেবে দেখো, খোকা। অনর্থক বোকামি না করে বলে ফেলো। অনেক কথা জানবার আছে—একটা কথা নিয়ে আর কতক্ষণ ধস্তাধস্তি করবে?’

একটা জঘন্য অগ্নীল গালি বেরিয়ে এল রানার মুখ থেকে। লাল হয়ে গেল অফিসারের মুখ। এক পা এগিয়ে এল সে ঘুসি পাকিয়ে, পরমুহূর্তেই চিৎ হয়ে পড়ল নড়বড়ে ডেস্কের ওপর, মড়াং করে সেটার পায়া মচকে পড়ল মাটিতে। দড়াম করে

বেকায়দা মত এক লাখি লাগিয়ে দিয়েছে রানা। গৌ-গৌ আওয়াজ বেরোচ্ছে ওর মুখ দিয়ে তীব্র ব্যথা। হামাগুড়ি দিয়ে উঠে হাঁ করে শ্বাস নিচ্ছে লোকটা, বিকৃত হয়ে গেছে ওর মুখ। কয়েক সেকেন্ডে ওই ভাবেই রইল মাটিতে, মচকানো টেবিলের পায়া আঁকড়ে ধরে উঠবার চেষ্টা করল তারপর। সেপাইগুলো এই আকস্মিক ঘটনায় ভাবাচাচাকা খেয়ে দাঁড়িয়ে রয়েছে বোকার মত। ঠিক এমনি সময়ে ঝাটং করে খুলে গেল পেছনের দরজা। এক বলক ঠাণ্ডা হাওয়া এসে ঢুকল ঘরের মধ্যে।

পেছন ফিরে চাইল রানা। দেখল, দরজার সামনে দাঁড়িয়ে আছে লম্বা এক লোক, তীক্ষ্ণ নীল দুই চোখ সারাটা ঘর একবার ঘুরে স্থির হলো এসে রানার চোখে। চমৎকার সুপুরুষ চেহারা, চওড়া কাঁধ, কোমরে বেল্ট বাঁধা, হাঁটুর নিচ পর্যন্ত লম্বা একটা মিলিটারি ট্রেক-কোট পরা, পায়ে গাম-বুট। খাড়া নাক, ঘন কালো ভুরু, জুলফিটা কাঁচাপাকা। বয়স পঁয়তাল্লিশ কি পঞ্চাশ। চাউনি দেখেই বোঝা গেল, এ-লোক আদেশ করতেই অভ্যস্ত, আদেশ পালন করতে নয়।

দুই সেকেন্ডে সম্পূর্ণ অবস্থাটা বুঝে নিল লোকটা। রানা টের পেল, দুই সেকেন্ডে এই লোকের জন্যে যথেষ্ট। ঘরের অবস্থা দেখে একবিন্দুও অবাক হলো না লোকটা। দৃঢ় পায়ে এগিয়ে এসে টেনে তুলে খাড়া করে দিল সে অফিসার-ইন-চার্জকে।

‘গর্দভ কোথাকার!’ লোকটার গলার স্বরে তীক্ষ্ণ তিরস্কার। ‘ভবিষ্যতে কাউকে কিছু প্রশ্ন করতে হলে তার পায়ের ব্যাপারে সার্বশ্রম থাকবে।’ রানার দিকে ইঙ্গিত করে বলল, ‘কে ওই লোকটা? কি জিজ্ঞেস করছিলেন তুমি ওকে, এবং কেন?’

রানার দিকে চাইল অফিসার, যেন চিন্তিত খেয়ে ফেলবে। তারপর হাঁপাতে হাঁপাতে বলল, ‘ওর নাম সুখলাল রাও ফ্রান্সিস্ট—আমি বিশ্বাস করি না সে-কথা। ও একটা পাকিস্তানী স্পাই। পাকিস্তানী কুত্তা।’

‘তা ঠিক, সব স্পাই-ই কুত্তা, কিন্তু আমি তোমার মতামত শুনতে চাই না, আমি চাই তথ্য। প্রথম কথা, ওর নাম জানলে কি করে?’

‘ও-ই বলেছে, ওর কাগজপত্রেও তাই লেখা। ওগুলো সব জাল।’

‘দেখি?’ বাম হাতটা সামনে বাড়াল আগন্তুক।

পুলিস অফিসার এখন একটু সুস্থ বোধ করছে। সোজা হয়ে দাঁড়িয়ে মচকানো টেবিলের দিকে দেখাল। ‘ওই তো ওখানে।’

‘দেখি?’ ঠিক একই সুরে দ্বিতীয়বার উচ্চারণ করল সে কথাটা। হাতটা তেমনি সামনে বাড়ানো। কাগজগুলো নিয়ে ওর হাতে দিল অফিসার।

‘চমৎকার!’ কাগজ উল্টেপাল্টে দেখল আগন্তুক। ‘একেবারে খাঁটি দেখাচ্ছে। কিন্তু ঠিকই ধরেছ তুমি, এ-সবকিছু নকল। যাক, পেয়ে গেছি, এ লোক আমাদের।’

রানা বুঝল অত্যন্ত ধূর্ত ও ভয়ঙ্কর এই লোকটা। একশোটা পুলিশের চেয়েও ভয়ঙ্কর। একে ধোঁকা দেয়া কারও পক্ষে সম্ভব নয়।

‘আপনাদের লোক? কি বলতে চান আপনি?’ কথাটা বেরিয়ে গেল অফিসারের মুখ থেকে।

‘আমার প্রশ্নের উত্তর দাও। তুমি বলছ, লোকটা স্পাই। কেন?’

‘ও বলেছে ও পুষ্ক উরি হয়ে আজ আসছিল গাড়িতে চড়ে...’

‘অথচ ব্রিজটা গতকাল ভেঙে গেছে এই তো?’ বাধা দিয়ে জিজ্ঞেস করল আগন্তুক। দেয়ালে হেলান দিয়ে সিগারেট ধরাল সে একটা। চিন্তিত মুখে চেয়ে রইল রানার দিকে। আনমনে টানতে থাকল সিগারেটটা চূপচাপ। এবারে নীরবতা ভঙ্গ করল পুলিশ অফিসার। এতক্ষণে সে মানসিক ভারসাম্য ফিরে পেয়েছে আবার—সেই সাথে ফিরে এসেছে সাহস।

‘আপনি আমাকে হুকুম করবার কে?’ হঠাৎ চটে উঠল সে। ‘আমি এখানকার অফিসার-ইন-চার্জ। আপনাকে চিনি না জানি না, আপনি কোথেকে উড়ে এসে মাতব্বরির মারতে লেগেছেন?’

বেশ কিছুক্ষণ নিঃশব্দে রানার চেহারা আর কাপড়-চোপড় লক্ষ করল আগন্তুক তীক্ষ্ণ দৃষ্টিতে। তারপর আলস্য ভরে ঘুরে দাঁড়িয়ে স্থির দৃষ্টিতে চাইল সে অফিসারের দিকে। মুখে সেই নিরাসক্ত ভাব। ভেতরে ভেতরে ঘেমে উঠল অফিসার, নিজের অজান্তেই পিছিয়ে গেল এক পা।

‘তুমি যে কথাটা বললে এবং যে ভাবে বললে তার জন্যে আপাতত আমি তোমাকে ক্ষমা করলাম।’ বুড়ো আঙুল ঘুরিয়ে রানার দিকে ইঙ্গিত করল আগন্তুক। ‘লোকটার ঠোট কেটে গেছে দেখছি। খেঁফতার করবার সময় বাধা দিয়েছিল?’

‘আমার প্রশ্নের উত্তর দিচ্ছিল না, তাই...’

‘কোন অধিকারে তুমি জখম করেছ ওকে?’ হঠাৎ প্রশ্ন করবারই বা অধিকার দিয়েছে কে?’ ধমক তো নয় যেন চারুকী পড়ল পুলিশ অফিসারের পিঠে। ‘হতচ্ছাড়া, পাজি, গর্দভ কোথাকার! জানো তুমি, কতখানি ক্ষতি হয়েছে যেতে পারত? ভবিষ্যতে নিজের ক্ষমতার সীমা যদি লঙ্ঘন করো, আমি নিজে তোমার উপযুক্ত ব্যবস্থা করব। গৈয়ো, মুখ, ডুর্ভাগ্য কোথাকার!’

দুই চোখে আতঙ্কের ছায়া পড়ল পুলিশ অফিসারের। শুকনো ঠোট দুটো চেটে নিল একবার।

‘আমি, আমি চিন্তা করেছিলাম...’

‘চিন্তা ভাবনাটা যোগ্য ব্যক্তির জন্যে তুলে রেখো। ওটা তোমার মত গর্দভের কর্ম নয়।’ আরেকবার বুড়ো আঙুল দিয়ে রানার দিকে ইঙ্গিত করল আগন্তুক। ‘এই লোকটাকে এখান থেকে বের করে আমার গাড়িতে তুলে দাও। ওকে সার্চ করা হয়েছে ঠিক মত?’

‘নিশ্চয়ই,’ কাঁপা কাঁপা গলায় বলল পুলিশের ও. সি.। ‘ভালভাবে সার্চ করা হয়েছে—আগাগোড়া।’

‘তোমার এই কথা কতখানি নির্ভরযোগ্য তাতে আমার যথেষ্ট সন্দেহ আছে।’ রানার দিকে চেয়ে ডান ভুরুটা একটু ওপরে ওঠাল আগন্তুক। বলল, ‘আমার কি নিজের হাতে একবার সার্চ করতে হবে, না কোনও অস্ত্র থাকলে নিজেই বের করে দিয়ে আমাকে এই গ্লানিকর কাজ থেকে রেহাই দেবেন।’

‘আমার টুপির তলায় ছুরি আছে একটা।’

‘অসংখ্য ধন্যবাদ।’ টুপি উঠিয়ে ছুরিটা তুলে নিল আগন্তুক, তারপর যথেষ্ট ভদ্রতার সাথে আবার টুপিটা রাখল রানার মাথার ওপর। বোতাম টিপতেই সড়াৎ করে খুলে গেল শিপ্রং-লোডেড ছুরি। তীক্ষ্ণ ধার দেয়া ব্লেডটা পরীক্ষা করে দেখল

সে একবার, ছুরিটা ভাঁজ করে রাখল কোটের পকেটে, তারপর ফিরে চাইল পুলিশ অফিসারের রক্তশূন্য মুখের দিকে।

‘এমন করিৎকর্মা লোক তুমি—প্রমোশন তোমার ঠেকায় কে!’ ঘড়ির দিকে চাইল সে একবার। ‘যাক, রওনা হতে হবে এখন। আচ্ছা! তোমার এখানে টেলিফোন আছে দেখছি। আমাকে হেডকোয়ার্টার এ-আরবিকে-র লাইন দাও—জলদি।’

চমকে উঠল রানা। যদিও ক্রমেই পরিষ্কার হয়ে আসছিল রানার কাছে লোকটার পরিচয়, তবু নিশ্চিত জ্ঞান লাভ করে সত্যিই চমকে উঠল সে। ইণ্ডিয়ান আর্মি ইন্টেলিজেন্সের বাছাই করা সেরা লোকদের নিয়ে গঠন করা হয়েছে এই অ্যান্টি রেভোলিউশন ব্যুরো অফ কাশ্মীর। কাশ্মীরী বিপ্লবীদের দমন করবার জন্যে এদের হাতে প্রচণ্ড ক্ষমতা দিয়েছে ভারত সরকার। এদের নির্মম অত্যাচারের কাহিনী ঢাকায় বসেও শুনেছে সে বহুবার। সেই এ-আরবিকে-র ভয়াবহ হেডকোয়ার্টার। হাজার হাজার আজাদীকামী কাশ্মীরী মুসলমান প্রাণ দিয়েছে এদের চাবুকের মুখে। এদেরই হেডকোয়ার্টারে নিয়ে যাচ্ছে ওকে!

‘বাহ! দেখছি নামটা আপনার কাছে অপরিচিত নয়?’ আগন্তুক হাসল। ‘পাকিস্তান থেকে যথেষ্ট জ্ঞান অর্জন করে এসেছেন দেখছি।’ হঠাৎ ঘুরল সে পুলিশ ইন্সপেক্টরের দিকে, ‘কি? তোমার কি হলো আবাব?’

‘টেলিফোনটা খারাপ হয়ে আছে, স্যার।’

‘তা তো হবেই। কোনও দিক থেকেই তোমার কোনও তুলনা হয় না।’ পকেট থেকে একটা আইডেন্টিটি কার্ড বের করে পুলিশ অফিসারের চোখের সামনে ধরল সে কয়েক সেকেন্ড। ‘তোমার কর্মক্ষেত্রে নিয়ে যাওয়ার পক্ষে এই পরিচয়ই তো যথেষ্ট, তাই না?’

‘নিশ্চয়ই কর্নেল, নিশ্চয়ই। আপনি যা বলবেন তাই হবে।’

‘বেশ!’ কার্ডটা পকেটে রেখে রানার দিকে ফিরল আগন্তুক। বলল, ‘কর্নেল সুবান্দিও অফ এ-আর. বি. কে. অ্যাট ইয়োর সার্ভিস, স্যার। বাইরে গাড়ি দাঁড়িয়ে আছে আপনার জন্যে। এক্ষুণি শ্রীনগর ফিরে যাচ্ছি আমরা। আমি এবং আমার সহকর্মীবৃন্দ কয়েক সপ্তাহ ধরেই আপনার জন্যে অধীরভাবে অপেক্ষা করছিলাম। চলুন কিছু আলাপ-আলোচনা করা যাবে।’

দুই

রানার সুটকেসটা কর্নেল সুবান্দিওর নির্দেশে ট্রাকের পেছন থেকে নিয়ে আসা হলো, গাড়ির পেছনের সীটে রাখা হলো সেটা। পিস্তলটা রেখে দিল কর্নেল পকেটে। কালো শেভোলে গাড়ি এখন সাদা তুষারচ্ছন্ন হয়ে আছে সামনেটুকু ছাড়া। এঞ্জিনের ওপরের বনেটটা গরম হয়ে আছে বলে তুষার জমতে পারছে না, গলে পড়ে যাচ্ছে নিচে।

রানাকে ড্রাইভারের পাশের সীটে বসানো হলো। তারপর হাত-পা বুক-পেট নিশূন হাতে আচ্ছা করে বেঁধে ফেলা হলো গাড়ির বডির সাথে ফিট করা লোহার চেন দিয়ে। একচুলও বাড়তি নড়াচড়ার ক্ষমতা রইল না আর।

‘গাড়িতে আমরা একটু বিশেষ ব্যবস্থা রাখি, তা অবশ্য যাত্রীদের নিরাপত্তার জন্যেই,’ বিনয় করে বলল কর্নেল। ‘আমার যাত্রীদের অনেকের আবার আত্মহত্যার নেশায় পেয়ে বসে, কিছুতেই হেডকোয়ার্টারে যেতে চায় না।’ বাঁধা শেষ করে বলল, ‘আরাম করে বসে যেতে পারবেন, একটু-আধটু নড়াচড়াও করতে পারবেন, কিন্তু আমার নাগাল পাবেন না হাজার চেষ্টা করলেও। দরজা খুলে লাফিয়েও পড়তে পারবেন না, কারণ লক্ষ্য করলেই দেখতে পাবেন আপনার দিকের দরজা খোলার হাতলটা নেই। আর শিকল ছেঁড়ার ব্যর্থ চেষ্টা করতে আমি মানাই করব, কারণ...আরে, তুমি আবার কি চাও?’

‘আপনাকে বলতে ভুলে গিয়েছিলাম, কর্নেল, আমাদের শ্রীনগর স্টেশনে এই লোকটার জন্যে গাড়ি পাঠাবার মেসেজ দিয়েছিলাম,’ ভয়ে ভয়ে বলল পুলিশ অফিসার।

‘তাই নাকি? কখন?’

‘পনেরো-বিশ মিনিট আগে।’

‘বুদ্দ, কাহিকে! আমাকে আগেই বলা উচিত ছিল সে-কথা। যাক, ক্ষতি নেই কোনও। তোমার নিজের বোকামির জন্যে নিজের চিপাটমেন্ট থেকে কিছু গালাগালিও উপরি-পাওনা হিসেবে উপার্জন করে রাখলে আর কি।’

দড়াম করে দরজা বন্ধ করে কার্টসিটটি জেলে দিল কর্নেল, যাতে রানার কার্যকলাপ পরিষ্কার দেখা যায়, তারপর ফুটল গাড়ি শ্রীনগরের পথে। গাড়ির চারটে চাকাতেই স্লো-টায়ার লাগানো। দক্ষ হাতে স্টিয়ারিং ধরে বসে আছে সুবান্দ্রিও, নীল চোখের তীক্ষ্ণ দৃষ্টি মাঝে মাঝে রাস্তা ছেড়ে চট করে ঘুরে যাচ্ছে রানার ওপর দিয়ে।

স্থির দৃষ্টিতে সামনের দিকে চেয়ে বসে আছে রানা। কর্নেলের নিষেধ সত্ত্বেও শিকলগুলো অলক্ষ্যে পরীক্ষা করে দেখেছে সে ইতোমধ্যেই। অসম্ভব। এবার মাথা ঠাণ্ডা রেখে ভবিষ্যতের কথা ভাবতে চেষ্টা করল। মানুষের জীবনে দৈব-ঘটনা ঘটে। রানার জীবনেই ঘটেছে কতবার। কিন্তু সে অন্য ধরনের। তবে এ-আরবিকে হেডকোয়ার্টারের টরচার চেম্বার থেকে আজ পর্যন্ত কেউ কখনও রক্ষা পায়নি। রানা জানে, সে-ও পাবে না। একবার ঢুকলে সব আশা শেষ। যদি পালাতে হয়, তাহলে এই গাড়ি থেকেই পালাতে হবে। এবং এক ঘণ্টার মধ্যেই।

জানালায় কাঁচ তুলবার-নামাবার হ্যাণ্ডেলটা নেই। থাকলেই বা কি হত—জানালা খোলা থাকলেও তো সে বাইরের হ্যাণ্ডেল পর্যন্ত হাত বাড়াতে পারত না। স্টিয়ারিং-এও পৌঁছবে না ওর হাত, মনে মনে হিসেব করে দেখেছে সে, অন্ততপক্ষে ইঞ্চি দুয়েক ফাঁক থাকবে চেষ্টা করতে গেলে। পা দুটো কিছুদূর নড়ানো যাচ্ছে, কিন্তু লাখি দিয়ে সামনের উইণ্ডস্ক্রীন ভেঙে দিয়ে অ্যাক্সিডেন্ট ঘটানোর কোনও বন্দোবস্ত নেই। অত উঁচুতে উঠানো যাচ্ছে না পা। মাথার মধ্যে রানার চিন্তা আসছে একটার পর একটা, রাস্তার পাশের ল্যাম্পপোস্টগুলোর মতন,

তারপর হারিয়ে যাচ্ছে পেছনে। পথ খুঁজে পাচ্ছে না রানা। তাছাড়া কোনও উপায় বের না করে মুখের মত কিছু একটা করে বসা ঠিক হবে না, বুঝল রানা। তাহলে কানের পেছনে পিস্তলের বাটের একটা টোকা মেরে ঘুম পাড়িয়ে দেবে চতুর কর্নেল। ঘুমিয়ে ঘুমিয়েই পৌছে যাবে হেডকোয়ার্টারে। এমন অসহায় অবস্থায় পড়ে ক্ষোভে দুঃখে মাথার চুল ছিড়তে ইচ্ছে করল ওর।

আচ্ছা, পকেটে কি কি আছে? এমন কিছু কি নেই যা ব্যবহার করা যায়? শক্ত কিছু, যেটা মাথায় ছুঁড়ে মেরে ব্যাটাকে বেহঁশ করে গাড়িটা ধাক্কা খাওয়ানো যায়? অ্যাক্সিডেন্ট হলে অবশ্য সে-ও জখম হতে পারে, কিন্তু আগে থেকে সাবধান থাকলে না-ও হতে পারে। হ্যাণ্ডকাফের চাবিটা কোথায় রাখা হয়েছে ও জানে। কাজেই...

কিন্তু খুঁটিয়ে খুঁটিয়ে চিন্তা করে দেখল রানা ওর পকেটে পয়সা ছাড়া শক্ত কিছুই নেই। জুতো? একটা জুতো খুলে চেপ্টা করে দেখবে নাকি? নাই, হাতটা পৌছবে না পা পর্যন্ত। আরেকটা কথা চট করে মাথায় এলো রানার—এতে বাঁচবার কিছু সম্ভাবনা থাকতে পারে। ঠিক এমনি সময়ে কথা বলে উঠল কর্নেল।

‘আপনি দেখছি ভয়ঙ্কর লোক, মশাই। প্রয়োজনের অতিরিক্ত চিন্তা করেন আপনি, মি. রাও।’

রানা কোন জবাব দিল না।

‘এত ভয়ঙ্কর আর এত দৃঢ়সংকল্প মানুষ আর আপনি আগে ওই সীটে। কোথায় চলেছেন আপনি জানেন, অথচ পরোয়া নেই কেমনও।’

এবারও কোন জবাব দিল না রানা। মাথার মধ্যে একটু আগের সেই প্ল্যানটা ঘুরছে ওর। বিপদ আছে, কিন্তু সাফল্যের সম্ভাবনাও আছে। ঝুঁকিটা নিতেই হবে।

‘চুপ করে রইলেন যে?’ জিজ্ঞেস করল কর্নেল। একটা সিগারেট ধরিয়ে কাঠিটা ছুঁড়ে ফেলল জানালা দিয়ে বাইরে। রানা বুঝল এ-ই সুযোগ। ‘কোনও অসুবিধে হচ্ছে না তো আপনাকে?’

‘না তেমন কিছু নয়,’ বলল রানা। ‘তবে একটা সিগারেট হলে মন্দ হত না।’

‘নিশ্চয়ই, নিশ্চয়ই,’ ব্যস্তসমস্ত ভাবে বলল সুবান্দ্রিও। ‘আপনার সামনে গ্লাভ কম্পার্টমেন্টে সিগারেট আছে। অতিথিদের জন্যেই এগুলো রাখা। বিনা দ্বিধায় ব্যবহার করুন।’

‘ধন্যবাদ।’ ড্যাশবোর্ডের ওপর উঁচু একটা জিনিসের দিকে ইঙ্গিত করে রানা জিজ্ঞেস করল, ‘লাইটার না ওটা?’

‘হ্যাঁ, ব্যবহার করুন।’

দুই হাত সামনে বাড়িয়ে ওটা টিপে ধরল রানা কয়েক সেকেন্ড, তারপর বের করে আনল লাইটারটা, লাল হয়ে আছে মাথাটা। সিগারেটটা ধরাতে যাবে এমন সময় হাত থেকে ফস্কে পড়ে গেল সেটা মেঝেতে। নিচু হয়ে ধরতে চেপ্টা করল রানা, কিন্তু কিছুদূর গিয়ে থেমে গেল হাতটা শিকলে বেধে।

হেসে উঠল সুবান্দ্রিও। সোজা হয়ে ফিরে চাইল রানা ওর মুখের দিকে। কর্নেলের হাসিতে বিদ্রূপ নয়, বরং প্রশংসা আছে।

‘বাহ, চমৎকার! আপনি অত্যন্ত বুদ্ধিমান লোক, মি. রাও। এবং ভয়ঙ্কর। এ ব্যাপারে আরও নিশ্চিত হলাম আমি।’ সিগারেটে লম্বা করে একটা টান দিল কর্নেল, তারপর বলল, ‘আমার জন্যে তিনটে পথ এখন খোলা আছে, তাই না? কিন্তু দুঃখিত, তিনটে কাজের একটাও করব না আমি। চতুর্থ আরেকটা পথ বের করে নিয়েছি।’

‘কি বলছেন কিছু বুঝতে পারছি না আমি,’ বলল রানা।

আবার হেসে উঠল সুবান্দ্রিও। ‘বিস্মিত হবার অভিনয়টাও চমৎকার হয়েছে। যা বলছিলাম, তিনটে পথ খোলা ছিল আমার। প্রথম, ভদ্রতা করে আমি নিচু হয়ে লাইটারটা তুলে দিতে পারতাম, আর নিচু হওয়া মাত্রই মাথার পেছনে হ্যাণ্ডকাফ দিয়ে জোরে আঘাত করে আপনি আমাকে অজ্ঞান করে ফেলতেন। আর হ্যাণ্ডকাফের চাবিটা কোথায় আছে তা-ও আপনার জানা আছে—না দেখার ভান করে খুব মনোযোগ দিয়ে আগেই লক্ষ্য করেছেন আপনি সেটা।’

যেন কিছুই বুঝতে পারছে না এমনভাবে চাইল রানা ওর দিকে। কিন্তু ভেতরে ভেতরে পরিষ্কার বুঝল, হেরে গেছে সে। ধরা পড়ে গেছে।

দ্বিতীয়ত, আমি ম্যাচ বাজ্রটা ছুঁড়ে দিতে পারতাম আপনার দিকে। একটা কাঠি জ্বেলে বাকি সবগুলোর মাথায় আগুন ধরিয়ে ছুঁড়ে মারতেন সেটা আমার মুখের ওপর—ব্যালাস হারিয়ে পড়ে যেত গাড়ি ডিচের মধ্যে। তারপর কি হত কে জানে! অ্যাক্সিডেন্ট হলেও তো অনেকে বেঁচে যায়! আর তৃতীয়ত, আমি হয়তো একটা কাঠি জ্বেলে আপনার সিগারেটটা ধরিয়ে দিতাম—অমনি ফিস্কার জুড়ো, মডমড করে আমার আঙুলগুলো ভেঙে যেতো, তারপর এগিয়ে এসে রিস্ট লক, বাস চাবিটা এসে যেত হাতের কাছে। অত্যন্ত দুর্ভাগ্য লোক আপনি, মি. রাও।’

‘খামোকা বাজে বকছেন,’ বলল রানা গভীরভাবে।

‘হতে পারে। আমার সন্দেহই প্রবল মন। কিন্তু সন্দেহপ্রবণ বলেই টিকে আছি আজ পর্যন্ত। এই নিন, দেখুন আমার চতুর্থ পথটা পছন্দ হয় কিনা।’ একটা ম্যাচের কাঠি ফেলল কর্নেল রানার কোলের ওপর। ‘ওই লোহাটার ওপর ঘষলেই জ্বলে উঠবে কাঠি। ওটা দিয়ে সিগারেট ধরিয়ে নিন।’

চূপচাপ সিগারেট ধরাল রানা। অভ্যেস নেই, কেশে উঠল ধোঁয়া টেনে। হঠাৎ জোরে ব্রেক কষে বড় রাস্তা ছেড়ে বাঁয়ের একটা সরু গলিতে চলে গেল কর্নেল। কিছুদূর গিয়ে বড় রাস্তার সাথে সমান্তরালভাবে গজ বিশেক দূরে দাঁড়িয়ে পড়ল গাড়ি তুষার ছাওয়া কয়েকটা ঝোপের আড়ালে। এঞ্জিন বন্ধ করে হেড লাইট অফ করে দিল সে। ডান ধারের জানালাটা সম্পূর্ণ খুলে দিয়ে ফিরল রানার দিকে। কার্টেসি লাইটটা কেবল জ্বলছে গাড়ির মধ্যে।

রানার সূটকেসটা খুলে ফেলল কর্নেল সুবান্দ্রিও রানার পকেট থেকে চাবি বের করে নিয়ে। নিপুণ হাতে একটা ক্যানভাস লাইনিং ছিঁড়ে বের করল কয়েকটা কাগজ—যেন জানাই ছিল ওর কোথায় কি আছে।

‘বাহ! একমুহূর্তে আপনার সমস্ত পরিচয় পালেট গেল, মি. রাও। নাম, জন্মস্থান, পেশা, সবকিছু। চমৎকার! দুই পরিচয়ের কোনটা বিশ্বাস করতে বলেন?’

‘আগেরটা জাল।’ এইবার হিন্দি ছেড়ে কাশ্মীরী স্থানীয় উর্দু ভাষায় কথা বলে

উঠল রানা। 'লাহোরে আমার মা মৃত্যুশয্যায়, তাই জাল পরিচয়পত্র নিয়ে দেখতে গিয়েছিলাম। এ-ছাড়া আমার আর কোন উপায় ছিল না।'

'আচ্ছা! তা আপনার মা...'

'মারা গেছেন,' শোকার্ত কণ্ঠে বলল রানা।

'ইম্মালিল্লাহে ওয়া ইন্না ইলাইহে রাজেউন!' সশব্দে হেসে উঠল কর্নেল।

'কারও মায়ের মৃত্যু নিয়ে এভাবে ইয়ার্কি মারা আপনাদেরই সাজে,' আহত গলায় বলল রানা।

'আমি সেজন্যে দুঃখিত, মি. আবদুল্লাহ হারুন। আমি আসলে হাসছিলাম আপনার নির্ভুল শ্রীলঙ্কারী উর্দু শুনে। তাহলে শ্রীলঙ্কারেই জন্ম আপনার?'

'জী। আমার নাম, ঠিকানা, জন্মতারিখ, সবকিছুই ঠিক ঠিক পাবেন শ্রীলঙ্কার মিউনিসিপ্যালিটি অফিসে। এমন কি...'

'বুঝেছি, বুঝেছি,' একটা হাত তুলে বাধা দিল কর্নেল সুবান্দ্রিও। 'আমার আর কোনও সন্দেহ নেই। এমন কি যে স্কুল-ডেস্কের ওপর ছোটকালে রেড দিয়ে নিজের নাম খোদাই করেছিলেন সেটাও যে আপনি দেখাতে পারবেন তাতে আমার আর কোনও সন্দেহ নেই। কিন্তু আপনার এবং আপনার ওপর-ওয়ালাদের প্রশংসা না করে পারছি না। পাকিস্তান যে এত এগিয়ে গেছে কল্পনাতেও ছিল না আমার। সত্যি বলছি, রীতিমত হিংসেই হচ্ছে।'

'আপনি মিথ্যে আমাকে সন্দেহ করেছেন কর্নেল। আমি সাধারণ একজন কাশ্মীরী। আমি জোরের সাথে একথা প্রমাণ করতে পারি। পরিচয় জাল করে অন্যায় করেছি আমি, স্বীকার করি, কিন্তু ঐকি আমার মা মারা যাচ্ছে—সেদিকটা দেখবেন না আপনারা? আমার নিজের দেশের কোনও ক্ষতি তো আমি করিনি। আমি তো পাকিস্তানে পালিয়েই যেতে পারতাম, কিন্তু আমার সে ইচ্ছে নেই। আমার দেশ কাশ্মীর, আমার জন্মস্থানে, আমার দেশে আমি ফিরে এসেছি।'

'কি বললেন? দেশে ফিরে এসেছেন? আমি প্রমাণ করে দিতে পারি, জীবনে আপনি কখনও শ্রীলঙ্কারে যাননি, ফিরে আসা তো দূরের কথা।' রানার চোখে চোখে চেয়ে কথা বলছিল কর্নেল, হঠাৎ মুখের ভাব বদলে গেল, বলল, 'পেছনে কে?'

ঝট করে ঘুরে পেছনে চাইল রানা। ঘুরেই বুঝল বোকামি হয়ে গেছে। কথাটা কর্নেল সুবান্দ্রিও বলেছে পরিষ্কার বাংলায়। মুখে ওর মুচকি হাসি।

'এসব অত্যন্ত ছেলেমানুষি কৌশল, কর্নেল। আমি বাংলা জানি। আমার বাবা বাঙালী ছিলেন। বাংলা জানাটা আমার জন্যে অপরাধ নয়,' ভাঙা বাংলায় বলল রানা।

এবার হো হো করে উচ্চ স্বরে হেসে উঠল সুবান্দ্রিও।

'স্পাই জগতে আপনি এক উজ্জ্বল জ্যোতিষ্ক, মিস্টার আবদুল্লাহ হারুন। অত্যন্ত মূল্যবান রত্ন। আপনাকে সবকিছু শিখিয়ে পাঠানো হয়েছে এখানে, কি উদ্দেশ্যে তা একমাত্র ভগবানই জানেন, কিন্তু একটা জিনিস আপনাকে শেখাতে পারেনি তারা। সেটা হচ্ছে একজন সত্যিকারের কাশ্মীরী মুসলমানের মানসিকতা। নির্মম অত্যাচারে মুসলিম জনসাধারণের মেরুদণ্ড আজ প্রায় ভেঙে দিয়েছি আমরা।

সোজা হয়ে হাঁটতেও আজ তারা ভয় পায়, পাছে বিপ্লবী মনে করে ধরে নিয়ে গিয়ে তাকে নিষ্ঠুরভাবে হত্যা করা হয়। জোরে হাসতে পর্যন্ত দেয়া হয় না ওদের। আর তাদের কাউকে যদি এই গাড়িতে করে নির্যাতন করবার জন্যে হেডকোয়ার্টারে নিয়ে যাওয়া হত তাহলে আপনার মত নির্বিকার মুখে বসে থাকা তাদের পক্ষে অসম্ভব হত। অনেক লোককে ধরে নিয়ে গেছি আমি এই গাড়িতে। তাদের ভয় আর কান্না দেখে আমারই কঁদে ফেলতে ইচ্ছে করেছে। আপনি তাদের কেউ হতেই পারেন না। আপনি যদি...

হঠাৎ কথা বন্ধ করে কার্টসি লাইটটা নিভিয়ে দিল সুবান্দিও। জানালাটা তুলে দিল ওপরে। বেশ কিছু দূর থেকে একটা এঞ্জিনের গর্জন কানে এল রানার। হাতের সিগারেটটা নিচু করে রাখল কর্নেল। একটা গাড়ি চলে গেল বড় রাস্তা দিয়ে পশ্চিমে। আধ মিনিট চুপচাপ থেকে এঞ্জিন চালু করল কর্নেল। পিছিয়ে এসে উঠে পড়ল আবার বড় রাস্তায়। উইণ্ডস্ক্রীন ওয়াইপারটা চালিয়ে দিয়ে তুষার সরিয়ে ফেলল। তারপর ছুটল গাড়ি শ্রীনগরের পথে।

মাইল তিনেক থাকতেই আবার মেইন রোড থেকে সরে গেল কর্নেল। অনেকগুলো সরু আঁকাবাঁকা গলি ঘুরে এগিয়ে চলল গাড়ি। অনেকখানি উঁচু হয়ে তুষার জমেছে এই রাস্তায়। গাড়িটা রাস্তা থেকে সরে বারবার গর্তে পড়তে চাইছে। খুব সতর্ক হয়ে চালাতে হচ্ছে গাড়িটা, কিন্তু তার মধ্যে প্রতি তিন-চার সেকেন্ডে অন্তর অন্তর একবার করে দৃষ্টি ফেলছে সে রানার ওপর। রানা হিসেব করে দেখল আর বড়জোর দশ মিনিট সময় আছে হাতে। শ্রীনগরের মধ্যে চলে এসেছে ওরা।

নির্জন শ্রীনগরের রাস্তা। দু'পাশে বাড়িঘর, দোকান-পাট, হোটেল-রেস্তোরা। চারদিকে মৃত্যুর মত শীতল শুষ্কতা। এইবার অসংখ্য ছবি আর ম্যাপ দেখে মুখস্থ করা রাস্তাঘাট-পার্ক-লেক জীবন্ত হয়ে উঠল ওর চোখের সামনে, সব চিনতে পারছে সে অক্লেশে। যেন সিনেমা দেখছে এমনি একটা অনুভূতি হলো রানার। অবাস্তব লাগছে সবকিছু।

এইবার হাবাহ্ ব্রিজ পেরিয়ে এগিয়ে চলল শেড্রোলে। ধক করে উঠল রানার বুকের ভেতরটা। মোড় ঘুরলেই গুলনার রোড। এসে গেছে এ-আরবিকে হেডকোয়ার্টার। রানা বুঝল, ভয় পেয়েছে সে। গতি কমে এল গাড়ির। তীক্ষ্ণ দৃষ্টিতে রানার মুখের দিকে চাইল কর্নেল।

‘কোথায় এসেছেন, চিনতে পারছেন আশা করি?’ গাড়িটা থেমে দাঁড়াল।

‘আপনাদের হেডকোয়ার্টার।’

‘ঠিক বলেছেন। এখানটায় এসেই আপনার উচিত ছিল জ্ঞান হারিয়ে চলে পড়া, বিকায়স্তের মত প্রলাপ বকা, অথবা ভয়ে কঁদে ওঠা। সবাই তাই করে। কিন্তু আপনি করছেন না।’ রানার দিকে তীক্ষ্ণ নীল দৃষ্টিতে চাইল কর্নেল। তারপর বলল, ‘আপনাকে আপাতত একটা ছোট সাউণ্ডপ্রুফ অ্যাপার্টমেন্টে নিয়ে যাচ্ছি। আপনার জন্যে বিশেষ ব্যবস্থা হবে সেখানে।’

আরও কয়েক সেকেন্ড এক অদ্ভুত দৃষ্টিতে রানার চোখের দিকে চেয়ে রইল কর্নেল। তারপর ওর চোখের ওপর একটা রুমাল বেঁধে দিয়ে গাড়ি ছেড়ে দিল। দশ মিনিট ধরে এঁকেবেঁকে ডাইনে বাঁয়ে চলল গাড়িটা। দিক ভুলে গেল রানা।

কয়েকটা বড়-বড় ঝাঁকি খেলো, একটা সরু গলি দিয়ে কিছুদূর গিয়েই থেমে দাঁড়াল গাড়ি জোরে ব্রেক কষে। একজনের শব্দ শুনে রানা বুঝল কোনও বন্ধ জায়গায় এসে দাঁড়িয়েছে গাড়ি। এঞ্জিন বন্ধ হয়ে যেতেই খটাং করে পেছনের একটা লোহার গেট বন্ধ হয়ে যাবার শব্দ শোনা গেল।

রানার পাশের দরজাটা খুলে গেল। শিকলগুলো খুলে দিল কেউ। গাড়ি থেকে ওকে নামিয়ে চোখের বাঁধনটা খুলে দিল একজন।

উজ্জ্বল আলোয় কয়েকবার চোখ মিটমিট করল রানা। একটা বড়সড় গ্যারেজের মধ্যে দাঁড়িয়ে আছে সে। দেয়ালের গায়ের একটা ছোট দরজা দিয়ে বাড়ির ভেতরে ঢুকবার ব্যবস্থা। রানা এবং দরজাটার ঠিক মাঝখানে দাঁড়িয়ে আছে একজন লোক। এই লোকটাই ওর শিকল খুলে দিয়েছিল। বিস্মিত দৃষ্টি মেলে দেখল রানা লোকটাকে। এই লোক থাকতে এ-আরবিকে-র আর নির্যাতনের অন্য কোনও যন্ত্র নিশ্চয়ই প্রয়োজন হয় না। ওই প্রচণ্ড শক্তিশালী হাত দিয়ে ও যে-কোনও মানুষকে ছিড়ে টুকরো টুকরো করে ফেলতে পারে। রানার সমানই হবে লম্বায়, কিন্তু কাঁধটা প্রকাণ্ড, মস্ত উঁচু বুক, বীভৎস মুখের চেহারা। ভয়ঙ্কর দর্শন এক গরিলা বিশেষ। কিন্তু রানা লক্ষ করল ওই বীভৎস মুখের সাথে সম্পূর্ণ বেমানান এক জোড়া শান্ত সরল চোখ চেয়ে আছে ওর দিকে।

কর্নেল সুবান্দ্রিও গাড়ি থেকে নেমে সশস্ত্র দরজা বন্ধ করল। ঘুরে এসে দাঁড়াল রানার সামনে। প্রকাণ্ড লোকটার পাশে ওকে সরু একটা ঝাঁটার কাঠির মত লাগল রানার। রানার দিকে ইশারা করল কর্নেল।

‘আজকের আসরের বিশিষ্ট শিল্পী। চমৎকার কাওয়ালী গাইবে আজ রাতে। চীফ ঘুমিয়ে পড়েছে, খান?’

‘না। আপনার জন্যে অপেক্ষা করছেন অফিস কামরায়।’ যেন প্রকাণ্ড একটা জ্বালার মধ্যে থেকে কথাগুলো বেরোল। গমগম করে উঠল গ্যারেজটা।

‘চমৎকার! কয়েক মিনিটের মধ্যেই আসছি আমি। তুমি এই ভদ্রলোককে একটু দেখো। খুব সাবধান থাকবে—আপের চেয়েও ভয়ঙ্কর এই লোক।’

‘আমি লক্ষ রাখব,’ বলল খান। উর্দুর মধ্যে পশতু টান। রানা বুঝল লোকটা আফ্রিদি।

রানার সুটকেসটা হাতে নিয়ে চলে গেল কর্নেল। দেয়ালের গায়ে হেলান দিয়ে দাঁড়াল খান। দুই ভিম-বাহ বুকের ওপর ভাঁজ করা। হঠাৎ সোজা হয়ে গেল খান—এক পা এগিয়ে এল রানার দিকে। বলল, ‘শরীর খারাপ করছে আপনার?’

‘না, না। ঠিক আছি আমি।’ রানার গলাটা ফ্যাসফেসে শোনাল, দ্রুত শ্বাস নিচ্ছে সে, অল্প অল্প দুলছে ওর শরীরটা। শিকল বাঁধা হাত দুটো তুলে ঘাড়ের পেছনটা চেপে ধরল, গাল দুটো কুঁচকে গেল একটু। ‘মাথার পেছনটা... আমার মাথার পেছনটা...’

আরেক পা এগিয়ে এল খান, তারপর দ্রুতপায়ে ছুটে এল সামনে রানা চোখ উল্টে পড়ে যাচ্ছে দেখে। এভাবে পড়ে গেলে মাথাটা শানে পড়ে ফেটে যেতে পারে, মারাও যেতে পারে—তাই লাফিয়ে ছুটে এল খান দুই হাত বাড়িয়ে।

দেহের সর্বশক্তি দিয়ে মারল রানা খানকে। দুই হাত জড় করে কারাতের

কোপ। ঘাড়ে। কানের একটু নিচে। জীবনে এত প্রচণ্ড আঘাত সে আর কাউকে করেনি। মনে হলো যেন হাত দুটো পড়ল কোন কাঠের গুঁড়ির ওপর। ব্যথায় ককিয়ে উঠল রানা। কড়ে আঙুল দুটো ভেঙেই গেছে বুঝি।

মানুষ খুন করবার জন্যে কারাতের এই মারণাঘাত। যে-কোনও স্বাস্থ্যবান লোককে খুন করবার পক্ষে এই আঘাতই যথেষ্ট। মারা না গেলেও কয়েক ঘণ্টার জন্যে যে অজ্ঞান হয়ে মাটিতে পড়ে থাকবে তাতে সন্দেহ নেই। কিন্তু খান কেবল চমকে উঠল একটু। মাথাটা একটু ঝাড়া দিয়ে নিল। গতি কমাল না একটুও। রানা যাতে পা চালাতে না পারে সেজন্যে একটু সরে গেল শুধু।

রানার দুই বাইসেপ ধরে দেহের সমস্ত ওজন দিয়ে চেপে ধরল খান গাড়ির সাথে। অসহায় রানা অবাক হয়ে চেয়ে থাকল ওর মুখের দিকে। এই সাজাতিক মারকেও কোনও লোক যে অবজ্ঞা করতে পারে সে-ধারণা ছিল না ওর। তাজ্জব হয়ে সে কেবল চোখে চোখে চেয়ে থাকল, বাধা দেবার ক্ষমতাও রইল না আর। এবার সাঁড়াশীর মত হাত দুটো চাপতে থাকল রানার দুই বাহু। শান্ত সরল দুই চোখ মেলে চেয়ে আছে সে রানার চোখের দিকে, আর ক্রমেই মাংসের ভেতর বসে যাচ্ছে ওর আঙুলগুলো। রাগ বা হিংসার লেশমাত্র নেই খানের চোখে।

দাঁতে দাঁত চেপে চোয়াল ব্যথা হয়ে গেল রানার। চিকন ঘাম দেখা দিল কপালে। মনে হলো হাড় পর্যন্ত পৌঁছে গেছে খানের আঙুল—এবার হাড় দুটোও গুঁড়ো হয়ে যাবে। ঝাপসা হয়ে গেল চোখের সামনে সবকিছু, দুলতে থাকল পৃথিবীটা। ঠিক এমনি সময়ে ছেড়ে দিল ওকে খান। কয়েক পা পিছিয়ে গিয়ে আন্তে আন্তে ডলছে সে এখন নিজের ঘাড়টা।

‘এর পরের বার আরেকটু ওপরে সিপ দেব,’ শান্ত গলায় বলল খান। ‘ঠিক যেখানে আমাকে মেরেছেন, ওইখানে। দেখুন তো, এই অনর্থক বোকামির কোন মানে হয়? শুধু শুধু দু’জনেই ব্যথা পলাম।’

ধীরে ধীরে তাঁর ব্যথাটা ক্রমে এল। খানের চোখ সতর্ক থাকল রানার পরবর্তী কৌশল প্রতিরোধ করবার জন্যে। ঠিক পাঁচ মিনিট পর খুলে গেল দরজা। আঠারো-উনিশ বছর বয়সের একটা ছোকরা এসে দাঁড়িয়েছে দরজায়। পাতলা ছিপছিপে। কাউ-বয় ড্রেস পরা। চুলটা শাম্মী কাপরের মত। দাড়ি গৌফ ওঠেনি এখনও, কিন্তু চালচলন বড় মানুষের মত। রানার আপাদমস্তকে একবার দৃষ্টি বুলিয়ে নিয়ে বুড়ো আঙুল দিয়ে পেছন দিকে ইঙ্গিত করল সে।

‘ওকে অফিস কামরায় নিয়ে যেতে বলেছে চীফ।’

রানাকে নিয়ে এগোল খান। দুটো ঘর পেরিয়ে একটা বারান্দায় এল ওরা। কিছুদূর সোজা গিয়ে বাঁয়ে মোড় নিল। তারপর ঢুকে পড়ল ডানদিকের দরজা দিয়ে।

বেশ বড়সড় অফিস ঘরে উজ্জ্বল বাতি জ্বলছে। মেঝের ওপর পড়ে আছে ওর জামা কাপড়ের পাশে কুচি কুচি করে কাটা সুটকেস। হ্যাণ্ডেলটা পর্যন্ত ভেঙে দেখা হয়েছে। একটা টেবিলের পাশে দাঁড়িয়ে রয়েছে কর্নেল সুবান্দ্রিও। চেয়ারে বসা লোকটাকে ভালমত দেখা যাচ্ছে না মুখের ওপর একটা থামের ছায়া পড়েছে বলে। এক হাতে ধরে রয়েছে সে রানার জাল কাগজপত্র। টেবিলের ওপর সেগুলো নামিয়ে রেখে চেয়ারে বসা লোকটা কথা বলে উঠল।

‘দুই সেট পরিচয়-পত্রের দুটোই জাল। কাজেই আপনাকে কোনও নামে সম্বোধন করতে পারছি না। আপনার আসল নামটা বলবেন দয়া করে?’ ভদ্রভাবে প্রশ্ন করল সে। তারপর চোখ পড়ল খানের ওপর। ‘তোমার কি হয়েছে খান, ঘাড় ডলছ কেন?’

‘ও মেরেছে,’ লজ্জিত হয়ে বলল খান। ‘কিভাবে কোথায় মারতে হয় জানে লোকটা। আর খুব জোরে মারে।’

‘ভয়ানক লোক!’ বলল কর্নেল। ‘আমি তোমাকে আগেই সাবধান করেছিলাম, খান।’

‘হ্যাঁ। কিন্তু ভদ্রলোক ভারি ধূর্তও। অজ্ঞান হয়ে পড়ে যাবার ভান করেছিল।’

‘তোমাকে মারা মানেই বোঝা যাচ্ছে কি পরিমাণ মরিয়া হয়ে উঠেছে লোকটা। সাহস আছে বলতে হবে। যাক, কি নাম বললেন না?’ চেয়ারে বসা লোকটা বলল।

‘আমি কর্নেল সুবান্দ্রিওকে তো বলেছি, আমার নাম হারুন। আবদুল্লাহ হারুন। আমি এক কুড়ি নাম বানিয়ে বলতে পারি। কিন্তু প্রমাণ করতে পারব না। আমার এই পরিচয় আমি প্রমাণ করতে পারি। এই আমার নাম। আবদুল্লাহ হারুন।’

‘আপনি সাহসী লোক। কিন্তু এখানে আপনাকে সাহসকে বাহবা দেবার লোক পাবেন না, ধুলির সাথে মিশে যাবে আপনার দায়িত্ব ও শক্তি। কেবল সত্য টিকবে, আর কিছু নয়। বলুন আপনার নাম।’ অসহিষ্ণু ভাবে হাত নাড়ল লোকটা। রানা দেখল, নীল কালিতে কয়েকটা অক্ষর টাটকা করা আছে লোকটার বাহতে। পড়া গেল না।

ধীরে ধীরে কেন জানি ভয়ানক একটা যাচ্ছে রানার। এ-আরবিকে সম্পর্কে সে যা জানে কোথায় যেন তার সন্ধান মিল পড়ছে না। এদের ব্যবহারে যে সূক্ষ্ম সৌজন্য প্রকাশ পাচ্ছে সেটা কি প্রকৃতি আসন্ন আঘাতের জন্যে ওকে অপ্রস্তুত করে ফেলবার জন্যে?

‘আমরা অপেক্ষা করছি,’ ধীর স্থির শান্ত সংযত কণ্ঠস্বর। রানা চুপ।

‘বেশ। গায়ের সমস্ত কাপড়-চোপড় খুলে ফেলুন।’

‘কেন?’ বিস্মিত রানা দেখল সুবান্দ্রিওর হাতে একটা পিস্তল।

‘লক্ষী ছেলের মত আদেশ পালন করুন। নইলে আপনার জামা-কাপড় ছিঁড়ে নামাবে খান। আমার পিস্তলটাও প্রস্তুত রইল,’ বলল কর্নেল।

হ্যাণ্ডকাফ খুলে দেয়া হলো। এক মিনিটে সমস্ত জামা কাপড় খুলে মেঝেতে ফেলল রানা। দাঁড়িয়ে রইল ঘরের উজ্জ্বল বাতির নিচে সম্পূর্ণ দিগম্বর অবস্থায়। শীতে ঠকঠক করে কাঁপছে সে।

‘কাপড়গুলো সব এখানে নিয়ে এসো,’ খান। আর পেছনের ওই বেঞ্চের ওপর কস্মল আছে একটা—ব্যবহার করতে পারেন আপনি ইচ্ছে করলে।’

রানা বুঝল ওকে উলঙ্গ করা হলো জামাকাপড়গুলো পরীক্ষা করবার জন্যে—পিটাবার জন্যে নয়। অবাক হলো সে। আরও অবাক হলো, এই শীতের রাতে শত্রুশিবিরে ওর জন্যে কস্মলের ব্যবস্থা দেখে। সৌজন্য, ভদ্রতা, দয়া-মায়া—

এ-আরবিকে হেডকোয়ার্টারে এসব কেন? কঞ্চলটা গায়ে জড়িয়ে নিয়ে বেঞ্চের ওপর বসে পড়ল সে।

ঠিক এমনি সময়ে একটা বন্ধ দরজা খুলে গেল। অপূর্ব সুন্দরী এক মহিলা এসে ঢুকল ঘরের মধ্যে। চেনা-চেনা লাগল রানার, কিন্তু ঠিক মনে পড়ল না কোথায় দেখেছে। চব্বিশ-পঁচিশ বছর বয়স হবে। ঘুম থেকে সদ্য উঠে এসেছে সে। একহাতে চোখ ঘষছে, মুখে বিরক্তির ভাব। খোলা এলোচুল বিছিয়ে পড়েছে পিঠের ওপর।

‘এত রাত পর্যন্ত কিসের বকর-বকর চলেছে তোমাদের? দেড়টা বেজে গেছে সে-খয়াল আছে? একটু ঘুমোতে দেবে, না—’ হঠাৎ রানার কাপড়গুলোর দিকে চোখ পড়ল ওর। ঝট করে ঘুরে চাইল সে রানার দিকে অবাক দুই আয়ত চোখ মেনে।

‘কে...কে ওই লোকটা, জিজির?’

তিন

‘জিজির!’ স্প্রিং-এর মত লাফিয়ে উঠে দাঁড়াল রানা নিজের অজান্তেই। উজ্জ্বল হয়ে উঠল ওর মুখটা আশায়, উৎসাহে। কঞ্চলটা খসে পড়ে যাচ্ছিল, ধরে ফেলল বাম হাতে। এগিয়ে গেল দুই-পা। ‘কি বললেন? জিজির?’

ভয় পেয়ে পিছিয়ে গিয়েছিল মোয়েটা কয়েক পা। একটু সামলে নিয়ে বলল, ‘হ্যাঁ। তাই বলেছি আমি। জিজির!’

‘জিজির!’ বিশ্বাস করতে পারেনা হচ্ছে না রানার। এগিয়ে গেল সে টেবিলের দিকে। এইবার পরিষ্কার দেখতে পেল সে লোকটার মুখ। প্রৌঢ় একজন লোক বসে আছে চেয়ারে। সারা মুখে বড় বড় গভীর ক্ষতচিহ্নের দাগ। জায়গায় জায়গায় সাদা হয়ে আছে চামড়া। আঙনে পুড়ে গিয়েছিল লোকটি বোধহয়। একবার চাইলে আর দ্বিতীয়বার চাইতে ইচ্ছে করে না ওই মুখের দিকে। ‘আপনার নাম জিজির?’

‘হ্যাঁ, আমার নাম জিজির।’

‘দুই নয় ছয় নয় সাত। তাই না?’ রানা চাইল ওর চোখের দিকে। কোন ভাব পরিবর্তন নেই।

‘দুই নয় ছয় নয় সাত কি?’

‘আপনি যদি জিজির হয়ে থাকেন তাহলে নম্বরটা হচ্ছে দুই নয় ছয় নয় সাত,’ বলল রানা লোকটার চোখে চোখ রেখে। বাম হাতটা তুলে নিল নিজের হাতে। কেউ বাধা দিল না। কোটের হাতাটা তুলে দিল খানিকটা ওপরে। সমস্ত হাতটাই পোড়া। লাল-কালো পোড়া দাগ কুৎসিত দেখাচ্ছে। কিন্তু সেই হাতের ওপর নীল হয়ে আছে পরিষ্কার ইংরেজি লেখা ২৯৬৯৭।

‘আমার সম্বন্ধে আপনি কিছু জানেন মনে হচ্ছে?’ সংযত কণ্ঠে জিজ্ঞেস করল জিজির।

‘অনেক কিছু।’ ঘরের সবার দিকে একবার চোখ বুলিয়ে নিয়ে জিজ্ঞেস করল রানা, ‘এঁরা কি আপনার মিত্র? এঁরা সবাই জানেন আপনি কে—মানে আপনার সত্যিকার পরিচয়? এঁদের সামনে কথা বলা যাবে?’

‘নিশ্চিন্তে বলতে পারেন যা খুশি।’

‘জিজির হচ্ছে মুক্তি সংগ্রামীদের সবচাইতে শক্তিশালী দলটির নাম। এই জিজির সেইদিনই ভাঙবে, যেদিন কাশ্মীরে আসবে আজাদী। দলপতি মেজর জেনারেল দিলদার বেগের ছদ্মনামও জিজির। ১৯১০ সালের ১৯ জুলাই আপনার জন্ম মুজাফ্ফরাবাদের শাহকোট। এ খবর জেনেছি আমি মেজর জেনারেল রাহাত খানের কাছ থেকে। ফুঁ দিলে ইলেকট্রিক বাল্ব নেভে কিনা জিজ্ঞেস করতে বলেছেন উনি আপনাকে। এর কি মানে আমি জানি না।’

‘ওটা পুরানো দিনের একটা রসিকতা,’ হাসল জিজির। হেলান দিয়ে বসল চেয়ারটায়। ‘বুড়ো মরেনি তাহলে এখনও। ও সহজে মরবে না, আমি জানতাম, ওর মরণ নেই। ইবলিসের মত ধূর্ত, শয়তান লোক। তেমনি দুর্দান্ত সাহস। বার্মা ফ্রন্টে দুই-দুইবার জীবন বাঁচিয়েছিল আমার। আপনি নিশ্চয়ই ওর ডিপার্টমেন্টে কাজ করেন, মি...?’

‘রানা। মাসুদ রানা। আমি ওঁর অধীনেই চাকরি করি।’

‘ওর চেহারা, স্নায়ু, কাপড়-চোপড়, সবকিছু বর্ণনা করুন।’

নিখুঁতভাবে বর্ণনা করল রানা। মন দিয়ে শুনল জিজির। তিন মিনিট পর হাত তুলে থামতে বলল।

‘হয়েছে, হয়েছে। কাঁচা-পাকা ডুক ছাড়া বাকি সবই ঠিক আছে। আপনি চেনেন ওকে এবং আপনি ওরই লোকপত্রে আর আমার কোনও সন্দেহ নেই। কিন্তু বন্ধু এবার মস্ত ঝুঁকি নিয়ে ফেলেছেন। এমন তো ওর ধারা ছিল না!’

‘অর্থাৎ, আমি ধরা পড়ে গেলে আমাকে সব কথা বলতে বাধ্য করা হত, ফলে আপনিও ফেসে যেতেন?’

‘ঠিক ধরেছেন।’

‘মেজর জেনারেল রাহাত খান এ ব্যাপারে কোনও রিস্ক নেননি। আপনার নাম এবং নম্বরটা ছাড়া আর কিছুই জানা ছিল না আমার। আপনি কোথায় থাকেন বা দেখতে কেমন, ধারণাই ছিল না।’

‘তাহলে আমাদের খুঁজে পেতেন কোথায়?’ চট করে জিজ্ঞেস করল সুবান্দ্রিও।

‘কাফে ডি পার্লে রোজ সন্ধ্যায় একই আসনে গিয়ে বসবার আদেশ ছিল আমার ওপর ম্যাজেস্টি রঙের টাই পরে। হয় আপনারা, নয় গোল্ডেন ইগল আমাকে খুঁজে নেবেন ওখান থেকে, উনি বলেছিলেন।’

‘অথচ কত শর্টকাটে সব চুকে গেল। তাই না?’ টিটকারি মেরে বলল কর্নেল সুবান্দ্রিও।

‘ভালই হলো,’ বলল জিজির। ‘ভাগ্যক্রমে পেয়ে গেছেন আমাকে। ইগলকে আর পাওয়া যাবে না কোনদিন।’

‘কেন, কি হয়েছে?’

‘মারা গেছে। এ-আরবিকে হেডকোয়ার্টারের টরচার চেম্বারে। ওদের সামান্য অসতর্কতার সুযোগে একটা পিস্তল ছিনিয়ে নিয়ে আত্মহত্যা করেছে সে।’

‘কিন্তু এসব খবর আপনারা জানেন কি করে?’

‘কর্নেল সুবান্দিও—অর্থাৎ আপনি যাকে কর্নেল সুবান্দিও বলে জানেন—ছিল সেখানে। ওর পিস্তলটাই ছিনিয়ে নিয়ে আত্মহত্যা করেছিল গোল্ডেন ঈগল।’

অবাক হয়ে কর্নেলের দিকে চাইল রানা। এই লোক সেখানে থাকে কি করে?

‘গত তিন বছর ধরে সুবান্দিও কাজ করেছে এ-আরবিকে-তে। ও হচ্ছে এ-আরবিকে-র একজন উচ্চপদস্থ অফিসার। অত্যন্ত গুরুত্বপূর্ণ পোস্ট। যখন কোনও বন্দী আশ্চর্যজনক ভাবে শেষ মুহূর্তে পালিয়ে যায়, কিংবা কিছু গোলমাল হয়ে যায়, সব চাইতে খাপ্পা হয়ে ওঠে ও-ই—নির্মমভাবে পরিশ্রম করায় ওর লোকদের, জঘন্যতম গালাগালি বেরোয় ওরই মুখ থেকে। ওর চীফ মোহন সিং ওকে বোধহয় প্রাণের চেয়েও বেশি ভালবাসে। কর্মতৎপতা আর হিংস্রতা দিয়ে হৃদয় জয় করেছে সে চীফের। অথচ শ’ তিনেক কাশ্মীরী মুক্তিযোদ্ধা প্রাণ রক্ষার জন্যে চিরঝগী হয়ে আছে ওরই কাছে।’

কর্নেলকে দেখল রানা খুঁটিয়ে খুঁটিয়ে। অদ্ভুত মানুষ! কী ভয়ঙ্কর বিপদের মুখে টিকে আছে সে। ওর ওপর লক্ষ রাখা হয়েছে কিনা, একে সন্দেহ করা হচ্ছে কিনা, কেউ বিশ্বাসঘাতকতা করল কিনা, কিছু জানবার উপায় নেই। যে-কোনও মুহূর্তে হাতকড়া পড়তে পারে। আশ্চর্য! এমন অবস্থায় মধ্যে বেঁচে আছে কি করে লোকটা? অথচ আজ এই লোকটা না থাকলে ওকে এ-আরবিকে হেডকোয়ার্টারের টরচার চেম্বারে আর্তনাদ করতে হত এই মুহূর্তে।

‘অদ্ভুত ওঁর জীবন। প্রতিটা পদক্ষেপে ওঁর বিপদ। আশ্চর্য! কতখানি সাহস থাকলে মানুষ এমন ঝুঁকি নিতে পারে! কিন্তু মেজর জেনারেল...’

‘আমাকে জিজির বলেই ডাকবেন। মেজর জেনারেল দিনদার বেগ মারা গেছে!’ বাধা দিল জিজির। ‘যদিও’ কি বলছিলেন আপনি?’

‘বলছিলাম আজকের ব্যাপারটা।’

‘ও, আপনাকে বন্দী করে আনার ব্যাপারটা...।’

‘হ্যাঁ।’

‘এটা খুব সহজ ব্যাপার। ও মাঝেমাঝেই এমন যায়। আজ এ-রাস্তায়, কাল ও-রাস্তায়। মাঝেমাঝেই এমন এক-আধজনকে ধরে নিয়ে আসে এখানে। আর আজকের ব্যাপার—আমরা জানতাম আপনি আসছেন।’

‘কিন্তু...আজই শেষ,’ বলল কর্নেল। ‘প্রতিবারই আমি পুলিশের খুদে অফিসারগুলোকে ধমক-ধামক দিয়ে বলে আসি যেন এ ব্যাপারে একদম চেপে যায়। কিন্তু আজকে ওরা আগেই টেলিফোন করে দিয়েছিল। ফলে সমস্ত পোস্টে জানিয়ে দেয়া হবে এ-আরবিকে অফিসারের ছদ্মবেশে একজন লোক আসতে পারে, যেন তাকে সূদ্ধ বাঁধা হয়। কাজেই আজই শেষ।’

‘কিন্তু...কিন্তু ওরা তো পরিষ্কার দেখেছে আপনাকে! চার-পাঁচ জন। আপনার চেহারার বর্ণনা এতক্ষণে...’

‘ওসব কেয়ার করি না। আসলে যা ভয় পেয়েছিলাম, সেটা ভেঙেই বলি।

আজ অর্ধেক রাত্তা পর্যন্ত বের করবার চেষ্টা করেছি আপনি সত্যি সত্যিই পাকিস্তানী স্পাই কিনা, আমরা যাকে আশা করছিলাম সেই লোক, নাকি অন্য কেউ—কোনও রাত্তার মোড়ে নামিয়ে দিতে হবে। কিন্তু হঠাৎ একটা কথা মাথায় এল। এমনও তো হতে পারে, আপনি একজন এ-আরবিকে মেস্কার এবং আমাদের ট্র্যাপ করবার জন্যেই পাঠানো হয়েছে আপনাকে। কারণ আপনার মধ্যে ভয় দেখতে পাচ্ছিলাম না একবিন্দুও। এ-আরবিকে মেস্কারের ভয় পাওয়ার কোনও কারণ নেই। কিন্তু হেডকোয়ার্টারের সামনে গাড়ি থামিয়ে যখন বললাম আপনাকে অন্যত্র নিয়ে যাচ্ছি, আপনি নির্বিকার। তখন বুঝলাম আপনি এ-আরবিকে-র নিযুক্ত লোক নন—হলে আমি চিনতে পেরেছি এবং হত্যা করতে নিয়ে চলেছি বুঝতে পেরে হাউ-মাউ করে কেঁদে ফেলতেন। এই কুৎসিত সন্দেহ থেকে মুক্ত হতে পেরে আনন্দ হচ্ছে আমার। আচ্ছা, আমি একটু ঘুরে আসছি, জিজির।

‘যাও। একটু তাড়াতাড়ি এসো। মিস্টার মাসুদ রানা কি সংবাদ নিয়ে এলেন শুনতে হবে।’

‘কথাগুলো একা আপনাকে বলবার আদেশ আছে,’ বলল রানা।

‘কর্নেল সুবান্দিও আমার ডান হাত, মি. রানা।’

‘ঠিক আছে। কিন্তু কেবল আপনারা দু’জন থাকবেন। কথাটা অত্যন্ত গোপনীয়।’

সুবান্দিও ঘর থেকে বেরিয়ে যেতেই মেয়েটাকে দিকে ফিরল জিজির।

‘কিছু খাবারের ব্যবস্থা করতে পারবে রুবিনা? মাসুদ রানার খুব সম্ভব সারাদিন কিছু খাওয়া হয়নি, তাই না?’

মেয়েটির নাম শুনে চট করে চিন্তা পারল রানা। বোম্বাই ছায়াছবি ও মডেল জগতে একজন উদীয়মান তারকা। এই মেয়ে এখানে কেন? এদের সঙ্গে একজন অভিনেত্রীর কি সম্পর্ক? ওর মুখের ওপর থেকে বিস্মিত দৃষ্টি সরিয়ে এনে বলল, ‘একটা সিগারেট ছাড়া আর কিছুই খেতে পাইনি সারাদিন।’

‘ব্যবস্থা হয়ে যাবে না?’ বলল জিজির।

‘দেখি কদর কি করা যায়। তুমি কিছু খাবে, জিজির?’ মিষ্টি সুরে কণ্ঠে বলল রুবিনা। ঘুমের রেশ কেটে গেছে ওর।

‘না। একগ্লাস পানি দিতে পারো। উমর, ছাদটা একপাক ঘুরে এসো। খান, গাড়ির নান্নার প্লেট পুড়িয়ে ফেলে নতুন নান্নার লাগিয়ে ফেলো। সবাই কুইক।’

টেডি ছোড়াটা বেরিয়ে গেল মেয়েটা যে দরজা দিয়ে ঢুকেছিল সেটা দিয়ে। রুবিনা আর খান চলে গেল একসাথে অন্য দরজা দিয়ে। একটু পরেই একগ্লাস পানি নিয়ে ঢুকল রুবিনা। চুলটা আঁচড়ে নিয়েছে সে। অদম্য কৌতূহল নিয়ে রানার দিকে চাইল সে একবার। মৃদু হেসে বলল, ‘পনেরোটা মিনিট অপেক্ষা করতে পারবেন না, মি. মাসুদ রানা?’

‘করতেই যদি হয়, পারব,’ হাসল রানা। ‘কিন্তু কঠিন হবে।’

‘যত তাড়াতাড়ি পারি করছি,’ দ্রুতপায়ে বেরিয়ে গেল সে।

‘ইনি আপনার কে হন?’ জিজ্ঞেস করল রানা।

‘আমার শিষ্যা। কাশ্মীরেরই মেয়ে। আমাদের দলের প্রায় সমস্ত খরচ ও-ই

বহন করে। অভিনয় ও মডেলিং করে উপার্জন করে নিয়ে আসে বোম্বাইয়া টাকা। আমার নিজের তো কোনও আয়-রোজগার নেই।’

‘কর্নেল সুবান্দিও-ও তো উপার্জন করে?’

‘তা করে—কিন্তু একজন কর্নেলের সমান নয়। আসলে ওর র‍্যাঙ্ক হচ্ছে মেজর। পদমর্যাদাটা ওর খেয়াল-খুশি মত বিনা দ্বিধায় ক্যাপ্টেন থেকে মেজর জেনারেল পর্যন্ত ওঠানামা করে।’

‘একটা কথা জিজ্ঞেস করছি, কিছু মনে করবেন না। আমার কথাগুলো অত্যন্ত গোপনীয়। কেউ আড়ি পেতে শুনবে না তো?’

‘না-না। ওসব ব্যাপারে নিশ্চিন্ত থাকুন। মোট ছ’টি প্রাণী আছে এখন এ বাড়িতে। আপনি আমি ছাড়া আর আছে রুবিনা, কর্নেল, খান আর উমর। এদের কাউকে আমি সন্দেহ করি না। এরা খাঁটি সোনার চেয়েও খাঁটি।’

জামা-কাপড় পরে নিল রানা। লাইট নিভিয়ে দিয়ে জানালার পাশে সরে গেল জিজির। কোনো পর্দা সরিয়ে রাস্তাটা দেখে নিল এক নজর। তারপর ফিরে এসে আবার জেলে দিল লাইট। কাগজপত্র একটা ব্যাগে তুলে রাখল রানা ভাঁজ করে। তারপর পিস্তলটা ভরে নিল শোল্ডার হোলস্টারে।

ট্রে হাতে ঘরে ঢুকল রুবিনা। বলল, ‘তাড়ানুড়ো করে যা পারলাম নিয়ে এলাম। মাংসটা বোঝায় আপনার পক্ষে ঝাল হয়ে যাবে একটু বেশি।’

‘চমৎকার গন্ধ ছুটছে। দুই মিনিটে সাফ হয়ে আসবে সব। কিন্তু আপনাকে এত রাতে কষ্ট দিয়ে আমার রীতিমত খারাপ লাগছে।’ বলল রানা।

‘আমার অভ্যেস আছে। জিজিরের বন্ধু-বান্ধবের এমন শেকলভাঙা স্বভাব, কিছুতেই নিয়ম-শৃঙ্খলার মধ্যে আসতে পারে না। ভোর রাতে যদি নতুন কেউ আসে অবাক হব না।’

‘হয়েছে, হয়েছে। সুযোগ পেলই খালি জিজিরের বদনাম। যাও, এখন শুয়ে পড়ো গিয়ে,’ স্নেহ করে পড়ল জিজিরের কণ্ঠে।

‘খানিকক্ষণ থাকি না?’ অবদার করে বলল রুবিনা।

‘তা তো থাকতে চাইবেই,’ এবার কৌতুকের ঝিলিক খেলে গেল জিজিরের চোখে। ‘ছেলেটা রীতিমত হ্যাণ্ডসাম, তাই না? তোমার সেই স্বপ্নের রাজপুত্রের মতই লাগছে অনেকটা।’

‘ভাল হবে না বলে দিচ্ছি,’ কপট রাগ দেখিয়ে চোখ পাকাল রুবিনা। কিন্তু গাল দুটো লজ্জায় লাল হয়ে গেছে।

‘ভাল তো হবেই না। জানেন, মি. রানা, ও আমাকে বলেছে, একদিন পাকিস্তান থেকে আসবে সুপুরুষ একজন যুবক। এক মুহূর্তে কেড়ে নেবে ওর মন। ওকে নিয়ে...’ ছুটে এসে মুখ চেপে ধরল রুবিনা।

‘তুমি একেবারে চশমখোর, বেহায়া।’

‘তুমি এখানে থাকলে আরও বলব। দুই রাত ঘুম হয়নি তোমার। তাছাড়া আমাদের গোপন আলোচনা আছে। যাও শুয়ে পড়ো, লক্ষ্মী।’

‘যাচ্ছি বাবা, যাচ্ছি,’ চলে গেল রুবিনা।

রুবিনা বেরিয়ে যেতেই ঘরে ঢুকল সম্পূর্ণ অপরিচিত এক যুবক। ঝট করে ঘুরে

পিস্তল বের করে ফেলল রানা। ক্রিক করে সেফটি ক্যাচ নামানোর শব্দ হলো। এক পা ঢুকেই থমকে দাঁড়াল যুবক। রানার বয়সী হবে, ব্যাক ব্রাশ করা কৌকড়া চুল, অদ্ভুত সুন্দর দেখতে। ফর্সা সম্ভ্রান্ত চেহারা। বুদ্ধিদীপ্ত নীল দুই চোখ। মৃদু হাসি ফুটে উঠল লোকটার মুখে। ধীরে ধীরে মাথার ওপর হাত তুলে দাঁড়াল সে। হঠাৎ রানা অবাক হয়ে চাইল জিজিরের মুখের দিকে। হাসছে সে। পিস্তলের মুখটা সরিয়ে দিল জিজির একহাতে।

‘সুবান্দিও ঠিকই বলেছিল আপনার সম্পর্কে,’ আন্তে আন্তে বলল সে। ‘ভয়ঙ্কর, অত্যন্ত ভয়ঙ্কর লোক আপনি। বিজলির মত দ্রুত। কিন্তু এই ভদ্রলোক আমাদের মিত্র। রীতিমত বন্ধুই বলতে পারেন। ওর নাম ফজল মাহমুদ।’

পিস্তলটা হোলস্টারে ঢুকিয়ে রাখল রানা। একটা চেয়ারে এসে বসল লোকটা। পকেট থেকে সিগারেট কেসটা বের করতেই চিনতে পারল রানা—কর্নেল সুবান্দিও। ওর বিস্মিত মুখের দিকে চেয়ে হাসল সে। ‘হ্যাঁ, আমিই সুবান্দিও ছিলাম, কিন্তু এখন আমি ফজল মাহমুদ। যথেষ্ট বিনয়ের সঙ্গে এতটুকু বলতে পারি, ছদ্মবেশ ধারণে আর কণ্ঠস্বর নকলে আমার জুড়ি কেউ আজ পর্যন্ত ভারতবর্ষে জন্মায়নি। এখন মোটামুটি যে চেহারাটা দেখতে পাচ্ছেন সেটা হচ্ছে আমি। এরপর এখানে একটু দাগ, ওখানে একটু কাটা চিহ্ন দিলেই হয়ে যাব এ-আরবি-র মেল্লর রামপাল যোশী। এখন নিশ্চয়ই বুঝতে পারছেন পুলিশ বকের সবাই আমার চেহারা দেখলেও কিন্দুমাত্র বিচলিত হইনি কেন?’

‘নিশ্চয়ই বুঝতে পারছি। কিন্তু আপনি জিজিরের সঙ্গে এক বাড়িতে বাস করেন? বিপদজনক নয়?’

‘আমি তো এখানে থাকি না। আমি থাকি গ্রীনগরের সবচাইতে নামকরা হোটেল দুটোর একটায়। অবিবাহিত পুরুষ মানুষ—কাজেই মাঝে মাঝে হোটেলে না ফিরলে কেউ আর সেটাকে বন্ধ করে ধরে না। সবাই বোঝে আমোদ ফুটি করতে বেরিয়েছি। কিন্তু এখন কাজের কথায় আসা যাক।’

‘আসছি,’ খাওয়া শেষ করে এক গ্লাস পানি খেলো রানা ঢকঢক করে। তারপর চেয়ারটা ঘুরিয়ে নিল ওদের দু’জনের দিকে। ‘আপনারা দু’জনেই বোধহয় ডক্টর সেলিম খানের নাম শুনেছেন?’

‘নিশ্চয়ই। সবাই শুনেছে। বৈজ্ঞানিক তো?’

‘হ্যাঁ। পৃথিবী-বিশ্বাত নিউক্লিয়ার ফিজিসিস্ট। শান্তিশিষ্ট অমায়িক বৃদ্ধ ভদ্রলোক—কিন্তু মাথাটা তাঁর শান দেয়া ছুরির মত।’

‘সেজন্যেই ভারত সরকারের এত মূল্যবান সম্পদ তিনি।’

‘কিন্তু এই সম্পদ চুরি করা সম্পদ,’ বলল রানা।

‘মানে?’

‘বলছি। ক্যালকাটা রিসার্চ ল্যাবরেটরিতে যখন ছিলেন তিনি, সেই সময় লাগল রায়ট। ভারত সরকার প্রোটেকশন দিল ওঁকে। কিন্তু বিজ্ঞান সাধনার ফাঁকে ফাঁকে তিনি দেখলেন তাঁর স্বজাতির ওপর কি নির্মম অত্যাচার করল ওরা। ঘর জালিয়ে দিল, রাস্তায় টেনে এনে নির্মমভাবে হত্যা করল নারী-পুরুষ-নির্বিশেষে মিলিটারি এবং পুলিশ গার্ডের চোখের সামনে, অন্দরমহল থেকে স্ত্রী-কন্যাকে টেনে বের করে

চরম অপমান করল, আর সবশেষে ভিটেছাড়া করে পাঠিয়ে দিল পাকিস্তানে। এই নিষ্ঠুর নির্যাতন নিজের চোখে দেখে তিনি মনস্থির করলেন পাকিস্তানে চলে যাবেন। ঠিক এগনি সময় তাঁর ছেলেটাকে স্ট্যাব করা হলো ধরমতলার মোড়ে। ছেলেটা বাঁচল না। ছোট দুই ছেলেকে নিয়ে বাস্তুত্যাগীদের সাথে মিশে গোপনে পালিয়ে এলেন তিনি পাকিস্তানে। কিন্তু তাঁর স্ত্রী ছিলেন তখন দার্জিলিং-এর যক্ষ্মা স্যানাটোরিয়ামে। তাঁকে আটকে রাখল ভারত সরকার। মুমূর্ষু স্ত্রীর শেষ অবস্থার কথা জানিয়ে খবর দিল ওরা ডক্টর সেলিমকে ওদের এজেন্ট মারফত। পাগলের মত ছুটে এলেন তিনি দার্জিলিং-এ এবং সেই যে আটকা পড়লেন আর বেরোতে পারলেন না। অ্যাটমিক এনার্জি কমিশনের ডিরেক্টর বানিয়ে ওরা ছলে বলে কৌশলে ওঁর কাছ থেকে কাজ আদায়ের চেষ্টা করল। তাতেও যখন তিনি বঁকে বসলেন, তখন আরম্ভ হলো উৎপীড়ন। এতেও ওঁকে নোয়ানো যেত না, কিন্তু আমরা গোপনে ওঁকে স্ত্রীসহ উদ্ধার করবার আশ্বাস দিলাম এবং আপাতত ওদের হয়ে কাজ চালাতে বললাম। সে আজ তিন বছরের কথা। কোনও রকম সুযোগ পাইনি আমরা এর মধ্যে। সব সময় সতর্ক প্রহরার মধ্যে রেখে কাজ আদায় করা হচ্ছে। এখন আবার নিউক্লিয়ার বম্ব তৈরি হতে চলেছে ভারতে। দ্বিগুণ বাড়িয়ে দেয়া হয়েছে সতর্কতামূলক তৎপরতা। ডক্টর সেলিম খান হাতছাড়া হয়ে গেলেই পিছিয়ে পড়বে ওরা কয়েক বৎসর।’

‘বুঝলাম,’ জিজির কথা বলল এতক্ষণে। ‘শ্রীনগরের ইন্টারন্যাশনাল সাইন্টিফিক কনফারেন্সে আসছেন নিশ্চয়ই সেলিম খান?’

‘হ্যাঁ। উদ্বোধনী বক্তৃতা উনিই দিচ্ছেন।’

‘আপনি এসেছেন ওঁকে এখান থেকে নিয়ে কেটে পড়তে?’

‘হ্যাঁ। সেজন্যে পাঠানো হয়েছে আমাকে।’

‘সহজ হবে না। ওঁর স্ত্রী কোথায়? সঙ্গে?’

‘না। ওঁর স্ত্রীকে নয়। কিন্তু থেকে সরিয়ে নেবার জন্যে আমাদের দু’জন লোক স্তম্ভস্থানেক আগেই পৌঁছে গেছে সেখানে। সেটা বিশেষ অসুবিধে হবে না। ওরা সেলিম খানকে চায়, তাঁর বৃদ্ধা স্ত্রীকে নয়। ওদিকে প্রহরার ব্যবস্থা চলে থাকবে। তাছাড়া আমাদের দু’জন লোকই এ ব্যাপারে এক্সপার্ট। কোনও অসুবিধে হবে না। ওরা নিরাপদে বর্ডার পেরোলেই সিগন্যাল পাব আমি।’

‘তা, কিভাবে সেলিম খানকে নিয়ে যাবেন?’

‘সেটা কিছুই ঠিক হয়নি। যেভাবে পারি, আমার নিতে হবে। কিন্তু এটুকু স্পষ্ট জানি আপনাদের সাহায্য ছাড়া কাজটা অসম্ভব। মেজর জেনারেল রাহাত খান এ ব্যাপারে মেজর জেনারেল দিলদার বেগের সাহায্যপ্রার্থী। আমি এসেছি দূত হিসেবে।’

কয়েক মিনিট চুপচাপ কিছু চিন্তা করল জিজির। তারপর ধীরে ধীরে বলল, ‘পাকিস্তানের কাছে শত-সহস্র ব্যাপারে আমরা ঋণী আছি। তাছাড়া রাহাত খান আমার ব্যক্তিগত বন্ধু। আর একজন বৃদ্ধ লোককে তাঁর ইচ্ছে বিরুদ্ধে শত্রু পরিবেশের মধ্যে আটকে রাখা জঘন্যতম অন্যায়। সফল হতে পারব কিনা জানি না, কিন্তু আমাদের সর্বশক্তি দিয়ে সাহায্য করব—এটুকু ভরসা আপনাকে দিতে

চার

ফজল মাহমুদের হাতের একটা গাঁট্টা খেয়ে উঠে বসল হোটেলের পোর্টার। দুই তাড়া লাগাল মাহমুদ। 'নাইটপোর্টার, দিনে ঘুমাবে। যাও ম্যানেজারকে ডেকে আনো।'

'এত রাতে ম্যানেজার?' দেয়াল ঘড়ির দিকে একবার চেয়ে নিয়ে দুই হাতে চোখ কচলে বলল, 'ম্যানেজার ঘুমিয়ে আছে, কাল সকালে আসবেন।'

কলার ধরে টেনে দাঁড় করিয়ে আইডেন্টিটি কার্ডটা ওর চোখের সামনে ধরল মাহমুদ। ভয়ে পাংশু হয়ে গেল মুখ। চোখ দুটো ছানাবড়া।

'আমাকে মাফ করে দেন, হজুর। আমি... আমি জানতাম না।'

'জানতে না মানে? আমরা ছাড়া আর কে এসে এত রাতে ডেকে তুলবে?'

'কেউ না, হজুর... কেউ না। তবে ভেবেছিলাম বিশ মিনিট আগেই তো ঘুরে গেছেন আপনারা তাই...'

'আমি এসেছিলাম?'

'না, না হজুর। আপনি না, আপনাদের নোঙ্ক...'

'আমি জানি। আমিই পাঠিয়েছিলাম ওদের। যাও, তোমাকে যা বলেছি তাই করোগে যাও।'

'এক্ষুণি যাচ্ছি, হজুর!' ছুটে চলে গেল পোর্টার ম্যানেজারকে ডাকতে।

রানা বলল, 'চমৎকার অভিনয়! আমি পর্যন্ত ভড়কে যাচ্ছিলাম আর একটু হলে।'

'প্র্যাকটিস, বলল মাহমুদ। 'ওদের তেমন কোনও ক্ষতি হয় না, এ-দিকে আমার সুনাম হয় প্রচুর। কিন্তু কি বলল শুনলেন?'

'হ্যাঁ। সময় নষ্ট করেনি ওরা একবিন্দুও।'

'সকাল পর্যন্ত প্রায় সব হোটেলেরই খুঁজে বেড়াবে ওরা আপনাকে। জিজ্ঞাসার বাসায় থাকার চেয়ে এখানে এখন অনেক নিরাপদ। খুব সম্ভব জিজ্ঞাসার বাড়ির ওপর ওদের নজর পড়েছে। হয়তো অল্পদিনেই ওদের অন্য কোনও আন্তানায় সরে যেতে হতে পারে।'

পায়ের শব্দ শুনে থেমে গেল মাহমুদ। প্রায় দৌড়াতে দৌড়াতে আসছে হোটেলের ম্যানেজার। চোখে-মুখে ভয় আর উদ্বেগের চিহ্ন।

'মাফ চাই,' প্রথমেই হাত-জোড় করল ম্যানেজার। 'শত কোটিবার মাফ চাই। এই উল্লুকে পাট্টা...'

'আপনি ম্যানেজার?' তীক্ষ্ণ কণ্ঠে প্রশ্ন করল মাহমুদ।

'জী, আজ্ঞে স্যার।'

'তাহলে ওই উল্লুকে পাট্টাকে বিদায় করুন এখান থেকে। আমি গোপনে

আপনার সাথে কয়েকটা কথা বলতে চাই।’

বেরিয়ে গেল পোর্টার ঘর ছেড়ে। যথেষ্ট সময় নিয়ে ধীরেসুস্থে একটা সিগারেট ধরান মাহমুদ। আতঙ্কের উত্তেজনা চাপতে না পেরে কথা বলে উঠল ম্যানেজার।

‘কি ব্যাপার, স্যার? আমার দ্বারা যদি কোনও সাহায্য হয় তবে...’

‘বাজে কথা শুনতে চাই না। যা প্রশ্ন করব কেবল তার উত্তর দেবেন। আমার লোকেরা এসেছিল?’ ঠাণ্ডা গলায় বলল মাহমুদ।

‘আজ্ঞে হ্যাঁ, এই তো কয়েক মিনিট আগে। আমি ঘরে ফিরে গিয়ে চোখটা কেবল বুজেছি...’

‘আবার! বলেছি না, কেবল প্রশ্নের উত্তর দেবেন? ওরা নতুন লোক কেউ উঠেছে কিনা জিজ্ঞেস করেছে, রেজিস্টার চেক করেছে, তারপর একজন লোকের চেহারার বর্ণনা দিয়ে গেছে। তাই না?’

‘জী, আজ্ঞে স্যার।’

‘ওই চেহারার কোন লোক এলে তৎক্ষণাৎ ফোন করতে বলে দিয়ে গেছে?’

‘আজ্ঞে।’

‘সেসব কথা ভুলে যান,’ হুকুম দিল মাহমুদ। ‘এই মাত্র জানা গেছে, সেই লোকটা হয় আগেরই এসে গেছে এখানে, নয় আগামী চব্বিশ ঘণ্টার মধ্যে এসে পৌঁছবে। ওর দলের লোক রীতিমত বাস করছে এই হোটেলে আজ কয়দিন যাবৎ। গত তিনমাসের মধ্যে এই নিয়ে চতুর্থবার আপনাকে জায়গা দিয়েছেন এই হোটেলে রাষ্ট্রের কয়েকজন ভয়ঙ্কর শত্রুকে।’

‘এই হোটেলে?’ চমকে উঠল ম্যানেজার। ‘আমি আন্নার কসম খেয়ে বলছি, স্যার, আমার জ্ঞাতসারে...’ কাঁপতে কাঁপতে বলেছে ম্যানেজার প্রবল ভাবে। গলাটা ভেঙে গেল এখানে এসে।

‘কাজেই সাবধান। আর একবার এই ব্যাপার ঘটলে আমরা বাধ্য হব আপনার জন্যে বিশেষ ব্যবস্থা গ্রহণ করতে। সরাসরি আপনাকে ধরব আমরা পাকিস্তানী স্পাই আর মুক্তিযোদ্ধাদের সঙ্গে যোগাযোগের দায়ে।’

হাঁ করে কিছু বলতে চেষ্টা করল ম্যানেজার। গলা দিয়ে আওয়াজ বোরোল না, ঠোট নড়ল কেবল। রানা আশ্চর্য হয়ে ভাবল, কতখানি অত্যাচার করলে পরে এমন করে একটা দেশের জনসাধারণের মেরুদণ্ড ভেঙে দেয়া সম্ভব! কতখানি পাশবিক নির্যাতন চলেছে কাশ্মীরের ওপর!

‘আপনাকে এই শেষ একটা চান্স দেয়া হচ্ছে,’ রানার দিকে ইঙ্গিত করে বলল, ‘আমার লোক। যে স্পাইকে হনো হয়ে খুঁজে বেড়াচ্ছি—চেহারায়, শারীরিক গঠনে অনেকটা তারই মত। তার ওপর আমরা আবার খানিক মেকআপ করে পাণ্টে দিয়েছি এর চেহারা ওর মত করে। যাক, সেসব আপনার জানার কোনও দরকার নেই। একটা কামরায় এর জন্যে ফার্স্ট-ক্লাস ব্যবস্থা করে দিন একুশি। অ্যাটাচড বাথ, শর্টওয়েড রেডিও, টেলিফোন, অ্যালার্ম ঘড়ি তো থাকবেই, এই হোটেলের প্রত্যেকটা ঘরের ডুপ্লিকেট চাবিও দেবেন এর কাছে। কেউ যেন কোনও ডিসটার্ব না করে সেদিকে দেখবেন। কোনও চাকরকে ঘেঁষতে দেবেন না ওখানে। নিজ হাতে খাবার পৌঁছে দেবেন ওর ঘরে। মোট কথা ওর উপস্থিতি যেন কেউ টের না পায়।’

সব কথা পরিষ্কার বোঝা গেল?’

‘নিশ্চয়ই, স্যার। আপনি যা আদেশ করবেন তার একচুল এদিক ওদিক হবে না। যেমন বলবেন তেমনই হবে, স্যার।’

‘আর ওই উল্লুকে পাটঠাকে সাবধান করে দেবেন যেন মুখ বন্ধ রাখে। নইলে জিভ কেটে নেব। এখন ঘরটায় নিয়ে চলুন আমাদের, কুইক।’

চলে গেল মাহমুদ। ডক্টর সেলিমকে কোন্ হোটেলে ওঠানো হয়েছে, রুম নম্বর কত জেনে দেবার চেষ্টা করবে কথা দিল। খবরটা জানাবে টেলিফোনে। কিভাবে সাঙ্কেতিক ভাষায় খবরটা দেবে তাও বলে দিল। দুই দিন, বড়জোর তিন দিন থাকা যাবে এই হোটেলে, তারপর পরিচয় বদলে নিয়ে অন্য ব্যবস্থা করতে হবে। খবরটা পর্যন্তই আপাতত সাহায্য করতে পারবে মাহমুদ, ডক্টর সেলিমের সাথে দেখা করে সব ব্যবস্থা ঠিক করবার দায়িত্ব রানার। আন্তরিক ভাবে ধন্যবাদ জানাল ওকে রানা।

মাহমুদ বেরিয়ে যেতেই রাজ্যের ক্রান্তি এসে চেপে ধরল রানাকে। দরজাটা বন্ধ করে তালা লাগিয়ে চাবিটা রেখে দিল সে গর্তের মধ্যে যাতে বাইরে থেকে ডুপ্লিকেট চাবি দিয়ে কেউ খুলতে না পারে। একটা চেয়ার টেনে এনে হাতলের সাথে বাধিয়ে রাখল আরও নিশ্চিত হবার জন্যে। তারপর কাপড় ছেড়ে ঝাঁপিয়ে পড়ল বিছানায়, ঢলে পড়ল ঘুমের কোমল আলিসনে। ডান হাতটা বালিশের তলায় পিস্তলের বাটের ওপর রাখা।

পরদিন বেলা বারোটায় ঘুম ভাঙল ওর। লম্বা বিশ্রাম পেয়ে চাঙ্গা বোধ করল সে। প্রকাণ্ড হাই তুলে উঠে পড়ল ওর বিছানা ছেড়ে। বাথরুমে গিয়ে ঢুকল টেলিফোনে খাবারের অর্ডার দিয়ে। ক্রিকেবারে দাড়ি কামিয়ে স্নান সেরে বেরোল রানা বাথরুম থেকে। ঝরঝরে লাগছে শরীর-মন। জানালার ভারি পর্দা সরিয়ে দেখল থমথম করছে আকাশের মুখ। তুষার বরছে এখনও।

দরজায় টোকা পড়তেই হাতলের নিচ থেকে চেয়ারটা সরিয়ে দরজা খুলে দিল রানা। ট্রে হাতে ঘরে ঢুকল ম্যানেজার স্বয়ং। খাবার নামিয়ে রেখে একটা খাম বের করল সে পকেট থেকে।

‘আপনার চিঠি, স্যার।’

‘আমার চিঠি? কখন এসেছে?’ ধমকের সুরে বলল রানা।

‘মিনিট পাঁচেক আগে।’

‘পাঁচ মিনিট আগে?’ ক্রুদ্ধ চোখে চাইল রানা ম্যানেজারের দিকে। ‘পাঁচ মিনিট আগেই এটা নিয়ে আসেননি কেন?’

‘মাফ চাই, স্যার। আপনার খাবার প্রায় তৈরি হয়ে গিয়েছিল, আমি... আমি ভাবলাম...’

‘আপনি ভাবলেন! আপনাকে কে ভাবতে বলেছে? ভবিষ্যতে কোনও ভাবনা-চিন্তা না করে কোনও সংবাদ এলে তৎক্ষণাৎ জানাবেন আমাকে। কে নিয়ে এসেছে চিঠিটা?’

‘একটা মেয়ে—একজন ভদ্রমহিলা।’

মৃত্যুর সাথে পাঞ্জা

১০৩

‘দেখতে কেমন?’

‘রেনকোট পরা ছিল, মাথার হুড দিয়ে অর্ধেকটা মুখ ঢাকা ছিল, ভাল করে দেখতে পারিনি। কিন্তু খুব সুন্দরী মনে হলো। চিবুকে একটা তিল ছিল। আর কিছুই লক্ষ করতে পারিনি।’

‘এই বুদ্ধি নিয়ে হোটেল চালান? যান এখন, আধঘণ্টা পরে আসবেন।’

রানা ভাবছে, রুবিনাকে পাঠান কেন জিজ্ঞার? কোন দুঃসংবাদ আছে নাকি? খামের ওপর কিছু লেখা নেই। ছিড়ে বের করল ছোট্ট চিঠি একটা। লেখা:

বাসায় আসবেন না। আটটা থেকে নয়টার মধ্যে
আমার সাথে কাফে ডি পার্লে দেখা করবেন।

‘আর’

অর্থাৎ রুবিনা। প্ল্যান মাসফিক সেলিম খানের সাথে দেখা করে জিজ্ঞারের ওখানে যাওয়ার কথা ছিল রানার। হঠাৎ এই পরিবর্তন কেন? যাক, দেখা হলেই সব পরিষ্কার হয়ে যাবে। চিঠিটা পুড়িয়ে ছাইটা গুঁড়ো করে কমোডে ফেলে চেন টেনে দিল সে। তারপর খেয়ে নিল চমৎকার একপ্রস্থ লাঞ্চ।

সারাদিন অপেক্ষা করল রানা। তিনটা, চারটা, পাঁচটা, ছয়টা বেজে যাচ্ছে তাও মাহমুদের ফোন আসার নাম নেই। জামা-কাপড় পরে নিয়ে একঘেয়ে অপেক্ষা করতে করতে নানা রকম দৃষ্টিভঙ্গি আসতে আরম্ভ করল রানার মনে। ধরা পড়ে গেল না তো ফজল মাহমুদ? সমস্ত কাজ পড়ে আছে, একটাও দেখাই হয়নি সেলিম খানের সঙ্গে। বেরিয়ে পড়বে নাকি সে হোটেল থেকে? এমনও হতে পারে হয়তো খবর বের করতে পারেনি সে। কিন্তু একবার ফোন করে সে-কথা জানিয়ে দিলেই তো চুকে যেত।

ছ’টা বেজে দশ মিনিটে বেজে উঠল ফোন। ছুটে গিয়ে তুলে নিল রানা রিসিভার।

‘মি. হারুন বলছেন?’ মাহমুদের কণ্ঠ চিনতে পারল রানা।

‘হ্যাঁ,’ ‘এইচ’ লেখা হোটেলটায় টিক চিহ্ন দিল রানা।

‘আপনার জন্যে চমৎকার খবর আছে, মি. হারুন। মিনিস্ট্রির সাথে কথা হয়েছে। চীফ সেক্রেটারি আপনাদের মাল নিতে রাজি হয়েছেন—কিন্তু দামের ব্যাপারে ৭৮-এর বেশি উঠতে রাজি নন। দেখেন এখন আপনি নিজে আলাপ করে কিছু বাড়িতে পারেন কিনা। আমার কমিশনের কথাটা কিন্তু ভুলবেন না।’

‘সে ব্যাপারে নিশ্চিত থাকুন।’

‘তাহলে আজ সাতটার দিকে আসুন, ডিনার খাওয়া যাক একসাথে?’

‘ঠিক আছে। আমি আসছি। চার তলায় তো?’

‘তিন তলায়। আচ্ছা, দেখা হবে।’ ফোন নামিয়ে রাখল মাহমুদ। খুব তাড়াতাড়ি করে খবরগুলো দিল সে যদিও, কিন্তু সব কথাই আছে এর মধ্যে। হারুনের ‘এইচ’ মানে ইম্পিরিয়াল হোটেল, ৭৮ মানে রুম নম্বর ৮৭—উল্টে নিতে হবে। সাতটার সময় ডিনার খাবেন ডক্টর সেলিম খান। হোটেলের তিন তলায় ওঁর কামরা। আগেই শুনেছে সে এ-আরবি-কে প্রহরী দিয়ে অত্যন্ত সুরক্ষিত করা হয়েছে এই হোটেল। দেখা যাক, কি হয়।

রেনকোট পরে নিল রানা। টুপিটা টেনে দিল সামনে। প্যান্টের ডান পকেটে রাখল ওর সাইলেন্সার ফিট করা ওয়ালথার পি. পি. কে। বাম পকেটে রারার মোড়া একটা শক্তিশালী পেন্সিল টর্চ। পিস্তলের জন্যে দুটো স্পেরয়ার ম্যাগাজিন রাখল সে কোটের পকেটে। তারপর ঘরের বাতি জ্বালিয়ে রেখেই বেরিয়ে এসে তালা লাগিয়ে দিল। সরু করিডর দিয়ে হোটেলের একপাশে সুইপার প্যাসেজে বেরিয়ে এল রানা। ওখান থেকে উঠল বড় রাস্তায়।

সারা রাস্তা আধ ফুট উঁচু তুষারে ছাওয়া। প্রায় জনশূন্য। অল্পক্ষণেই রানার টুপি আর রেনকোটও সাদা হয়ে গেল তুষার জমে। ঝুরঝুর, অবিরাম ঝরেই চলেছে তুষার আজ দু'দিন ধরে। ভালই হয়েছে, নৈহায়েত ঠেকায় না পড়লে কেউ বেরোবে না আজ বাড়ি থেকে। তাছাড়া রানার পায়ের শব্দটাও ঢাকা পড়বে তুষারের শব্দে। আজ রাত শিকারীর রাত, ভাবল রানা।

মিনিট পনেরো হাঁটতেই এসে গেল ইম্পিরিয়াল হোটেল। রাস্তার অপর পাশ দিয়ে ফুটপাথ ধরে চলে গেল রানা হোটেলটা পেরিয়ে। প্রকাণ্ড হোটেল। গেটে দু'জন প্রহরী দাঁড়ানো। দু'জনেরই কোমরে রিভলভার। ওরা যে হোটেলের কর্মচারী নয় সেকথা চোখ বন্ধ করেই বলে দেয়া যায়। এ-আরবিকে-র লোক।

রানা বুঝল, সামনের দরজা দিয়ে ভেতরে ঢোকা অসম্ভব। প্রহরী দু'জনের চোখের আড়ালে এসেই রাস্তা পার হয়ে ফিরে এসে রানা হোটেলের কাছাকাছি। নাহ, পাশ দিয়ে ঢুকবারও কোনও ব্যবস্থা নেই। একতলার জানালাগুলোতে মোটা লোহার শিক লাগিয়ে দুর্ভেদ্য করা হয়েছে। একটাও পাইপ নেই যে বেয়ে উঠবে। এখন একমাত্র ভরসা পেছন দিক।

হোটেলের গা ঘেষে এগিয়ে গেল রানা দ্রুত পায়ের। একটা খিলান দেখা গেল হোটেলের পেছনে। কর্মচারীরা সন্ধ্যা যাওয়া করে এই পথে। বাজার বোঝাই ঠেলাগাড়িও যাতায়াত করে। হোটেলের পেছনে বেশ খানিকটা জায়গা দেয়াল দিয়ে ঘেরা। খিলানে এসে মিশেছে সে দেয়াল। বরফ ঢাকা প্রাঙ্গণ দেখতে পেল রানা। নিশ্চয়ই এখানেও প্রহরী আছে। থাকতেই হবে। দেয়ালের সাথে পিঠ লাগিয়ে সাবধানে এগোল রানা গেটের দিকে। হোটেলের পেছনে দুইকোণে দুটো উজ্জ্বল ইলেকট্রিক বাতি জ্বলছে। তারই আলোয় য়ান ভাবে আলোকিত সারাটা প্রাঙ্গণ।

খিলানের পাশে এসে দাঁড়াল রানা। কিন্তু ভেতরটা দেখবার জন্যে মাথাটা সামনে বের করতেই চোখ ঝলসে গেল ওর উজ্জ্বল একটা টর্চের আলোয়। দুই সেকেণ্ডে কিছুই দেখতে পেল না রানা চোখে। বুঝল ধরা পড়ে গেছে সে। সাইলেন্সার ফিট করা পিস্তলটা ততক্ষণে বেরিয়ে এসেছে ওর হাতে। কিন্তু আলোটা ওর ওপর থেকে সরে চলে গেল প্রাঙ্গণের অন্য প্রান্তে।

এবার বুঝল রানা ব্যাপারটা। সাব-মেশিনগান হাতে একজন প্রহরী আঙিনাটায় রাউণ্ড দিচ্ছে। অসতর্ক ভাবে ওর হাতে ধরা টর্চের আলোই পড়েছিল রানার মুখের ওপর, কিন্তু ওর চোখ দুটো টর্চের আলো অনুসরণ করছে না বলেই দেখতে পায়নি সে রানাকে। ঘুরে চলে যাচ্ছে সে আরেক দিকে। আরেকটু গেলেই আড়াল হয়ে যাবে। আর দৌর করা ঠিক নয়।

খিলানের হোয়াইট-ওয়াশ করা দেয়াল ঘেঁষে লম্বা পা ফেলে এগিয়ে এল রানা। হঠাৎ থমকে দাঁড়িয়ে গেল সে বজ্রাহতের মত। সেন্টে গেল দেয়ালের সঙ্গে। সাঁ করে একটা সিগারেটের টুকরো ছুড়ে ফেলেছে কেউ। তিন হাত তফাতে তুষারের ওপর পড়ে নিভে যাচ্ছে ওটা এখন। ভয়াব্র দৃষ্টি তুলে দেখল রানা খিলানের পরেই একটা সেন্টি বক্স। যদি দৈবক্রমে সিগারেটটা না ফেলত তাহলে এতক্ষণে ওই প্রহরীর হাতে ধরা পড়ে যেত সে। আরও অনেক সাবধান হওয়া উচিত ছিল ওর। মাত্র চারফুট দূরে একজন সেন্টির দেহের অর্ধেকটা দেখা যাচ্ছে। একটু ঘুরলেই দেখে ফেলবে রানাকে। যদি ও না-ও তাকায় তাহলে ওর সাথীর টর্চে ধরা পড়বে সে বিশ সেকেন্ডের মধ্যে। রানা বুঝল তিনটে পথ আছে। যদি ঘুরে দৌড় দেয় তাহলে এই অন্ধকারে তুষারপাতের মধ্যে ওকে ধরতে পারবে না প্রহরীরা। কিন্তু তাহলে প্রহরার ব্যবস্থা আরও শক্ত হয়ে যাবে—ডক্টর সেনিমেসের সাথে দেখা করাই আর হয়ে উঠবে না। আর যদি দু'জন প্রহরীকেই ও হত্যা করে, মৃতদেহ লুকাতে পারবে না কোথাও। ও হোটেলের মধ্যে থাকতেই যদি ব্যাপারটা জানাজানি হয়ে যায় তাহলে আর জ্যান্ত বেরোতে হবে না হোটেল ইম্পিরিয়াল থেকে। কাজেই তৃতীয় পথই এখন একমাত্র ভরসা। তাছাড়া আর চিন্তা করার সময়ও নেই।

পিস্তলটা হাতেই ছিল। আর মাত্র আট দশ ফুট দূরে আছে টর্চ হাতে প্রহরী। সেন্টি-বক্সের প্রহরীটা ওকে কিছু বলবে বলে একটা কেশে পরিস্কার করে নিল গলাটা। সাথে সাথেই ট্রিগার টিপল রানা।

সাইলেন্সার লাগানো পিস্তলের 'দুপ' শব্দটা ঢাকা পড়ে গেল বাম দিকের উজ্জ্বল বাল্বটা ঝন্ ঝন্ করে ভেঙে পড়ায়। পিস্তলের শব্দটা শুনতেই পেল না প্রহরী। ওরা দু'জনেই ছুটল নিভে যাওয়া আলোটার দিকে। রানাও একছুটে এসে দাঁড়াল জমাদার ওঠার লোহার স্ক্র্যাবিশ সিড়ির কাছে। একেকবারে দুই ধাপ করে টপকে উঠে এল সে তিনতলার বাথরুমের দরজার সামনে। ওখান থেকেই শুনতে পেল প্রহরী দু'জনের আলাপ। অতিরিক্ত শীতে যে ভেঙে গেছে বাল্বটা তাতে ওদের কোনও সন্দেহ নেই। তবু ভালভাবে একপাক ঘুরে দেখল ওরা আঙিনাটা, বাইরে বেরিয়ে এদিক-ওদিক টর্চ ফেলে নিশ্চিত হলো।

বাথরুমের দরজা বন্ধ। ওপাশ থেকে তালা দেয়া। কয়েকটা চাবি লাগাতেই খুলে গেল তালা। নিঃশব্দে ভেতরে চলে এল রানা। অন্ধকার। দেয়াল হাতড়ে হাতড়ে লাইটের সুইচ পেয়ে গেল সে। একবার ভাবল পর্দাগুলো টেনে দেবে কিনা লাইট জ্বালাবার আগে। পরমুহর্তে বুঝল লাইট দেখলেও সেন্টিদের সন্দেহ করার কোনও কারণ নেই। প্রকৃতির ব্যাপার—তাছাড়া সাইন্টিস্টদেরও পেট খারাপ হয়—যখন-তখন এই ঘরের বাতি জ্বলতে পারে। বিনা দ্বিধায় লাইট জ্বেলে দিল রানা।

বেশ বড়সড় বাথরুম। প্রথমেই বেসিন ভর্তি করল সে গরম পানিতে। ঠাণ্ডায় জমে যাওয়া হাত দুটো ডুবিয়ে রাখল ওতে কিছুক্ষণ। আবার রক্ত চলাচল আরম্ভ হলো ওর আঙুলগুলোয়। ঝাঁঝি ধরার মত একটা তীক্ষ্ণ চিনচিনে ব্যথা সহ্য করল সে দাঁতে দাঁত চেপে। আঙুলগুলোয় আবার সাড়া ফিরে আসতেই তোয়ালে দিয়ে মুছে নিল হাত দুটো। তারপর লাইট নিভিয়ে দিয়ে দরজাটা খুলে সামান্য একটু ফাঁক

করে চোখ রাখল সেই ফাঁকে।

দেখল একটা লম্বা কার্পেটে ঢাকা করিডরের শেষ মাথায় দাঁড়িয়ে আছে সে। করিডরের দুই ধারেই সারি সারি দরজা। একটা দরজায় নম্বর পড়ল রানা—৮১, তার পাশেরটা—৮২। ভাগ্যক্রমে ডক্টর সেলিমের কামরার কাছাকাছিই এসে গেছে সে। মদু হাসি ফুটে উঠল ওর মুখে। আজকে তাহলে ভাগ্যটা গত কালকের মত খারাপ ব্যবহার করছে না। কিন্তু করিডরের শেষে তাকিয়েই মুখটা শুকিয়ে গেল ওর। চট করে পিছিয়ে এল সে, আশু বন্ধ করে দিল দরজা। করিডরের আরেক মাথায় রানার দিকে পিছন ফিরে দাঁড়িয়ে কাঁচের জানালা দিয়ে বাইরে চেয়ে আছে একজন রিভলভারধারী এ-আরবিকে গার্ড।

বাথটাবের কিনারে বসে পড়ল রানা। বুদ্ধি বের করতে হবে। গার্ডটা ওখান থেকে নড়বে বলে মনে হয় না। আর ওখানে থাকলে রানা ৮৭ নম্বর ঘরে ঢুকতে পারবে না।—কাজেই সরাতে হবে ওকে। কিন্তু কিভাবে? এত লম্বা আলোকিত করিডর দিয়ে এতদূর গিয়ে ওকে কাবু করা অসম্ভব। আত্মহত্যারই সামিল। ওকে এখানে আনতে হবে। এমন ভাবে আনতে হবে যাতে কোনও সন্দেহ করতে না পারে। হঠাৎ উজ্জ্বল হাসিতে উদ্ভাসিত হয়ে উঠল রানার মুখ। ধূর্ত ফজল মাহমুদও প্রশংসা না করে পারবে না।

রেনকোট, টুপি, ওভার কোট, টাই খুলে ফেলল রানা। বাথটাবে লুকিয়ে রাখল। তারপর শার্টের ওপরের দিকের তিনটে বুটাম খুলে দিয়ে সারা মুখময় আচ্ছন্ন সাবান ঘষে ফেনা তুলে ফেলল। কারণ শ্রীনগরের প্রত্যেকটি এ-আরবিকে অফিসারের কাছে ওর চেহারা বর্ণনা দেয়া হয়েছে। এবার দুই হাত ধুয়ে-মুছে নিল তোয়ালেতে। বাম হাতে পিস্তলটা ধরে তোয়ালে দিয়ে ঢেকে নিয়ে দরজা খুলে ফেলল। নিচু ফাঁসফেঁসে গলায় ডাকল ওকে, ‘এ...ই!’

বাট করে ঘুরে দাঁড়াল গার্ড। রিভলভারের বাঁটে চলে গেছে ওর ডান হাত। কিন্তু বাথরুমের দরজায় ফেনা হাতে মুখে সাবান মাখা একজন নিরীহ ভদ্রলোককে দেখে সরিয়ে নিল হাতটা। ইশারায় ডাকল রানা ওকে। কিছু বলবার জন্যে হাঁ করেছিল, তর্জনী ঠোঁটের ওপর চেপে ধরে ওকে কথা বলতে নিষেধ করল রানা। বোবার ভাষায়। একটু দ্বিধা করল গার্ডটা, কিন্তু যখন দেখল দাঁত মুখ খিচিয়ে ওকে কাছে যাওয়ার ইঙ্গিত করছে লোকটা পাগলের মত, তখন দৌড়ে এগিয়ে এল সে। রানার কাছে পৌছবার আগেই রিভলভার বের করে ফেলেছে সে হোলস্টার থেকে।

‘ওই দরজার বাইরে একজন লোক আছে!’ ফিসফিস করে চাপা উত্তেজিত গলায় বলল রানা গার্ডের কানে কানে। ‘দরজা খোলার চেষ্টা করছে লোকটা।’

‘সত্যিই? আপনি দেখেছেন ওকে?’

‘দেখেছি। আমাকে ও দেখতে পায়নি।’ তোয়ালের তলা থেকে রানার পিস্তল চলে এল ডান হাতে।

গার্ডের চোখ দুটো জুলজুল করে উঠল। পুরু ঠোঁট দুটোতে ফুটে উঠল একটুকরো হাসি। ওর মনের মধ্যে তখন প্রমোশন, বাহবা ইত্যাদির চিন্তা ছুটোছুটি করছে। একটুও সন্দেহ করল না রানাকে। এক হাতে ঠেলা দিয়ে রানাকে

মৃত্যুর সাথে পাঞ্জা

১০৭

একপাশে সরিয়ে বাথরুমের ভেতর ঢুকে পড়ল সে। রানার ডানহাতটা তোয়ালের নিচে থেকে সরে গেল—গার্ডের পেছন পেছন সে-ও এগোল।

পা ভাঁজ হয়ে যেতেই ধরে ফেলল রানা গার্ডটাকে, আঁস্বে নামিয়ে দিল মেঝের ওপর। হাত-পা বেঁধে জ্ঞানহীন গার্ডের মুখের ভেতর একটা রুমাল ভরে বেঁধে ফেলল মুখটা বাইরে থেকে। তারপর নিজের জামা-কাপড় তুলে মেঝেতে রেখে সমতুলে শুইয়ে দিল ওকে বাথটাবের ভেতর।

দুই মিনিট পর টুপিটা হাতে নিয়ে, ওভারকোটটা বাম বাহুতে ভাঁজ করে ঝুলিয়ে, যেন একজন হোটেল গেস্ট বাথরুম সেরে ঘরে ফিরছে এমনি ভাবে বেরিয়ে এল রানা করিডরে, গিয়ে দাঁড়াল ৮৭ নম্বর কামরার সামনে। কিন্তু একটা চাবিও লাগল না দরজায়।

পাশের নম্বর ছাড়া দরজা—অর্থাৎ অ্যাটাচড বাথরুমের দরজার সামনে এসে দাঁড়াল রানা। এটাতেও তালা দেয়া। এষং এবারও চাবি দিয়ে খুলতে পারল না রানা দরজাটা। কিন্তু যে-কোনও দরজার তালা খুলবার জন্যে স্পেশাল ট্রেনিং দেয়া হয়েছে ওকে পি.সি.আই. থেকে। চারকোনা একটা পাতলা সেলুলয়েডের টুকরো বের করল সে পকেট থেকে। দরজার ফাঁক দিয়ে সেটা ঢুকিয়ে দিয়ে হ্যাণ্ডেলটা ধরে হিঞ্জের দিকে টান দিল সে, তারপর বলুতে একটা চাড় দিতেই ক্লিক করে খুলে গেল দরজা। ভেতরে ঢুকে পড়ল রানা।

বেডরুমের চাবির ফুটোয় চোখ রেখে দেখল রানা সে-ঘরটাও অন্ধকার। আঁস্বে দরজা খুলে পেসিল টর্চটা বুলাল সে-ঘর। খালি। নিঃশব্দ পায়ে জানালাগুলো পরীক্ষা করে দেখল রানা—একবিন্দু আলোও বাইরে যাবার উপায় নেই। নিশ্চিন্তে জেলে দিল সে ঘরের দরজা। দরজার হ্যাণ্ডলে টুপিটা ঝুলিয়ে দিল যাতে চাবির ফুটো দিয়ে বাইরে যাওয়া না যেতে পারে।

সারা ঘর তন্ন তন্ন করে খুঁজল রানা। দেয়াল, টাঙানো ছবি, ভেন্টিলেটর—কোনও জায়গায় সাদ রইল না। লুকানো মাইক্রোফোনটা বের করতে ওর তিন মিনিট সময় লাগল—সেই সাথে বোঝা গেল ঘরে স্পাই হোল নেই কোনও। বাথরুমে কোনও মাইক্রোফোন পেল না সে। বাইরে পায়ের শব্দ শোনা গেল। একেবারে কাছে। কার্পেট বিছানো থাকায় আগে থেকে টের পায়নি সে। দৌড়ে বেডরুমে ঢলে এল সে। লাইট নিভিয়ে দিল। দু'জন লোক কথা বলছে দরজার ওপাশে। টুপিটা তুলে নিয়ে ছুটে চলে গেল সে বাথরুমের মধ্যে। দরজাটা একটু ফাঁক রেখে চোখ রাখল বেডরুমের দিকে।

বহু ছবি দেখে দেখে চেহারাটা মুখস্থ হয়ে গেছে রানার—চিনতে অসুবিধে হলো না, ঘরে ঢুকলেন ডক্টর সেলিম খান। তাঁর পিছনে ঢুকল গাড়ী নীল স্যুট পরা একজন লম্বা লোক। ইউরোপীয়ান। নিশ্চয়ই নামজাদা কোনও বৈজ্ঞানিক হবে। দু'জন দুটো সোফায় চেপে বসে হৈ-হৈ করে গল্প জুড়ে দিল। দুর্বোধ্য সব কথাবার্তা। কিছুক্ষণ চুপচাপ দাঁড়িয়ে থেকে বিরক্ত হয়ে উঠল রানা। উঠবার নামও নেই।

নীল স্যুটওয়ালাকে এখান থেকে ভাগাতে হবে, ভাবল রানা।

পাঁচ

নিজের অজান্তেই পিস্তলটা বের করে হাতে নিয়েছিল রানা ছুটে বাথরুমে ঢোকার সময়। বাম হাতে নিল সে সেটাকে। ঘড়ির দিকে চোখ যেতেই চমকে উঠল। দ্রুত ফুরিয়ে আসছে সময়।

আধ ডজন প্ল্যান এল মাথার মধ্যে—সবগুলোকে বাতিল করে দিল সে। কোনও ঝুঁকি নেয়া চলবে না। সেলিম খানের প্রাণের মূল্য অনেক বেশি। তাঁর ব্যাপারে কোনও বিপদের ঝুঁকি নেয়া উচিত হবে না।

শেষ পর্যন্ত একটা প্ল্যান মোটামুটি পছন্দ হলো ওর। বাথরুমের দিকে মুখ করে বসে ছিলেন সেলিম খান। বাথরুমের দরজার ঠিক উল্টোদিকে দেয়ালে ঝোলানো একটা বড় আয়না। নিঃশব্দে আয়নার সামনে গিয়ে দাঁড়াল রানা। লাল সাবান তুলে নিয়ে আয়নার ওপর গোটা গোটা করে নিখল:

আমি পাকিস্তান থেকে এসেছি।

সাথের লোকটিকে বিদায় করুন।

এবার বাথরুম থেকে করিডরে বেরোবার দরজা খুলল সে সাবধানে। মাথা গলিয়ে দেখল কেউ নেই করিডরে। বাইরে বেরিয়ে উঠল সেলিমের বেডরুমের দরজায় দুটো টাকা দিয়েই আবার এসে বাথরুমে ঢুকল রানা।

নীল স্যুট পরা লোকটা উঠে দাঁড়িয়ে ততক্ষণে, দরজা খুলতে যাচ্ছে সে। মাথাটা ঢোকাল রানা বেডরুমের মধ্যে। আঙুল ঠোঁটের ওপর রেখে একমুহূর্তের জন্যে পেসিল টর্চের আলোটা ফেঁদল সেলিম খানের চোখে। চমকে চাইলেন সেলিম খান, দরজা দিয়ে বেরিয়ে থাকা রানার মুখটা দেখলেন। ঠোঁটের ওপর আঙুল থাকা সত্ত্বেও নিজেকে সন্মিলনে পারলেন না তিনি, প্রায় অস্ফুট একটা শব্দ বেরিয়ে এল ওর মুখ থেকে। নীল স্যুট পরা লোকটা দরজা খুলে ফাঁকা করিডরে এদিক-ওদিক চাইছিল, ঘুরে দাঁড়িয়ে জিজ্ঞেস করল, 'কি হলো, প্রফেসর খান?'

সেলিম খান ততক্ষণে সামলে নিয়েছেন। আয়নার ওপরের লেখাটাও দেখে নিয়েছেন রানার টর্চের আলোয়।

'নাহ্, এমন কিছু নয়। সেই মাথার যন্ত্রণাটা। হঠাৎ করে বেড়ে ওঠে। কেউ নেই বাইরে?'

'নাহ্, কেউ নেই। অথচ আমি স্পষ্ট...আপনি কি খুব খারাপ বোধ করছেন, প্রফেসর?'

'ঠিক হয়ে যাবে। একটা ট্যাবলেট খেয়ে শুয়ে পড়লেই সেরে যাবে।'

'ডাক্তারকে খবর দেব?'

'না-না! কোনও দরকার নেই। প্রায়ই হয় এরকম, ট্যাবলেটেই সেরে যায়।' বিধানচন্দ্রের প্রেসক্রাইব করা ট্যাবলেট। আপনার সাথে আলাপটা বেশ জমে উঠেছিল, অথচ...

‘তাতে কি আছে, কাল আবার গল্প করা যাবে। আজ আসি তাহলে!’

বেডরুমের দরজাটা ক্রিক করে লেগে যেতেই কিছু বলতে যাচ্ছিলেন সেলিম খান, হাতের ইশারায় থামতে বলল রানা। বেডরুমে এবং বাথরুমের দরজায় চাবি লাগিয়ে দিয়ে বাথরুমে নিয়ে এল রানা সেলিম খানকে। মাঝের দরজাটা বন্ধ করে দিয়ে আলো জ্বলে দিল বাথরুমের।

‘কে তুমি? কি করছ আমার কামরায় ঢুকে?’

‘আমার নাম মাসুদ রানা। পাকিস্তান থেকে এসেছি আপনার সঙ্গে দেখা করতে। আপনার সাথে কিছু কথা আছে।’

‘তা বাথরুমে দাঁড়িয়ে কি কথা? ঘরে গিয়ে বসে...’

‘ওই ঘরে কথা বলা যাবে না। ভেন্টিলেটরের ওপর লুকানো মাইক্রোফোন আছে ও ঘরে।’

‘কি আছে বললে? মাইক্রোফোন? তা তুমি জানলে কি করে?’ অবাক হয়ে ভুরু জোড়া উচু করলেন সেলিম খান।

‘আপনি ঘরে ঢুকবার আগেই আমি ঘরটা পরীক্ষা করে দেখেছি।’

‘আচ্ছা! এই জন্যেই আমাকে অন্যান্য সাইন্টিস্টদের সঙ্গে মেলামেশার সুযোগ দিয়েছে? তাই ভাবছিলাম, হঠাৎ এমন উদার হয়ে উঠল কেন আমার দেহরক্ষীরা। যাক, কিজন্যে দেখা করতে এসেছ? চাক্ষুণ্যিক কড়া পাহারা। তোমার প্রাণের ভয় নেই, ইয়াংম্যান? ধরা পড়লে কি অবস্থা হবে ভেবে দেখেছ?’

‘আপনাকে নিয়ে যেতে এসেছি আমি।’

‘তুমি ছেলেমানুষ—তুমি আমাকে নিয়ে যাবে কি হে? তুমি পারবে? তাছাড়া আমার স্ত্রী? ওকে ছাড়া এক পা-ও বেড়ানো পড়বে না আমি। ও দিল্লীতে পড়ে থাকবে আর আমি সুযোগ পেয়ে চলে যাব পাকিস্তানে...’

‘তারও ব্যবস্থা হয়েছে,’ বাধা দিল রানা। দ্রুত কথাবার্তা সারতে হবে। ‘এতক্ষণে তিনি বর্ডারের কাছাকাছি। উনি নিরাপদে বর্ডার পেরোলেই জানতে পারব আমরা।’

‘কিভাবে?’

আজ হোক বা আগামীকাল হোক ঠিক রাত দশটায় করাচী রেডিও থেকে যান্ত্রিক গোলযোগের দরুন রাত নয়টা পাঁচ থেকে নয়টা সাত মিনিট পর্যন্ত শর্ট ওয়েভে অনুষ্ঠান প্রচার করা সম্ভব হয়নি বলে দুঃখ প্রকাশ করা হবে। তার মানে আপনার স্ত্রী নিরাপদে পাকিস্তানে পৌঁছেছেন। হয়তো তার আগেই আমরাও বর্ডার ক্রস করতে...’

‘আমার তা মনে হয় না, মিস্টার মাসুদ রানা। প্রথম কারণ, পুলিশের চম্বিশ ঘণ্টা প্রহরার মধ্যে থেকে আমার স্ত্রীকে বের করে নিয়ে এদেশ থেকে পালিয়ে যাওয়া সম্পূর্ণ অসম্ভব। আর দ্বিতীয় কারণ, ওই সংবাদটা না পেলে আমি রওনাই হব না।’

আজই সেলিম খানকে এখান থেকে সরিয়ে ফেলতে পারলে সবচাইতে ভাল হত। কিন্তু এ ব্যাপারে চাপাচাপি করতে আগেই নিষেধ করে দেয়া হয়েছে রানাকে। ডক্টর সেলিম যে স্ত্রীর নিরাপত্তা সম্পর্কে নিশ্চিত না হয়ে রানার প্রস্তাবে

রাজি হবেন না, একথা জানাই ছিল। সেইমত প্ল্যানও করা আছে। প্ল্যানটা ভেঙে বলল রানা। এবং সবশেষে বলল জিজ্ঞাসার ঠিকানাটা। কয়েকবার সজোরে আবৃত্তি করে মুখস্থ করে নিলেন ডক্টর সেলিম ঠিকানাটা। কোনও অবস্থাতেই ঠিকানাটা প্রকাশ করবেন না বলে কথা দিলেন। সশ্রীক পাকিস্তানে চলে আসতে পারবেন, ছেলেদের সঙ্গে আবার মিলিত হতে পারবেন, সেই সুখ-কল্লনায় বিভোর হয়ে গেলেন বৃদ্ধ বৈজ্ঞানিক। রানা ঘড়ি দেখল: পৌনে আটটা। কাফে ডি পার্লে যেতে হবে।

ডক্টর সেলিমের কামরার গরাদহীন জানালা গলে কয়েকটা বিছানার চাদর গিট দিয়ে বানানো দড়ি বেয়ে নেমে এল রানা হোটেলের ডান পাশে রাস্তার ওপর। চাদরগুলো গুটিয়ে নেবার আগেই অদৃশ্য হয়ে গেল রানা অবিরাম তুষার আর অশ্রুকারের মধ্যে।

ঠিক সাড়ে আটটায় পৌঁছল ও কাফে ডি পার্লে। নাগিন লেকের ধারে চমৎকার ছিমছাম রেস্টোরাঁ। ভেতরটায় লোকজন গমগম করছে। ঠাণ্ডা জনশূন্য রাস্তা পেরিয়ে এতদূর এসে হঠাৎ অবাক লাগে। ঘরটা কেবল সরগরমই নয়, উত্তপ্ত হয়ে আছে।

টুকেই একটু থমকে দাঁড়িয়েছিল রানা, কিন্তু সে কেবল এক সেকেন্ডের দশভাগের এক ভাগ মাত্র। তারপরই হাঁটতে আরম্ভ করল আবার। চার-পাঁচজন সোলজার বসে আছে দরজার কাছেই একটা টেবিলে।

অল্পদূর এগোতেই চোখ পড়ল ওর রুবিনার ওপর। কোণের একটা টেবিলে বসে আছে সে। একা। চোখে চোখ পড়ল কিন্তু যেন চিনতেই পারেনি এমনি ভাবে চোখ ফিরিয়ে নিল রুবিনা। বুঝল রানা ব্যাপারটা। আশপাশের সব টেবিলেই লোক ভর্তি, কিছুক্ষণ ইতস্তত করবার জায়গা নেই। রুবিনার টেবিলের দিকে এগোল রানা।

‘আপনার টেবিলে বসতে পারি?’

জবাব দিল না রুবিনা। চোখে চোখে চাইল একবার, তারপর ঘাড় ফিরিয়ে দূরের একটা খালি টেবিলের দিকে চাইল বিরক্ত মুখে। বসে পড়ল রানা সামনের চেয়ারে। বুঝল আশপাশের টেবিল থেকে কয়েকজন ঈর্ষান্বিত যুবক লক্ষ্য করছে ওকে।

‘কি ব্যাপার?’ ফিস ফিস করে বলল রানা।

‘আমাকে অনুসরণ করা হচ্ছে।’

‘এখানে আছে?’

চোখের পাতা একটু নামাল। রানা বুঝল এই কাফেতেই আছে অনুসরণকারী।

‘কোনখানটায়?’

‘সোলজারগুলোর পাশের টেবিলে।’

‘চেহারাটা বর্ণনা করুন,’ পিছনে না ফিরে বলল রানা।

‘কালো রেনকোট, গোল মুখ, পুতনিতে সামান্য দাড়ি আছে, লম্বায় মাঝারি।’ কথাগুলোর সঙ্গে রুবিনার মুখের চেহারার কোনও সামঞ্জস্যই নেই। মুখের ভাবে

ফুটে উঠেছে স্পষ্ট বিরক্তি। অভিনেত্রীই বটে। হাসি পেল রানার, কিন্তু হাসল না।

‘ওকে খসিয়ে না দিতে পারলে কথা বলা যাবে না। বেরোতে হবে এখান থেকে। আগে আপনি, তারপর আমি।’ টেবিলের ওপর রাখা রুবিনার হাত ধরে চাপ দিল রানা। ঝুঁকে এল সামনের দিকে। ‘আমি এই মাত্র জঘন্য একটা প্রস্তাব দিলাম আপনাকে। কি রকম প্রতিক্রিয়া হবে আপনার?’

‘এই রকম।’ এক টানে হাতটা ছাড়িয়ে নিল রুবিনা। চটাস করে চড় পড়ল রানার গালে। এত জোরে শব্দ হলো যে গোটা ক্যাফের মৃদু গুঞ্জন আর কথাবার্তা স্তব্ধ হয়ে গেল। সবাই ফিরে চাইল এই টেবিলের দিকে। এক ঝটকায় উঠে দাঁড়াল রুবিনা। টেবিলের ওপর থেকে হ্যাণ্ডব্যাগ আর গ্লাভস তুলে নিয়ে ডাইনে বাঁয়ে কারও দিকে না চেয়ে হনহন করে চলল দরজার দিকে। এইবার যেন কোনও অদৃশ্য সংকেতে হঠাৎ একসাথে মুখর হয়ে উঠল আবার সমগ্র রেস্টোরাঁ। চাপা হাসি আর মৃদু গুঞ্জে ভরে গেল চারিটা দিক। টিটকারির বন্যা ছুটল রানার উদ্দেশে।

এক হাতে গালটা ঘষল রানা কিছুক্ষণ। ঘুরে দেখল সুইং-ডোরের পাশা দুটো দুলছে। বেরিয়ে গেছে রুবিনা। এবং প্রায় সাথে সাথেই কালো রেনকোট পরা একজন লোক উঠে দাঁড়িয়েছে, কাউন্টারে কিছু পয়সা ছুঁড়ে দিয়ে বেরিয়ে যাচ্ছে মেয়েটির পিছু পিছু।

উঠে দাঁড়িয়ে দরজার দিকে হাঁটতে আরম্ভ করল রানা। অপমানিত, লজ্জিত চেহারা—রেনকোটের কলার উঠিয়ে দিয়ে টুপিটা একটু টেনে মুখ ঢাকবার চেষ্টা করতে দেখে একেবারে হৈ-হৈ করে ছোঁসে উঠল সব লোক। মাথা নিচু করে বেরিয়ে এল রানা রাস্তায়। মেয়েটির বেশ খানিকটা পেছন পেছন হাঁটছে কালো রেনকোট পরা লোকটা।

রাস্তার মোড় ঘুরে কিছুদূর গিয়ে একটা বাসস্ট্যাণ্ডের অন্ধকার ওয়েটিং শেলটারে দাঁড়িয়ে পড়ল রুবিনা। লোকটাও চট করে একটা মস্ত চিনার গাছের আড়ালে দাঁড়িয়ে সিগারেট ধরল। ওকে ছাড়িয়ে রুবিনার কাছে চলে এল রানা।

‘লোকটা ওই গাছটার আড়ালে দাঁড়িয়ে আছে,’ বলল রানা। ‘কতক্ষণ ধরে পেছনে লেগেছে ব্যাটা?’

‘বাড়ি থেকেই। পঞ্চাশ গজ আসতেই টের পেলাম। তখন আর ফিরে যাওয়া যায় না। ছায়ার মত পেছনে লেগে গেছে একেবারে। এ-আরবিকে-র লোক সন্দেহ নেই।’

‘ঠিক আছে। আপনার সন্তান রক্ষা করুন। প্রাণপণে একটা ফাইট দিন দেখি।’

‘কিন্তু সাবধান!’ ভয়ে শুকিয়ে গেছে রুবিনার মুখ। ‘ভয়ঙ্কর লোক এরা...’

কথা শেষ হবার আগেই একটানে ফুটপাথের ওপর নিয়ে এল রানা রুবিনাকে। দুইহাতে জড়িয়ে ধরে চুমু খাওয়ার চেষ্টা করছে সে রুবিনার ঠোঁটে। ওর হাত থেকে বাঁচবার চেষ্টা করছে রুবিনা পেছন দিকে হেলে। খোঁপা খুলে আলগা হয়ে গেছে। দুইহাতে কিল দিচ্ছে সে রানার পিঠে।

গাছের আড়াল থেকে দেখল লোকটা রুবিনার এই প্রাণপণ যুদ্ধ। কিছু সন্দেহ না করে বেড়ালের মত নিঃশব্দ পায়ে এগিয়ে এল সে। রিভলভারটা উল্টো করে ধরে ওঠাল সে রানার মাথায় মারার জন্যে। ঠিক সময় মত মেয়েটির মুখ থেকে শব্দ

বোরোল একটা। অমনি ধাঁই করে রানার কনুইটা গিয়ে পড়ল লোকটার পেটের ওপর। পরমুহূর্তেই ঘুরে দাঁড়িয়ে খোলা হাতে মারল রানা ওর ঘাড়ের ওপর কারাতের এক কোপ। ধপাস করে পড়ে গেল লোকটা জ্ঞান হারিয়ে। প্রাণটা আছে না গেছে দেখল না রানা। টেনে নিয়ে গেল দেহটা ওয়েটিং শেলটারের ভেতর সবচাইতে অন্ধকার কোণটায়। রিডলভারটা রানার পকেটে চলে গেছে আগেই।

মোড় ঘুরে এগিয়ে চলল ওরা। দু'জন টাইলদার পুলিশ চলে গেল ওদের পাশ দিয়ে কাফে ডি পার্কের দিকে। ওদের দেখল একনজর, কিছু বলল না।

একবার শিউরে উঠল রুবিনা। অবাধ হয়ে চেয়ে রইল রানা ওর দিকে। বিশাল লোকটা ঘুরে এসে কাফে ডি পার্কের ঠিক উল্টোদিকে ফিশারী ডিপার্টমেন্টের একটা ছাপড়ার মধ্যে আশ্রয় নিয়েছে ওরা। অল্প জায়গার মধ্যে ঠাসাঠাসি করে বসেছে। মাছ ধরার টিকিট ইস্যু করবার কাউন্টার দিয়ে গজ বিশেক দূর থেকে ল্যাম্প-পোস্টের ম্লান আলো এসে পড়েছে রুবিনার গায়ে। কিন্তু মুখটা পরিষ্কার দেখা যাচ্ছে না।

‘এখনও শীত করছে?’ জিজ্ঞেস করল রানা।

‘না, শীত ঠিক নয়, কেমন যেন একটা অস্বস্তি। এত নিষ্ঠুর হৃদয়হীন লোকের এত কাছাকাছি আমি জীবনে আর আসিনি কখনও। নিষ্ঠুর লোকদের আমি ভয় পাই।’

‘আমাকে ভয় পাচ্ছেন? কিন্তু আমি তো আপনার কোনও ক্ষতি করিনি, করবও না।’

‘সে আমি জানি।’

‘ওই লোকটার কথা বলছেন? এছাড়া আর কিই বা করতে পারতাম আমি?’

‘কিছুই না। জিজ্ঞিরও এই কথাই বলে, মাহমুদও। আমি আপনাদের সবাইকে ভয় করি। কাজ উদ্ধারটাই আপনাদের কাছে বড় কথা। আপনারা যন্ত্র। বিনা দ্বিধায় খুন করতে পারেন আপনারা।’ আরেকবার শিউরে উঠল সে। ‘একজনকে মেরে বাখটাবে রেখে এসেছেন মুখে কাপড় গুঁজে, এতক্ষণে হয়তো মারাই গেছে বেচার। আবার অল্পক্ষণ আগে আরেকজনকে মূর্খ অবস্থায় ফেলে এলেন এই প্রচণ্ড ঠাণ্ডার মধ্যে। এক ঘণ্টার মধ্যে মারা যাবে এ-ও।’

‘হোটেলের সেই লোকটাকে গুলি করে মারতে পারতাম, সাইনেসার লাগানো ছিল পিস্তলে—কিন্তু তা করিনি। আর এই লোকটাকে এছাড়া আর কি করতে পারতাম? আমি না করলে ও-ই আমার এই অবস্থা করত।’

চুপ করে রইল রুবিনা। রানা বুঝল, কিছুতেই ওর এইসব কাজ সমর্থন করতে পারছে না সে। ওর কোমল মনের পর্দায় এইসব ঘটনা বড় বেশি করে নাড়া দিচ্ছে। খোলা রাস্তার ওপর ভয়ঙ্কর শীতে টিকতে না পেরে চলে এসেছে ওরা এই ছাপড়ার আশ্রয়ে। সর্বশেষ সংবাদ নিয়ে এসেছে রুবিনা জিজ্ঞিরের। খবরটা ভাল নয়। দু'জন গোয়েন্দা ঘুর ঘুর করছিল ওই বাড়ির আশপাশে ক’দিন ধরে। আজ খোলা গ্যারেজ দিয়ে ঢুকে পড়েছিল একজন। ধরে বেঁধে রেখেছে ওকে খামিসু খান। জিজ্ঞিরের বাসায় আজ সন্ধ্যায় ডক্টর সেলিমের ব্যাপারে যে প্ল্যান ঠিক করবার কথা ছিল

তাতে বাধা নেই কোনও। কিন্তু জিজির বারবার করে বলে দিয়েছে রানা যেন রাত বারোটোর আগে ওই বাড়িতে কিছুতেই না আসে। আর রানা রুবিনাকে বলেছে ওর দিকের সমস্ত সংবাদ। এ-আরবিকে গার্ড দু'জনকে ফাঁকি দিয়ে হোটেলে ঢোকা থেকে নিয়ে তিনতলার গার্ডকে অজ্ঞান করে উল্টর সেলিমের সাথে দেখা করা পর্যন্ত সব।

‘আপনার জন্যে এ জীবন নয়, মিস রুবিনা। আমার অবাক লাগছে ভাবতে, আপনি কেন বিপ্লবীদের দলে যোগ দিলেন। যাক সেটা আপনার ব্যক্তিগত ব্যাপার। আপনি নিশ্চয়ই এ জীবন পছন্দ করেন না?’

‘পছন্দ! কোন্ মেয়ে পছন্দ করবে এই জীবন? সব সময় ভয়, পালিয়ে বেড়ানো। যে-কোনও মুহূর্তে যে-কোনও দিক থেকে আসতে পারে বিপদ, সব সময় চমকে তাকিয়ে দেখতে হচ্ছে কেউ আছে কিনা পেছনে। পেছনে তাকাতেও ভয় করছে, যদি সত্যিই কেউ থাকে! এমন জীবন...’

‘আপনি যাবেন আমার সঙ্গে নিরাপদ কোনও দেশে?’

চট করে রানার দিকে ফিরল রুবিনা। বলল, ‘না।’

‘কেন?’

‘যেতে পারব না। আমি চলে গেলে আমার আত্মাকে কে দেখবে?’

‘আপনার আত্মা...’ একটু বিস্মিত হলো রানা।

‘আপনাকে নিশ্চয়ই বলেনি জিজির? কাউকেই বলে না। সবাইকে বলে আমি ওর শিষ্য। পাছে কোনও ভাবে আমার কোনও ক্ষতি হয় তাই নিজের মেয়েকে মেয়ে বলে পরিচয় দিতে ভয় পায়। আর সত্যি আপনজনের মত আমিও যদি ধরা পড়ে যাই, তবে আর কেউ থাকবে না যে আমার...’

‘মেজর জেনারেল দিলদার রেখ আপনার আত্মা?’

‘হ্যাঁ। আমিই ওর একমাত্র মেয়ে। আমার চার ভাই প্রাণ দিয়েছে এ-আরবিকে টরচার চেম্বারে আমার মাঝে কঠোরতম নির্যাতন করা হয়েছে, চাবকে সারা শরীরের ছাল ছাড়িয়ে নেয়া হয়েছে একটা ঠিকানা বের করবার জন্যে, শেষ পর্যন্ত গুলি করে মারা হয়েছে গাছের গুঁড়ির সাথে বেঁধে, তবুও ভেঙে পড়েনি আমার আত্মা। তিনবার ধরা পড়েও পালিয়ে এসেছে ওদের হাত থেকে। ওদের নির্যাতনের দাগ কিছু কিছু আপনি নিশ্চয়ই দেখেছেন। বাইরে থেকে সামান্যই দেখা যায়। জামা খুললে আংকে উঠবেন আপনি। সারা গায়ে ব্যাণ্ডেজ জড়িয়ে পেট্রল ঢেলে তাতে আগুন জ্বালিয়ে দিয়েছিল ওরা। সেই সব নির্যাতনের কথা আত্মা কিছুতেই বলেন না আমাকে—কিন্তু ভুলতেও পারেন না। এখনও মাঝে মাঝে আতর্নাদ করে ওঠেন ঘুমের মধ্যে স্বপ্ন দেখে। বাম হাতের দুটো আঙুল কেটে পড়ে গেছে ওর জেলখানার কাঁচের টুকরো বসানো উঁচু দেয়াল উপকে পালাবার সময় দেয়ালের গায়ের শ্যাওলায় পা পিছলে গিয়ে। সেই অবস্থায় দেয়াল উপকে বারো মাইল দৌড়ে নিরাপদ আশ্রয়ে সরে গেছেন উনি। যার বাবা দেশের স্বাধীনতার জন্যে এত বড় ত্যাগ স্বীকার করতে পারেন, এত কঠোর নির্যাতন হাসিমুখে সহ্য করতে পারেন, তাঁর মেয়ে হয়ে পালিয়ে যাব কি করে?’

‘আচ্ছা, মাহমুদ সাহেবের সঙ্গে আপনার আত্মার পরিচয় কি ভাবে? উনিও কি

ব্রিটিশ আর্মিতে ছিলেন?’

‘না। ব্রিটিশ আর্মিতে আন্সার ডিভিশনে খামিসু খান ছিল হাবিলদার মেজর। ফজল ভাইয়া এসব লাইনেরই লোক না। বাটাকুটে ওঁর ছিল মস্ত জমিদারী। সে-সবকিছু ছাড়বার করে দিয়েছে ভারতীয় সৈন্যরা। বাড়িঘর লুটপাট করে জ্বালিয়ে দিয়েছে, মেয়েদের ওপর করেছে বর্বর অত্যাচার। ওঁর বাবা-মা ভাই-বোনকে অকথ্য নির্যাতন করে হত্যা করেছে। দাউ দাউ করে প্রতিহিংসার আগুন জ্বলছে ওঁর বুকের ভেতর। কি শীতে কি গ্রীষ্মে আহা! নাই বিধাম নাই, পাগলের মত পরিশ্রম করেছেন উনি গোপনে বিপ্লবী দল গড়ে তোলার কাজে। ফলে ভয়ঙ্কর অসুখ হয়ে গেছে ওঁর—নাক মুখ দিয়ে মাঝে মাঝে গল গল করে রক্ত পড়ে। ডাক্তার বলেছে যদি কমপ্লিট রেস্ট নেয় তাহলে বড়জোর আর দু’মাস বাঁচবে। তবুও বিধাম নেবে না সে এক মুহূর্ত। অদ্ভুত লোক। পাঁচ বছর আগে আন্সার সঙ্গে একসাথে পালিয়ে এসেছে নয়াদিল্লীর কারাগার থেকে। সেই থেকে আর ছাড়াছাড়ি হয়নি দু’জনের।’

মন দিয়ে শুনছে রানা। চুপ করেই থাকল সে। অনেক কথা বলে গেল রুবিলা। কাশ্মীরী মুসলমানদের ওপর ভারত সরকারের অমানুষিক অত্যাচারের কাহিনী, বিপ্লবীদের ব্যর্থ অভ্যুত্থান, আবার গোপনে দল গঠন, জিজিরের ভূমিকা, ফজল মাহমুদের ভূমিকা, নিজের ভূমিকা। শেষে থামল একটা ব্যক্তিগত প্রশ্নে এসে।

‘বিয়ে করেননি বোধহয়, তাই না?’

‘এ আবার কি প্রশ্ন?’

‘ভয় নেই, আমার মতলব নেই কোনও। দুই কৌতূহল।’

‘উত্তরটা তো নিজেই আঁচ করে নিচ্ছেন। যে-কেউ পারবে আঁচ করতে। স্ত্রীলোক আর আমার জীবনযাত্রা পরস্পর বিরোধী।’

‘জানি। আপনাকে অমানুষ, নিষ্ঠুর ইত্যাদি বলে কেন জানি আমার খুব খারাপ লাগছে। আপনি দুই-দুইবার আমাকে রক্ষা করলেন আজ সন্ধ্যায়—অমানুষের পক্ষে সেটা সম্ভব হত না। আপনি সে-সহানুভূতির সঙ্গে এতক্ষণ ধরে আমার বকর-বকর শুনলেন সেটাও অমানুষের কাজ নয়। গল্প বলতে বলতে আমি যখন কাঁদছিলাম আপনি সান্তনা দেবার জন্যে আমার কাঁধে হাত রেখেছিলেন, সেটাও অমানুষের কাজ নয়। কিন্তু এখন দয়া করে হাতটা না নামালে বাড়ি গিয়ে আয়োডেন্স মালিশ করলেও ব্যথাটা যাবে না। অবশ্য হয়ে গেছে কাঁধটা আমার।’ খিল খিল করে হেসে উঠল রুবিলা।

‘ছি ছি!’ সত্যি সত্যিই আশ্চর্য হয়ে গেল রানা। নিজের অজান্তেই কখন যে রুবিনার কাঁধে হাত রেখেছে খেয়ালই করেনি সে এতক্ষণ। লজ্জিত হয়ে হাতটা উঠিয়ে নিশ্চিল রানা। হঠাৎ বরফের মত যেন জমে গেল সে। চেপে ধরল সে কাঁধটা। কানের কাছে ফিসফিস করে বলল, ‘ধরা পড়ে গেছি, রুবিলা। ঘরের বাইরে লোক।’

এক সেকেণ্ডে মনস্থির করে নিল রানা। ডান হাতে জড়িয়ে ধরল রুবিনার কোমর, তারপর চুম্বন করল ওর ঠোঁটে। প্রথমে বাধা দেবার চেষ্টা করল রুবিলা, ধাক্কা দিয়ে সরাবার চেষ্টা করল এই অসভ্য পাকিস্তানী স্পাইকে, কিন্তু পরমুহূর্তেই বুঝল ব্যাপারটা। হাজার হোক জিজিরের মেয়ে সে। দুই হাতে জড়িয়ে ধরল সে

রানার গলা। সক্রিয়ভাবে সাড়া দিল রানার চুম্বনে, যেন বিভোর হয়ে গেছে।

দশ সেকেন্ড পার হয়ে গেল, তারপর আরও দশ সেকেন্ড। তাও দেখা নেই কোনও লোকের। সেই দু'জন টহলদার পুলিশই হবে। ওরা কি এ-আরবিকে-র সেই লোকটার দেহ খুঁজে পেয়েছে? নাকি, এমনিই টহল দিতে দিতে সন্দেহ করেছে যে এই ঘরে লোক আছে? তিরিশ সেকেন্ড পার হয়ে গেল। এমন সময় জুলে উঠল একটা শক্তিশালী টর্চ। একটা উল্লসিত গমগমে কণ্ঠস্বর শোনা গেল টর্চের পেছন থেকে।

‘দেখো, দেখো জয়দেব, শয়তানদের কাণ্ড দেখো! টেম্পারেচার টোয়েন্টি ফাইভ ডিগ্রী বিনো জিরো, অথচ এদের ভাবটা যেন দিব্যি রোদ পোহাচ্ছে। আজকালকার হোঁড়া-হুঁড়িদের হলো কি? অ্যাই ছোকরা,’ প্রকাণ্ড এক থাবা বসাল সে রানার কাঁধের ওপর। ‘কি করছ তোমরা এখানে? জানো না, আটটার পর থেকে এই এলাকায় কারফিউ?’

‘জানি,’ শ্রীনগরী উর্দুতে বলল রানা। মুখে ভয় এবং সঙ্কোচের ভাব। কিন্তু মনে মনে খুশি হয়ে উঠল সে। বাস শেলটারের জ্ঞানহীন দেহটা তাহলে এখনও গোপন আছে। ‘আমি দুঃখিত। আর কোথাও যাবার জায়গা ছিল না...’

‘চোপ, বুদ্ধ কাহিকে!’ গমগম করে উঠল খোশ মেজাজী গলাটা। ‘তোমার বয়সে আমরাও প্রেম করেছি। কিন্তু এমন বোকামি ঘটনয়। কষ্ট করে আর আধ মাইল গেলেই কাফে ডি পার্নের চমৎকার ছোট্ট কিবিন। এই সামান্য বুদ্ধিটুকু নেই মাথায়?’

রানা বলল এই লোকের দ্বারা ক্ষতির সত্তারনা নেই, বলল, ‘আমরা গেছিলাম কাফে ডি পার্নে...’

‘কি নাম তোমার? আইডেন্টিটি কার্ড দেখাও। আছে না?’ আরেকটা কণ্ঠস্বর শোনা গেল। ঠাণ্ডা, নিস্পৃহ, সঙ্কটপূর্ণ। প্রথম জনের থেকে সম্পূর্ণ আলাদা।

‘কাগজপত্র সঙ্গেই আছে।’ পকেটে হাত দিয়ে পিস্তলটা চেপে ধরল রানা। ঠিক এমনি সময়ে প্রথম জন কথা বলে উঠল আবার।

‘ডিটেকটিভ বই পড়ে পড়ে তোমার মাথা খারাপ হয়ে গেছে, জয়দেব। তোমার কি মনে হয় পাকিস্তান থেকে ওকে স্পাই হিসেবে পাঠানো হয়েছে শ্রীনগরের তরুণীদের কাছ থেকে কি পরিমাণ সহযোগিতা পাওয়া যায় পরীক্ষা করে দেখবার জন্যে?’ নিজের রসিকতায় নিজেই অট্টহাসিতে ভেঙে পড়ল মোটা লোকটা, তারপর আবার বলল, ‘তাছাড়া দেখতে পাচ্ছ না তোমার-আমার মত ও-ও শ্রীনগরের মানুষ? কি বললে? কাফে ডি পার্নে গিয়েছিলে?’

খানিকক্ষণ কি চিন্তা করে বলল, ‘উঠে এসো তো দেখি, ছোকরা!’

উঠে দাঁড়াল ওরা দু'জনেই। রানার গালের কাছে টর্চ ধরল লোকটা।

‘এই ছোকরাই। আমার আর কোনও সন্দেহ নেই।’ মুক্ত কণ্ঠে ঘোষণা করল মোটা লোকটা। ‘এর কথাই বলছিল ওরা। গালের ওপর পাঁচ আঙুলের দাগ দেখছ না? ওর চোয়াল যে খসে যায়নি এই বেশি!’ টর্চ ফেলে দেখল সে একবার রুবিনাকে আপাদমস্তক। তারপর তর্জনী তুলে সাবধান করার ভঙ্গিতে বলল, ‘সাবধান, ছোকরা! সাবধান করে দিচ্ছি। সুন্দরী, তাতে সন্দেহ নেই, কিন্তু রূপ

দেখে ভুলেছ কি মরেছ। এই বয়সেই যদি এই মেজাজ হয়, চল্লিশে পৌছলে কি হবে? আমার বিবিকে দেখলে টের পাবে।' হা-হা করে হেসে উঠল সে তার প্রাণ-খোলা হাসি। আবার গমগম করে উঠল ছোট্ট ছাপড়াটা। 'যাও। ভাগো। কেটে পড়ো এখন, বাছারা।'

রাত নয়টা বেজে পাঁচ। জনশূন্য চৌরাস্তার মোড়ে এসে পৌছল ওরা দুজন। এবার দুজন যাবে দুইদিকে।

'আমি বলে-এ দেব!' মাথা দুলিয়ে বলল রুবিনা।

'কি?' জিজ্ঞেস করল রানা।

'তুমি আমাকে চুমু দিয়েছ।'

'কাকে বলবে?'

'আমাকে, ফজল ভাইয়াকে...সবাইকে।'

'রেডিওতে অ্যানাউন্স করে দাও না, বেশি লোক জানবে।'

'দেবই তো!'

'বলো গে, যাও। কেউ আমার দোষ হুদবে না। বরং প্রশংসা করবে উপস্থিত বুদ্ধির।'

'প্রশংসা চাও তুমি?' জিজ্ঞেস করল রুবিনা দুই কান্না দিয়ে।

'নিশ্চয়ই।'

'তবে আরেকটা চুমু দাও না, আরও প্রশংসা পাবে।'

চোখে চোখে চেয়ে রইল দুজন কয়েক মুহূর্ত।

ক্ষীণ কটি জড়িয়ে ধরল রানার একটা হাত। অনেক কাছে চলে এলো রুবিনা নিঃসঙ্কোচে। দ্বিধা নেই আর ভয় মনে। ভাল লেগেছে তার এই পাকিস্তানী লোকটাকে!

একরাশ ক্ষুধা নিয়ে হোটেল ফিরল রানা। ভাল ভাবে পরীক্ষা করে বুঝল, ওর অনুপস্থিতিতে ঘরে ঢোকেনি কেউ। ঘরটা গরম করবার জন্যে হিটার অন করে দিয়ে খাবারের জন্যে হুকুম করল ম্যানেজারকে। রাত বাজে সোয়া দশটা।

খাওয়া-দাওয়া শেষ করে বিছানায় শুয়ে আকাশ-পাতাল ভাবছে রানা। নানান কথা ঘুরপাক খাচ্ছে ওর মনের মধ্যে। ঢাকার কথা, রাহাত খান, অফিস, রেহানা; ছবির মত মানসপটে এল-গেল। রাওয়ালপিণ্ডিতে তিনমাস ট্রেনিং-এর কথা মনে এল। ধীরে ধীরে অতীতে চলে গেল মনটা। মনে পড়ল অতীতের অনেক অনেক দিনের স্মৃতি। কত টুকরো পুরানো কথা। সুলতার কথা, মিত্রার কথা, জিনাত, অনিতা, মায়া ওয়াং-এর কথা। জীবনের কত বিচিত্র ঘটনার কথা। প্রবল এক স্রোতের টানে চলেছে সে ভেসে। কোথায় এর শেষ? কোথায়?

গরম ঘরটা ছেড়ে এক্ষুণি আবার বেরোতে হবে, তুষারের মধ্যে দিয়ে কাঁপতে কাঁপতে চলতে হবে লম্বা রাস্তায়, ভাবতেই মনটা খারাপ হয়ে গেল ওর।

স্নাতসেঁতে শার্ট টাই আর মোজা খুলে ভাঁজ করে রাখল সে যত্ন করে। রানা জানে না, জীবনে আর কোনদিন সে ফিরে আসবে না এই ঘরে। নতুন একপ্রস্থ

কাপড় পরে ওভারকোট চাপাল গায়ে, তার ওপর চাপাল রেইনকোট। দরজায় চাবি লাগিয়ে বেরিয়ে এল সে রাস্তায়। সন্ধ্যা করিডরের শেষ প্রান্তে এসে ওর মনে হলো ওর ঘরের টেলিফোনটা বাজছে। তিনবার, চারবার, পাঁচবার—বেজেই চলেছে। গা করল না রানা। ওর ঘরেই যে বাজছে তার কি নিশ্চয়তা। অন্য কোনও ঘরেও তো বাজতে পারে।

জিজিরের বাড়ির কাছে পৌছতে পৌছতে ঠাণ্ডায় প্রায় জমে যাবার অবস্থা হলো রানার। কিন্তু মনের মধ্যে কোনও উদ্বেগ নেই ওর—একটা ব্যাপারে সে নিশ্চিত, অনুসরণ করছে না কেউ।

গ্যারেজের দরজাটা কথা মত খোলাই আছে। বিনা দ্বিধায় অন্ধকার গ্যারেজে ঢুকে পড়ল রানা। বাম পাশে দেয়ালের গায়ের ছোট্ট দরজাটার দিকে চলল কোণাকুণি। ঠিক চার পা এগোতেই ফ্লাডলাইট জ্বলে উঠল গ্যারেজের মধ্যে। চোখ ধাক্কা দিয়ে গেল ওর উজ্জ্বল আলোতে। দেখতে পাচ্ছে না, কিন্তু স্পষ্ট শুনতে পেল সে খটাং করে লেগে গেল লোহার গেট। থমকে দাঁড়াল রানা।

কয়েকবার চোখ মিটিমিট করে আলোটা সইয়ে নিয়ে চারদিকে চাইল সে একবার। দেখল, গ্যারেজের চারকোনে চারজন কালো রেনকোট পরা লোক হাসছে মিটিমিট। চারজনের হাতের সাব-মেশিনগান আর অটোমেটিক কারবাইনগুলোও যেন মুচকে হাসছে বিদ্রূপের হাসি, ওর বুকের দিকে চেয়ে। এ-আরবিকে! এক নজরেই চেনা যায় ওদের স্পষ্ট ভুল হবার কথা নয়।

করিডর দিয়ে বেরিয়ে এল পঞ্চম এক ব্যক্তি। পাতলা ছিপছিপে সম্ভ্রান্ত চেহারা। উজ্জ্বল বুদ্ধিদীপ্ত দুই চোখ। মৃদু হেসে মিসেসী কায়দায় মাথা নত করে অভিবাদন জানাল রানাকে।

‘আসুন, আসুন, মিস্টার মাসুদ রানা। আপনার জন্যেই অপেক্ষা করছি আমরা। পাকিস্তান কাউন্টার ইন্টেলিজেন্সের প্রতিভাবান গর্দভ আপনি, কর্নেল গোয়েঙ্কারাম চাগলার অভিযুক্ত গ্রহণ করুন।’

ছয়

একটি কথাও বেরোল না রানার মুখ থেকে। একটুও নড়াচড়া করল না সে। পাথরের মূর্তির মত দাঁড়িয়ে রইল গ্যারেজের মাঝখানে। আকস্মিক ধাক্কাটা সামলে নিতেই তার জায়গায় এল তিক্ত একটা উপলব্ধি। ধীরে ধীরে চোয়াল নিচে নেমে মুখটা হাঁ হলো খানিকটা, চোখ দুটো একটু বিস্ফারিত। পরাজয়ের বিশ্বাস অনুভব করল সে শুকিয়ে আসা কণ্ঠতালুতে।

‘মাসুদ রানা!’ ফিসফিস করে বলল রানা, ‘আপনি কি বলতে চাচ্ছেন আমি ঠিক বুঝতে পারছি না, কর্নেল। কি হয়েছে? বন্দুক কেন? আল্লার কসম খেয়ে বলছি, হুজুর, আমি কোনও অন্যায় করিনি। আপনার পায়ে ধরে...’ কান্নায় ভেঙে এল রানার গলা। একজন কাশ্মীরী মুসলমানের যে প্রতিক্রিয়া হওয়া উচিত তাই ফুটিয়ে তুলল রানা ওর চেহারায়, মুখের ভাবে। সাব-মেশিনগান হাতে গার্ডগুলো

একটু হতভম্ব হয়ে এ-ওর দিকে চাইল। কিন্তু কর্নেল গোয়েঙ্কারাম চাগলার উজ্জ্বল চোখে বিন্দুমাত্র সন্দেহের রেখাপাত হলো না।

‘স্মৃতিভ্রম,’ বলল কর্নেল শান্ত কণ্ঠে। এরকম হয়। হঠাৎ শব্দ পেলে অনেকে নিজের নাম, বাপের নাম সব ভুলে যায়। অভিনয়টা চমৎকার হয়েছে। একটা কথা স্বীকার করতেই হবে, পাকিস্তান তার সেরা গর্দভটাকেই পাঠিয়েছে। অবশ্য প্রফেসার সেলিম খানকে উদ্ধার করবার জন্যে শ্রেষ্ঠ লোক পাঠানোই স্বাভাবিক।’

রক্তশূন্য ফ্যাকাসে হয়ে গেল রানার মুখ। এই খবর যদি ওরা জেনে থাকে তাহলে সবই জেনেছে। সব আশা, সব ভরসা দপ করে নিভে গেল যেন ওর।

‘আমাকে ছেড়ে দিন, হুজুর। আমি কোন অন্যায় করিনি। আমি এই দেশেরই লোক, শ্রীনগরেই আমার বাড়ি। আমার কার্ড দেখাচ্ছি, হুজুর!’ পকেটে হাত ঢুকাল রানা। পিস্তলের বাঁট পর্যন্ত পৌঁছল না হাতটা। তার আগেই তীক্ষ্ণ কণ্ঠে গর্জন করে উঠল কর্নেল।

‘খবরদার! হাত বের করে আনুন পকেট থেকে!’

বরফের মত জমে গেল রানার শরীর। বুঝল কর্নেলের হাতে ধরা রিভলভারটা দেরি করবে না এক মুহূর্ত। ধীরে ধীরে পকেট থেকে বেরিয়ে এল ওর খালি হাত। বিদ্রূপের হাসি ফুটে উঠল কর্নেল চাগলার ঠোটে। রানার কাঁধের ওপর দিয়ে পেছনে চাইল কর্নেল।

‘শম্ভু! মিস্টার মাসুদ রানা এইমাত্র পকেট থেকে পিস্তল বা ওই জাতীয় কোন আপত্তিকর কিছু বের করতে যাচ্ছিলেন। ওঁকে এই প্রলোভন থেকে মুক্ত করো।’

ভারি একটা জুতোর শব্দ শোনা গেল পেছনে, পরমুহূর্তেও আত্ননাদ করে উঠল রানা। ভীষণ জোরে আঘাত করল কেউ ওর শিরদাঁড়ার ওপর রাইফেলের কুন্দো দিয়ে। মাথা ঘুরে পড়ে যাচ্ছিল রানা, একটা শক্তিশালী হাত পেছন থেকে কলার চেপে ধরে দাঁড় করিয়ে রাখল ওকে, অন্য হাতটা চালিয়ে দিল পকেটের মধ্যে। প্রথমেই বেরোল রানার সস্ত্রীক সিলবার ফিট করা অটোমেটিক ডাবল অ্যাকশন ওয়ালথার পি. পি. কে.।

‘বাহ, শ্রীনগরের একজন শান্তিপ্রিয় নিরীহ নাগরিকের কাছে থাকবার মত জিনিসই বটে। নিশ্চয়ই রাস্তায় কুড়িয়ে পেয়েছেন ওটা আপনি?’ পরমুহূর্তেই গলার স্বরটা পাল্টে গেল চাগলার। ‘আরে, এ তো আমাদের জিনিস! কেউ চিনতে পারো, এটা কার?’

অনেক কষ্টে চোখ খুলে চাইল রানা। দেখল, শম্ভুর ছুঁড়ে দেয়া একটা রিভলভার খপ করে শূন্যে ধরে নিয়ে পরীক্ষা করছে কর্নেল। বাস শেলটারের সেই লোকের রিভলভার।

‘আমি চিনতে পেরেছি, স্যার,’ শম্ভু নামধারী লোকটা কথা বলে উঠল রানার কানের পাশ থেকে। মিকি মাউজের মত কণ্ঠস্বর। ক্যারিক্যাচারের মত হাস্যকর লাগে। রানাকে ছেড়ে দিয়ে কর্নেলের দিকে এগিয়ে গেল শম্ভু। রানা দেখল পাহাড়ের সমান লম্বা লোকটা। ছয় ফুট চারের কম হবে না। তেমনি পাশে। লোমশ হাত দুটো দেখেই বোঝা যাচ্ছে সর্বশরীর ঘন লোমে আবৃত। নাকটা ভাঙা। বিকট চেহারা। চেহারার সঙ্গে গলার স্বরের অদ্ভুত অসামঞ্জস্য। বলল,

‘ওটা শান্তারামের। এই যে ওর নামের প্রথম অক্ষর দুটো লেখা। এই রিভলভার কোথায় পেয়েছিস তুই?’

‘ওই পিস্তলটার সঙ্গেই। একটা পার্সেলের মধ্যে ছিল। জুবিলি রোডের মোড়ে...’

চোখের নিমেষে শম্মুর প্রকাণ্ড লোমশ হাতের এক খাবড়া এসে পড়ল রানার মুখের ওপর। মাথা নিচু করবার আর সময় পেল না সে। ছিটকে গিয়ে আছড়ে পড়ল সে ওপাশের দেয়ালে, ওখান থেকে মাটিতে। টলতে টলতে উঠে দাঁড়াল সে আবার। চোখে কিছু দেখতে পাচ্ছে না। অনুভব করতে পারল নাক দিয়ে রক্ত ঝরছে ওর।

‘ধীরে, শম্মু, ধীরে। এত ব্যস্ত হবার কি আছে?’ মোলায়েম ভাবে শাসন করল চাগলা শম্মুকে। ‘কিন্তু দোষটা শম্মুর নয়, মিস্টার মাসুদ রানা। দোষ আপনার। শম্মুর সবচাইতে অন্তরঙ্গ বন্ধু শান্তারাম এখন হাসপাতালে মৃত্যু শয্যায়। এখনও বেঁচে আছে কি নেই কে জানে! বাস শেলটারেই অর্ধেক প্রাণ বেরিয়ে গিয়েছিল ওর। এই অবস্থায় শম্মু যদি মাথা ঠিক রাখতে না পারে তবে ওকে বড় একটা দোষ দেয়া যায় না।’ দৈত্যটার পিঠে দুটো খাবড়া দিল কর্নেল।

‘এই লোকটা অত্যন্ত ভয়ঙ্কর, শম্মু। এর ব্যাপারে সাবধান না হলে বিপদে পড়বে।’

একজন গার্ডকে আদেশ দিল কর্নেল হেডকোয়ার্টারে ফোন করে ভ্যান পাঠাবার ব্যবস্থা করতে। তারপর রানার দিকে ফিরে বলল, ‘মিনিট দশেক লাগবে ভ্যান এসে পৌঁছতে। ততক্ষণে আপনার ক্যামকলাপের একটা সংক্ষিপ্ত রিপোর্ট তৈরি করে ফেলা যাক। কি বলেন? ভেতরে বসে এসো মি. মাসুদ রানাকে।’

জিজিরের চেয়ারে গিয়ে বসল মোলায়েম চাগলা। রানাকে দাঁড় করানো হলো ডেস্কের সামনে। একটা কলম আর কলম নিয়ে প্রস্তুত হলো চাগলা।

‘আপনার সম্পর্কে অনেক কিছুই আমরা জানি। কাজেই মিথ্যে কথা বলে আমাদের ধোঁকা দেবার ব্যর্থ চেষ্টা করবেন না দয়া করে। আর সবাই সবকিছু স্বীকার করেছে। ওই প্রকাণ্ড চওড়া কাঁধের লোকটা তো কেঁদেই ফেলেছে হাউ-মাউ করে শম্মুর হাতের এক খাবড়া খেয়ে। ওর কাছ থেকেই বেরিয়েছে সব কথা। আমি কথা দিচ্ছি সব কথা বললে আপনাকে কোনও রকম নির্যাতন করা হবে না। সাধারণ কোর্টে আপনার বিচারের ব্যবস্থা হবে। ন্যায়সঙ্গত এবং উপযুক্ত শাস্তিই হবে আপনার, তার বেশি নয়। কিন্তু যদি শুধু শুধু দেরি করাবার চেষ্টা করেন...’ হাসল চাগলা শম্মুর দিকে চেয়ে।

এত কথা না বললেই ভাল করত চাগলা। কারণ এই কথাগুলো থেকেই পরিষ্কার বুঝতে পারল রানা যে জিজিরের দলের কাউকে ধরতে পারেনি ওরা। বড়জোর খামিসু খানের চেহারাটা এদের কেউ দেখেছে দূর থেকে। খানের পক্ষে সব কথা বলা সম্ভব নয়—আসলে ও জানেই না সব কথা। তাছাড়া শারীরিক নির্যাতনের ভয়ে খামিসু খান এদের কাঁছে কোনও কিছু স্বীকার করেছে একথা কেন জানি রানার কাছে কিছুতেই বিশ্বাসযোগ্য মনে হলো না। এরা তো কেউ খানের হাতের চাপ খায়নি। খান ধরা পড়লে ভূমিকম্প হয়ে যেত এই ঘরের মধ্যে—

দেয়ালগুলো একটাও আর খাড়া থাকত না।

‘আচ্ছা, শুরু করা যাক। কোন পথে ঢুকলেন এ দেশে? রাস্তা কি তুষারে ঢাকা ছিল?’

‘ঢুকলাম এদেশে! রাস্তায় তুষার!’ বিস্মিত চোখ মেলে চাইল রানা চাগলার দিকে। ‘আমি বুঝতে পারছি, স্যার, আপনাদের কোথাও কোন ভুল হয়ে গেছে। অন্য লোক মনে করে আমাকে ধরে...’ হঠাৎ লাফ দিয়ে সরে গেল রানা একপাশে চাগলাকে শব্দুর দিকে চেয়ে মাথাটা একটু ঝোঁকাতে দেখে। সরে গিয়েই ঘুরে দাঁড়াল সে। প্রচণ্ড জোরে গাট্টা চালিয়েছিল শব্দু রানার মাথা লক্ষ্য করে, ফস্কে যেতেই দেহের ভারসাম্য হারিয়ে ফেলল, এবং রানাও পূর্ণ সদ্যবহার করল এই সুযোগের, ভুল হলো না ওর।

লাফিয়ে উঠে দাঁড়াল চাগলা। হাতে পিস্তল। অসহ্য ব্যথায় মাটিতে পড়ে গৌ-গৌ করছে আর গড়াগড়ি খাচ্ছে শব্দু। ডান পায়ের কজিতে ব্যথা পেয়েছে রানা, বাম পায়ে ভর দিয়ে দাঁড়িয়ে আছে চূপচাপ। সাব-মেশিনগান হাতে ছুটে আসছে ওর দিকে অপর দু’জন গার্ড। হাত তুলে ওদের থামবার ইঙ্গিত করে মৃদু হাসল কর্নেল চাগলা।

‘নিজের মৃত্যুদণ্ড নিজেই ঘোষণা করলেন, মিস্টার মাসুদ রানা। কিন্তু স্পষ্ট বুঝলাম, বোমা মারলেও কথা বোরোবে না আপনাকে পেট থেকে। এজন্য অন্য ব্যবস্থা আছে আমাদের। আপাতত চলুন হেডকোয়ার্টারে।’

গ্যারেজের বাইরে দাঁড়িয়ে রয়েছে লারি চারদিক বন্ধ। অনেকটা প্রিজন ভ্যানের মত। সবাই উঠে পড়ল লরিতে। কন্ডাক্টর শব্দুকে কয়েকজন মিলে ধরে তুলল গাড়িতে। ব্যথায় মাঝে মাঝে কান্নাকাতি করে যাচ্ছে ওর বিকট মুখ। খোঁড়াতে খোঁড়াতে গিয়ে ড্রাইভারের ঠিক পেছনে একটা বেকের ওপর শুয়ে পড়ল সে। গোয়েন্দারাম চাগলা আর দু’জন গার্ড বসল মুখোমুখি ভ্যানের দুই পাশের বেকের দরজার কাছাকাছি। রানাকে ধরানো হলো মেঝের ওপর ড্রাইভারের দিকে পেছন ফিরিয়ে। চতুর্থ গার্ড উঠল ড্রাইভারের পাশে।

প্রথম মোড় ঘুরতেই লাগল ধাক্কাটা। পনেরো সেকেন্ডও হয়নি রওনা হয়েছে ওরা। প্রচণ্ড সংঘর্ষ হলো কিছু র সাথে। বিশী ধাতব শব্দ। লরির যাত্রীরা ছিটকে পড়ল এ-ওর গায়ে। রানার ঘাড়ের ওপর পড়ল এসে একজন।

ব্রেক কষেছিল ড্রাইভার—কিন্তু তাহলে কি হবে, এক মুহূর্ত আগেও সে দেখতে পায়নি, সুযোগ পায়নি প্রস্তুত হবার। চৌরাস্তার মোড়ের ওপর শান বাঁধানো আইল্যান্ডের সঙ্গে জোরে আরেকটা ধাক্কা খেয়ে দাঁড়িয়ে পড়ল গাড়ি।

উঠে দাঁড়াবার চেষ্টা করছে সবাই, রানাও ভাবছে এই সুযোগে সটকে পড়া যায় কিনা, এমন সময় ঝট্যাং করে পেছনের দরজাটা খুলে গেল এবং সেই সঙ্গে নিভে গেল গাড়ির ভেতরের লাইট। পর মুহূর্তেই জ্বলে উঠল দুটো শক্তিশালী টর্চ। টর্চের পাশেই দুটো পিস্তলের নল চকচক করছে। একটা কর্কশ গলায় আদেশ এল মাথার ওপর হাত তুলে রাখবার। টর্চ দুটো সরে গেল দু’পাশে এবং ছড়মুড় করে গাড়ির মধ্যে এসে পড়ল চতুর্থ গার্ডটা। তার পেছন পেছন ড্রাইভার। দড়াম করে লেগে গেল পেছনের দরজা। জানালা দিয়ে অকম্পিত হাতে টর্চ আর পিস্তল ধরা।

মৃত্যুর সাথে পাঞ্জা

১২১

কয়েক গজ পিছিয়ে এল লরিটা সশব্দে সামনের বাম্পারটা কোনও কিছুর সাথে ভেঙে রেখে। তারপর আবার এগোল সোজা রাস্তা ধরে। সমস্ত ঘটনা ঘটে গেল বিশ সেকেন্ডের মধ্যে। মনে মনে স্বীকার করতেই হলো রানাকে, নিপুণ হাতের কাজ।

এক সেকেন্ডের জন্যে একটা পোড়া হাতের বীভৎস দাগের ওপর চোখ পড়তেই লাফিয়ে উঠেছিল রানার হৃদয়। এই করিৎকর্মা লোকগুলোর পরিচয় সম্পর্কে সন্দেহ নেই আর। জিজ্ঞাসা। একটা স্বস্তির নিঃশ্বাস ফেলে এক ধাক্কা দিয়ে ওর ঘাড়ের ওপর থেকে গাড়টাকে সরাল রানা। ধাক্কা দিতে গিয়ে টনটন করে উঠল পিঠটা। প্রচণ্ড জোরে মেরেছিল শব্দ কারবাইনের বাঁট দিয়ে। অবাক হয়ে ভাবল রানা, এতক্ষণ ব্যাখাটা ছিল কোথায়? যেই নিশ্চিত মৃত্যুর হাত থেকে রক্ষা পেয়েছে, অমনি অদূর ভবিষ্যতের ভয়ঙ্কর সব নির্যাতনের দুঃসপ্ন ছেড়ে বাস্তবে ফিরে এসেছে সে—চেগিয়ে উঠেছে ব্যাখাটা। দাঁত দিয়ে ঠোট কামড়ে ধরে একে একে সাব-মেশিনগান আর কারবাইনগুলো তুলল সে বেক্সির ওপর। ঠেলে দিল পেছন দিকে। সেখান থেকে একে একে তুলে নিল সেগুলো একটা অদৃশ্য হাত, চলে গেল বাইরের অন্ধকারে। চাগলার পিস্তলও সেই একই ভাবে অদৃশ্য হলো। নিজের পিস্তলটা ওর পকেট থেকে বের করে নিয়ে রাখল রানা কোটের পকেটে। তারপর বসল একটা বেক্সির ওপর।

কিছুদূর গিয়ে কমে এল লরির স্পীড। চপ্পনের পিস্তল দুটো ইঞ্চি কয়েক এগিয়ে এল সামনে। রানাও বের করল পিস্তল। পেছন থেকে একটা কর্কশ কর্কশ ভেতরের সবাইকে সাবধান করল, যেন টপকানো না করে। চাগলার জুলফির কাছে ঠেসে ধরল রানা ওর সাইলেন্সার বাগানো পিস্তল। গাড়িটা থেমে দাঁড়াতেই কয়েকটা গত বাঁধা প্রশ্ন এবং কর্কশ উত্তর কানে এল। তারপর আবার ছুটল গাড়ি পূর্ববেগে।

একই ব্যাপারের পুনরাবৃত্তি হলো এর পরের চেক পোস্টে। তারপর শহর ছেড়ে চলল ওরা গ্রামের দিকে। দুটো টর্চ আর দুটো পিস্তল স্থির হয়ে চেয়ে রইল যাত্রীদের দিকে। প্রত্যেকটা গাড়ি অনিশ্চিত ভবিষ্যতের দৃষ্টিভঙ্গি কাতর, কেবল গোয়েঙ্কারাম বসে রইল দৃষ্ট ভঙ্গিতে—মুখে ভয়-ভাবনার বিন্দুমাত্র ছায়া নেই। জয় এবং পরাজয়কে একই রকম বিদ্রোহিত ভঙ্গিতে গ্রহণ করেছে সে।

হঠাৎ মুখে রুমাল চেপে গলার স্বর বিকৃত করে কথা বলে উঠল পেছনের একজন।

‘জুতো মোজা খুলে ফেলো সবাই এক-এক করে। বেক্সির ওপর সাজিয়ে রাখো।’

সবাই আদেশ পালন করল একে একে। কর্নেল গোয়েঙ্কারাম চাগলাও।

‘চমৎকার। এবার ওভারকোটগুলোও দয়া করে খুলতে হবে,’ বলল সেই কর্কশ। মিনিট তিনেক চুপ করে থেকে বলল, ‘ঠিক আছে। এবার শোনো মন দিয়ে। রাস্তার পাশের একটা কুঁড়েঘরে নামিয়ে দেয়া হবে তোমাদের। ওটার তিন মাইলের মধ্যে কোনও লোক বসতি নেই। জুতো মোজা আর ওভারকোট ছাড়া যদি আজই রাতে লোকালয়ে পৌঁছবার চেষ্টা করো তাহলে নির্যাত মারা পড়বে। ঘরটায় কাঠ

আছে, আগুন জ্বলে নিয়ে দিগ্বি রাতটা কাটিয়ে দিতে পারবে। সকালে কোনও না কোনও গরুর গাড়ি বা কপাল ভাল হলে ট্রাক পেয়ে যাবে।’

‘এসবের কী অর্থ?’ জিজ্ঞেস করল চাগলা।

‘অর্থ হচ্ছে এই যে তোমরা কাউকে সাবধান করতে পারছ না। কেউ জানে না আমরা এ-আরবিকে ট্রাক নিয়ে পালিয়ে যাচ্ছি। সীমান্ত পর্যন্ত নিরাপদে চলে যাব। তারপর ট্রাকটা খাদের মধ্যে ফেলে সোজা চলে যাব পাকিস্তানে।’

‘আমাদের খুন করে রেখে গেলেই কি তোমাদের পক্ষে বেশি নিরাপদ হত না?’

‘তা হত, কিন্তু আমরা খুনী নই।’

থেকে গেল ট্রাক। পেছনের দরজা দুটো খুলে গেল ঝাটাং করে। একে একে নেমে গেল গার্ডরা। সবশেষে নামল চাগলা। চলে গেল ওরা কুঁড়ে ঘরটার দিকে। রাস্তা থেকে অন্তত পঞ্চাশ গজ দূরে ঘরটা। এইটুকু যেতেই নিশ্চয়ই ঠাণ্ডায় জমে যাবার জোগাড় হয়েছে ওদের পা। ঘরে ঢুকেই লাগিয়ে দিল দরজা। সাথে সাথেই তিনটি মূর্তি উঠে এল লরির পেছনে। দরজা বন্ধ হয়ে গেল। চলতে আরম্ভ করল ট্রাক।

জ্বলে উঠল গাড়ির ভেতরের বাতি। রানার চেহারাটা আর দর্শনযোগ্য নেই মোটেই। ‘ইশা’ বলে উঠল একটা নারীকণ্ঠ। কিন্তু কথা বলল মাহমুদই প্রথম।

‘আহা, দেখে মনে হচ্ছে বাসের তলায় পড়েছিলেন, মিস্টার মাসুদ রানা। হয় তাই, নয়তো শবুর সাথে কিছুক্ষণ সময় কাটিয়েছেন।’

‘আপনি চেনেন ওকে?’ কেমন একটা স্বাস্থ্যসে শব্দ বেরোল রানার গলা দিয়ে।

‘এ-আরবিকে-র প্রত্যেকে চেনে। স্বাক্ষরের অর্ধেক লোকই চেনে ওকে হাড়ে হাড়ে। কিন্তু দৈত্যটাকে আজ এত কাছাকাছি দেখলাম কেন?’

‘আমি মেরেছি।’

‘আপনি মেরেছেন! বলেন, সাহেব? আপনি মেরেছেন শবুকে? আপনি দেখেছি নমস্যা...’

‘আহ, তুমি থামবে, ফজল ভাই?’ ধমকে উঠল রুবিনা। ‘ওর চেহারাটা দেখেছ? এফুণি কিছু করা দরকার।’

‘উমরকে থামতে বলো,’ হুকুম করল জিজির। রানার মুখের দিকে ভাল করে লক্ষ করে বলল, ‘তুমি জখম হয়েছে, রানা। মুখটা তো দেখতেই পাচ্ছি, আর কোথায় লেগেছে?’

‘পিঠে। রাইফেলের কুঁদো। ঠিক শিরদাঁড়ার ওপর। জায়গাটাতে আর কোনও সাড়া পাচ্ছি না।’

গাড়িটা থামতেই এক লাফে নেমে গেল ফজল মাহমুদ। গার্ডদের খুলে রাখা একটা ওভারকোট পেঁচিয়ে তুষার তুলে আলল সে একগাদা। রানার পাশে নামিয়ে রেখে ইঙ্গিত করল রুবিনাকে। ‘মেয়েদের কাজ।’

একটা রুমালে কিছু কিছু করে তুষার তুলে নিয়ে আলতো করে ঘষল রুবিনা রানার রক্ত চটচটে মুখে। কাটা জায়গাগুলোর অসম্ভব জুলুনিতে ককিয়ে উঠল রানা। শুয়ে পড়ল সে লম্বা সীটের ওপর।

‘কিন্তু সব ভণ্ডুল হয়ে গেল কেন? ওরা টের পেল কি করে? কি হয়েছিল?’

কিছুক্ষণ চুপচাপ থেকে জিজ্ঞেস করল রানা।

‘কি হয়নি তাই জিজ্ঞেস করো,’ বলল জিজির। ‘সব গোলমাল হয়ে গেছে। প্রত্যেকে মারাত্মক ভুল করেছে। তুমি, আমি, এ-আরবিকে—সবাই। প্রথম ভুলটা অবশ্য আমরাই করেছি। বাড়ির পাশে যে দু’জন ঘুরঘুর করছিল ওদের দিকে আরও বেশি নজর দেয়া উচিত ছিল। কিন্তু সবচেয়ে বড় ভুল হয়ে গেছে যখন তুমি ডক্টর সেলিমের সাথে কথা বলছিলে, সেই সময়টায়।’

‘ঠিক বুঝলাম না।’

‘ওটা আসলে আমারই দোষ। আমি জানতাম—ওকে সাবধান করতে ভুলে গিয়েছিলাম,’ বলল ফজল মাহমুদ এবার।

‘কি বলছেন আপনারা, আমি কিছু বুঝতে পারছি না,’ বলল রানা।

‘ঘরের মধ্যে মাইক আছে কি না পরীক্ষা করেছিলেন?’ জিজ্ঞেস করল মাহমুদ।

‘নিশ্চয়ই! ভেন্টিলেটরের ওখানে ছিল।’

‘বাথরুম দেখেছিলেন?’

‘বাথরুমে ছিল না।’

‘ছিল। শাওয়ারের মধ্যে ছিল লুকানো। ফজল বলছে ইম্পিরিয়াল হোটেলের প্রত্যেকটা বাথরুমে শাওয়ারের ভেতর আছে একটা করে মাইক্রোফোন। শাওয়ারটা নিশ্চয়ই পরীক্ষা করেনি তুমি?’ এবার কথা বলল জিজির।

‘শাওয়ার!’ উঠে বসল রানা। ‘মাইক্রোফোন!’ মাথার চুল ছিঁড়তে ইচ্ছে করল ওর। ‘তাহলে যা যা বলেছি...’

থেকে গেল রানা। শুয়ে পড়ল আবার। এতক্ষণে বুঝল সে গোয়েন্দারাম তার নাম জানল কি করে, জিজিরের বাড়ি চিনল কি করে, রানার উদ্দেশ্য সম্পর্কেই বা নিঃসন্দেহ হলো কি করে, উহ্! কি মারাত্মক ভুল সে করেছে! সব শেষ। এর পরে ডক্টর সেলিমকে উদ্ধার করা এখন অসম্ভব। হেরে গেছে রানা। এমন নিষ্ঠুর পরাজয় আর হয়নি কখনও ওর।

‘তোমার সাধ্যমত চেষ্টা তো তুমি করেছ, রানা,’ কোমল মৃদু কণ্ঠে বলল রুবিনা। ‘এজন্যে নিজেকে দোষী ভেবে লাভ তো নেই কিছু, বরং কষ্ট বাড়বে।’

সবাই চুপ করে থাকল কিছুক্ষণ। তুবারের ওপর টায়ারের একটানা শব্দ। উঁচু-নিচু জায়গায় পড়লে ঝাঁকিতে দুলছে সবাই। ধীরে ধীরে রানার চিন্তাটা পরিষ্কার হয়ে গেল। যেন আপন মনে বলছে, এমনি ভাবে কথা বলে উঠল ও।

‘ডক্টর সেলিমকে এতক্ষণে নিশ্চয়ই সরিয়ে নেয়া হয়েছে আরও কড়া পাহারার মধ্যে। হয়তো এতক্ষণে দিল্লীর পথেই রওনা করে দেয়া হয়েছে, কে জানে। ওর স্ত্রীকে যে সরিয়ে নেয়া হচ্ছে সে কথাও বলেছি আমি। ওরা এবার চেষ্টা করবে সেটা ঠেকাতে। সবকিছু গোলমাল হয়ে গেল। বিচ্ছিন্নভাবে হেরে গেছি। কিন্তু একটা ব্যাপারে আমার সান্ত্বনা আছে। আপনাদের কোনও ক্ষতি করিনি আমি। ঠিকানাটা অবশ্য আমার কাছ থেকেই পেয়েছে ওরা—কিন্তু এমনিতেও লোক লেগে গিয়েছিল, আমার সাহায্য ছাড়াই বের করতে পারত ওরা। আপনাদের কারও নাম বা কার্যকলাপ বেরোয়নি আমার মুখ থেকে। কিন্তু কয়েকটা জিনিস বিদঘুটে লাগছে আমার কাছে।’

‘কি জিনিস?’ প্রশ্ন করেই একবার অর্থপূর্ণ দৃষ্টিতে চাইল জিজির মাহমুদের দিকে।

‘প্রথম কথা, হোটেলেই যদি ওরা কথাগুলো শুনতে পাচ্ছিল, তাহলে তখনই ধরেনি কেন আমাকে?’

‘তোমার কথাগুলো টেপ-রেকর্ড হয়ে গিয়েছে প্রথম। পরে বাজিয়ে শুনেছে ওরা। ততক্ষণে বেরিয়ে গেছ তুমি হোটেল থেকে।’

‘আপনারা আগেই পালিয়ে গেছেন ওই বাড়ি থেকে। আমাকে থামালেন না কেন? আপনারা জানতেন এ-আরবিকে দখল করে নিয়েছে বাড়িটা।’

‘ওরা আসবার মাত্র দশ মিনিট আগে আমরা সরে পড়েছি ওখান থেকে। আমরা ফোন করেছিলাম আপনাকে, সাড়া পাইনি কোনও,’ এবার উত্তর দিল মাহমুদ।

‘আমি একটু আগেই বেরিয়ে পড়েছিলাম হোটেল থেকে। অনেক পথ ঘুরে যখন স্থির নিশ্চিত হলাম যে কোনও লোক অনুসরণ করছে না, তখন ঢুকেছিলাম ওই বাড়িতে।’ রানার মনে পড়ল হোটেল থেকে বেরোবার সময় টেলিফোন রিং-এর কথা। ‘কিন্তু রাস্তাতেও তো আমাকে তুলে নিতে পারতেন আপনারা—কিংবা সাবধান করে দিতে পারতেন।’

‘পারতাম। ফজল, সব কথা বুলেই বলো,’ উত্তর দিল জিজির।

‘বলছি।’ একটু সময় লাগল মাহমুদের সকেট কাটিয়ে উঠতে। তারপর ঝেড়ে ফেলল সমস্ত দ্বিধা। ‘কর্নেল গোয়েঙ্কারাম চাগলা হচ্ছে এ-আরবিকে-র অ্যাসিস্ট্যান্ট চীফ। যেমন বুদ্ধিমান, তেমনই ভয়ঙ্কর। এত দুর্বল লোক সারা আর্মি ইন্টেলিজেন্সে দ্বিতীয়জন আছে কিনা আমার সন্দেহ। কিন্তু লোক ধর্ত নয়, এই লোক প্রতিভাবান এবং কঠোরকর্মী। এই একটি মাত্র লোককে আমি শঙ্কার চোখে দেখি। নিশ্চয়ই খেয়াল করেছেন—ছদ্মবেশ থাকা সত্ত্বেও একবারও ওর চোখের সামনে আসিনি আমি। ধরা পড়বার ভয়ে। জিজিরও...’

‘আসল কথায় আসুন, মিস্টার মাহমুদ,’ অসহিষ্ণু কণ্ঠে বলল রানা। বলবার আগেই সমস্ত ব্যাপারটা বুঝে ফেলে তিক্ত হয়ে গেছে ওর মনটা। তাকে তাহলে ঈর্ষা করতে শুরু করেছে মাহমুদ!

‘এসে গেছি। এই লোকটি ইদানীং আমার প্রতি একটু সদয় ব্যবহার করছেন। আমার সন্দেহের কথা আপনাকে আগেই বলেছি, মি. রানা। সন্দেহের জোরেই বেঁচে আছি আমরা। কেন যেন মনে হলো পুলিশ ব্লক থেকে প্রায়ই আমার বন্দী ছুটিয়ে আনাটা হয়তো কোনও সূত্রে জানতে পেরেছে চাগলা এবং একটা গল্প বানিয়ে আপনাকে নিয়োগ করেছে আমাকে ধরবার জন্যে।’ মৃদু হাসল মাহমুদ। বিশ্বাসে হাঁ হয়ে গেছে রুবিনার মুখ। ‘পাকিস্তানী স্পাই, ডক্টর সেলিমকে উদ্ধার, সব কিছু হয়তো সাজানো, আপনি হয়তো গোয়েঙ্কারাম চাগলারই দাবার গুটি। আমরা জানি না, অথচ ঢাকায় বসে রাহাত খান জানেন ডক্টর সেলিমের গীনগরে আসবার কথা, এটাও আপনার বিরুদ্ধে সন্দেহের একটা কারণ। তারপর আপনি আজ সন্ধ্যায় খুঁটিয়ে খুঁটিয়ে জিজ্ঞেস করেছেন রুবিনার কাছে জিজিরের কথা, আমার কথা। এবং পুলিশের লোকগুলো ছাপড়ার মধ্যে প্রেমিক জুটিকে যে ছেড়ে দিল এর

অন্য কারণও থাকতে পারত।' এবার আরও স্পষ্ট টের পেল রানা মাহমুদের ঈর্ষা। কিন্তু মুখের ভাবে প্রকাশ করল না।

'আমাকে তো এসব কথা বলনি?' রুবিনার মুখটা রাগে-দুঃখে লাল হয়ে গেল। দাঁত দিয়ে ঠোট চেপে নিজেকে সামলাতে চেষ্টা করল সে।

'তোমাকে আমরা সব সময় জীবনের কর্কশ দিকটা থেকে আড়ালে রাখবার চেষ্টা করি।...তার ওপর, মিস্টার রানা, যখন আমাদের টেলিফোনের কোনও উত্তর এল না, তখন ভাবলাম কে জানে, হয়তো এ-আরবিকে হেডকোয়ার্টারে আমাদের জন্যে অধীর ভাবে অপেক্ষা করছেন আপনি। আমাদের সন্দেহ আরও একটু জোরদার হলো। তাই ওই মাকড়সার জালে ঢুকবার সময় বাধা দিইনি আমরা আপনাকে। সত্যি বলতে কি আমরা সারাটা পথ অনুসরণ করেছি আপনাকে। আপনি লক্ষ করেননি, কিন্তু এ রাস্তায়, ও রাস্তায়, এ বাড়ি ও বাড়ির সামনে, পার্ক করা একটা গাড়িকেই কয়েকবার দেখেছেন আপনি। আমি আর উমর নিচু হয়ে বসেছিলাম সেই গাড়ির মধ্যে। অন্ততঃপক্ষে ছয় সাতবার আমাদের গাড়ির পাশ দিয়ে হেঁটে গেছেন আপনি। ওই গাড়িটা দিয়েই উমর গুতো মেরেছিল এই ভ্যানকে। কিন্তু ওরা যে এত তাড়াতাড়িই মারপিট আরম্ভ করবে ভাবতেও পারিনি।' রানার চোখের দিকে চেয়ে চোখ নামিয়ে নিল মাহমুদ।

'আপনাদের সন্দেহ নিরসন হয়েছে আশা করি?' মৃদু হেসে বলল রানা। পরিষ্কার বুঝতে পারল সে তীক্ষ্ণবী মাহমুদ ঈর্ষান্বিত হয়ে ওর ওপর নির্ভর প্যাচ কষেছে একটা। সে যা বুঝিয়েছে জিজির তাই বুঝেছে। ইচ্ছে করলেই রানা এই মুহূর্তে সবাইকে বুঝিয়ে দিতে পারে মাহমুদের প্যাচ-ঘোঁচ। কিন্তু কেন জানি মায়া হলো লোকটার প্রতি। বেচারার আর দুঃখ বাঁচবে। মনে মনে ক্ষমা করে দিল সে মাহমুদের অক্ষম ঈর্ষা। ওকে লক্ষ্য করছিল মাহমুদ, চোখ তুলতেই চট করে অন্যদিকে চাইল।

কিন্তু লজ্জায়, অপমানে, ক্ষোভে, দুঃখে কঁদে ফেলল রুবিনা। এই নির্ভরতা বড় বেশি করে বাজল ওর বুকে। রানার মাথার কাছে বসে ছিল সে। টপটপ করে কয়েক ফোঁটা জল ঝরে পড়ল রানার কপালে। নিজেকে ধন্য মনে করল রানা।

আঘাত খেয়ে খেয়ে শক্ত হয়ে গিয়েছে জিজির। তাছাড়া ভেতরের ব্যাপার কিছুই বুঝল না সে। কোনও পরিবর্তন হলো না ওর মুখের ভাবে। বলল, 'এই অপ্রীতিকর ঘটনার জন্যে আমরা দুঃখিত। কিন্তু যেখানে পাঁচজনের জীবন মরণের প্রশ্ন এবং এই পাঁচজনের ওপর নির্ভর করছে আরও হাজার হাজার কাশ্মীরী মুসলমানদের জীবন, সেখানে কোনও রিস্ক নেয়াটা আমাদের পক্ষে শুধু অন্যায্য নয়, গুরুতর অপরাধ হ'ত। যাক সব তো ফেঁসে গেল, এখন কি করবে, রানা? সোজা বর্ডার?'

'বর্ডার তো নিশ্চয়ই। কিন্তু ডক্টর সেলিমকে ছাড়া নয়।'

শুদ্ধ হয়ে গেল গাড়ির মধ্যকার সবাই। বিস্মিত দৃষ্টিতে চাইল রানার মুখের দিকে। এক মিনিট কেটে গেল চুপচাপ। বলে কি লোকটা? মানুষ না কি?

'মাথা খারাপ হয়ে গেছে তোমার! নিশ্চয়ই খারাপ হয়ে গেছে মাথা!' ফিসফিস করে বলল রুবিনা।

‘কোনও সন্দেহ নেই তাতে,’ বলল ফজল মাহমুদ। নিজেকে সামলে নিয়েছে সে। সব কথা ফাঁস করে দিল না বলে কৃতজ্ঞ সে রানার কাছে।

‘পাগলামি,’ হাসল জিজির। ‘কিন্তু এর চেয়ে ছোঁয়াচে রোগ আর নেই। আমার ভয় হচ্ছে, আমিও আক্রান্ত হয়ে পড়ছি।’

‘আমিও,’ বলল মাহমুদ।

অবাক চোখে দেখল রুবিনা তিনটি নির্ভীক দুর্ধর্ষ পুরুষকে। পরাজয় কাকে বলে জানে না এরা।

সাত

ঘুম ভাঙল রানার ভোর ছ’টায়। ছোট্ট একটা ঘরে শুয়ে আছে সে। রাত প্রায়দুটোর সময় পৌঁছেচে ওরা এখানে এসে। রাস্তা থেকে মাইল খানেক পায়ে হেঁটে এই পল্লী। জিজিরের গোপন আস্তানা। তুষার পড়া খেমেছিল কিছুক্ষণের জন্যে, এখন আবার আরম্ভ হয়েছে। শুয়ে শুয়ে কাঁচের জানালা দিয়ে ভোরের পূর্বাভাস দেখছে রানা। পিঠের জলুনিটা নেই, কিন্তু মাঝে মাঝে সবটা পিঠ ডুমিকম্পের মত কঁপে উঠছে—সেই সাথে কাঁটা ফোটানোর মত খচখচ শব্দ। যতটা সম্ভব নড়াচড়া না করে পাশ ফিরল সে। ঘুম পুরো হয়নি—বিস্মাদ হয়ে আছে মুখ।

গতকাল রাতেই মাহমুদ আর উমর ফিরে গেছে শীনগরে। ট্রাকটাকে শহরের মধ্যেই কোথাও ফেলে রাখতে হবে, তাছাড়া মাহমুদের ফিরে যাওয়াটা একান্তই দরকার। এটুকু অন্তত নিশ্চিত হওয়া গেছে যে, ওর ওপর কোন সন্দেহ আসেনি চাগুলার। ডক্টর সেলিমকে হোটেল থেকে সরিয়ে কোথায় রাখা হয়েছে সেটা জানার চেষ্টা করবে সে আজ অফিসে ডিউটিতে গিয়ে। এ খবর জানবার আর কোনও রাস্তা নেই এছাড়া।

নিরপেক্ষভাবে চিন্তা করে দেখল রানা, দশগুণ বর্ধিত গ্রহরার মধ্যে থেকে ডক্টর সেলিমকে উদ্ধার করা সত্যিই এখন প্রায় অসম্ভব ব্যাপার। সাবধান হয়ে গেছে ভারতীয় কর্তৃপক্ষ। সূঁই ঢুকবার রাস্তাও রাখবে না ওরা। হয়তো জেলখানাতেই রেখেছে, কে জানে! আগামীকালই আরম্ভ হচ্ছে কনফারেন্স। ওঁকে কি অংশগ্রহণ করতে দেবে এত কাণ্ডের পরও? সারা পৃথিবীর বৈজ্ঞানিক এবং সেই সাথে সাংবাদিকরা আসবে। বেকাঁস কথা যদি বলে বসেন, এই ভয়ে হয়তো সরিয়ে ফেলবে ওরা ওঁকে।

তাছাড়া ওঁর স্ত্রীরই বা কি খবর কে জানে। যে ভুল করে বসেছে ও, তার ফলে ওঁকে নিয়ে ওরা এদেশ থেকে বেরোতে পারবে বলে তো মনে হয় না। টেপেরেকর্ডারে ওঁর ব্যাপারে জানতে পেরে নিশ্চয়ই হন্যে হয়ে খুঁজছে এখন ওরা ডক্টর সেলিমের স্ত্রীকে। হয়তো এতক্ষণে ধরেই ফেলেছে।

যদি ওঁর স্ত্রী বর্ডার পার হবার আগেই ধরা পড়েন, তাহলে খালি হাতে পাকিস্তানে ফিরে যাওয়া ছাড়া আর কিছুই করার নেই রানার। কিন্তু আজ রাতে

যদি সিগন্যাল পাওয়া যায়, তাহলে যে করে হোক বৃদ্ধ বৈজ্ঞানিককে উদ্ধার করতেই হবে।

চিন্তাটা ওখানেই বন্ধ করে আবার ঘুমিয়ে পড়ল সে।

বেলা দশটায় আবার ঘুম ভাঙল রানার। প্রায় সাথে সাথেই ঘরে ঢুকল রুবিনা নাস্তা নিয়ে। বলল, 'জলদি খেয়ে নাও, এক্ষুণি ডাক্তার এসে যাবে।'

অনেক কষ্টে বিছানা ছেড়ে উঠে খুঁড়িয়ে খুঁড়িয়ে বাথরুম থেকে ঘুরে এল রানা। পিঠটা গত রাতেই একবার পরীক্ষা করে দেখেছে রুবিনা, আজ আবার দেখে আঁতকে উঠল। লাল, নীল, বেগুনী, কালচে—রংধনুর সব রঙই নাকি দেখা যাচ্ছে পিঠের ওপর।

নাস্তা শেষ হতেই জিজিরের সাথে ঢুকল ডাক্তার। প্রকাণ্ড চেহারা, কিন্তু দেহের উপর আর নিচের ভাগে কোনও সামঞ্জস্য নেই। কেমন যেন বেধড়ক কিসিমের। থ্যাবড়া নাকের মস্ত একজোড়া বাটার জুতো—বোধহয় ব্রিটিশ আমলে কেনা। ডাক্তারসুলভ অভয় দানে অভ্যস্ত আত্মবিশ্বাসী অমায়িক কণ্ঠস্বর, যেটা শুনলেই রোগীর অন্তরাঙ্গা শুকিয়ে আসে; ভাবে, নিশ্চয়ই সার্জিকাল কিছু হয়েছে, নইলে এই ব্যাটা 'কিছু হয়নি, কিছু হয়নি' করছে কেন। কানে স্টেথোস্কোপ লাগিয়ে পরীক্ষা করল রানাকে ডাক্তার কিছুক্ষণ, পিঠটা দেখল। তারপর ঘোষণা করল, 'ভয় নেই, আপনি বাঁচবেন। সামান্য ইন্টারন্যাল হেমোরেজ। তবে খানিক ব্যথা সহ্য করতে হবে। ব্যথার চোটে আপনার মনে হবে ছোট ফুঁড়ে বেরিয়ে যাচ্ছেন, কিন্তু দেখবেন কালই সেরে গেছেন অর্ধেকের বেশি। একটা রুমাল দাও দেখি, জিজির।'

জিজিরের দেয়া একটা রুমালের ওপর অনেকখানি মলম লাগাল ডাক্তার যত্নের সাথে। বলল, 'দেশীয় গাছগাছড়া থেকে ঔষধ। হাজার হাজার বছর ধরে চলে আসছে জিনিসটা। সবখানেই ব্যবহার করি এটাকে আমি, প্রায় সব রোগেই। এ ধরনের ওষুধে সাধারণ লোকের বিশ্বাস—যে ডাক্তার দেশী ওষুধ ব্যবহার করে তার ওপর লোকের ভক্তি এসে যায়। তাছাড়া মেডিক্যাল সাইন্সের নিত্য নতুন আবিষ্কারের খবর রাখার ব্যাখ্যা থেকেও বেঁচে যাই। ততক্ষণে রুমালটা বসিয়ে দিয়েছে ডাক্তার রানার পিঠের ওপর। প্রায় সাথে সাথেই জ্বলুনি আরম্ভ হয়ে গেল। দাঁত মুখ খিচিয়ে পড়ে থাকল রানা। ঘাম দেখা দিল কপালে। ওর অবস্থা দেখে খুব খুশি হয়ে উঠল ডাক্তার।

'কিছু চিন্তা নেই—কালকেই ইচ্ছে করলে হাড়ুড় খেলতে পারবেন। এই সাদা ট্যাবলেট দুটো গিলে ফেলুন তো? হ্যাঁ, এই তো। ভেতর থেকে ব্যথাটা কমিয়ে দেবে। আর এবার এই নীল ট্যাবলেট। দশ মিনিটের মধ্যে ঘুম না এলে টান দিয়ে ফেলে দেবেন এই পুলিশ। ঘুম আসবে না মানে? আসতেই হবে। কড়া ঘুমের ওষুধ।'

এগারো ঘণ্টা পর ঘুম ভাঙল রানার রুবিনার ঝাঁকুনিতে।

'কেবল যে ঘুমিয়েই চলেছ, ঘুমিয়েই চলেছ, খেতে-টেতে হবে না কিছু?'

ঘড়ি দেখল রানা। দেখেই লাফিয়ে উঠে বসল। পরমুহূর্তেই অবাক হয়ে গেল পিঠে একটুও ব্যথা লাগল না বলে। কিন্তু অবাক পরে হওয়া যাবে, দশটা বাজছে। রাত দশটা।

রানাকে উঠে বসতে দেখেই ট্রানজিস্টার খুলে করাচী ধরল রুবিনা। নাহ। কোনও সংবাদ নেই রানার জন্যে। আবার গুয়ে পড়ল সে বিছানায়। এবারও ব্যথা লাগল না একটুও।

‘কেমন বোধ করছ এখন?’ জিজ্ঞেস করল রুবিনা।

‘তাজ্জব কাণ্ড, রুবিনা! একফোঁটা ব্যথা নেই।’

‘এতে অবাক হওয়ার কি আছে? ডাক্তার চাচ্ছ তো বলেইছিলেন।’

‘কেবল ডাক্তার বললেই যদি ব্যথা সারত! কিন্তু আশ্চর্য, একজন গ্রাম্য ডাক্তার...’

‘গ্রাম্য ডাক্তার? ওহ-হো, তুমি বোধহয় জানো না। উনিই কাশ্মীরের একমাত্র এফ.আর.সি.এস.। মাথায় ছিট আছে। বিলেত থেকে ফিরে গ্রামে এসে চিকিৎসা করছেন—দেশের উপকার আর কি। যাক, আসল কথায় আসা যাক, খবরটা আসেনি, তাই না?’ হঠাৎ গম্ভীর হয়ে জিজ্ঞেস করল রুবিনা।

‘না। খুব সম্ভব ধরা পড়েছে ওরা।’

রানা লক্ষ করল যেন একটা কালো মেঘ সরে গেল রুবিনার মুখের ওপর থেকে। মনে-প্রাণে সে চাইছে যেন ধরা পড়েন ডক্টর সেলিমের স্ত্রী। নইলে কি ভয়ঙ্কর বিপদের মধ্যে যে ঝাঁপিয়ে পড়বে এরা ভাবতেও গা শিউরে ওঠে ওর। বলল, ‘এমনও তো হতে পারে, টের পেয়ে গা ঢাকা দিয়েছে ওরা, সুযোগ মত পার হবে বর্ডার?’

‘সম্ভাবনা কম। তবু আগামীকাল পর্যন্ত অশেষা করব।’

রানার খাওয়া হয়ে গেলে এঁটো খালি গায়ে চলে গেল রুবিনা। সবাই ঘুমিয়ে পড়েছে বাড়ির। কিছুক্ষণ পরেই ফিরে এসে সে গ্লাসটা ফেলে গেছে এই ছুতোয়। কথায় কথায় রাত হয়ে গেল অনেক। কিন্তু যে কথাটা বলতে এসেছিল সেটাই বলা হলো না।

পরদিন সকালে ফিরে এল উমর খবর নিয়ে।

ডক্টর সেলিমকে হোটেল থেকে সরিয়ে ফেলা হয়েছে। কিন্তু কোথায় রাখা হয়েছে জানা যায়নি এখনও। গুজব ছড়ানো শুরু হয়ে গেছে যে ডক্টর সেলিম অসুস্থ—হয়তো কনফারেন্সে যোগদান করতে পারবেন না। ওঁকে হয় দিন্নীতে পাঠিয়ে দেয়া হয়েছে, নয়তো কোনও গোপন জায়গায় সরিয়ে ফেলা হয়েছে। এ-আরবিকে হেডকোয়ার্টারে নেই। মাহমুদের ধারণা, ডক্টর সেলিমের স্ত্রী যদি বর্ডার পার হবার আগেই ধরা পড়ে গিয়ে থাকেন তাহলে হয়তো তাঁকে কনফারেন্সে যোগদান করতে দেয়া হবে; কিন্তু উনি ফস্কে গিয়ে থাকলে সোজা দিন্নী পাঠিয়ে দেয়া হবে। বর্ডারের এত কাছে শ্রীনগরে রাখবার ঝুঁকি নেবে না। আর সর্বশেষ সংবাদ—আবার রক্ত পড়তে আরম্ভ করেছে মাহমুদের নাক-মুখ থেকে। কথাটা মাহমুদ বলেনি, উমর নিজ চোখে দেখে এসেছে।

সারাটা দিন ছটফট করে কাটাল রানা। খাঁচায় বন্দী বাঘের মত পায়চারি করে বেড়াল সারা বাড়ি অস্থির পায়ে। কিছুতেই সময় কাটতে চাইছে না। বিকেলের দিকে একটা সাইলেন্সার পাইপ খুলে রাখা টু হানড্রেড সি. সি. ট্রায়াম্প মোটরসাইকেলে দুনিয়া কাঁপিয়ে চলে গেল উমর শ্রীনগরে। কাউবয় পোশাক আর

উদ্ধৃত যৌবনই ওকে সন্দেহমুক্ত রেখেছে এতদিন। মাহমুদের সাথে দেখা করে দশটা এগারোটায় মধ্যেই ফিরে আসবে সে।

‘চলো রানা, তোমাকে লেক দেখিয়ে আনি।’

বিকলে রুবিনা এসে ডাকল রানাকে। ঘণ্টা দু’য়েক হলো আকাশটা পরিষ্কার হয়ে গিয়ে তুষার ঝরা বন্ধ হয়েছে। বেরিয়ে পড়ল ওরা দু’জনে।

‘কারও চোখে পড়বার ভয় নেই তো?’

‘নাহ্। আশেপাশে দু’মাইলের মধ্যে একটি প্রাণীও খুঁজে পাবে না তুমি।’

সামনের জঙ্গলটা পার হলেই লেক। উলার লেক। মস্ত উঁচু একটা পাহাড়ের পায়ের কাছ থেকেই যেন শুরু হয়েছে লেকটা। সম্রাট জাহাঙ্গীরের পত্নী নূরজাহানের নিজ হাতে লাগানো গাছ দেখাল রুবিনা। প্রাসাদও ছিল একটা। কিন্তু এই সাড়ে তিন শতাব্দীতেই ডুবে গেছে সেটা মাটির তলায়— কেবল ছাদটা দেখা যাচ্ছে।

‘জানো, এই লেকটা সম্পর্কে একটা কিংবদন্তী আছে। হাজার হাজার বছর আগে নাকি একটা নগরী ছিল এখানে। খুবই সমৃদ্ধ নগরী, কিন্তু নানা রকম পাপ আর ব্যভিচারে মত্ত হয়ে পড়েছিল সবাই। তাই দেবতারা নাকি অসন্তুষ্ট হয়ে শাপ দিলেন এই নগরীকে। সাথে সাথেই প্রচণ্ড এক ভূমিকম্প হলো এবং পুরোটা নগরী তলিয়ে গেল মাটির নিচে। সেটাই এখন উলার লেক। পাপ-তলিয়ে গিয়ে স্বচ্ছ পবিত্র পানি উঠে এল তার জায়গায়, কিন্তু এখনও নাকি মাঝে মাঝে সেই দুষ্ট লোকদের প্রেতাত্মা উঠে আসে ওপরে—কাছে কিন্তি কাউকে পেল খরে নিয়ে যায় পানির তলায়।’

রানাকে হাসতে দেখে বলল, ‘ভূত-প্রেত অবশ্য আমিও বিশ্বাস করি না, কিন্তু নগরী তলিয়ে যাওয়াটা আমার বিশ্বাস হয়। সেজন্যেই তোমাকে নূরজাহানের বাড়িটা আগে দেখিয়ে আনলাম।’ মাত্র সাড়ে তিন শতাব্দীতেই কি অবস্থা হয়েছে তা তো নিজের চোখেই দেখলে। ভূ-তত্ত্ববিদের হিসেবে বলে খ্রিস্টপূর্ব ২০০০ সালে মস্ত ভূমিকম্প হয়েছিল এই এলাকায়। সেই সময় কোনও নগরী ভূগর্ভে তলিয়ে গিয়ে উলার লেক তৈরি হয়ে থাকতেও পারে। কিংবদন্তীর পেছনেও কিছু কিছু সত্যতা থাকে।’

লেকের পারে দাঁড়িয়ে গোধূলির আকাশ দেখল দু’জন। অনেক নিচে নেমে গেছে পানি। গ্রীষ্মকালে ভরে যাবে কানায় কানায়। মৃদু বাতাসে ছোট ছোট ঢেউ উঠে ঝিলমিল করছে লেকের জল। পেছনে মস্ত উঁচু পাহাড়ের গায়ে পাইন আর উইনো গাছগুলো পরেছে তুষারের চাদর। সামনে অঁখি জলের বিস্তার। দূরে দেখা যাচ্ছে একটা পাল তোলা বোকা। রুবিনা বলল, ওই জায়গাটাকে ‘মোটাখাম’ বলে। ঝিলাম নদী ওখানে লেকের ওপর দিয়ে বয়ে গেছে। বছর-বছর লোক মারা যায় বলে জায়গাটার নাম মোটাখাম। এই জায়গায় এসে মাঝিরা পানিতে পয়সা ফেলে দেবতার কাছে নিরাপত্তা ভিক্ষা করে।

পশ্চিম আকাশে গোধূলির লাল। অনর্গল গল্প করছে রুবিনা। লাল রঙ এসে পড়েছে রুবিনার গালে। অদ্ভুত সুন্দর লাগছে রানার। মুগ্ধ দৃষ্টিতে দেখছে রানা ওর

দুবুকের তিল, জুলফির উড়ু উড়ু চুল। হেসে ফেলল রুবিনা।

‘কি? তুমি কথা শুনছ, না আমাকে দেখছ?’

‘দুটোই।’

হঠাৎ রানার হাত ধরল রুবিনা। বলে ফেলল যে কথাটা কাল থেকে বলি বলি করেও বলা হয়নি।

‘আজ যদি সিগন্যাল আসে, সত্যিই তুমি যাবে ওই বিপদের মধ্যে?’

‘যাব।’

‘আমি যদি কোনও অনুরোধ করি সেটা রাখবে না তুমি?’

‘আমি যদি কোনও অনুরোধ করি, তুমি রাখবে?’

চমকে চাইল রুবিনা রানার চোখে। সত্যিই তো! এ কথা তো সে ভাবেনি একটিবারও। রানাকে ও বিপদের মধ্যে যেতে দিতে চায় না, জানে, এখন সেলিম খানকে উদ্ধার করবার চেষ্টা করা আত্মহত্যারই সামিল, যে করে হোক ও চাইছে এই নিশ্চিত মৃত্যুর হাত থেকে রানাকে রক্ষা করতে। কিন্তু কেন? যে ভালবাসার জোরে সে রানাকে অনুরোধ করবে, সেই ভালবাসার জোরেই যদি রানা তাকে সাথে নিয়ে পাকিস্তানে ফিরতে চায়, সে কি পারবে যেতে? আত্মাকে ছেড়ে, নিজের পবিত্র দায়িত্ব ছেড়ে? পারবে না। তার দেশের প্রতি কর্তব্য তাকে করতেই হবে। তবে সে-ই বা কেন রানাকে তার কর্তব্য পালনে বাধা দেবে?

‘তুমি ভয়ঙ্কর লোক, রানা!’

‘কেন?’

‘এক কথায় আমাকে চূপ করিয়ে দিলে।’

‘দেখো, রুবিনা, তুমি আমি দু’জনেরই পরিস্থিতির দাস। পারিপার্শ্বিক অবস্থাকে উপেক্ষা করে নিজের ইচ্ছেমত চলাকে পারি না। আমরা চেষ্টা করলেও নিজের অদৃষ্টের লিখন খণ্ডাতে পারব না। এখন ভাবছি, কোনওদিন তোমার সঙ্গে পরিচয় না হলেই বোধহয় ভাল হত।’

বড় করুণ শোনাল রানার কথাগুলো। কিছুক্ষণ চূপচাপ দাঁড়িয়ে রইল দু’জন। ছোট ছোট টেউগুলো কালচে হয়ে আসছে সন্ধ্যার পরশ পেয়ে। মেঘের গায়ের লাল রঙ আবছা হয়ে আসছে। বাড়ি ফিরতে হবে।

‘একটি ঘোষণা। যান্ত্রিক গোলযোগের দরুন আজ রাত নয়টা পাঁচ থেকে নয়টা সাত পর্যন্ত এই দুই মিনিট শটওয়েভে আমাদের অনুষ্ঠান প্রচার করা সম্ভব হয়নি। এজন্যে আমরা দুঃখিত।’

খবরটা শুনে রানা, জিজির, খান আর রুবিনার মত চমকে উঠল শ্রীনগরের অন্তত একশোটা রেডিওর সামনে বসা দুইশো জন শ্রোতা। লাফিয়ে উঠল রানার বুকের মধ্যে এক ঝলক রক্ত। রুবিনার দিকে ফিরে দেখল, কালো হয়ে গেছে ওর মুখ। পাকিস্তানে পৌঁছে গেছেন ডক্টর সেলিমের স্ত্রী। কথাটা রানারা যেমন জানে, তেমনি জানে এ-আরবিকে এবং পুলিশের কর্মকর্তারা। সবাই জানে এ ঘোষণার তাৎপর্য। এবং সেই অনুযায়ী ব্যবস্থাও নেবে ডক্টর সেলিমের প্রহরার।

এমনি সময় দড়াম করে দুপাট দরজা খুলে ঘরের সবাইকে চমকে দিয়ে বীর

দর্পে ঘরে প্রবেশ করল শ্রীমান উমর। সুসংবাদ দুঃসংবাদ দুটোই আছে। সুসংবাদ হচ্ছে, ডক্টর সেলিমকে কোথায় রাখা হয়েছে অতি সহজেই জানতে পেরেছে মাহমুদ। এ-আরবিকে-র চীফ মোহন সিং নিজ-মুখে বলেছেন মাহমুদকে কথায় কথায়। আর দুঃসংবাদ হচ্ছে, ডক্টর সেলিমকে রাখা হয়েছে কাশ্মীরের সবচেয়ে দুর্ভেদ্য কারাগারে। শ্রীনগর থেকে পঁচিশ মাইল দক্ষিণে নাগাবল জেলখানায়। ওখান থেকে আজ পর্যন্ত একটি বন্দীও পালিয়ে যেতে পারেনি।

মাহমুদকে কর্নেল গোয়েঙ্কারাম চাগলা একটা বিশেষ কাজে শহর থেকে বাইরে পাঠাচ্ছে বলে সে নিজে কোনও সাহায্য করতে পারবে না ওদের। কিন্তু সব ব্যবস্থাই করে দিয়েছে সে। একটা মস্ত ঠগবাজির ব্যবস্থা করেছে সে কৌশলে। রানা এবং জিজিরের জন্যে এ-আরবিকে আইডেন্টিটি কার্ড জোগাড় করে পাঠিয়েছে সে—সেই সাথে এক জোড়া এ-আরবিকে ড্রেস। কিন্তু তার চেয়েও প্রয়োজনীয় ব্যাপার হচ্ছে এ-আরবিকে চীফের চিঠি। মোহন সিং ও একজন মিনিষ্টারের সহি আছে, সীল আছে। জাল বলে ধরবার কোনও উপায় নেই। নাগাবলের সিকিউরিটি থ্রিজনের জেলারের কাছে লেখা। চিঠি পাওয়া মাত্রই যেন প্রফেসর সেলিম খানকে পত্র বাহকদের হাতে তুলে দেয়া হয়। এই চিঠিকে অস্বীকার করবার উপায় নেই। চিঠির কাগজটা পর্যন্ত অশোক শুভের জলছাপ দেয়া। তাছাড়া মোহন সিং ও ক্যাবিনেট মিনিষ্টারের সহিকে উড়িয়ে দেবার ক্ষমতা সেই জেলারের।

খামিসু খান আর উমরকে সঙ্গে নেবার পরামর্শ দিয়েছে মাহমুদ। জেলখানার মাইল পাঁচেক দূরে টেলিফোন পোলের কাছে রয়ে যাবে ওরা। তাহলে দলের সবাই যোগাযোগ রক্ষা করতে পারবে পরস্পরের সঙ্গে।

এবং অবশেষে নাগাবল যাবার জন্যে একখানা গাড়ি যোগাড় করে দিয়েছে মাহমুদ। কোথেকে যোগাড় করেছে বলেনি। গাড়ির কথা শুনেই রানার মনে পড়ল উমরের সাইলেন্সার পাইপ খুলে বোমা মোটর সাইকেলের দুনিয়া কাম্পানো আওয়াজ পায়নি বলেই হঠাৎ দরজা খোলায় চমকে উঠেছিল সবাই। গাড়ি নিয়ে এসেছে উমর।

আরও দুঃসংবাদ: মাহমুদের অ্যাওটিক অ্যানিউরিজম আরও বেড়েছে। নাকমুখ দিয়ে থেকে থেকে ভয়ঙ্কর রক্তস্রাব হচ্ছে। উমরের ধারণা এই ধাক্কাতেই শেষ হয়ে যাবে মাহমুদ। ডাক্তারও তাই বলেছিল। আর একটা বা দুটো স্ট্রোক সহ্য করতে পারবে সে—তার বেশি নয়।

‘আশ্চর্য!’ বলল রানা। ‘লোকটা মানুষ না কী! একদিনে এতকিছু ব্যবস্থা করল কি করে? তাজ্জব কারবার!’

‘এই চিঠি নিয়ে তোমরা তাহলে ঢুকছ নাগাবল জেলখানায়?’ জিজ্ঞেস করল রুবিনা গম্ভীর মুখে।

‘হ্যাঁ, ঢুকছি,’ বলল জিজির। ‘এই শেষ চেষ্টা আমাদের। ভেবে দেখো একজন বৃদ্ধ লোকের কথা; স্ত্রী, পুত্র চলে গেল পাকিস্তানে, শত্রুদেশে একা পড়ে রইল সে অসহায় অবস্থায় আত্মীয়স্বজন থেকে কত দূরে। জেলখানায় জেলখানায় ধুঁকে ধুঁকে মরতে হবে তাঁকে নিষ্ঠুর নির্যাতনের মুখে। এই অন্যায় কি মানুষ হয়ে সহ্য করে নেব আমরা? আমাদের কিছুই করবার নেই একজন অসহায় বৃদ্ধের জন্যে? আমাদের

চুকতেই হবে ওখানে।’

বোবা ব্যথায় ভরে গেল রুবিনার চোখ। এই সব কথায় কি মেয়েমানুষের মন দুশ্চিন্তামুক্ত হতে পারে? নাগাবলের কথায় সত্যিই ভয় পেয়েছে সে—এই অনিশ্চয়তার মধ্যে পুরো একটা দিন কাটাবে কি করে সে? ধীরে ধীরে উঠে চলে গেল সে ঘর ছেড়ে।

পরদিন ঠিক সাড়ে এগারোটায় পৌঁছল ওরা নাগাবল জেলখানার সামনে। জেলখানার উঁচু দেয়ালের ওপর কয়েকটা তার দেখে বোবা গেল কেন আজ পর্যন্ত কেউ পালাতে পারেনি এখান থেকে। কমপক্ষে দশ হাজার ভোল্টের ইলেকট্রিসিটি আছে ওই তারে।

জোরে ব্রেক কষে থামল গাড়ি জেল গেটের কাছে। ছুটে এল গাড়ির কাছে একজন প্রহরী আইডেন্টিটি কার্ড দেখবার জন্যে। এ-আরবিকে পোশাকে ওদের নামতে দেখে থমকে দাঁড়াল সে। কঠোর চাহনি দিয়ে ঠাণ্ডা করে দিল রানা প্রহরীর সব উৎসাহ। কর্কশ কণ্ঠে বলল, ‘জেলারকে ডেকে আনো।’

অফিস কামরায় ওদের বসিয়ে খবর দেয়া হলো জেলারকে। হতদত্ত হয়ে ছুটে এল জেলার। একবিন্দু সন্দেহ করল না ওদের। কফির অর্ডার দিতে চাইল—ওরা অবজ্ঞার সাথে নিষেধ করায় বিনীত হাসল। জিজ্ঞাসার হাত থেকে নিল সে সীলমোহর করা চিঠিটা। মনোযোগ দিয়ে পড়ল।

‘আমি জানতাম আপনারা আসবেন। জেনারেল মোহন সিং আমাকে আগেই বলেছিলেন যে কি একটা সংবাদ না পেলে উজ্জ্বল সেলিম খানকে নেবার জন্যে লোক পাঠাবেন। খবরটা তাহলে পাওয়া যায়নি নাকি?’

জুঁকুচে গিয়েছিল রানার কথা শুনে করবার ধরন দেখে। সামলে নিয়ে বলল, ‘সে-সব আমরা জানি না। বন্দীকে নিয়ে যাবার হুকুম হয়েছে আমাদের ওপর। ব্যস।’

‘আপনাদের আইডেন্টিটি কার্ড, কাগজপত্র সঙ্গেই আছে তো?’ জিজ্ঞেস করল জেলার যথেষ্ট বিনয়ের সঙ্গে।

‘নিশ্চয়ই।’

ওদের পরিচয়পত্রগুলোও পরীক্ষা করল জেলার মন দিয়ে, তারপর টেলিফোনটা দেখিয়ে বলল, ‘আপনারা নিশ্চয়ই জানেন এ-আরবিকে হেডকোয়ার্টারের সাথে আমাদের ডাইরেক্ট টেলিফোন যোগাযোগ আছে। সেলিম খানের মত এত বড় একজন লোকের ব্যাপারে আরও নিশ্চিত হবার প্রয়োজন আছে। আপনারা নিশ্চয়ই কিছু মনে করবেন না যদি আমি টেলিফোনে এই রিলিজ অর্ডার আর আপনাদের আইডেন্টিটি পেপারের সত্যতা সম্পর্কে জেনারেল মোহন সিং-এর সাথে একটু আলাপ করি?’

অনেক কষ্টে মুখের চেহারাটা ঠিক রাখল রানা। এই সাধারণ কথাটা একবারও ভাবল না কেন ওরা? অলক্ষ্যে হাতটা চলে গেল পিস্তলের কাছে। মুখে বলল, ‘নিশ্চয়ই। এত বড় একজন লোক! আপনার তো ফোন করে জেনে নেয়াই উচিত।’ দৃঢ় আত্মপ্রত্যয় রানার কণ্ঠে।

‘না থাক। তাহলে আর দরকার নেই। সন্দেহের কিছু থাকলে ফোন করতাম। কিন্তু শুধু শুধু ফোন করলে বিরক্তি বোধ করবেন হয়তো জেনারেল। আমাদের তো সবদিক দিয়েই জুলা। বুঝলেন না?’ হাসল জেলার। টেবিলের ওপর রেখে ঠেলে দিল সে কাগজগুলো ওদের দিকে। যেন ঘাম দিয়ে জুর ছাড়ল রানার।

একটা কাগজ ছিঁড়ে নিল জেলার প্যাড থেকে। কিছু লিখল তার ওপর, অফিশিয়াল সীল দিল সই করবার পর, একজন লোক ডেকে তার হাতে দিল চিঠিটা। কোনও কথা না বলে হাত নেড়ে বিদায় করে দিল লোকটাকে।

‘পাঁচ মিনিট অপেক্ষা করতে হবে। আনতে পাঠিয়েছি।’

পাঁচ মিনিট লাগল না। ঠিক বিশ সেকেন্ডের মধ্যেই দুই দিকের দুটো দরজা খুলে গেল। ডক্টর সেলিম নয়, চার দুগুণে আটজন সশস্ত্র প্রহরী ঢুকল ঘরের ভেতর। কিছু বুঝবার আগেই হাতকড়া পড়ল দু’জনের হাতে। বিষণ্ণ মুখে মাথা নাড়ল জেলার এদিক-ওদিক।

‘আপনারা দয়া করে নিজগুণে ক্ষমা করবেন আমাকে। এই অভিনয়টুকু না করলে আজই শ্মশানঘাটের চিতায় উঠতে হত। তাই করতেই হলো। চিঠিটা যে লিখলাম, ওটা প্রফেসর খানের রিলিজের জন্যে নয়, আপনাদের অ্যারেস্টের জন্যে।’ যেন একঘেয়েমিতে ভুগছে এমন ভাবে একটা দীর্ঘশ্বাস ছাড়ল জেলার। ‘মেজর মাসুদ রানা, আপনি বড় নাছোড়বান্দা নাকি।’

আট

কিছু দেখতে পাচ্ছে না রানা। কয়েক সেকেন্ড পর ধীরে ধীরে আবার ভেসে উঠল ওর চোখের সামনে জেলারের বিষণ্ণ মুখ। আকস্মিক বিশ্বাসের ধাক্কাটা সহ্য হয়ে আসতেই স্পষ্ট বুঝতে পারল রানা, এতক্ষণ ওদেরকে খেলাচ্ছিল জেলার। পরিচয় সম্পর্কে বিন্দুমাত্র সন্দেহ ছিল না জেলারের মনে গোড়া থেকেই। বোকার মত ধরা পড়েছে ওরা এদের প্ল্যান করা ফাঁদে। আর এখানে ধরা পড়া মানেই...

হাত-পা বাঁধা হয়ে যেতেই রানা এবং জিজিরের পিস্তল দুটো বের করে রাখা হলো সামনের টেবিলের ওপর, তারপর বেরিয়ে গেল গার্ডরা। ধীর শান্ত কণ্ঠে বলল জেলার, ‘কনফারেন্সটা শ্রীনগরে করবার একটা দ্বিতীয় উদ্দেশ্য ছিল আমাদের। আপনি একজন ইন্টারন্যাশনাল ফিগার হয়ে যাবেন, মেজর মাসুদ রানা। শ্রীনগর এখন ছেয়ে গেছে সারা বিশ্বের জার্নালিস্টে। আমরা সিঙ্গ ফায়ার-লাইনের ওপারের গার্ডদের উত্থানি দিলেই গোলাগুলি চালাতে আরম্ভ করবে ওরা। সমস্ত বহির্বিশ্বকে আমরা চোখে আঙুল দিয়ে দেখাব পাকিস্তান ভারতের সাথে কোনও সমঝোতায় আসতে চায় না। তার ওপর আগামীকালই শ্রীনগরে পাবলিক কোর্টে বিচার হবে আপনার। চিন্তা করুন, ভারত-অধিকৃত কাশ্মীরে পাকিস্তানী স্পাই। কত বড় আলোড়নটা হবে ভাবুন একবার!’ একটা সিগারেট ধরিয়ে কিছুক্ষণ টানল সে।

তারপর বলল, ‘আপনাদের নিশ্চয়ই জানতে ইচ্ছে করছে কথা নেই বার্তা নেই ইঠাৎ এই দুর্দশায় পড়লেন কি করে? কারণটা জানাতে আমার আপত্তি নেই। আমি অত্যন্ত দুঃখের সাথে জানাচ্ছি আপনাদের প্রতিভাবান এবং আশ্চর্য রকমের দুঃসাহসী বন্ধু, যিনি এ-আরবিকে-র মেজর রামপাল যোশী হিসেবে বিপুল সাফল্য অর্জন করেছেন, তিনিই শেষ পর্যন্ত আপনাদের ডুবিয়েছেন।’

অনেকক্ষণ কেউ কোনও কথা বলল না। জিজিরের মুখের দিকে চাইল রানা। কোনও ভাব পরিবর্তন নেই জিজিরের মুখে।

‘সে তো হতেই পারে,’ বলল সে গম্ভীর মুখে।

‘তাই হয়েছে। বেশ কিছুদিন যাবত কর্নেল চাগলার মনে সন্দেহ হয়েছিল। সন্দেহ ঠিক নয়, সন্দেহের ছায়া। কিন্তু গত পরশুদিন সন্দেহটা ঘনীভূত হয়ে স্থির বিশ্বাসে পরিণত হতেই জেনারেল মোহন সিং-এর সঙ্গে মিলে একটা ফাঁদ পেতেছিল সে যোশীর জন্যে। এই জেলখানার নাম কথায় কথায় যোশীর কাছে বলা হয়েছে, তার ওপর মোহন সিং-এর অফিস কামরায় ঢুকে কাগজপত্র আর সীলমোহর ব্যবহারেরও সুযোগ দেয়া হয়েছে তাকে। অসঙ্কোচে সেই সুযোগের সদ্ব্যবহার করেছে আপনাদের বন্ধু এবং নিশ্চিত্তে পা দিয়েছে কর্নেল চাগলার ফাঁদে। যত বুদ্ধিমানই হোক, মানুষ মাত্রেরই ভুল হয়।’

‘এতক্ষণে নিশ্চয়ই মারা গেছে সে?’

‘না, বেঁচে আছে। এবং সুখেই আছে। জানেও না, দাবার ছকটা সম্পূর্ণ পাল্টে গেছে। ওকে কি একটা কাজে শহরের বাইরে পাঠিয়ে দিয়েছেন কর্নেল। বিকেল বেলা ফেরত এলে পরে এই সমস্ত প্রমাণসহ নিজ হাতে তাকে অ্যারেস্ট করার বাসনা পোষণ করেন তিনি। বিকেলে ধক পড়বে যোশী, রাতেই কোর্টমার্শাল হয়ে যাবে ওর হেডকোয়ার্টারে। কিন্তু আমার যতদূর ধারণা ওর মৃত্যুটা চরম নির্যাতনের মৃত্যু হবে।’

‘তা তো হবেই। প্রত্যেকটি এ-আরবিকে অফিসারের সামনে তিলে তিলে মারা হবে ওকে—যাতে আর কখনও কারও ওর পদাঙ্ক অনুসরণ করার সাহস না হয়। তাই না?’

‘হ্যাঁ। আপনার নাম?’

‘জিজির।’

‘ছদ্মনামে চলবে না...কিন্তু তার আগে নিজের পরিচয় দেয়াই ভদ্রতা। আমার নাম শচীন্দ্র আইচ। নাগাবলের অস্থায়ী জেলার। আসলে আমি কেমিস্ট্রির একজন রিসার্চ স্কলার—সম্প্রতি অক্সফোর্ড থেকে পি. এইচ. ডি. করেছি। রিসার্চের সুত্রেই এখানে কাজ করছি আমি। আমার ওপর আদেশ দেয়া হয়েছে মেজর মাসুদ রান্নার কাছ থেকে স্বীকৃতি আদায় করার জন্যে। আর সাথের ভদ্রলোকের কাছ থেকে সত্যিকার পরিচয় এবং দলের সাময়িক কার্যকলাপ, ঠিকানা, ইত্যাদি বোঝার পবিত্র দায়িত্বও আমার। কিন্তু বিশ্বাস করুন, মধ্যযুগীয় শারীরিক নির্যাতন করে কথা আদায় কবুবার আমি ঘোর বিরোধী। তাছাড়া দৈহিক নির্যাতন করে যে আপনাদের দু’জনের কারও কাছ থেকেই কোনও কথা আদায় করা যাবে না, তা আমি আপনাদের চেহারা দেখেই বুঝতে পেরেছি। বিংশ শতাব্দীতে ইন্টারোগেশনের যে-

সব চমৎকার নিয়ম বেরিয়েছে, আমরা অতি যত্নের সঙ্গে সে-সব ব্যবহার করতে আরম্ভ করেছি। একটি চিহ্নও থাকবে না আপনাদের শরীরে অথচ সব কথা জানতে পারব আমরা। চব্বিশ ঘণ্টার মধ্যেই।’

‘ব্রেন ওয়াশ?’ জিজ্ঞেস করল জিজির।

‘হ্যাঁ। এক্ষুণি কফি এসে যাবে আপনাদের জন্যে। ওটা দিয়েই শুরু হবে।’ কথাটা শেষ হওয়ার আগেই একটা ট্রের ওপর সাজানো দু’কাপ কফি নিয়ে ঘরে প্রবেশ করল একজন গার্ড। ‘কফিটুকু খেয়ে নিতে হবে। না খেলে নাকে টিউব ভরে খাওয়ান হবে। কাজেই আশাকরি ছেলেমানুষী করবেন না।’

বিনা বাক্যব্যয়ে দু’জনে খেয়ে নিল কফি।

‘অ্যাকটেড্রন বলে একটা কেমিক্যাল মেশানো আছে এই কফিতে। প্রথম কয়েক মিনিট বেশ উদ্দীপ্ত হয়ে উঠবে আপনাদের নার্ভগুলো, তারপরই আসবে ভয়ঙ্কর মাথাধরা, ঘুম ঘুম ভাব, আলস্য—কিন্তু নার্ভগুলোর টেনশন বাড়তেই থাকবে। ধীরে ধীরে মানসিক ধৈর্য হারাতে থাকবেন আপনারা। দু’ঘণ্টা পর একই ডোজ দেয়া হবে আবার। তারপর একটা ইন্জেকশন দিতে হবে আপনাদের।’ গার্ডের দিকে ইঙ্গিত করতেই একটা সিরিঞ্জ দেখা গেল ওর হাতে। ‘মেস্ক্যালিন ইন্জেকশন। অনেকটা স্ক্রিয়োফেনিয়ার মত অবস্থা হবে অ্যাকটেড্রনের সাথে মেস্ক্যালিন পড়লে। এর আধঘণ্টা পর আমার নিজের আবিষ্কৃত একটা ওষুধ ইন্জেক্ট করা হবে আপনাদের শরীরে। অল্পদিন ভুলো আবিষ্কার করেছি ওষুধটা, তাই নামকরণ হয়নি এখনও। এই তিনটি ওষুধ বীর দুই রিপিট করলেই ইচ্ছাশক্তি বলে কিছুই অবশিষ্ট থাকবে না আপনাদের মধ্যে—অবসাদে সম্পূর্ণ ভেঙে যাবে মনের জোর। তখন কথার ঠেঁ ফুটেবে আপনাদের মুখে। সত্যি কথা তো বেরোবেই, আমরা আমাদের কিছু কথাও দু’কিম্বা দেব আপনাদের মাথায়—সেটাই তখন আপনাদের কাছে সত্য হবে। মুক্টি মোটামুটি ব্যাপারটা শুনলেন, এখন আপনাদের কামরায় গিয়ে বিশ্রাম করুন।’

একটা বেল বাজাতেই কয়েকজন গার্ড এসে পায়ের বাঁধন খুলে দিয়ে দাঁড় করাল ওদের। জেলার নিজেই পথ দেখিয়ে নিয়ে চলল। দু’পাশে দুইজন এবং পেছনে পিছুল হাতে একজন গ্রহরী চলল সাথে। পালাবার পথ তো দূরে থাক, এদের হাত থেকে মুক্তির চিন্তাও এল না রানার মনে। এদের হাত থেকে নিস্তার নেই—শেষবারের মত পৃথিবীর আলো বাতাস আর সবুজ দেখে নিতে ইচ্ছে করল রানার। কিন্তু আলোও নেই, বাতাসও নেই; সবুজও ঢাকা পড়েছে ধূসর ভূষারে। একটা দীর্ঘশ্বাস ফেলে এগিয়ে চলল সে পেছনের ধাক্কায়। একটা দরজার তাল খুলল জেলার।

‘শেষ দেখা দেখিয়ে নিয়ে যাই। আসুন।’

চিনতে পারল রানা। ডক্টর সেলিম খান। একটা নোংরা বিছানায় শুয়ে ছিলেন তিনি। এই তিন দিনেই আরও কয়েক বছর বেড়ে গেছে যেন ওঁর বয়স। মুখের কয়েক জায়গায় কাটা দাগ—শারীরিক নির্যাতনের স্পষ্ট প্রমাণ। ভয়ানক দুঃখ হলো রানার।

পায়ের শব্দে চমকে উঠে বসলেন সেলিম খান। তীব্র দৃষ্টিতে জেলারের দিকে

চেয়ে বললেন, 'আমি তোমাকে ঘৃণা করি। যত অত্যাচারই করো না কেন, আর না। আর আমি তোমাদের হয়ে কাজ করব না। এর চেয়ে মৃত্যুই হোক আমার।' হঠাৎ রানার দিকে বিস্মিত দৃষ্টিতে মেল চাইলেন তিনি। 'তোমাকেও ধরে এনেছে তাহলে শয়তানরা?'

রানা কোনও জবাব দিল না। কথা বলল জেলার।

'আমরা ওঁদের ধরে আনিনি, ওঁরাই এসে ধরা দিয়েছেন। ভাঁওতা দিয়ে আপনাকে ছাড়িয়ে নিয়ে যাবার চেষ্টা করতে এসেছিলেন ওঁরা নাগাবল কারাগারে।'

রানার দিকে চেয়ে রইলেন সেলিম খান। বললেন, 'তোমার জন্যে আমি দুঃখিত, মিস্টার মাসুদ রানা। আমাকে রক্ষা করতে এসেই তোমাকে এই অকালে মৃত্যুবরণ করতে হচ্ছে। কিন্তু একটা কথা বলে রাখি: তোমার জন্যে আমি গর্বিতও।' হঠাৎ আর একটা কথা মনে হলো ওঁর। 'আচ্ছা বলতে পারবে আমার স্ত্রী এখন কোথায়?'

'ঢাকায়। গতকালই তিনি নিরাপদে পৌঁছেছেন পাকিস্তানে।'

খুশির চোটে উঠে দাঁড়াবার চেষ্টা করলেন ডক্টর সেলিম। পারলেন না। পায়ে শেকল বাঁধা থাকায় হুমড়ি খেয়ে পড়ে গেলেন বিছানার ওপর উপড় হয়ে।

'তুমি বাঁচালে আমাকে, মিস্টার মাসুদ রানা। এখন আমি নিশ্চিত মরতে পারব। আমার স্ত্রীর ওপর অত্যাচার করার ভয় দেখিয়ে এতদিন কাজ আদায় করেছে ওরা আমার কাছ থেকে। মৃত্যু এমনিতেই কেউ, এখন আমি নিশ্চিত মরতে পারব। তোমাকে অসংখ্য ধন্যবাদ। শুধু দুঃখ এইটুকু, সম্পূর্ণ অনাত্মীয় পরিবেশে মরতে হচ্ছে আমাকে।'

হঠাৎ এই সময় কথা বলে উঠল জিজির।

'আপনার মৃত্যুর এখনও অনেক দূর আছে, ডক্টর সেলিম। সেটা যখন হবার হবে যথা সময়ে। কিন্তু অল্পদিনের মধ্যেই আপনি আপনার পরিবারের সঙ্গে মিলিত হবেন।' কথাগুলো অদ্ভুত শৈল্পিক জিজির বাঁধা জিজিরের মুখে। কিন্তু গলার স্বরে এমনই একটা দৃঢ় প্রত্যয় ছিল যে জেলার পর্যন্ত চমকে উঠল।

'আপনি নিশ্চয়ই পরকালে দেখা হওয়ার কথা বলছেন?' সামলে নিয়ে টিটকারির কণ্ঠে বলল জেলার।

'না। ইহকালেই। এক সপ্তাহের মধ্যে।'

'নিয়ে চলো হে...' বলল জেলার গার্ডদের। 'এখনি খারাপ হয়ে গেছে মাথাটা।'

এই নির্যাতনের তুলনা হয় না। স্নায়ুগুলো যেন কেউ ধারাল নখ দিয়ে আঁচড়াচ্ছে। পেটের ভেতর পাকস্থলীতে বেড়ালের লোম দিয়ে সুড়সুড়ি দিচ্ছে যেন কেউ। দেহের সমস্ত পেশীগুলোতে টান পড়ছে, আবার ঢিল হচ্ছে। নিজেকে ভেঙে-চুরে মাটির সাথে মিশিয়ে ফেলতে ইচ্ছে করছে রানার। অস্বস্তিটা যাচ্ছে না কিছুতেই। ভয়ঙ্কর দুঃস্বপ্নেও মানুষ কল্পনা করতে পারবে না এই নির্যাতনের সত্যিকার স্বরূপ।

কেউ যেন অসংখ্য মাকড়সা ছেড়ে দিয়েছে রানার গায়ে। শিরশির করে হেঁটে বেড়াচ্ছে সেগুলো দেহের ওপর। কোথাও যেন বাতাস নেই। শ্বাস নিতে কষ্ট

হচ্ছে। মাথার পেছন দিকটা যেন কেউ চেপে ধরেছে সাঁড়াশী দিয়ে—চোখ দুটোয় অসম্ভব ব্যথা। সবকিছু অন্ধকার হয়ে এল ওর কাছে। মনে হলো অনেক দূর থেকে কে যেন নাম ধরে ডাকছে ওকে। বারবার ডাকছে। কি যেন বলতে চাইছে। কিন্তু শুনতে ইচ্ছে করছে না ওর।

অনেকক্ষণ পর চিনতে পারল রানা গলাটা। জিজির।

‘মাথাটা উঁচু রাখো, রানা। রানা, রানা! মাথাটা উঁচু রাখো!’ বারবার বলছে কথাটা জিজির।

যেন মস্ত ভার তুলছে এইভাবে ধীরে ধীরে মাথাটা তুলল রানা। তারপর আবার ঝুলে পড়তে আরম্ভ করল সেটা সামনের দিকে।

‘আবার ঝুলে পড়ছে রানা, তুলে ধরো। মাথা উঁচু করো।’ গমগম করে উঠল জিজিরের কণ্ঠ। নিজের ইচ্ছাশক্তি ধার দিচ্ছে ওকে জিজির। ওর কণ্ঠে জাদুকরের সম্মোহন। আলগা মাথাটা আবার সোজা করল রানা। ‘হ্যাঁ, হ্যাঁ। হয়েছে। এইবার চোখ খুলে চাও। সোজা আমার দিকে তাকাও।’

চোখ খুলে রানা দেখল তারই মত বাঁধা রয়েছে জিজির চেয়ারের সাথে। লাল হয়ে গেছে ওর চোখ দুটো। বলল, ‘মাথাটা নিচে নামতে দিয়ো না, রানা। চোখ খুলে রাখো। ধীরে ধীরে কেটে যাবে। কেমিক্যালের রিঅ্যাকশন কমে যাবে কিছুক্ষণের মধ্যেই। নিজেকে শক্ত করে রাখো, ডিল দিলে আর ফিরে আসতে পারবে না।’

অনর্গল কথা বলে যাচ্ছে জিজির। নিজের ঘির্ষনের নানা গল্প, রুবিনার গল্প, মাহমুদের সব হারানোর কথা। রানার মাথা ঝুলে পড়তে চাইলেই সাবধান করছে। ধীরে ধীরে কমে যেতে লাগল অস্বস্তিটা। সন্তুষ্ট হয়ে যাচ্ছে ওষুধের গুণ। শেষে অপরিসীম ক্লান্তি ছাড়া আর কোনও অস্বস্তি থাকল না রানার দেহে।

ঘণ্টা তিনেক পর কয়েকজন প্রহরী এসে পায়ের শেকল খুলে দিল ওদের। ডেকে পাঠিয়েছে জেলার। দ্বিতীয় কোর্স দেয়া হবে। ওরা উঠে দাঁড়াতেই সাহায্য করবার জন্যে এগিয়ে আসছিল দু’জন লোক—সরিয়ে দিল জিজির। রানাও সাহায্য নিল না। মাথা সোজা রেখে হেঁটে বেরিয়ে গেল ঘর থেকে।

অফিস কামরায় বসেছিল জেলার। ওদেরকে সোজা হেঁটে ঘরে ঢুকতে দেখে হাঁ হয়ে গেল ওর মুখ। দুই চোখে অবিশ্বাস। কিন্তু সামনে নিল সে।

‘অন্য কারও মুখ থেকে খবরটা শুনলে তাকে মিথ্যুক বলতাম, কিন্তু নিজের চোখকে অবিশ্বাস করি কি করে? আপনারা অদ্ভুত লোক। দ্বিতীয় কোর্সের পর আপনাদের কি অবস্থা হয় দেখবার অদম্য কৌতূহল হচ্ছে আমার। বিশেষ করে যখন কর্নেল চাগলার কাছে শুনলাম জিজির মানে দুর্দান্ত সেই ইতিহাস সৃষ্টিকারী মেজর জেনারেল দিলদার বেগ। আপনাকে বন্দী করতে পেরে নিজেকে ধন্য মনে করছি আমি। কিন্তু...’

ঘরের একদিকে চাইল সে। রানাও চেয়ে দেখল এ-আরবিকে পোশাক পরা কয়েকজন লোক দাঁড়িয়ে আছে ওদের পেছনে। প্রথমেই চোখ পড়ল শম্মুর ওপর। সবার মাথা ছাড়িয়ে হাতখানেক ওপরে উঠে গেছে ওর মাথাটা। ভয়ঙ্কর একটা নিঃশব্দ হাসি দেখা গেল ওর মুখে। আর একজনকে চিনতে পারল রানা। সে-ও

ছিল সেদিন ভানের মধ্যে। তারপরই চোখ পড়ল ওর একজন লোকের ওপর। একটু তফাতে জানালা দিয়ে বাইরের দিকে চেয়ে সিগারেট টানছিল সে, ঘুরে দাঁড়াতেই দেখা গেল ফজল মাহমুদ।

নয়

মাহমুদ না তার প্রেতাআ? চোখ দুটো বসে গেছে—কালি পড়েছে চোখের কোণে। কিন্তু কুছ পরোয়া নেই ভাবটার কিছুমাত্র পরিবর্তন নেই। তাচ্ছিল্যের সঙ্গে চাইল সে ওদের দিকে, তারপর এগিয়ে এল।

তাহলে? একটা বিগী সন্দেশ উঁকি দিল রানার মনে। মাহমুদের তো মুক্ত থাকার কথা নয়! মুক্ত তো আছেই, নিশ্চিতে নিজের পোস্টেই আছে সে। এর মানে কি? এক টুকরো বিদ্রূপের হাসি ফুটে উঠল ওর ঠোঁটে। বলল, 'তাহলে দেখা যাচ্ছে...'

ঠাস করে এক চড় পড়ল রানার গালে। এমনিতেই দুর্বল হয়ে পড়েছে সে, তার ওপর বেশ ওজনদার চড়ই মেরেছে মাহমুদ। মাথাটা ঘুরে উঠল ওর। কোনওমতে একটা চেয়ার ধরে খাড়া থাকল সে মাহমুদের ওপর।

'শিখে রাখো। প্রশ্ন করলে উত্তর দেবে।' তার বেশি একটা কথাও শুনতে চাই না।' যেন ছুঁচো মেরে হাত গন্ধ করেছে এমন বিরক্ত দৃষ্টিতে হাতটার দিকে চাইল সে একবার, তারপর সেই একই দৃষ্টিতে চাইল জেলারের দিকে। 'এদের প্রথম ডোজ দেয়া হয়েছে?'

'নিশ্চয়ই, নিশ্চয়ই। আপনার দ্বিতীয় থেকে আরম্ভ করবেন, ক্যাপ্টেন লالا। আমি সব কিছু এই ব্যাগে ভরে দিয়েছি ইনস্টাকশনসহ। কোনও অসুবিধে হবে না। দুঃখ এই, আমি নিজের হাতে...'

'দুঃখ করবেন না। জেনারেলের কাজ হয়ে গেলেই আপনার লোক আপনাকে ফেরত দেয়া হবে। তবে আস্ত পাবেন কিনা বলতে পারি না।' মৃদু হাসল মাহমুদ। তারপর শব্দুর দিকে ফিরে বলল, 'কি হে, বাচ্চা হাতী, বোকার মত দাঁড়িয়ে রইলে কেন? তোলো এগুলোকে গাড়িতে।'

শব্দুর প্রকাণ্ড থাবা মুঠি করে ধরল রানার চুল। তারপর প্রায় ঝোলাতে ঝোলাতে বের করে নিয়ে চলল অফিস কামরা থেকে। রিসার্চ-স্কলার কেমিস্ট প্রায় আর্তনাদ করে উঠল, 'ক্যাপ্টেন লالا, দয়া করে একটু দেখবেন যেন যেমন নিয়ে যাচ্ছেন তেমনই ফেরত দিতে পারেন। আমার হয়ে বলবেন...'

'আমার কথা কর্নেল চাগলা শুনলে তো? তবু বলে দেখব। আচ্ছা, আর দেরি করা যায় না, চলি এখন।'

ছেঁচড়ে নিয়ে এসে তোলা হলো ওদের এ-আরবিকে ট্রাকে। রানা দেখল, ডক্টর সেলিম খানকেও নিয়ে আসা হয়েছে আগেই। শব্দু এবং আরও দু'জনকে নিয়ে মাহমুদও উঠল ট্রাকের পেছনে। প্রত্যেকের হাতের সাবমেশিনগান তৈরি থাকল।

ছেড়ে দিল ট্রাক।

একটা ম্যাপ বের করে খানিকক্ষণ কি যেন দেখল মাহমুদ। তারপর ডাইভারকে বলল, 'পাঁচ মাইল পর হাতের ডাইনে একটা সরু রাস্তা পড়বে। সেই রাস্তায় ঢুকে চলতে থাকবে আমি থামতে না বলা পর্যন্ত।'

বড় রাস্তা ছেড়ে ঢুকে পড়ল ওরা সরু রাস্তাটায়। উঁচু-নিচু পাহাড়ী পথের ওপরটা তুষার জমে সমান দেখাচ্ছে। ঝাঁকি খেতে খেতে চলল গাড়ি। মাঝে মাঝে পিছলে খাদের মধ্যে পড়ে যেতে চায়। একটা ফার, চিনার আর উইলো গাছের জঙ্গলের ধারে থামতে বলল মাহমুদ গাড়িটা। লাফিয়ে নামল রাস্তায়। পেছন পেছন নামল শম্মু এবং অন্যান্য গার্ডরা। পিস্তলের ইস্পিতে ডক্টর খান, জিজির আর রানাও নামল।

গাড়িটা ঘুরিয়ে রাখা হলো রাস্তার ওপর এঞ্জিন স্টার্ট দেয়া অবস্থায়।

'সবাই চলো, জলদি। শম্মু, তুমি পারবে না এই তিনটেকে কন্ট্রোল করতে? পিস্তল নিয়ে দাঁড়িয়ে থাকো পেছনে। একটু নড়াচড়া করলেই শেষ করে দেবে। দয়ামায়ার সময় নেই এখন।'

'নিশ্চিত থাকতে পারেন, স্যার।' কিচমিচ করে উঠল ওর মিকি মাউজ গলা। ভয়ঙ্কর হাসি শম্মুর মুখে।

প্রত্যেকের হাতে একটা করে কোদাল। জঙ্গলের মধ্যে অদৃশ্য হয়ে গেছে মাহমুদ ওদের নিয়ে। অসম্ভব শীতে ঠকঠক করে ঝোপে তিনজন। টিগার টেপার কোনও ছুতো বের করা যায় কিনা দেখবার জন্যে গর্জন করে উঠল শম্মু। 'এই বদমাগ, কাপুনি বন্ধ কর।'

কেউ কোনও জবাব দিল না। খানিকক্ষণ উসখুস করে আবার বলল, 'তোদের জন্যে চমৎকার ব্যবস্থা করতে গেছে জে.আর। তিনজনকে একসাথে পুঁতবে। দোয়া-দরুদ পড়, শালারা।'

কিছু বলতে যাচ্ছিল রানা, গাড়ি আড়াল করে চোখ টিপল জিজির। এবারও কেউ কোনও জবাব দিল না। মিনিট পাঁচেকের মধ্যেই ফিরে এল মাহমুদ। একা।

'পুরোদমে কাজ চলেছে। এরা কোনও গোলমাল করেনি তো, শম্মু?'

'নাহ্,' দুঃখের সঙ্গে জানাল শম্মু। 'কি গোলমাল করবে, ভয়েই কাঁপছে ঠকঠক করে।'

'দুঃখ কোরো না শম্মু, তোমাকে প্রতিশোধ নেবার সুযোগ দেয়া হবে। ব্যাথাটা কমেছে তোমার?'

'কমেছে, কিন্তু এখনও ফুলে আছে। উহ—'

অনেক কাছে এসেছিল মাহমুদ। ওর রিভলভারের বাঁটাটা সশব্দে পড়ল শম্মুর মাথার ওপর কানের ঠিক পেছনটায়। পিস্তলটা ছিটকে পড়ল ওর হাত থেকে। দড়াম করে তুষারের ওপর পড়ল শম্মুর জ্ঞানহীন দেহ।

দশ সেকেন্ডের মধ্যে হাতকড়াগুলো খুলে গেল। ট্রাকের হুইলে গিয়ে বসল মাহমুদ। তিনজন উঠে বসতেই ছুটল ট্রাকটা যে পথে এসেছিল সেই পথে।

মাইল পাঁচেক এসে থামল মাহমুদ। একটা ফ্রাঙ্ক নামাল কাঁধ থেকে। সবগুলো দাঁত বেরিয়ে গেছে ওর। 'ব্যাঙি। তিন ঢোক করে খেলে চারজনেরই হয়ে

যাবে। নিন শুরু করুন, সাইন্টিস্ট।’

‘দিন। শুরু কেন, বলেন তো শেষও করে দিতে পারি,’ সাগছে হাত বাড়ালেন ডক্টর সৈলিম। গুণে গুণে তিন ঢোক খেয়ে নামালেন ফ্লাস্কটা মুখ থেকে। অবসাদ আর শীতে মুহুম্মান হয়ে গিয়েছিল রানা। ব্যাগিটুকু খেয়ে যেন প্রাণ ফিরে পেল সে।

‘কিন্তু আপনাকে এমন বিধ্বস্ত দেখা যাচ্ছে কেন, মি. মাহমুদ? আপনার শরীর কেমন?’ জিজ্ঞেস করল রানা।

‘শারীরিক কুশলাদি নিয়ে পরে আলাপ করা যাবে। এখন লেজ দাবিয়ে প্রাণপণে ভাগতে হবে আমাদের, মিস্টার রানা। চলতে চলতেই গল্প করা যাবে।’

আবার ছুটল গাড়ি। একটা সিগারেট ধরিয়ে শুরু করল মাহমুদ।

‘আজকের প্রথম খবর, আজই এ-আরবি কে থেকে রিজাইন করেছি আমি। অনিচ্ছাসত্ত্বেও।’

‘তা তো বটেই,’ জিজ্ঞির বলল। ‘কেউ জানে এখনও?’

‘মোহন সিং জানে। আমি অবশ্য লিখিতভাবে কোনও দরখাস্ত দিইনি, কিন্তু হাত-পা বেঁধে যখন ওকে ওর নিজের অফিস কামরার সংলগ্ন বাথরুমে ফেলে এসেছি, তখন এ বিষয়ে নিশ্চয়ই আর কোনও সন্দেহ নেই।’

‘মোহন সিং! মানে তোমার চীফ?’ বলল জিজ্জির চোখ কপালে তুলে।

‘এক চীফ। হ্যাঁ ওকেই বেঁধে রেখে এসেছি। কিন্তু গোড়া থেকে বলি, তাহলে বুঝতে অসুবিধা হবে না। কাল উমরকে দিয়ে খবর পাঠিয়েছিলাম যে আমাকে গান্দারবলে পাঠানো হচ্ছে একটা বড় বুদ্ধিমত্তা সিকিউরিটি চেকআপের জন্যে কর্নেল চাগলার আদেশে। চাগলা নিজেই তৈরি, কিন্তু বারামুনায় ওর একটা জরুরী কাজ আছে বলে আমাকে পাঠাচ্ছে ক্যাপ্টেন লালা আর জনা দশেক সেপাই নিয়ে চলে গেলাম গান্দারবলে সকাল। আমার মনটা খুব খারাপ হয়ে গিয়েছিল, কারণ, সকাল বেলা বেরোবার সময় হঠাৎ একটা আয়নায় চোখ পড়তেই দেখলাম আমাদের চীফ অদ্ভুত এক দৃষ্টিতে চেয়ে আছে আমার দিকে। মোহন সিং-এর পক্ষে এটা এমন কিছু অস্বাভাবিক ব্যাপার নয়—ব্যাটা নিজের বউকেও বিশ্বাস করে না। কিন্তু কেমন একটা সন্দেহ হলো।’

‘লোককে সন্দেহ করা আপনার একটা বদ-অভ্যাস,’ মৃদু হেসে বলল রানা।

‘সেজন্যেই এখনও বেঁচে আছি, বন্ধু। সন্দেহটা মন থেকে দূর করে দিয়ে যখন গান্দারবলে প্রায় পৌঁছে গেছি এমন সময় ক্যাপ্টেন লালা একেবারে ভূত দেখানো চমকে দিল আমাকে একটা সাধারণ কথা বলে। কথায় কথায় বলল কর্নেলের ড্রাইভারের সাথে কথা হচ্ছিল ওর আজ সকালে, শুনল কর্নেল যাচ্ছে নাগাবল কারাগারে, ওখান থেকে যাবে উলার লেকের দিকে।’

বড় রাস্তায় উঠে ছুটল ওরা শীতলার দিকে।

‘এই এক কথায় সবকিছু আমার কাছে পানির মত পরিষ্কার হয়ে গেল। আমাকে গান্দারবলে সরিয়ে দেয়া, মোহন সিং-এর বাঁকা দৃষ্টি, কর্নেল চাগলার মিথ্যে কথা, আমাকে নাগাবলের খবর দেয়া, চীফের অফিসে ঢুকে অতি সহজেই কাগজপত্র জোগাড়ের সুযোগ, সবগুলোর মধ্যে যোগসূত্র খুঁজে পেলাম। কিভাবে আমাকে সন্দেহ করল ওরা জানি না, এখনও সেটা আমার কাছে রহস্যই রয়ে

গেছে।

‘বুঝলাম, সর্বনাশ হয়ে গেছে। তবে মনে হলো, হয়তো আমার ব্যাপারটা চাগলা ও মোহন সিং-এর বাইরে জানাজানি হয়নি। লালার যেমন কিছুই জানে না, তেমনি হেডকোয়ার্টারের আর সবাইও নিশ্চয়ই কিছুই জানবে না। সন্দেহপ্রবণ মোহন সিং আর প্রতিভাবান চাগলা কাউকে বলবার সাহস পাবে না জানাজানির ভয়ে। কাজেই গান্ধারবলে পৌঁছে সবাইকে বিকেল পর্যন্ত চারদিকে ত্রাসের সঞ্চার করবার হুকুম দিয়ে ক্যাপ্টেন লালাকে নিয়ে ঢুকলাম একটা পোড়ো বাড়িতে।’ একটু হাসল মাহমুদ। ‘বেচারি এখনও বোধহয় সেই পোড়ো বাড়ির ওদাম ঘরে হাত-পা বাঁধা অবস্থায় পড়ে আছে। কিন্তু কি করব, উপায় ছিল না আর। ওর আইডেন্টিটি কার্ড কেড়ে নিয়ে ছুটলাম শ্রীনগর। হেডকোয়ার্টারে পৌঁছে সোজা চলে গেলাম মোহন সিং-এর অফিস কামরায়।

‘তারপরের ঘটনাগুলো অত্যন্ত সহজ। সাংঘাতিক রকম চমকে উঠল মোহন সিং আমাকে দেখে। ওর হাঁ হয়ে যাওয়া মুখের মধ্যে ঢুকিয়ে দিলাম পিস্তলের নলটা। ওকে দিয়ে লিখিয়ে নিলাম আপনাদের মুক্তি সনদ। প্রাণের ভয় সবারই আছে। সীল দিয়ে সই করল সে চিঠিটা। এমন ভাবে আষ্টেপৃষ্ঠে বাঁধলাম ব্যাটাকে যে চোখ আর ভুরু জোড়া ছাড়া কিছুই নড়াবার উপায় রইল না ওর। মুখের মধ্যে আগেই ঠেসে দিয়েছিলাম কাপড়। তারপর নাগাবলকে ডাইরেস্ট টেলিফোনটা তুলে মোহন সিং-এর কণ্ঠস্বর নকল করে জেলারকে বললাম, ক্যাপ্টেন লালার একজনকে পাঠাচ্ছি সেই তিনজন বন্দীর জন্যে, সাথে নিজ হাতে লেখা চিঠি যাচ্ছে—বিনা দ্বিধায় যেন সে লালার হুকুম দিয়ে দেয় বন্দীদের। কয়েকজন মিনিষ্টার অপেক্ষা করছে ওদের জন্যে। মোহন সিং-এর চেহারাটা তখন দেখবার মত হয়েছে।’

‘কিন্তু চাগলা যদি থাকত অফিসে, কিংবা...’

রানার প্রশ্ন শেষ করতে দিল না মাহমুদ। ‘চাগলা এখন বন্দীপুরায়। তুমার পড়া বন্ধ হয়ে গিয়েছে সকাল থেকেই, আপনারা যে গাড়িতে করে নাগাবল গিয়েছিলেন তার চাকার দাগ ধরে সে উল্টো দিকে ছুটেছে আমাদের গোপন আস্তানা বের করবার আশায়।’

‘রুবিনা?’ কালো হয়ে গেল জিজিরের মুখ দৃষ্টিভ্রাস।

‘রুবিনা কে?’ জিজেস করলেন বন্ধ বৈজ্ঞানিক।

‘আমার মেয়ে। রুবিনার কি হবে?’

‘উমরকে পাঠিয়েছি শটকাট রাস্তায় গিয়ে রুবিনাকে সরিয়ে ফেলবার জন্যে। আমরা এখন চলেছি আমাদের আসল আস্তানায়, রামপুরে। যাক, যা বলছিলাম, জেলারের সাথে কথা বলবার সময় বারবার ‘হ্যাঁচো’ করছিলাম। জেলার জিজেস করায় বললাম ভয়ঙ্কর সর্দির পূর্বাভাস। তার কারণটা বলছি পরে। ফোন সেরে ইন্টারকমে অফিসের সবাইকে ধমকে দিলাম মোহন সিং-এর গলায়। আগামী তিন ঘণ্টার মধ্যে যদি কেউ আমাকে কোনও ভাবে ডিসটার্ব করে তাহলে আস্ত চিবিয়ে খেয়ে ফেলব। মিনিষ্টারও যদি টেলিফোন করে তবু কানেকশন দেবে না। তারপর সেই একই কণ্ঠে মেজর যোশীর জন্যে একটা ট্রাকের ব্যবস্থা করতে বললাম নিচে,

সাথে চারজন গার্ডও যাবে। সবশেষে টেনে অ্যাটাচড বাথরুমে নিয়ে গেলাম মোহন সিং-কে। ওর পেছন দিকটায় একটা মাঝারি রকমের লাথি লাগিয়ে দিয়ে বেরিয়ে এলাম ঘর থেকে। বাইরে থেকে তাল মেঝে চাবিটা নিয়ে চলে এলাম। ইশান্, এতগুলো বুদ্ধিমান লোককে ঘোল খাইয়ে দিয়ে সত্যিই আনন্দ হচ্ছে। আজ সারারাত ঘুমই আসবে না আমার।

এই অভূত লোকটার প্রশংসা করবার ভাষা পেল না রানা। ডক্টর সেলিম মাহমুদের পরিচয় শুনে ছেলেমানুষের মত হাসতে থাকলেন। কিন্তু জিজিরের মন থেকে রুবিনার জন্যে দুশ্চিন্তা গেল না।

গাড়ি থামাল মাহমুদ রাস্তার ওপর কিছু দেখে। বাইরের দিকে চাইতেই দেখতে পেল রানা খামিসু খানকে। হাতে একটা ছোট ব্যাগ। মৃত্যু গহ্বর ফেরত জিজির আর রানাকে দেখে হাসিতে উদ্ভাসিত হয়ে উঠল খানের মুখ। রানা লক্ষ করল হাসলে আরও খারাপ দেখায় ওকে—কিন্তু পরিষ্কার দেখতে পাওয়া যায় ওর সরল সাদাসিধে অকৃত্রিম হৃদয়টা।

আবার ছুটল ট্রাক। আবার পড়তে শুরু করেছে তুমার। খানের হাতের ব্যাগটার কথা জিজ্ঞেস করায় আবার হেসে উঠল মাহমুদ। বলল, ‘নাগাবলে যাওয়ার সময় উমরকে বন্দীপুরায় পাঠিয়ে খানের কাছে দিয়ে গিয়েছিলাম এই ব্যাগ। টেলিফোন ট্যাপ করবার যন্ত্রপাতি আছে এতে। একটা টেলিফোন পোলে চড়ে বসে ছিল খান। জেলার যদি ক্যান্টেন লালার হাতে বন্দীদের ছাড়বার আগে মোহন সিংকে ফোন করত তাহলে মুখে রুমাল চুষে উত্তর দিত খান। জেলার বুঝত মোহন সিং-এর সর্দি বেড়ে গেছে আরও তাই সন্দেহ করতে পারত না।’

‘আশ্চর্য! এক বিন্দু ফাঁক রাখেননি কোথাও!’ বলল রানা।

এই প্রশংসার উত্তর দিল না মাহমুদ কোনও। বলল, ‘সব ভাল যার শেষ ভাল। এখন যত শিগগির সম্ভব আপনাদের বর্ডার পেরোতে হবে। দেরি হলেই আবার বিপদ হবে। আর অল্পক্ষণের মধ্যেই সমস্ত জায়গায় ইনফরমেশন চলে যাবে। সবাইকে সাবধান করে দেয়া হবে। একটা ছুঁচোও বেরোতে পারবে না ওদের হাত গলে।’

একটানা তিন ঘণ্টা চলবার পর জিজিরের আস্তানার কাছে পৌঁছল ওরা। নদী পেরিয়ে আর দশ মাইলের মধ্যেই বর্ডার। গাড়ি না থামিয়ে সোজা ওদেরকে বর্ডার পার করে দিতে চেয়েছিল মাহমুদ। কিন্তু আপত্তি করল রানা। রুবিনাকে নিয়ে এতক্ষণে পৌঁছে গেছে উমর এই আস্তানায়। রুবিনার সাথে দেখা না করে চলে যেতে কিছুতেই সায় দিল না ওর মন। মৃদু হেসে চাইল একবার মাহমুদ রানার দিকে—তারপর বাঁয়ে মোড় নিল গাড়ি। দশ মিনিটের মধ্যে এসে দাঁড়াল ট্রাকটা জিজিরের আস্তানায়।

ছুটে গাড়ির কাছে এল উমর। ওর চোখ-মুখের চেহারা দেখেই চমকে উঠল জিজির। ‘কি হয়েছে উমর? রুবিনা কোথায়?’

মাথা নিচু করে চুপ করে থাকল উমর কিছুক্ষণ। তারপর বলল, ‘ধরে নিয়ে গেছে—কর্নেল চাগলা। আমি পৌঁছবার আগেই।’

বজ্রাহতের মত বসে থাকল গাড়ির সবাই কয়েক মুহূর্ত। মাহমুদই সামলে নিল সবচেয়ে আগে। স্টার্ট বন্ধ করে দিয়ে নেমে গেল গাড়ি থেকে। সবাই নামল একে একে। নিঃশব্দে মাহমুদের পিছু পিছু গিয়ে ঢুকল দোতলা বাড়িটার মধ্যে। ড্রইংরুমে বসে পড়ল সবাই।

ঠিক সেই সময়ে বেজে উঠল টেলিফোন। জিজির তুলে নিল রিসিভার। ফ্যাকাসে হয়ে গেল ওর মুখটা। কিছুক্ষণ চুপচাপ শুনল মন দিয়ে তারপর বলল, 'দিন ওকে।' আরও কিছুক্ষণ চুপচাপ কাটল। ঘরের প্রত্যেকটি প্রাণী পাথরের মূর্তির মত স্থির হয়ে রইল। 'তুই আমাদের ঠিকানা বললি কেন, মা?' আবার কিছুক্ষণ চুপচাপ। 'অসম্ভব। এটা কিছুতেই হতে পারে না, কর্নেল।' আবার চুপ। 'আচ্ছা, আমি অপেক্ষা করছি।' নামিয়ে রাখল জিজির রিসিভারটা। রানা লক্ষ করল হাতটা কাঁপছে জিজিরের।

একটা সোফায় বসে দুইহাতে চোখ ঢেকে কিছুক্ষণ নিজের মনের সঙ্গে যুদ্ধ করল জিজির। তারপর সামলে নিয়ে স্বাভাবিক ভাবে চাইল সবার দিকে। বলল, 'কর্নেল গোয়েঙ্কারাম চাগলা ফোন করেছিল। রুবিনাকেও দিয়েছিল টেলিফোনটা এক মিনিটের জন্যে যাতে ওর কথার গুরুত্ব দিই আমরা। এই ঠিকানা জানত না সে। কিন্তু চালাকি করে বের করে নিয়েছে। খালি ঘরে টেলিফোনের সামনে রুবিনাকে রেখে পাশের ঘরে গেছে সে। ঠিকানও ছুতো ধরে। আমাদের সাবধান করবার জন্যে এই ফোন নাম্বারে ফোন করেছেন রুবিনা। সাথে সাথেই ধরা পড়েছে ওদের ফোন অপারেটরের নাম।'

'কোথা থেকে ফোন করেছেন চাগলা?' জিজ্ঞেস করল রানা।

'এ-আরবিকে হেডকোয়ার্টার।'।

'আমরা চললাম। আপনি ডক্টর সেলিম খানকে বর্ডার পার করবার ব্যবস্থা করুন। আমি আর মাহমুদ যাব শ্রীনগর। যে করে হোক ছুটিয়ে আনব রুবিনাকে।'

'কারও সাধ্য থাকলে তোমাদের দু'জনেরই আছে। কিন্তু এখন আর সেটা সম্ভব নয়, রানা। তোমরাও আর পারবে না ওকে ছুটিয়ে আনতে।'

'কি চায় চাগলা?' এবার প্রশ্ন করল মাহমুদ।

'বদলা-বদলি।'

'অর্থাৎ ডক্টর সেলিমের বদলে রুবিনাকে ফেরত দিতে পারে, এই তো?'

'হ্যাঁ। কিন্তু এটা অসম্ভব। ডক্টর সেলিমকে...'

'সম্ভব।' এতক্ষণ পর দৃঢ়কণ্ঠে কথা বলে উঠলেন বৃদ্ধ বৈজ্ঞানিক। 'আমি ফিরে যাব।' জিজিরকে মাথা নাড়তে দেখে বললেন, 'আমার কোনও ক্ষতি করবে না ওরা—ওদের অনেক কাজে লাগবে আমি। কিন্তু না গেলে আপনার মেয়ের কি অবস্থা হবে ভাবুন একবার। আমার স্বাধীনতার বিনিময়ে যদি কারও প্রাণ রক্ষা হয়...আমি

যাবই।' তাও মাথা নাড়ছে জিজির। মিনতি ফুটে উঠল প্রফেসরের কণ্ঠে, 'আপনি একটা কথা বুঝতে পারছেন না কেন? যদি বেঁচে থাকি আমার মুক্তির সম্ভাবনা তো রইলই—কিন্তু আমাকে ফেরত না পেলে রুবিনার বাঁচবার কোনও সম্ভাবনাই নেই।'

'আপনি সাহসী লোক, ডক্টর সেলিম। এবং মহৎপ্রাণ। কিন্তু আপনার প্রস্তাব আমি গ্রহণ করতে পারলাম না। আমি চাগলাকে বলছি—'

'আমি বলব,' বাধা দিয়ে বলল মাহমুদ। টেলিফোন বেজে উঠেছে। এগিয়ে গিয়ে তুলে নিল সে রিসিভার।

'আমার বিবেচনার ওপর ব্যাপারটা ছেড়ে দিন আপনারা—হ্যালো চাগলা, মেজর রামলাল যোশী বলছি। হ্যাঁ, আপনাদের প্রস্তাব আমরা বিবেচনা করে দেখেছি, এখন আমাদের দিক থেকে একটা প্রস্তাব আছে, আপনারাও বিবেচনা করে দেখুন। আমার মত একজন সুযোগ্য অফিসারকে হারিয়ে আপনারা নিশ্চয়ই যার-পর-নাই হৃদযন্ত্রণায় ভুগছেন। আমরা যদি 'গ্যারান্টি' দিই যে পাকিস্তানে পৌঁছে আপনাদের বিরুদ্ধে একটি কথাও বলবেন না ডক্টর সেলিম, প্রেসেও যাবে না কোনও খবর, তাহলে আপনারা কি ওঁর বদলে আমার মত এই ক্ষুদ্র প্রাণীকে গ্রহণ করতে রাজি হবেন? একটা কথা ভেবে দেখবেন, ওঁকে নিয়ে খুব লাভ হবে না ভারত সরকারের, ওঁকে দিয়ে আর কোনও কাজ করা যাবে না, জেলের ভাত খাওয়ানো ছাড়া।...হ্যাঁ, হ্যাঁ, নিশ্চয়ই। আমি ধরে থাকব।' জিজির এবং প্রফেসরের প্রবল আপত্তি গ্রাহ্য করল না মাহমুদ। বলল, 'অত ব্যস্ত হচ্ছেন কেন? আত্মত্যাগ ইত্যাদি ভূয়ো কথায় আমার...হ্যাঁ, বলুন, কর্নেল চাগলা...আমাকে একেবারে চুপসে দিলেন, মশাই। নিজের সম্বন্ধে যেটুকু উচ্চ ধারণা ছিল, ধূলিসাৎ হয়ে গেল।...তাহলে প্রফেসরকেই ছাড়ুন। হ্যাঁ, হ্যাঁ, উনি এক পায়ে খাড়া।...কি বললেন? শ্রীনগরে? হাসালেন দেখছি! উনি কখনও শ্রীনগরে যাবেন না।...আপনি কি আমাদের পাগল ঠাউরেছেন? উনি শ্রীনগরে গেলে দু'জনই চলে গেল আপনার হাতের মুঠোয়, একজনকে ফেরত দেবার প্রশ্নই ওঠে না। এই যদি আপনাদের সিদ্ধান্ত হয় তাহলে এক্ষুণি উনি বর্ডার পার হয়ে চলে যাবেন।...এই তো, এতক্ষণে বুঝতে পারছেন। মন দিয়ে শুনুন।

'এই বাড়ি থেকে দুই মাইল পূবে ডান দিকে একটা সরু রাস্তা আছে। চিনতে না পারলে রুবিনাকে বললেন, সেই চিনিয়ে দেবে। সেই রাস্তা ধরে দুই মাইল গেলে বিলাম। সেই রাস্তার শেষ পর্যন্ত গিয়ে একটা খেয়া ঘাটের সামনে পৌঁছবেন আপনারা। আমরা এখান থেকে মাইল তিনেক পশ্চিমে একটা কাঠের ব্রিজ পার হয়ে ওপারে চলে যাচ্ছি এক্ষুণি। ব্রিজটা অবশ্যই ভেঙে দেয়া হবে। আপনারা যেখানটায় পৌঁছবেন ঠিক তার মুখোমুখি নদীর অপর পারে অপেক্ষা করব আমরা। ওখানে, একটা নৌকো আছে পারাপারের জন্যে। ওইখানেই আমাদের বন্দী বিনিময় হবে। সব কথা পরিষ্কার বুঝতে পেরেছেন?'

বেশ কিছুক্ষণ চুপ করে কি যেন শুনল মাহমুদ। সবাই শ্বাসরুদ্ধ করে অপেক্ষা করছে। মাহমুদ বলল, 'আচ্ছা, একটু ধরুন।' মাউথপীসটা হাতের তালু দিয়ে চেপে ধরে চাপা গলায় বলল, 'ব্যাটা বলছে ঘণ্টা খানেক সময় দিতে হবে। গভর্নমেন্ট

পারমিশনের ব্যাপার আছে। তা সত্যিই আছে অবশ্য। কিন্তু এই ঘটনাখানেক সময় ব্যাটারা আর্মড ফোর্স দিয়ে বাড়িটা ঘেরাও করবার কিংবা প্লেন পাঠিয়ে বন্ধিৎ করবার ব্যবস্থা করবে কিনা কে জানে!

‘সেটা সম্ভব নয়,’ বলল জিজির। ‘ওদের ঘাঁটি এখন থেকে চল্লিশ মাইল। এখানে পৌছতে অন্ততপক্ষে তিনঘন্টা লাগবে, আর এয়ার ফোর্স এই তুষারের মধ্যে এ-বাড়ি খুঁজেই পাবে না।’

‘তাহলে ঝুঁকিটা নেয়া যায়?’

‘নেয়া যায়।’

‘ঠিক আছে, ঘটনাখানেক সময় দেয়া গেল আপনাকে, কর্নেল চাগলা,’ মাউথপিস থেকে হাত সরিয়ে বলল মাহমুদ। ‘তার চেয়ে এক মিনিট দেরি হলে আর টেলিফোন করবার কষ্ট স্বীকার না করলেও চলবে—আমরা চলে যাব এখন থেকে। আরেকটা কথা। গান্ধারবল-বন্দীপুরার রাস্তায় আসবেন। আমাদের সংগঠন কত বিরাট তা তো জানেনই। সমস্ত রাস্তায় আমাদের লোক থাকবে। যদি কোন গাড়ি অন্য রাস্তায় আসে, এখানে এসে দেখবেন আমরা চলে গেছি। আচ্ছা, দেখা হবে ঘটনা তিনেকের মধ্যে।’

রিসিডার নামিয়ে রাখল সে, তারপর ঘুরল ঘরের সবার দিকে।

‘ডক্টর সেলিমকে যেতেই হচ্ছে। তিন ঘটনার মধ্যে।’

উমর ওর পয়েন্ট টু-টু রাইফেলটা পরিষ্কার করতে বসল পুলক দিয়ে। দশ রাউন্ডের ম্যাগাজিন। সেমি-অটোমেটিক কোম্পানি। খামিসু খান গভীর মুখে পায়চারি করে বেড়াচ্ছে জিজিরের সোফার পেছনে পাচ গজ জায়গায়। সোফায় হেলান দিয়ে চোখ বন্ধ করে বারবার মাথা নাড়ছে জিজির। রানা বুঝতে পারছে, ডক্টর সেলিমের বিনিময়ে নিজের কন্যাকে ফিরে পাওয়ার বিরুদ্ধে প্রতিবাদ করছে সে মনে মনে। সেলিম খান নির্বিকার চিত্তে দেড়মাস আগের একটা পত্রিকায় মনোনিবেশ করেছেন। কোথা থেকে এক বোতল ছইস্কি নিয়ে এসে বারান্দায় বসেছে মাহমুদ। অনেকক্ষণ থেকে অবিরাম মদ খাচ্ছে সে। অর্ধেক হয়ে গেছে বোতল তবু খেয়েই চলেছে। রানা এসে বসল মাহমুদের পাশে।

‘খুব বেশি মদ খাই, তাই না?’ বলল মাহমুদ।

‘হ্যাঁ, একটু অতিরিক্ত। বিশেষ করে...’

‘কিন্তু কেন খাব না, বলুন তো। জিনিসটা আমি পছন্দ করি।’

‘আমি নীতিবাগীশ নই। সময় বিশেষে মদ আমিও খাই। কিন্তু ভাবছি পছন্দ করেন বলেই যে আপনি মদ খান, তা নয়।’

‘তাহলে কি? ভুলে থাকবার জন্যে?’

‘আপনার কথা আমি সব জানি, মি. মাহমুদ।’

কিছুক্ষণ চুপ করে থাকল মাহমুদ। তারপর বলল, ‘রুবিনাকে বিয়ে করবেন আপনি?’

চমকে উঠল রানা। ‘একথা কেন জিজ্ঞেস করছেন?’ তবে কি যা বুঝেছিল তাই ঠিক? ‘আমাদের মধ্যে এরকম কোনও কথা তো হয়নি এখন পর্যন্ত।’

‘খুব ভাল মেয়ে। আপনি ওকে বিয়ে করুন। ও সুখী হবে, আপনাকেও সুখী করবে।’

‘আমি চাইলেই কি ও বিয়ে করবে আমাকে?’

‘করবে। আমি মেয়েদের মন জানি।’

‘আপনি নিজে চেষ্টা করেননি কেন, মিস্টার মাহমুদ? আমার প্রতি হিংসে তো এদিকে পুরোপুরিই আছে!’ ঠাট্টা করবার ছলে বলল রানা। চট করে রানার দিকে চাইল মাহমুদ। ম্লান হাসল।

‘আমি জানতাম, আপনি ধরে ফেলেছেন আমাকে। আমি খুব অন্যায় করেছিলাম। আপনার ওপর সন্দেহ ফেলে ছোট করতে চেয়েছিলাম আপনাকে রুবিনা আর জিজিরের কাছে। সেদিন শ্রীনগরে জিজিরের বাসায় আপনার ধরা পড়বার কোনও দরকারই ছিল না। কিন্তু আমি হেরে গেছি আপনার কাছে, মিস্টার মাসুদ রানা। আপনিও যেমন স্পষ্ট বুঝেছিলেন, রুবিনাও বুঝেছিল তেমনি পরিষ্কার। কিন্তু আপনি কিছু বললেন না, চুপচাপ সহ্য করে নিলেন আমার এই কুৎসিত ব্যবহার। আর তাইতেই হেরে গেলাম। আমার চেয়ে আপনি কতখানি বড় তখনই টের পেলাম অন্তর দিয়ে। আমাকে মাফ করবেন না, মিস্টার মাসুদ রানা?’ রানার একটা হাত চেপে ধরল মাহমুদ।

ধীরে হাত ছাড়িয়ে নিল রানা।

‘কি পাগলামী করছেন! আপনি প্রাণ বাঁচিয়েছেন আমার। চিরঞ্জী হয়ে থাকব আপনার কাছে। ওসব কথা ভুলে যান।’ কিছুক্ষণ চুপ করে থেকে রানা বলল, ‘কিন্তু আপনি রুবিনাকে কোনও দিন এসব কথা বলেননি কেন?’

বুকের ওপর দুটো টোকা দিল মাহমুদ। ‘আমার মস্ত বড় একটা অসুখ আছে। আর একমাস আমার আয়ু। বলা কি চিকিৎসা হত?’ হঠাৎ উঠে দাঁড়াল সে। ‘একঘণ্টা প্রায় হয়ে এসেছে। চলুন, গোস্টহাউস চাগলার সাথে খানিক আলাপ করা যাক।’

‘সেলিম খানকে তাহলে বিয়ে দিতেই হচ্ছে?’

‘তাছাড়া আর উপায় কি? দিতেই হবে।’

টেলিফোন বেজে উঠল। রিসিভার তুলল মাহমুদ।

‘রামলাল যোশী স্পীকিং। কর্নেল চাগলা?’

সবাই উৎকর্ণ হয়ে রইল। কথা শেষ না হলে জানতে পারবে না কিছুই, মাহমুদের ডাব-ভঙ্গি থেকে যতটুকু পারা যায় আঁচ করবার চেষ্টা করতে থাকল সবাই। দেয়ালে হেলান দিয়ে দাঁড়িয়ে আছে মাহমুদ, চোখজোড়া ঘরের এদিক-ওদিক ঘুরে বেড়াচ্ছে কিন্তু কিছুই দেখছে না। হঠাৎ সোজা হয়ে দাঁড়াল সে। ভুরু কুচকে গেল ওর।

‘অসম্ভব! একঘণ্টা সময় দিয়েছিলাম, কর্নেল চাগলা। কিছুতেই আর অপেক্ষা করব না আমরা। সারাদিন বসে বসে মাছি মারতে থাকি আর আপনি রয়ে সয়ে সব ক’জনকে অ্যারেস্ট করুন। আমরা পাগল নই, কর্নেল চাগলা।’

‘কি হলো?’

অল্পক্ষণ চুপচাপ শুনল সে চাগলার কথা। তারপর ওপার থেকে রিসিভার নামিয়ে রাখার শব্দ শুনেই চমকে উঠল। হাতে ধরা রিসিভারটার দিকে চাইল

একবার, তারপর নামিয়ে রাখল সেটা। নিচের ঠোঁটটা কামড়ে ধরে কয়েক সেকেন্ড কি যেন চিন্তা করল সে।

‘চাগলা বলছে মিনিষ্টার শহরে নেই। ওর গ্রামের বাড়িতে টেলিফোন নেই বলে তাকে আনবার জন্য গাড়ি পাঠানো হয়েছে। আধঘণ্টা খানেকের মধ্যে, ইশশ, গর্দভ আমি একটা!’

‘ভেঙে বনো, মাহমুদ!’ জিজিরের কণ্ঠে উদ্বেগ।

‘আমি একটা ছাগল। উমর, ট্রাকটায় স্টার্ট দাও। এফুগি। খান হ্যাও গ্রেনেড আর ওই ব্রিজটা ওড়ানোর পক্ষে যথেষ্ট অ্যামেনিয়াম নাইট্রেট, আর সেই সাথে ফিল্ড টেলিফোনটা। জনদি! শিগগির বেরোও সবাই বাড়ি থেকে!’

কেউ কোনও প্রশ্ন করল না মাহমুদকে। ছুটে বেরোল সবাই বাড়ি থেকে। আধ মিনিটের মধ্যে সব মালপত্র উঠে গেল ট্রাকে। সবশেষে এল মাহমুদ। থমকে দাঁড়াল গেটের সামনে। গলগল করে রক্ত বেরিয়ে এল ওর নাক-মুখ দিয়ে। অনেক রক্ত। ছুটে গিয়ে ধরল ওকে রানা। সরিয়ে দিল সে রানাকে একপাশে। পকেট থেকে রুমাল বের করে নাক-মুখের রক্ত মুছে ফেলে দিল রুমালটা। কারও সাহায্য ছাড়াই গাড়িতে উঠে বসল সে।

‘মারাত্মক ভুল হয়ে গেছে, জিজির! কর্নেল চাগলা ফোন করেছে পাবলিক টেলিফোন থেকে। আগেই বোঝা উচিত ছিল জিজির। এ-আরবিকে-র কর্নেল চাগলা পাবলিক টেলিফোন থেকে কেন ফোন করেছে? কারণ, শীনগরে নেই সে এখন। এর আগের বারও নিশ্চয়ই সে শীনগর থেকে ফোন করেনি, করেছিল ওদের সোপুর ব্রাঞ্চ থেকে। ধূর্ত, ধড়িবাজ চাগলা শীনগর থেকে রওনা হয়ে গেছে অনেক আগে। ক্রমেই এগিয়ে আসছে সে দক্ষিণে নিয়ে। আমাদের দেরি করাবার জন্যে পথে পথে থেমে ভুয়ো টেলিফোন করছে। মিনিষ্টার, গভর্নমেন্ট পারমিশন, সব মিথ্যে কথা। কয়েক ঘণ্টা আগেই রওনা হয়ে গেছে সে শীনগর থেকে। আমরা এখানে পৌঁছবার আগেই। হিঃ হিঃ, এই সাধারণ চালে ঠকে গেলাম আমি। আমাদের থেকে পাঁচ মাইল দূরেও নেই সে এখন! দশ মিনিটের মধ্যে এসে পৌঁছবে এখানে।’

এগারো

অবিরাম ঝরছে তুষার। ঠক ঠক করে কাঁপছে ওরা টেলিফোন পোস্টের কাছাকাছি জঙ্গলের মধ্যে দাঁড়িয়ে। অসম্ভব শীত। মাহমুদের পক্ষে, ঠাণ্ডা লাগানো এখন আত্মহত্যার সমান—কিন্তু অনেক বলেও কেউ ওকে ট্রাকের ভেতর পাঠাতে পারল না।

ব্রিজ পার হয়ে জঙ্গলের আড়ালে ট্রাকটা রেখে সরে এসেছে ওরা বাড়ির কাছে। মাহমুদ আর খান অ্যামেনিয়াম নাইট্রেট বসিয়েছে পুলের গোড়ায়। ট্রাকের চাকার দাগ মুছে ফেলেছে সবাই মিলে। অ্যামেনিয়াম নাইট্রেট থেকে প্লাজার পর্যন্ত তারটা ঢেকে দেয়া হয়েছে তুষার দিয়ে। ঝোপের আড়ালে প্লাজার নিয়ে লুকিয়ে

পড়েছে খান।

এরই মধ্যে বাদরের মত অনায়াসে পোস্ট বেয়ে উঠে কানেকশন দিয়ে দিয়েছে উমর ফিল্ড টেলিফোনের সাথে দুটো তারের। দশ মিনিটের মধ্যেই প্রস্তুত হয়ে নিল ওরা।

আরও দশ মিনিট কেটে গেল। মজ্জায় গিয়ে ঢুকছে যেন শীত। এমন সময় মোড়ের ওপর দেখা গেল শত্রুপক্ষকে। সামনে প্রকাণ্ড ট্রাকের মধ্যে পরিষ্কার দেখতে পাওয়া গেল কর্নেল গোয়েঙ্কারাম চাগলাকে। ওটা ওর ট্রাক-কাম-অফিস। পেছন পেছন এল একটা খাকী রঙের ট্রাক, সোলজার ভরা। তৃতীয় গাড়িটা দেখে চমকে উঠল সবাই। বিরাট একখানা আর্মার্ড হাফ-ট্রাক, অ্যান্টি-ট্যাঙ্ক গান ফিট করা আছে। যুদ্ধের জন্যে প্রস্তুত হয়েই এসেছে চাগলা।

একশো গজ থাকতেই হাফ ট্রাককে পেছনে ফেলে দ্রুত এগিয়ে গেল সামনের ট্রাক দুটো বাড়ির কাছে। ঝপাঝপ লাফিয়ে নামল জনা বিশেক সৈনিক, ঘিরে ফেলল পুরো বাড়িটা।

‘বুম্!’

পঞ্চাশ গজ এসেই থেমে গিয়েছিল হাফ ট্রাক। বাড়ির দেয়াল লক্ষ্য করে কামান ছুঁড়তে আরম্ভ করল। নিচ থেকে শুরু করছে ওরা। কয়েক সেকেন্ড পরপর ধসে পড়েছে দেয়ালের একেক অংশ। বিরাট গর্ত হয়ে গেছে বাড়িটার গায়ে। অল্পক্ষণেই সমস্ত বাড়ি ধসে পড়বে।

‘হারামজাদারা মনে করেছে আমরা আতঙ্কিত মুরগীর বাচ্চার মত ছোটোছুটি করছি এখন সারা বাড়িময়। গোয়েঙ্কারামকে ভয়ঙ্কর লোক বলে জানতাম...’ প্রচণ্ড ‘বুম্!’ শব্দের জন্যে একটু থামল মাহমুদ। ‘কিন্তু কতখানি ভয়ঙ্কর আজ টের পেলাম। একটি প্রাণীকেও আশু রাখবে না সে।’

‘ওরা মনে করেছে, আমরা ওই বাড়ির মধ্যেই আছি। আমাদের খুন করতে চাইছে ওরা!’ কেঁপে উঠল ডক্টর সেলিমের গলাটা।

‘নিশ্চয়ই। টারগেট প্র্যাকটিস করছে না, খুন করতেই এসেছে। এক আধজন যদি বেরিয়ে ভাগতে চেষ্টা করে, সেজন্যে ঘেরাও করে রেখেছে বাড়িটা। বেরোলেই কুকুরের মত গুলি করে মারবে।’

‘আচ্ছা! তাহলে আমার সার্ভিসের আর কোনও প্রয়োজন নেই ওদের?’

‘আছে। কিন্তু তার চেয়েও বেশি প্রয়োজন জিজির ওরফে মেজর জেনারেল দিলদার বেগকে হত্যা করা। অধিকৃত কাশ্মীরে ওঁর চেয়ে বড় শত্রু ওদের আর কেউ নেই।’

রানা বুঝল, বাজে কথায় ভুলাচ্ছে মাহমুদ বৃদ্ধকে। আসলে ওরা পরিষ্কার বুঝে নিয়েছে ভবিষ্যতে প্রফেসরকে দিয়ে কাজ করাতে পারবে না। কাজেই ডক্টর সেলিম বাঁচুক বা মরুক তাতে ওদের কিছু এসে যায় না, পাকিস্তানের হাতে না গেলেই হলো। তাহলে কোন্ ভরসায় সে ছেড়ে দিচ্ছে ডক্টর সেলিমকে ওদের হাতে? দৃঢ় সংকল্পে বদ্ধপরিকর হলো রানা, কিছুতেই এই বন্দী বিনিময় হতে দেবে না সে। এই বৃদ্ধের প্রাণ নিয়ে ছিনিমিনি খেলবার কোনও অধিকার নেই ওর।

‘সর্বনাশ! এরা মানুষ না পিশাচ।’ অবাক চোখে চেয়ে রইলেন বৃদ্ধ বৈজ্ঞানিক

এই নিষ্ঠুর ধ্বংসলীলার দিকে।

‘ওকে কেউ দেখতে পেয়েছে? রুবিনাকে?’ জিজ্ঞেস করল জিঁরি। সবাই মাথা নাড়ল। কেউ দেখেনি। ‘তাহলে এখন ফোন করে দেখা যাক কি বা ল চাগলা।’

বাড়ির ভেতর ফোন বেজে উঠল ক্রিং ক্রিং। এখান থেকেও স্পষ্ট শুনতে পেল ওরা। চিৎকার করে কিছু বলল চাগলা। হাতের ইশারায় হাফ ট্রাকের গোলাবর্ষণ বন্ধ করবার ইঙ্গিত করল। ওর আদেশ পেয়ে চারদিক থেকে বাড়ির মধ্যে ঢুকে পড়ল সৈনিকেরা হৈ-হৈ করে। সবার আগে আগে চলেছে শম্মু। দুই মি নিটের মধ্যেই সারা বাড়ি খুঁজে কাউকে না পেয়ে খবর দিল শম্মু চাগলাকে। চাগলা ঢুকে পড়ল বাড়ির মধ্যে।

‘মেজর জেনারেল দিলদার বেগ বলছেন নিশ্চয়ই?’ পরিষ্কার ভেসে এল চাগলার কণ্ঠস্বর। রিসিভার ছাড়াও একটা ছোট স্পীকারে কানেকশন দেয়া আছে। সবাই শুনতে পেল কথাগুলো।

‘হ্যাঁ। এই কি আপনাদের প্রতিশ্রুতি রক্ষার রীতি নাকি, কর্নেল চাগলা?’

‘ছেলেমানুষী প্রশ্ন করে লজ্জা দেবার বুধা চেষ্টা করবেন না। কোথা থেকে বলছেন আপনি জানতে পারি?’

‘আপনার প্রশ্নটাও ছেলেমানুষী হয়ে গেল না? রুবিনাকে এনেছেন সাথে?’

‘নিশ্চয়ই। আমি বলেছিলাম নিয়ে আসছি।’

‘দেখাতে পারবেন?’

‘আমাকে বিশ্বাস করছেন না?’

‘বাজে কথা রাখুন, আমি দেখতে চাই শুধু।’

‘একটু ধরুন, চিন্তা করে দেখি।’

রিসিভারটা নামিয়ে রাখল কর্নেল। উত্তেজিত কণ্ঠে রানা বলল, ‘জিঁরি! ও চিন্তা করছে না। ওই ধূর্ত শিয়াল চিন্তার কোনও প্রয়োজন হয় না। সময় নিচ্ছে ও, আর কিছু না। ও জানে, আমরা এমন এক জায়গায় আছি যেখান থেকে দেখতে পাব ওদের—তাহলে ওরাও কেন চেষ্টা করলে দেখতে পাবে না আমাদের? ও নিশ্চয়ই এতক্ষণে হুকুম দিয়ে...’

চিৎকার করে কেউ কিছু বলল। হাফ-ট্রাকটা ঘুরল ওদের দিকে।

‘টেক কাভার!’ চিৎকার করে উঠল রানা। দেখে ফেলেছে ওরা এদের পরিষ্কার। হাফ-ট্রাকটা ঘুরে পেছন দিক থেকে আসবার চেষ্টা করবে—জঙ্গলের মধ্যে ফায়ার করে লাভ হবে না। কিন্তু ওদের সোলজাররা এখনি ফায়ারিং আরম্ভ করবে।

‘ফায়ার!’ দূর থেকে চাগলার তীক্ষ্ণ কণ্ঠস্বর শোনা গেল। সাথে সাথে গর্জে উঠল দশ বারোটা অটোমেটিক কারবাইন্। কোনটা হাতুড়ির মত ঠক্ করে এসে লাগল গাছের গায়ে, কোনটা গাছের গায়ে পিছলে বেরিয়ে গেল রানাদের কানের পাশ দিয়ে, কোন কোনটা আবার ছোট ছোট শাখা ভেঙে ওদের মাথার ওপর ফেলল। সতর্ক হবার আগেই গুলি খেলো জিঁরি। ধড়াস করে আছড়ে পড়ল সে রাস্তার পাশে তুষারের ওপর। রানা মোটা গাছটার পেছন থেকে বেরিয়ে এগোচ্ছিল জিঁজিরের দিকে। ধমকে উঠল মাহমুদ।

‘আপনি মরতে চান নাকি?’

‘মরেনি। পা-টা একটু একটু নড়ছে। সরিয়ে না আনলে যে-কোনও মুহূর্তে আরেকটা গুলি লেগে শেষ হয়ে যাবে।’ হামাঙড়ি দিয়ে এগিয়ে গেল রানা জিজিরের দিকে। আরেক রাউণ্ড গুলি ছুটে এল শত্রুপক্ষ থেকে। রানা পৌছে গেছে জিজিরের পাশে। পনেরো সেকেন্ডের মধ্যেই জিজিরকে নিয়ে সরে এল সে গাছের আড়ালে। কোথায় গুলি লেগেছে দেখতে পেল না রানা। আঘাতের পরিমাণও বোঝা গেল না তাড়াহুড়োতে। ছুটল রানা খানের উদ্দেশ্যে—জিজিরের কাছ থেকে সিগন্যাল পেলে পরে ওর পুল উড়িয়ে দেবার কথা ছিল। যদি জিজিরের সিগন্যালের অপেক্ষায় বসে থাকে তাহলে সর্বনাশ হয়ে যাবে।

কিন্তু খামিসু খানকে কিছু বনতে হলো না। একটু এগিয়েই রানা দেখল ব্রিজের গোড়ায় এসে গেছে হাফ-ট্রাকটা। এবার উঠে আসছে। তবু কিছু বলছে না কেন খান? এইবার নামছে, আর দশগজ এলেই সর্বনাশ হয়ে যাবে। ঠিক এমনই সময় তীব্র আলোর ঝলকানিতে চোখ ধাঁধিয়ে গেল রানার। প্রচণ্ড বিস্ফোরণে কানে তাল লাগার উপক্রম হলো, ধসে পড়ল ব্রিজের একাংশ। সাথে সাথেই নাকটা নিচের দিকে করে অদৃশ্য হয়ে গেল হাফ-ট্রাক দৃষ্টিপথ থেকে। ধাতব আওয়াজ এল কানে, তারপরই কেঁপে উঠল মাটি ভারি আর্মাড ট্রাকটা নিচে গিয়ে পড়তেই।

ফায়ারিং বন্ধ করে ভয়াবহ দৃষ্টিতে দেখছে সোলজারগুলো হাফ-ট্রাকের পরিণতি। রিসিভার তুলে নিয়ে রিং করল মাহমুদ।

‘চাগলা? যোশী বলছি। মাথা খারাপ বন্ধু তুমি। জানো কাকে গুলি করেছে?’

‘কি করে জানব? আর জানলেই বা কি হবে?’

‘বলছি কি হবে। মেজর জেনারেল দিলদার বেগকে গুলি করেছে তোমরা। বেঁচে আছে কিনা জানি না। যদি মরে গিয়ে থাকে তাহলে ভাল চাও তো আমাদের সঙ্গে তুমিও বর্ডার ক্রস করে ভেঁসে পড় আজই সন্ধ্যায়।’

‘তোমার মাথা খারাপ হয়ে গেছে নাকি, যোশী?’

‘শোনো। গুললেই বুঝতে পারবে কার মাথা খারাপ হয়েছে, আমার না তোমার। রুবিনা হচ্ছে মেজর জেনারেল দিলদার বেগের একমাত্র কন্যা—কেবলমাত্র সেইজন্যেই রাজি হয়েছিলাম বন্দী বিনিময়ে। আমরা এখনও পরীক্ষা করে দেখিনি, যদি মরে গিয়ে থাকে তাহলে তার মেয়ের ব্যাপারে আর আমাদের কোনও উৎসাহ থাকবে না। যা ইচ্ছা তাই করতে পারো ওকে নিয়ে। আজই সন্ধ্যায় আমরা সবাই বর্ডার পার হয়ে চলে যাব। কালকের খবরের কাগজে প্রথম পৃষ্ঠায় বড় বড় অক্ষরে ছাপা হবে এই খবর। পৃথিবীর সমস্ত লোক জানতে পারবে যে প্রফেসর সেলিম খানকে উদ্ধার করে নিয়ে গেছে পাকিস্তান—তোমরা শত চেষ্টা করেও ঠেকাতে পারোনি। তোমাদের নির্যাতনের কাহিনীও জানতে পারবে সারা পৃথিবীর লোক। ভারতের সম্মান কোথায় থাকবে বিশ্বজনের কাছে? সেই সাথে তোমার অবস্থাটা কি হবে চিন্তা করো একবার। তোমাদের সরকারের সমস্ত রাগ গিয়ে পড়বে তোমার ওপর—তোমার বোকামির জন্যেই হাতছাড়া হয়ে গেল প্রফেসর সেলিম খান। আমরা এই ব্যাপারে তোমার ভূমিকাটা বিশেষভাবে প্রচারের ব্যবস্থা করব, কর্নেল। যদি জিজির মারা যায়—তুমিও মরবে। বুঝতে পারলে,

চাগুলো?’

কিছুক্ষণ চুপ করে থেকে নিজেকে বোধহয় সামলে নিল কর্নেল। তারপর বলল, ‘মারা গেছে কিনা দেখুন না, মেজর যোশী?’

‘দেখছি। তুমি তোমার তেত্রিশ কোটি দেবতার কাছে প্রার্থনা করতে থাকো যেন না মরে। আর ওই কুণ্ডালোকে গুলি ছুঁড়তে বারণ করো।’

‘আমি এক্ষুণি গুলি বন্ধ করে দিচ্ছি।’

‘যদি সত্যিই মারা গিয়ে থাকে তাহলে কি আপনি রুবিনাকে ছেড়ে দেবেন ওদের হাতে?’ রানা বিস্ময় প্রকাশ করল। এই লোকটাকে বোঝা যায় না কিছুতেই।

‘পাগল নাকি? রাফ দিলাম। চলুন। ওকে সরিয়ে নিয়ে যাই।’

গাছের আড়াল থেকে এবার নির্ভয়ে বেরিয়ে এল ওরা। জিজিরের পাশে হাঁটু গেড়ে বসল মাহমুদ। শ্বাসক্রিয়া চলছে জিজিরের। কোট খুলে জখমটা পরীক্ষা করে আনন্দিত কণ্ঠে বলল মাহমুদ, ‘এত সহজে জিজির ছিঁড়বে না, মিস্টার রানা। এই জিজির যেদিন ছিঁড়বে সেদিন স্বাধীন হবে কাশ্মীর। ঘাড়ের কাছ দিয়ে আঁচড় কেটে বেরিয়ে গেছে গুলিটা।’

খামিসু খান এসে দাঁড়িয়েছিল। অনায়াসে কোলে তুলে নিল সে জিজিরের জ্ঞানহীন দেহ, যেন একটা শিশুকে কোলে তুলছে। বলল, ‘জখম কি খুব বেশি, ফজল?’

‘না। আধঘণ্টার মধ্যেই হেঁটে বেড়াতে পারবে। হঠাৎ ঝটকা লাগাতে জ্ঞান হারিয়ে ফেলেছে। তোমার ব্রিজ ওড়ানোর ষড়যন্ত্রটা চমৎকার হয়েছে, খান। উমর, তুমি প্লায়ারস নিয়ে তৈরি থাক। যেই বন্দী অমনি ঘ্যাচ করে তার কেটে দিয়ে ছুটে গাড়ির ড্রাইভিং সীটে গিয়ে উঠবে।’

ফোন তুলে নিল মাহমুদ। ‘চাগুলো? যোশী বলছি। মরেনি জিজির। ঘাড়ের গুরুতর আঘাত লেগেছে, কিন্তু ঝাচবে। তবে তোমাকে আমি একটা কানাকড়ি দিয়েও বিশ্বাস করি না। তাই বন্দী বিনিময় এখানে হবে না। সেই ফেরীর কাছে চলে যাও, আমরা আধঘণ্টার মধ্যে পৌঁছব সেখানে। বোঝা গেছে?’

‘হুম। যত তাড়াতাড়ি সম্ভব পৌঁছব আমরা ওখানে গিয়ে।’

‘আমাদের অনুসরণ করবার চেষ্টা করে লাভ নেই, মস্ত ক্ষতি হয়ে যাবে তোমার। আর এই টেলিফোনে রামপুর পোস্টকে পেছন থেকে আক্রমণ করবার আদেশ যেন দিতে না পারো সেজন্যে লাইনটা কেটে দিয়ে যাচ্ছি। যদি এক ঘণ্টার মধ্যে নদীর তীরে না পৌঁছাও গিয়ে দেখবে চলে গেছি আমরা। গুড বাই।’

জঙ্গলের আড়াল থেকে বেরিয়ে চলে গেল ট্রাকটা মেইন রোড ধরে।

সন্ধে হয়ে আসছে। একটা ঝোপের আড়ালে ট্রাক রেখে হেঁটে ফিরে এল সবাই চারশো গজ। কাদা দিয়ে গাঁথা হুঁটের একটা বাঁড়ি। ফেরী পারাপারের মাঝি থাকে এক অংশে—বাকিটা গেস্ট হাউস। দুই ধমকে মাঝিকে ভাগিয়ে দিল মাহমুদ। একটা হেঁড়া ওভারকোট গায়ে চাপিয়ে বেরিয়ে গেল সে ঘর থেকে—দু’ঘণ্টা পর ফিরবে।

প্রথমে গেস্ট হাউস। ছোট ছোট দুটো ঘর। একটা বসার ঘর, একটা বেডরুম।

তারপর মাঝির ঘরটা। মাঝির ঘরে কাঠের চুলোয় গনগনে আগুন জ্বালা রয়েছে। জিজ্ঞারকে শোয়ানো হলো সেই ঘরে খাটের ওপর তেল চিটচিটে বিছানায়। জ্ঞান ফিরে আসছে ওর—বড় বড় নিঃশ্বাস ফেলছে মাঝে মাঝে।

ছোট ছোট পাথর ফেলে খরস্রোতা এই নদীর পাড়টা রক্ষার ব্যবস্থা হয়েছে ভাঙন থেকে। একটা নৌকা বাঁধা আছে এপারে। নেমে গেল রানা ও মাহমুদ পার বেয়ে। রশি দিয়ে চালানো হয় এই নৌকো, দাঁড় বা লগি নেই। দুই গলুইয়ের মধ্যে দুটো ফুটো আছে—তার ভেতর দিয়ে একটা রশি ঢুকিয়ে নদীর দুই পারে দুটো গাছের গুঁড়ির সাথে শক্ত করে টেনে বাঁধা। রশি ধরে টান দিলেই সামনে এগোবে নৌকো। চমৎকার ব্যবস্থা। স্রোতে ভেসে যাওয়ার ভয় নেই।

নদীর অপর পারে বেশ অনেকটা জায়গা ফাঁকা। তারপর জঙ্গল।

আলো থাকতে থাকতে চারিটা পাশ ভাল করে দেখে ফিরে এল ওরা মাঝির ঘরে। চোখ খুলে চেয়েছে জিজ্ঞার—কিন্তু ঘোরটা কাটেনি এখনও। সব মাত্র একটা সিগারেট ধরিয়েছে মাহমুদ এমনি সময় ছুটতে ছুটতে এসে ঢুকল উমর।

‘কি ব্যাপার, উমর? এত ব্যস্ততা কিসের?’

‘কর্নেল চাগলা এসে গেছে। নদীর ওই পারে জমা হয়েছে অনেক লোক, ফাস্ট ক্লাস ফাইট হবে বলে মনে হচ্ছে!’ আকর্ণ হাসল উমর। চঞ্চল হয়ে উঠেছে ওর তরুণ রক্ত।

ম্যাচের কাঠিটা ফুঁ দিয়ে নিভিয়ে মাটিতে ফেলল মাহমুদ। লম্বা একটা টান দিয়ে ফুসফুস ভর্তি করে ধোঁয়া নিল, তারপর বলল, ‘চলো। যাচ্ছি।’

বারো

বেরিয়ে যাচ্ছিল মাহমুদ। হঠাৎ থেমে দাঁড়িয়ে একটা হাত তুলে বাধা দিল সে।

‘আপনি এখানেই থাকুন, ডক্টর সেলিম।’

‘আমি এখানে থাকব? আপনি বোধহয় ভুলে যাচ্ছেন যে আমিই একমাত্র লোক যে এখানে থাকছি না।’

‘তা ঠিক। কিন্তু আপাতত থাকতে হবে আপনাকে। খান, দেখো, উনি যেন ভেতরেই থাকেন।’

নদীর তীরে চলে এল মাহমুদ। রানাও এল সাথে। নদীর একেবারে তীরে এসে দাঁড়িয়েছে চাগলার লোকজন। ছায়ামূর্তির মত মনে হচ্ছে ওদেরকে। চেনা যাচ্ছে না শব্দ ছাড়া আর কাউকে। ওর মাথাটা সবার মাথার ওপরে। সবচেয়ে আগে একেবারে পানির ধার ঘেষে যে লোকটা দাঁড়িয়ে তার উদ্দেশ্যে বলল মাহমুদ, ‘কর্নেল চাগলা?’

‘বলুন, মেজর যোশী।’

‘রাত হয়ে যাচ্ছে, কাজেই যত তাড়াতাড়ি সম্ভব এই বন্দী বিনিময় সেরে ফেলতে হবে। দিনের বেলাই তুমি যে রকম হারামীপনা করলে, রাতে না জানি কি

করবে! কাজেই ঝটপট কাজ করতে হবে।

‘আমি আমার কথা রক্ষা করব।’

‘যে-সব শব্দের মানে জানো না, সে-সব শব্দ ব্যবহার কোরো না। “কথা রক্ষা”-র তুমি কি বোঝ? যাক, তোমার ট্রাক আর লোকজনকে দুশো গজ দূরের ওই জঙ্গল পর্যন্ত সরে যাবার আদেশ দাও। ওখান থেকে তাক করে আমাদের গায়ে গুলি লাগাতে পারবে না।’

চাগলার আদেশে সবাই সরে গেল পানির ধার থেকে। ও বলল, ‘এবার?’

‘ওখান থেকে ট্রাকে ফিরেই তুমি ছেড়ে দেবে মেজর জেনারেলের মেয়েকে। ফেরীর দিকে হাঁটতে থাকবে রুবিনা আর এখান থেকে প্রফেসর নৌকোয় চড়ে পার হতে থাকবে নদী। নৌকো থেকে নেমে তীরে উঠে দাঁড়িয়ে থাকবে প্রফেসর। রুবিনা কাছাকাছি আসতেই ধীরে ধীরে হাঁটতে থাকবে তোমাদের দিকে। ডক্টর সেলিম তোমাদের কাছাকাছি পৌছবার আগেই রুবিনা পৌছে যাবে এপারে। অন্ধকারে আন্দাজে গুলি ছুঁড়ে কোনও সুবিধা করতে পারবে না। কাজেই, নো শ্টিং। অলরাইট?’

‘অলরাইট!’ ঘুরে দাঁড়িয়ে রওনা হলো সে জঙ্গলের দিকে। চিন্তান্বিত মুখে কিছুক্ষণ গাল ঘষল মাহমুদ হাতের তালু দিয়ে।

‘একটু যেন বেশি বাধ্য ভাব দেখাচ্ছে। একটু যেন...নাহ। অতিরিক্ত সন্দেহপ্রবণ মন আমার। কী করতে পারে সে? কিছু না।’ গলা উচু করে ডাকল সে। ‘খান! উমর!’

ঘর থেকে বেরিয়ে এল ওরা। বাজুকাছি আসতেই জিজ্ঞেস করল মাহমুদ, ‘কেমন আছে এখন জিজির?’

‘উঠে বসতে পারছে, কিন্তু ঘামে থাকতে বলেছি। বিগ্রাম দরকার।’

‘ঠিক করেছ। এখন নৌকোটা একটু টেনে পানিতে নামাবে তোমরা?’ রানার দিকে ফিরল মাহমুদ। ‘ডক্টর সেলিমকে দুই একটা কথা বলতে চাই আমি, একা। আপনি হয়তো বুঝবেন। দুই মিনিটের বেশি লাগবে না। কিছু মনে করলেন না তো?’

‘না-না, কি মনে করব?’

মাঝির ঘরে গিয়ে ঢুকল মাহমুদ। তিনজন মিলে নৌকোটা টেনে নামাল ওরা পানিতে। তারপর খান আর উমর চলে গেল বাড়িটার দিকে। নদীর তীরে দাঁড়িয়ে রইল রানা একা। সময় ফুরিয়ে আসছে। কি করবে সে? সেলিমখান, না রুবিনা? দু’জনেরই জীবন-মরণ প্রশ্ন। খোদা, বলে দাও, কোনটা করা উচিত? নাকি সে-ই যাবে ডক্টর সেলিমের বদলে?

ঠিক এমনি সময়ে কাঁধের ওপর হাত পড়ল। দেখল প্রফেসর সেলিম খান দাঁড়িয়ে হাসছেন ওর দিকে চেয়ে। পরমুহর্তে চিনতে পারল রানা। বিস্মিত কণ্ঠে বলল, ‘মাহমুদ! আপনি! ডক্টর সেলিম কোথায়?’

‘অজ্ঞান হয়ে পড়ে আছেন বেডরুমের খাটের ওপর। অল্পক্ষণেই জ্ঞান ফিরে আসবে। এই অভিনয়টুকু আমাকে করতেই হলো, রানা। সারাটা জীবনই অভিনয় করে গেলাম, শেষ যাত্রাতেও আরেকজনের রোলে পার্ট করতে যাচ্ছি।’ রানার

পাশ কাটিয়ে নৌকায় উঠতে যাচ্ছিল মাহমুদ। ডক্টর সেলিমের ওভারকোট পরে কুঁজো হয়ে হাঁটছে সে। হঠাৎ প্রচণ্ড এক ধাক্কা খেলো রানা ওর মতলবটা বুঝতে পেরে। ছুটে গিয়ে ধরল ওর হাত।

‘কোথায় যাচ্ছেন?’

‘দেখুন, ইচ্ছে করলেই খান আর উমরের মত আপনাকেও অভিনয় করে বোকা বানিয়ে রেখে যেতে পারতাম। কিন্তু তা করিনি। কারণ, আমি জানি, ওদের মত আবেগপ্রবণ হয়ে আমাকে আপনি বাধা দেয়ার চেষ্টা করবেন না। আমি আর এক সপ্তাহ বাঁচব—না হয় এক সপ্তাহ আগেই গেলাম। ডক্টর সেলিমও থাকল, রুবিনাও থাকল, যে এমনিতেই যেত সে—ই কেবল গেল, একটা কঠিন সমস্যার সমাধান করে দিয়ে গেল, এটাই ভাল হলো না?’

কোনও কথা বেরোল না রানার মুখ দিয়ে। শুক্ক হয়ে গেল সে মাহমুদের কথা শুনে। বলে কি লোকটা! ওর কাঁধের ওপর একটা হাত রাখল মাহমুদ।

‘এত কি ভাবছেন? ভাবনা চিন্তার ভারটা যোগ্য লোকের ওপর ছেড়ে দিন। বীরত্ব প্রদর্শন বা শিভালরি নয়—যেটা উচিত সেটাই করতে যাচ্ছি আমি। আমার বুদ্ধি ও বিবেচনার যে অকুণ্ঠ প্রশংসা করছিলেন আজ দুপুরে, বিকেল গড়িয়ে সন্ধ্যা আসতে না আসতেই কি সেই বুদ্ধি ভোঁতা হয়ে গেল? ভেবে দেখুন, আমাকে বাধা দেবার কোনও অধিকার নেই আপনার।’

‘সত্যিই। কোনও অধিকার নেই আমার। আগ্রহতাও নেই।’ করুণ শোনায়ে রানার গলার স্বর।

‘এই তো বুঝেছেন,’ একগাল হাসল মাহমুদ। ‘আসলে আমার কিন্তু রীতিমত আনন্দ হচ্ছে, মিস্টার রানা। জন্তু-জানিশায়ারের মত উদ্দেশ্যহীন ভাবে না মরে একটা বিশেষ উদ্দেশ্য সিদ্ধির জন্যে আমার মৃত্যুটাকে বুদ্ধিমানের মত ব্যবহার করার সুযোগ পেয়ে ধন্য হয়েছি আমি, আচ্ছা আসি। খোদা হাফেজ।’

নৌকায় গিয়ে উঠল মাহমুদ। চিৎকার করে সিগন্যাল দিল কর্নেল চাগলাকে। তারপর শিস দিতে দিতে চলে গেল রশি টেনে টেনে।

রানা মনে মনে বলল, এই ভাল হলো, খোদা, এই বোধহয় ভাল হলো। মাহমুদকে যেতে দিয়ে ভালই করেছে সে।

বাড়িটার দিকে চলল রানা উঁচু পাড় বেয়ে উঠে। দরজা দিয়ে মুখ বাড়াল জিজির। রানাকে দেখে বলল, ‘কি ব্যাপার, রানা? পাশের ঘরে খাটে শুয়ে ঘুমাচ্ছেন কেন ডক্টর সেলিম? বাইরে চিৎকার করল কে?’

‘চিৎকার করেছে মাহমুদ। রুবিনাকে ওপার থেকে মুক্তি দেবার সঙ্কেত। ছাড়া পেয়ে রুবিনা এগিয়ে আসবে এদিকে, আর সেলিম খান যাবেন এদিক থেকে ওদিকে।’

‘কিন্তু সেলিম খান তো ঘুমাচ্ছেন...’

‘অজ্ঞান হয়ে পড়ে আছেন। মাহমুদ চলে গেছে ওঁকে অজ্ঞান করে ফেলে রেখে ওঁর কোট পরে ওঁর বদলে।’

‘কি বললে?’ চমকে উঠল জিজির। পরমুহূর্তেই সব পরিষ্কার বুঝতে পারল। রানার পিছু পিছু এসে দাঁড়াল পাশের ঘরে। ডক্টর সেলিম তখন উঠে বসবার চেষ্টা

করছেন। হাত ধরে তাঁকে সাহায্য করল রানা বসতে।

‘মাহমুদ সাহেব কোথায়? আমার কোট?’

টেবিলের ওপর থেকে মাহমুদের কোট তুলে এগিয়ে দিল জিজির। ‘এই কোটটা পরে নিন, আপনারটা মাহমুদ ধার নিয়েছে।’

‘কিন্তু হ্যাণ্ড গেনেড? আমাকে বলছিল ও-দুটো মারতে হবে ওদের ট্রাকের ওপর ছুঁড়ে। সেগুলো কোথায় গেল?’

ডক্টর সেলিমের বুঝবার দরকার নেই। জিজির আর রানা ঠিকই বুঝেছে। বর্ডারে পৌঁছবার আগেই যাতে ওদের ট্রাককে ওরা তাড়া না করতে পারে সেজন্যে গেনেড নিয়ে গেছে মাহমুদ সাথে করে। বেরিয়ে এল ওরা বাইরে। ওপারে পৌঁছে গেছে নৌকোটা। রুবিনাকে আবছা মত দেখা যাচ্ছে। ধীর পায়ে এগিয়ে আসছে সে নদীর দিকে। কিন্তু এত ধীরে হাঁটছে কেন সে! যে-কোন মুহূর্তে গুলি ছুঁড়তে পারে ওরা। নদীর অনেক কাছে না আশা পর্যন্ত দাঁড়িয়ে থাকল মাহমুদ রুবিনার জন্যে। পেছন ফিরে একবার হাত নাড়ল এদের দিকে, তারপর ধীরে ধীরে এগোল। রুবিনাকে পার হয়ে চলে গেল মাহমুদ। হঠাৎ থমকে দাঁড়াল রুবিনা। খুব সম্ভব চিনে ফেলেছে। আর এগোচ্ছে না সে।

ঝপাং করে লাফিয়ে পড়ল খান নদীতে। বিপদটা টের পেয়ে গিয়েছে সে আগেই। ওভার কোট খুলে রেখে নেমে গেছে নদীতে দ্বিধামাত্র না করে। টর্পেডোর মত ছুটে চলেছে সে পানিতে একরাশ স্পর্শ তুলে।

তীরে এসে দাঁড়াল রানা আর জিজির। পৌঁছে গেছে ওপারে। রুবিনার কাছাকাছি চলে গেছে একলাফে পাড় জিঁটিয়ে। ঠিক সেই সময় ফাটল প্রথম গেনেডটা। বিস্ফোরণের প্রতিধ্বনি শুনিয়ে যাবার আগেই শোনা গেল দ্বিতীয় গেনেডের শব্দ। তারপরই কানে একটা মেশিনগানের তীক্ষ্ণ ককঁশ শব্দ। তিন সেকেন্ড পর সব চুপ। গাল দুটো কুঁচকে গেল রানার। অন্ধকারে জিজিরের মুখের ভাব বোঝা গেল না, কি যেন বিড়বিড় করছে সে তখন। মারা গেল মহৎপ্রাণ মাহমুদ।

রুবিনাকে খেলনার মত তুলে নিল খামিসু খান। ছুটে চলে আসছে সে নদীর পারে। পেছন ফিরেই উমরকে দেখতে পেল রানা। ‘বিপদ হতে পারে, উমর। তুমি গিয়ে ওই ঘরের জানালায় রেডি থাকো রাইফেল নিয়ে। খান নৌকোয় না ওঠা পর্যন্ত গুলি ছুঁড়ো না...’

কথা শেষ হবার আগেই অদৃশ্য হয়ে গেছে উমর। রানা দেখল তীরে পৌঁছতে খানের আরও ত্রিশ গজ আছে, পঁচিশ... বিশ... তাও গুলি ছুঁড়ছে না কেউ। এমন সময় কয়েকজন লোকের চিৎকার শোনা গেল। কেউ আদেশ করল তীক্ষ্ণ কণ্ঠে। আরম্ভ হলো ফায়ারিং। রানার কানের পাশ দিয়ে সাঁ করে চলে গেল একটা গুলি। শুয়ে পড়ল রানা মাটিতে। জিজিরকেও টেনে নামাল। মাথার ওপর দিয়ে ঝাঁকে ঝাঁকে উড়ে যেতে থাকল গুলি। একটু অবাক হলো রানা, কেবল একজন গুলি ছুঁড়ছে কেন? আর সবাই গেল কোথায়?

তীরে এসে গেছে খান। লাফিয়ে নামল পাড় থেকে। সাথে সাথেই গুলি আরম্ভ করল উমর। তিনটে গুলির পরই থেমে গেল মেশিনগান। অন্ধকারে দেখা যাচ্ছে না কিছু, কিন্তু মেশিনগান থেকে যে আগুনের ফুলকি দেখা গেছে সেটাই উমরের

জন্যে যথেষ্ট। নৌকোয় উঠে পড়েছে খান। ওর শক্তিশালী হাতের টানে দু'পাশে উঁচু ঢেউ তুলে স্পীড বোটের মত ছুটে আসছে নৌকোটা। রানা আর জিজির উঠে দাঁড়িয়ে তৈরি হলো নৌকোটা টেনে পারে তুলবার জন্যে। এমন সময় হঠাৎ হিশশ করে একটা শব্দ হলো, পর মুহূর্তেই ফট করে ফাটল পিস্তল থেকে ছোঁড়া ম্যাগনেশিয়াম ফ্লোর ঠিক ওদের মাথার একশো ফুট ওপরে। উজ্জ্বল আলোয় আলোকিত হয়ে গেল চারিটা পাশ। সঙ্গে সঙ্গে ওপার থেকে একটা মেশিনগান এবং কয়েকটা রাইফেল একসাথে গর্জে উঠল। গাছের আড়াল থেকেই গুলি ছুঁড়ছে কিন্তু অনেক দক্ষিণে সরে গেছে ওরা এখন, নদীর বাঁকের কাছে।

‘আলোটা নিভিয়ে দাও, উমর।’ চিৎকার করে উঠল রানা। টেনে তুলল ওরা নৌকোটাকে তীরে। হাঁটুতে ব্যথা পেল রানা গুলুইয়ের বাড়ি লেগে। এমনি সময় দপ করে নিভে গেল আলোটা যেমন হঠাৎ জ্বলে উঠেছিল তেমনি হঠাৎ। কিন্তু ওপাশের গুলিবর্ষণ থামল না। অন্ধকারে এদেরকে দেখতে পাচ্ছে না ওরা, স্মৃতির ওপর নির্ভর করে গুলি চালাচ্ছে। আশপাশ দিয়ে ছুটে চলে যাচ্ছে গুলি।

একটানে রুবিনাকে নামাল রানা নৌকো থেকে। কিন্তু ওপরে ওঠার জন্যে একটা পা বাড়িয়েই পড়ে গেল মাটিতে। হাঁটুতে বাড়ি লেগে অবশ্য হয়ে গিয়েছে পা। রশিটা ধরে ফেলল এক হাতে। খানের সাহায্যে পারে উঠে গেল রুবিনা, কয়েকটা পায়ের শব্দ পাওয়া গেল, ছুটে চলে গেল সুবাই বাড়িটার দিকে। নদীর তীরে পড়ে থাকল রানা একা। অন্ধকারেই ব্যথায় ক্রমে গেল, উঠে এল সে ওপরে খুঁড়িয়ে খুঁড়িয়ে। কোটের আঙ্গিনে টান লাগল ওর একটা বুলেট আঙ্গিন ফুটো করে বেরিয়ে গেছে। ছুটে চলে এল সে বাড়ির মধ্যে। ধাক্কা খেলো উমরের সঙ্গে।

‘তুমি জানালা থেকে সরে এলে কেন, উমর?’

‘আর দরকার নেই।’ দুই কান দিয়ে বিস্তৃত হাসি হাসল উমর। ‘ফায়রিং বন্ধ করে দিয়েছে ব্যাটার। জঙ্গলের মধ্যে ওদের কথাবার্তা শুনতে পেয়েছি। ওরা ট্রাকে ফিরে যাচ্ছে এখন। সীট তিনটেকে শেষ করেছি, মি. রানা। শেষের দুটো ফ্লোরের আলোতে পরিষ্কার দেখতে পেয়েছি। আপনি ফ্লোরটা নেভাতে না বললে গোটা দশেক ব্যাগে পুরতাম।’

‘তা তুমি পারতে। কিন্তু আলোটা নিভিয়ে আরও ভাল করেছ। আজ সবার প্রাণ বাঁচিয়েছ তুমি।’ কাঁধের ওপর দুটো চাপড় দিল রানা উমরের। ঘুরে দেখল ডক্টর সেলিমের পাশে একটা সোফায় বসে দুই হাতে চোখ ঢেকে রেখেছে রুবিনা। এগিয়ে গিয়ে ওর কাঁধের ওপর একটা হাত রাখল রানা। রুবিনা চাইল ওর দিকে।

‘ফজল ভাইয়া...ফজল ভাইয়াকে ওরা—’

আর বলতে পারল না রুবিনা। নদীর ওপারে ওকে পাশ কাটিয়ে চলে যাবার সময় নিশ্চয়ই চিনতে পেরেছিল রুবিনা মাহমুদকে। অনেকক্ষণ থেকে রানার বুকের মধ্যে থেকে থেকে চাপা গর্জন করে উঠছিল একটা ত্রুদ্র বাঘ। এবার হঠাৎ পৃথিবী কাঁপিয়ে হুঙ্কার দিয়ে উঠল। মনস্তির করে ফেলেছে রানা। ডক্টর সেলিম নিরাপদ, রুবিনা নিরাপদ, ওর কর্তব্যটুকু ওকে করতে হবে এখন।

‘খান, ট্রাকটা নিয়ে আসবে তুমি এখনে?’

‘যাচ্ছি।’ বেরিয়ে গেল খান। পানিতে ভেজা জামা কাপড়ে তুষার আর বরফ জমছে।

‘তুমি চারদিকে নজর রেখো, উমর। আমি আসছি।’

‘বেরিয়ে এল রানা ঘর থেকে। ঠেলে পানিতে নামাল নৌকোটাকে।’

তেরো

প্রতিশোধ!

দাউদাউ করে জ্বলছে রানার বুকের মধ্যে প্রতিশোধের আগুন। হত্যার নেশায় পেয়ে বসেছে যেন ওকে। মহৎপ্রাণ ফজল মাহমুদের হত্যার প্রতিশোধ সে নেবে, আয়ু শেষ হয়েছে গোয়েন্দারাম চাগলার।

ওপারে পৌছে রানা লক্ষ করল নিরস্ত্র সে। জিজিরের রিভলভারটা অন্তত সঙ্গে আনা উচিত ছিল। কিন্তু এখন আর ফেরা যায় না। তীরে উঠেই প্রাণপণে ছুটল সে খোলা মাঠ দিয়ে জঙ্গলের দিকে। একটি বুলেটও বাধা দিল না ওকে। জঙ্গলে ঢুকে দাঁড়িয়ে দম নিল সে কিছুক্ষণ। ট্রাক দুটো দাঁড়িয়ে আছে রাস্তার শেষ মাথায়। শিকারী শাদুলের মত নিঃশব্দে এগোল সে গাছের আড়ালে আড়ালে।

তিন মিনিটে এসে দাঁড়াল সে ট্রাক দুটোর কাছে। কোনও সাড়া শব্দ নেই। ট্রাকের পেছনের দরজা বন্ধ। বাইরেও কাউকে দেখা গেল না। গাছের আড়াল থেকে বেরিয়েই বরফের মত জমে গেল ট্রাকটার ওপাশ থেকে সাব-মেশিনগান হাতে একজন এ-আরবিকে গার্ড বেরিয়ে সোজা হেঁটে আসছে ওর দিকে।

এক নজর চেয়েই রানা বরফের উপস্থিতি টের পায়নি লোকটা, কারণ তাহলে সাব-মেশিনগানটা বুলি দিয়ে রাখত না বগলে চেপে। এক হাতে জ্বলন্ত সিগারেট ধরা। নিশ্চিত হলো রানা। গার্ডটা কোনও রকম সন্দেহ করেনি, হাঁটাহাঁটি করে গা-টা গরম করবার চেষ্টা করছে মাত্র। রানার পাঁচ ফুট দূর দিয়ে চলে যাচ্ছে লোকটা, ব্ল্যাক প্যান্থারের মত এগিয়ে গেল রানা ওর দিকে। লোকটা হঠাৎ যখন টের পেল, তখন দেরি হয়ে গেছে। আঙুলগুলো সোজা রেখে সর্বশক্তি দিয়ে কোপ মারল সে লোকটার ঘাড়ের ওপর। মুখটা হাঁ হয়ে থাকল, আওয়াজ বেরোল না কোনও। নিঃশব্দে চলে পড়ল সে মাটিতে। সাব-মেশিনগানটা মাটিতে পড়বার আগেই ধরে ফেলল রানা। লম্বা পা ফেলে এগিয়ে গেল সে ট্রাকটার দিকে। দেখল এঞ্জিনটা ধ্বংস হয়ে গেছে মাহমুদের হ্যাণ্ড গ্রেনেডের বিস্ফোরণে। বড় ট্রাকটার দিকে এগোতে গিয়েই হোঁচট খেলো রানা। একটা মৃতদেহ পড়ে আছে মাটিতে। এক নজরেই চিনতে পারল রানা। মাহমুদ। চিৎ হয়ে পড়ে আছে সে। হাঁটু গেড়ে বসে পড়ল রানা মৃতদেহটার পাশে। মেশিনগানের গুলিতে সারাটা বুক জুড়ে অসংখ্য ছিদ্র হয়ে গেছে ডক্টর সেলিমের কোট। কুকুরের মত গুলি করে মেরেছে ওরা মাহমুদকে—অন্ধকার শীতের রাতে ফেলে রেখেছে লাশ মাঠের মধ্যে, ঠিক মরা কুকুরের মত। স্থির, ঠাণ্ডা, মরা মুখটার ওপর তুষার জমছে একটু একটু

করে। মাহমুদের পকেট থেকে রক্তে ভেজা একটা রুমাল বের করে ঢেকে দিল রানা ওর মুখ। তারপর উঠে দাঁড়িয়ে এগোল ট্রাকটার দিকে।

একটা চেয়ারে রানার দিকে পেছন ফিরে বসে আছে কর্নেল চাগলা। সামনে টেবিলের ওপর ওয়ারেন্স ট্রান্সমিটার। একটা হাতল কয়েক পাক ঘুরিয়ে বাম হাতে টেলিফোন রিসিভার তুলল সে কানে। রানা বুঝল ওটা ওয়ারেন্স ট্রান্সমিটার নয়, ওটা রেডিও টেলিফোন। নিশ্চয়ই শেষ উপায় হিসেবে এয়ার ফোর্সকে ডাকার চেষ্টা করছে। পরিষ্কার হয়ে আসছে আকাশটা। জিজিরের দলটাকে খুঁজে বের করতে খুব অসুবিধে হবে না ওদের। ট্রাক যখন, রাস্তার ওপর দিয়ে চলতেই হবে ওটাকে।

কানে রিসিভার থাকায় রানার প্রবেশ টের পেল না চাগলা। দরজাটা বন্ধ করে এগিয়ে এল রানা নিঃশব্দ পায়ে। যেই কথা বলতে আরম্ভ করল চাগলা অমনি সাব-মেশিনগানের ব্যারেলের বাড়িতে রিসিভারটা পড়ে গেল ওর হাত থেকে দুই টুকরো হয়ে।

স্তম্ভিত হয়ে গেল চাগলা এই আকস্মিক আক্রমণে। কিন্তু সে কেবল দুই সেকেন্ডের জন্যে, তারপর সাঁ করে রিভলভিং চেয়ার ঘুরিয়ে ফিরল রানার দিকে। রানা ততক্ষণে দুই পা পিছিয়ে গেছে, মেশিনগানের মুখটা চাগলার বুক লক্ষ্য করে ধরা। ভয়ে বিবর্ণ হয়ে গেল কর্নেল চাগলার মুখ। কিন্তু বলবার চেষ্টা করল, কিন্তু ঠোট নড়ল কেবল, আওয়াজ বেরোল না গলা দিয়ে। একবার ঢোক গিলবার চেষ্টা করল—কিন্তু জিভও শুকিয়ে গেছে।

‘অবাক লাগছে, কর্নেল চাগলা?’

‘তুমি খুন করতে এসেছ আমাকে?’ রানার চোখে হত্যার নেশা দেখতে পেয়েছে সে স্পষ্ট। খশখশে শোনান গলাটা।

‘খুন করতে? না আমি তোমাকে শান্তি দিতে এসেছি। একে খুন বলে না। মেজর যোশীকে তোমরা মারছে সেটাকে বলে খুন। উঠে দাঁড়াও, কর্নেল চাগলা।’

উঠে দাঁড়াল চাগলা।

‘হাজার হাজার কাশ্মীরী মুসলমানকে নির্মম ভাবে হত্যা করবার অপরাধে মৃত্যু ঘটবে তোমার। তোমার চোখে যে মৃত্যু-ভয় দেখছি আমি, তুমি তেমনি দেখেছ নির্ধাতিত হাজার হাজার নিরপরাধ নিরীহ কাশ্মীরী মুসলমানের চোখে। এখন মায়া হচ্ছে নিজের প্রাণের ওপর—হাজার হাজার প্রাণ নষ্ট করবার সময় এই মায়াটা তো একবারও উদয় হয়নি মনের মধ্যে! ঘুরে দাঁড়াও, কর্নেল গোয়েঙ্কারাম চাগলা।’

আতঙ্কিত দৃষ্টিতে একবার রানার চোখের দিকে, একবার সাব-মেশিনগানের দিকে চেয়ে ধীরে ধীরে ঘুরে দাঁড়াচ্ছিল চাগলা। হঠাৎ ডান হাতটা ওর দ্রুত চলে গেল ওয়েস্ট ব্যাণ্ডের হোলস্টারের কাছে, পরমুহূর্তেই পেছন না ফিরেই ট্রিগার টিপে দিল সে রিভলভারের, মুখটা রানার দিকে ফিরিয়ে।

‘বুম!’

রানার ডান চোখের কিনারা থেকে নিয়ে কানের পেছন পর্যন্ত জ্বালা করে উঠল বুলেটের আঁচড়ে চামড়া ছড়ে যাওয়ায়। আর একটু বাঁয়ে সরলেই ওর

মৃতদেহের মুখে লাগি মেরে বিজয়ীর হাসি হাসতে পারত চাগলা, কিন্তু সে সুযোগ হলো না। যতক্ষণ পর্যন্ত সাব-মেশিনগানের ম্যাগাজিনটা সম্পূর্ণ খালি না হলো, থামল না রানা। বাঁঝরা হয়ে গেল কর্নেলের সারাটা পিঠ। হুমড়ি খেয়ে পড়ল রিভলভিং চেয়ারের ওপর। ধোয়ায় ভরে গেল গাড়ির অভ্যন্তর। ধোয়ার ফাঁক দিয়ে দেখল রানা চেয়ারের ওপর পড়ে অল্প অল্প দুলছে গোয়েঙ্কারাম চাগলার প্রাণহীন দেহ।

দরজা খুলে বেরিয়ে এল রানা বাইরে চাগলার রিভলভার হাতে নিয়ে। কিন্তু পাশের ট্রাকের মধ্যে থেকে বেরোচ্ছে না কেন ওরা? ওনতে পায়নি মেশিনগানের আওয়াজ?

হঠাৎ বুঝতে পারল রানা এই নীরবতার কারণ। ছুটে গিয়ে দেখল, সত্যি, একটি প্রাণীও নেই ছোট ট্রাকের মধ্যে। ব্যাপারটা বুঝতে পেরেই বুকের রক্ত হিম হয়ে গেল রানার। সর্বনাশ হয়ে গেছে। ছি, ছি! এমন ভুলটা করতে পারল সে? মাহমুদের ওপর নির্ভর করতে করতে বুজিটা কি তার একেবারেই ভোঁতা হয়ে গেল? আগেই এই সন্দেহটা করেছিল মাহমুদ।

ওরা দক্ষিণ দিকে সরে গেছিল অনেকক্ষণ আগেই। এতক্ষণে নিশ্চয়ই নদী পার হয়ে পৌছে গেছে বাড়িটায়। একা বাচ্চা ছেলে উমর কি করবে? খানকে সে পাঠিয়ে দিয়েছে ট্রাকের কাছে।

শব্দর চেহারাটা ভেসে উঠল ওর মনের পর্দায়। এক মুহূর্ত দেরি না করে ছুটল রানা নৌকোর দিকে। হাঁপাতে হাঁপাতে উঠল সিঁ নৌকায়। মাঝামাঝি আসতেই শুনল রানা প্রথম গুলি। পয়েন্ট টু-টু বোর। উমর গুলি ছুঁতে আরম্ভ করেছে জানালা দিয়ে। সাথে সাথে গর্জে উঠল কয়েকটা গুলি। নট থ্রী রাইফেল, সেই সাথে ঠা-ঠা, ঠা-ঠা করে সাব-মেশিনগানের কর্কশ শব্দ। পাগলের মত টানতে থাকল রানা রশি ধরে। তীরে পৌছবার আগেই লাফিয়ে নামল সে নৌকো থেকে।

দশ মিনিটও হয়নি রানা ছুঁই বাড়িটা থেকে বেরিয়েছে। একটু আগেও গোলাগুলির শব্দ শুনেছে সে, এখন সবকিছু নিস্তব্ধ। ভেতরে কি অবস্থা কে জানে!

দরজা দিয়ে ঢুকেই থমকে দাঁড়াল রানা। একজন এ-আরবিকে গার্ড পাশের ঘরের দরজা দিয়ে বেরিয়ে রানার দিকে পেছন ফিরে ভিড়িয়ে রাখছে দরজাটা। পেছনে পায়ের শব্দে ঘাড় ফিরিয়ে তাকাল। ঠকাস করে কাঠে কাঠে বাড়ি লাগল যেন। কানের পেছনে রিভলভারের বাড়ি খেয়ে ঢলে পড়ল গার্ডটা। উদ্যত রিভলভার হাতে ঢুকল রানা দরজা খুলে পাশের ঘরে।

দ্রুত এক নজর চোখ বুলিয়ে ঘরের অবস্থাটা বুঝে নিল রানা। ছয়জন এ-আরবিকে গার্ড দেখতে পেল সে ঘরের ভেতর। চারজন তাদের বেঁচে আছে এখনও। ডক্টর সেলিম বসে আছেন একপাশে দুই হাঁটুর মধ্যে মাথা রেখে। একটা কারবাইন ধরা আছে জিজিরের দিকে। আরেকজন ওর হাত বাঁধছে পিছমোড়া করে। ঘরের আরেক কোণে উমরের বুকের ওপর চেপে বসে গলা টিপে ধরেছে একজন। ছটফট করছে উমর ওর হাত থেকে মুক্তি পাবার জন্যে। ঘরের মাঝখানে দাঁড়িয়ে আছে দৈত্যপ্রমাণ শব্দ। একহাতে জড়িয়ে ধরেছে সে রুবিনাকে।

রানা বুঝল 'হ্যাণ্ডস আপ'ের সময় পার হয়ে গেছে। যত্নের সঙ্গে পর পর

তিনটে গুলি করল সে দুই সেকেন্ডের মধ্যে। প্রথম গুলিতে উমরের ওপর থেকে গড়িয়ে পড়ল গার্ডটা, দ্বিতীয় গুলিতে বসে পড়ল জিজিরের দিকে কারবাইন ধরা লোকটা, আর তৃতীয় গুলি লাগল গিয়ে যে লোকটা জিজিরের হাত বাঁধছিল তার কপালে। এবার শম্মুর কপাল লক্ষ্য করল রানা। এক ঝটকায় রুবিনাকে সামনে নিয়ে এল শম্মু। আর সাথে সাথেই মাটিতে ছিটকে পড়ল রানার হাতের রিভলভার কজির ওপর একটা রাইফেলের প্রচণ্ড বাড়িতে। এই সপ্তম লোকটাকে দেখতে পায়নি সে আগে—দরজা খুলতেই তার আড়ালে লুকিয়ে পড়েছিল।

‘মেরো না, ওকে মেরো না!’ চিঁ চিঁ করে চিৎকার করে উঠল, রুবিনা নয়, শম্মু। গুলি করতে গিয়েও থেমে ট্রিগারের ওপর থেকে আঙুলের চাপ টিল করল সপ্তম লোকটা। ধাক্কা দিয়ে সরিয়ে দিল শম্মু রুবিনাকে, ওর সামনে থেকে। কোমরে দুই হাত রেখে লক্ষ্য করল সে রানাকে। একটা অদ্ভুত হিংস্র হাসি ফুটে উঠল ওর নাক ভাঙা কুৎসিত মুখে। ‘দেখো, আরও কোনও অস্ত্র আছে কিনা ওর কাছে। হাত দুটো পিছমোড়া করে বেঁধে ফেলো।’

পরীক্ষা করে দেখে মাথা নাড়ল সপ্তম লোকটা। শক্ত করে বাঁধল রানার দুই হাত পিছনে নিয়ে।

‘চমৎকার। এবার ধর এটা।’ কোমর থেকে রিভলভার বের করে ছুঁড়ে দিল শম্মু সপ্তম ব্যক্তির দিকে। শূন্য ধরে ফেলল সে রিভলভারটা। দুই হাতের তালু ঘষল শম্মু।

‘তোমার একটা বিল শোধ করা হয়নি এখনও, মাসুদ রানা। ভুলে যাওনি বোধহয়? আজ তোমার পাওনা মিটিয়ে দেবো কড়ায় গণ্ডায়।’

রানা বুঝল খালি হাতে ওকে ছেঁড়া করবে এখন শম্মু। হাত বাঁধা অবস্থায় কিছুতেই আত্মরক্ষা করতে পারবে না সে। মনের গভীরে উপলব্ধি করল সে—আর আশা নেই। দুই মিনিটও সে থেমে থাকতে পারবে না শম্মুকে। তবু চেষ্টা করতে হবে যতক্ষণ পারা যায়, বিনা ক্ষতি পরাজয় স্বীকার করবে কেন সে?

দুই পা এগিয়েই লাফিয়ে শূন্যে উঠল রানা, একসাথে দুই পায়ে প্রচণ্ড লাথি মারল শম্মুর বুক লক্ষ্য করে। একটু অবাক হয়েছিল শম্মু, কিন্তু চট করে পিছিয়ে গেল সে। লাথিটা লাগল ওর বুকের ওপর, কিন্তু পুরো ওজনে লাগল না। হশ করে একটা শব্দ হলো ওর মুখ থেকে। আরও দুই পা পিছিয়ে গেল সে। দড়াম করে পড়ল রানা শূন্য থেকে মাটিতে। মাথায় ব্যথা পেল সে, কিন্তু উঠে পড়ল আছড়েপাছড়ে। মাটিতে পড়ে থাকলে লাথি খেয়ে মরতে হবে। এগিয়ে আসছে শম্মু। আরেকটা লাথি চালাল রানা শম্মুর হাঁটুর নিচে হাড়ের ওপর। কিছুমাত্র পরোয়া করল না শম্মু, দড়াম করে এক হাতে মারল রানার পেট বরাবর সর্বশক্তি দিয়ে। ব্যথায় কঁকড়ে গেল রানার দেহটা। এত প্রচণ্ড মার আর কখনও খায়নি সে। হাড়ের শক্তি আছে শম্মুর গায়ে। পেছনের দেয়ালে ধাক্কা না খেলে পড়ে যেত রানা। শ্বাস নিতে পারছে না সে আর। ঝাপসা হয়ে এল দুই চোখ। মনে হলো ওর নাম ধরে চিৎকার করে কিছু বলছে রুবিনা। কিন্তু শুনতে পাচ্ছে না সে। হঠাৎ যেন কানে কিছুই শুনতে পাচ্ছে না সে আর। ঝাপসা ভাবে দেখতে পেল ওর দিকে এগিয়ে আসছে শম্মু। টলতে টলতে ছুটে গেল সে শম্মুর দিকে। ওর দূরবস্থা

দেখে হেসে ফেলল শম্ভু। একপাশে সরে গিয়ে ধাঁই করে একটা ঘুসি মারল রানার চোয়ালে। ছিটকে গিয়ে খোলা কব্বাটের ওপর আছড়ে পড়ল রানা। মাথাটা ঠুকে গেল দরজার সাথে। পড়ে গেল সে মাটিতে।

কয়েক সেকেন্ডের জন্যে জ্ঞান হারাল রানা। আবার জ্ঞান ফিরে পেয়েই চোখ মিট মিট করে আবছা হয়ে আসা দৃষ্টিশক্তিটা স্বাভাবিক অবস্থায় ফিরিয়ে আনার চেষ্টা করল সে। মাথাটা ঝাড়া দিয়ে পরিষ্কার করবার চেষ্টা করল। দেখল ঘরের মাঝখানে কোমরে হাত দিয়ে দাঁড়িয়ে আছে শম্ভু। বিজয় গর্বে বীভৎস হাসি ওর মুখে। রানা বুঝল, শম্ভু ওকে হত্যা করতে চায় ঠিকই, কিন্তু চট করে নয়, ধীরে ধীরে, রসিয়ে রসিয়ে।

দুর্বলভাবে উঠে দাঁড়িয়ে টলতে থাকল রানা। সারাটা ঘর দুলছে চোখের সামনে। সমস্ত মনের জোর একত্রিত করবার চেষ্টা করল রানা। মারা সে একবারই যাবে—কিন্তু বীরের মত যুদ্ধ করে মরবে, যতক্ষণ একবিন্দু শক্তি অবশিষ্ট আছে গায়ে, হাল ছেড়ে দেবে না। এগোতে গিয়েই অবাক হলো সে শম্ভুর মুখ দেখে। হাসি মিলিয়ে গেছে শম্ভুর মুখ থেকে। লোহার মত একটা হাত রানাকে দরজার পাশে দাঁড় করিয়ে দিল। রানা দেখল ধীর পায়ে ঘরে ঢুকল ঝামিসু খান। সমস্ত দেহে তুষার জমে সাদা হয়ে আছে।

দরজার পাশের সগুম লোকটার মুখ হাঁ হয়ে গিয়েছিল এই আকস্মিক অনুপ্রবেশে। বিশ্বয়ের ঘোরটা কাটিয়ে উঠেই রুবি ফেল তুলতে গেল, কিন্তু দেরি হয়ে গিয়েছে তখন। ছোট ছেলের হাত থেকে ঝড়ো যেভাবে লাঠি কেড়ে নেয় তেমনি এক হেঁচকা টানে কেড়ে নিল খান রুবি ফেলটা ওর হাত থেকে। অন্য হাতে চেপে ধরল ওকে দেয়ালের সঙ্গে। কপকপ দিয়ে হাতটা ছাড়াবার চেষ্টা করল লোকটা। অনায়াসে মাথার ওপর তুলে নিল খান ওকে দুই হাতে। এক পাক ঘুরে অসম্ভব জোরে ছুঁড়ে মারল দেয়ালের গায়ে। দেয়ালের সাথে সঁটে থাকল সে এক মুহূর্ত, যেন আঠা দিয়ে সাঁটিয়ে দেওয়া হয়েছে কেউ ওকে ওখানে, তারপর মেঝের ওপর এসে পড়ল দড়াম করে।

বিপদ বুঝতে পেরে পেছন থেকে লাফিয়ে ধরেছিল রুবি না শম্ভুর চুল। কয়েক মুহূর্ত দেরি করাতে পারলেও লাভ। কিন্তু এক ঝটকায় সরিয়ে দিল সে রুবিনাকে পিঠের ওপর থেকে। পর মুহূর্তে ঝাঁপিয়ে পড়ল ভারসাম্য হারিয়ে ফেলা খানের ওপর। সগুম গার্ডটাকে শূন্যে তুলে ছুঁড়তে গিয়ে দেহের ভারসাম্য হারিয়ে ফেলেছিল খান। শম্ভুর হাতের কয়েকটা আচমকা ঘুসি খেয়ে পড়ে গেল সে মাটিতে। শম্ভু পড়ল ওর ওপর। প্রকাণ্ড দুই হাতে কণ্ঠনালী চেপে ধরেছে সে খানের। শম্ভুর মুখে হাসি নেই, নিজের প্রাণ বাঁচাবার জন্যে যুদ্ধ করছে সে এখন। বুঝতে পেরেছে সে, একে কায়দা মত কাহিল করতে না পারলে মৃত্যু অনিবার্য।

দুই সেকেন্ড চুপচাপ শুয়ে থাকল খান। শম্ভুর লোহার মত আঙুলগুলো চেপে বসল ওর কণ্ঠনালীর ওপর। প্রকাণ্ড কাঁধের পেশী দুটো ফুলে উঠেছে শম্ভুর সর্বশক্তি দিয়ে চেপে ধরায়। বাইসেপ দুটো কাঁপছে থরথর করে। খানের দুই হাত এবার উঠে এসে ধরল শম্ভুর দুই কজি।

প্রথমে একটু অবাক হলো শম্ভু। খানের নখগুলো ক্রমেই ঢুকে যাচ্ছে ওর

কজির মধ্যে। পর মুহূর্তেই ওর চোখে-মুখে ফুটে উঠল অবিশ্বাস তারপর ব্যথায় কুঁচকে গেল মুখটা। সবশেষে সেই মুখে ফুটে উঠল ভীতি। মড় মড় করে শব্দ হচ্ছে ওর কজিতে। ধীরে ধীরে খুলে গেল শবুর হাত, সরে এল খানের গলা থেকে। ধাক্কা দিয়ে নামিয়ে দিল খান ওকে বুকের ওপর থেকে।

মাটিতে পড়েই হামাগুড়ি দিয়ে ছুটে পালাচ্ছিল শবু। একটা ঠ্যাং ধরে হিড় হিড় করে টেনে আনল খান ওকে ঘরের মধ্যে। দরজার চৌকাঠ আঁকড়ে ধরবার চেষ্টা করল শবু—কিন্তু হেঁচকা টানে ছুটে গেল হাত। ঘরের মাঝখানে নিয়ে এসে দুই হাত ধরে দাঁড় করাল খান শবুকে। খানের মাথা ছাড়িয়ে দশ ইঞ্চি উঁচুতে উঠে গেল শবুর মাথা। সর্বশরীর ভয়ে কাঁপছে ওর থরথর করে। বাম হাতে প্রচণ্ড বেগে মারল খান শবুর পেটে, ঠিক যেমন করে শবু মেরেছিল রানাকে। কুঁকড়ে গেল শবুর দেহ। গলগল করে রক্ত বেরিয়ে এল ওর মুখ দিয়ে। পরমুহূর্তেই একটা ভয়ঙ্কর থাবড়া খেয়ে চিং হয়ে পড়ে গেল শবু। পা দিয়ে উপড় করল খান ওর দেহটা, তারপর বসে পড়ল ওর পিঠের কাছে। মেরুদণ্ডের ওপর এক হাঁটু দিয়ে চেপে ধরে বাম হাতে ধরল সে শবুর চিবুক আর ডান হাত চালিয়ে দিল হাঁটুর নিচে। ব্যাপারটা বুঝতে পেরে চোখ বুজল রুবিনা। দুই হাত ওপর দিকে উঠতে থাকল খানের। গলা দিয়ে একটা অদ্ভুত বিকৃত গোঙানীর শব্দ বেরোল শবুর। দুই চোখ আতঙ্কে বিস্ফারিত। একটা শিরা ফুলে উঠেছে কপালের

শান্ত সরল নিষ্পাপ চোখ মেলে চাইল একবার খান রানার দিকে, মুচকে হাসল একটু। পরমুহূর্তেই মড়াং করে ভেঙে দিল শবুর মেরুদণ্ডটা।

দূরে পাকিস্তানী চেক পোস্টের আদৌ দেখা যাচ্ছে। রুবিনাও নামল ট্রাক থেকে রানার পিছু পিছু।

‘তুমি যাবে না আমার সাথে, রুবিনা?’

‘আমার কাজ তো এখনও শেষ হয়নি, রানা। কাশ্মীরে আজাদী না এলে যে আমার মুক্তি নেই। আমাকে সাহায্য করবার জন্যে কেবল খান আর উমর তো যথেষ্ট নয়, আমারও দরকার আছে।’ রানার কপাল থেকে একগুচ্ছ চুল সরিয়ে দিল রুবিনা।

একটা দীর্ঘশ্বাস বেরিয়ে আসতে চাইছিল, চেপে গেল রানা।

‘আবার দেখা হবে না আমাদের?’ গলাটা ভেঙে এল রুবিনার। চোখে টলমল করছে দু-ফোঁটা অশ্রু।

‘হবে।’

‘ততদিন অপেক্ষা করব আমি তোমার জন্যে।’

চেক পোস্টে পৌঁছে দেখল ওরা, তখনও দাঁড়িয়ে রয়েছে ট্রাক। হাত নাড়ল রানা ও সেলিম খান, তারপর পেরিয়ে গেল সীমান্ত।